



12-6



7A6  
DUKE  
UNIVERSITY  
LIBRARY

*Treasure Room*





*Ex libris Gadiene, Nusslyen-Lausma  
1899.*

TRACTATUS  
DE POTESTATE  
SUMMI PONTIFICIS  
IN REBUS TEMPORA.

LIBVS,

*Aduersus*

GVLIELMVM BARCLAIVM:

AUCTORE

ROBERTO S. R. E.  
CARD. BELLARMINO.

*Recens ad exemplar Romanum impressus.*

*Le livre est de Daniel Du moulin*



COLONIAE AGRIPPINAE,  
Sumptibus Bernardi Gualtheri.

ANNO M. DC. X.

*Cum priuilegio S.C. Maieft. & permissu Superiorum.*

*Imprimatur. Caesar Fidelis Vicesgerens.*

**Imprimatur.**

**Fr. Ludouicus Ystella Magister Sacri  
Palatij Apostolici.**

DE POTESTATE  
SUMMI PONTI-  
FICIS IN TEMPORA-  
LIBVS.

*Aduersus*

G V L I E L M V M  
BARCLAIVM.

PRÆFATIO.



*VI*librum Gulielmi Barclajj de Potestate Papa nuper emisit in lucem, neque nomen suum, neque Typographi, ac ne loci quidem ubi liber excusus sit, prodere ausus est. Quamuis enim in quibusdam codicibus editus dicatur is liber Musiponti: id tamen confictum fuisse, exploratum habeo. Timuit videlicet, nec sine causa, pœnam, aut vituperationem; non præmium, aut laudem expectauit. Nomen tantum auctoris, quod ipse aëtor, si viueret, libèter fortasse texisset, liberè detexit; quòd sciret eum ad Iudicem supremum auocatum, & raptū, nihil negocij cum mortalibus iam habere. Hæc sanè non boni operis argumenta  
A 2 sunt;

*sunt ; qui enim malè agit , odit lucem , & non venit ad lucem , vt nō arguantur opera eius: qui autem facit veritatem , venit ad lucem , vt manifestētur opera eius , quia in Deo sunt facta , Ioan. 3. Ipse etiam Barclaius veritus fortasse , ne incredibilis arrogantia , ac temeritatis argueretur , si quasi alter Goliath , aduersus acies omniū Catholicorum scriptorum vnus procederet ; dissimulata multitudine aduersariorum , mea solius scripta ex proposito oppugnanda suscepit . Sed ego non tanti sum , vt causam Ecclesiae uniuersae à me vno pendere existimem : noui imperfectum meum ; scio me vnum esse de multis , neque committam , vt cōmuni causae pra-iudicetur , siue disputando stem , siue cadam . Ea de causa primum adferam in mediū sententias clarissimorum Scriptorum ex omni natione orbis Christiani , vt omnes intelligant Barclaij sententiam singularem esse , & Scriptoribus Catholicis omnib. tū Theologis , tū Sacrorū Canonū , ac ciuiliū legū professoribus repugnare . Mirum autem esset si Barclaius nunc viueret , & in theatrum tot Virorū doctissimorum , Italarum , Gallorum , Hispanorum , Germanorum , atque Anglorum introauctus , tot aduersa lumina intueri , vel*  
*os ape-*

os aperire, aut omninò mutire auderet. Deinde, ut de sententia Catholicae Ecclesiae nemo dubitare possit, plurium conciliorum Patres in unum quasi maximum concilium cogam; ubi aliquot Summi Pontifices, non pauci Patriarchae, plurimi Archiepiscopi, Episcopi, Abbates, alijq; viri doctissimi, qui varijs locis, & temporibus olim congregati sederunt; nunc iterum simul omnes conveniant, & unum Barclaium in medium vocatum sententijs suis obruant. Postremò cum satis constiterit, tum ex singulis Scriptoribus, tum ex Concilijs generalibus, quis sit Ecclesiae Catholicae sensus de Summi Pontificis potestate in temporalibus: tum demum ad Barclaij obiectiones soluendas, atque eius argumenta examinanda deveniam. Et quoniam Barclaius potestatem Summi Pontificis in temporalibus univèrsè negat; ego quoque potestatem eandem univèrsè astruam, non multum laborans, si ea potestas sit absoluta, vel in ordine tantum ad spiritualia se extendat. Relaturus igitur sententias illustrium Scriptorum Occidentalis Ecclesiae, de Potestate Papae in temporalibus, visum est ab Italica natione incipere, quia idem observatum esse video in Concilio Constantiensi sess. 41.

6 SCRIPTORES ITALI  
SENTENTIA ILLUSTRIVM  
*Scriptorum nationis Italicae.*

**P**rimus igitur ex Italica natione prodeat Sanctus Gregorius VII. Papa, qui lib. 8. Registri sui, epist. 2. ad Episcopum Merensem, copiose docet, posse à Romano Pontifice Principes Christianos excommunicari, & principatu priuari, eorumque subditos ab obedientia eorum absolui: *Quod autem, inquit, postulasti, te nostris scriptis iuvari, & prae muniri cōtra illorum insaniam, qui nefando ore garrunt, non potuisse auctoritatem sanctae, & Apostolicae Sedis Regem Henricum excommunicare, nec quemquam à sacramento fidelitatis eius absolueret, &c.*

Sanctus Thomas Aquinas, qui non solum excellenti doctrina floruit, sed ea sanctitatis gloria fuit, ut eum ab omni adulatione erga Pontificem longissimè abfuisse, dubitari non possit, in 2. 2. q. 10. art. 10. *Considerandum est, inquit, quod dominium, vel praelatio introducta sunt ex iure humano: distinctio autem fidelium, vel infidelium est de iure diuino: ius autem diuinum quod est ex gratia, non tollit ius humanum, quod est ex naturali ratione: ideo distinctio fidelium, & infidelium secundum se considerata, non tollit dominium, & praelationem infidelium supra fideles. Potest tamen ius iñ per sententiam, vel ordinationem Ecclesiae, auctoritatem Dei habentis, tale ius dominij, vel praelationis tolli: quia infideles merito sua infidelitatis merentur potestatem amittere super fideles, qui transferuntur in filios Dei, sed hoc quidem Ecclesia quandoque facit, quandoque non facit. hæc Sanctus Thomas, qui duo dicit aduersus Barclaium*  
vnum

vnum est, Dominium, & praelationem introductam esse de iure humano, non ex iure diuino, vt Barclaius frequenter affirmat: alterum est, auctoritate Ecclesiæ, quæ sine dubitatione plenissimè residet in Papa; priuari posse Principes infideles dominio, quod habent super fideles. Neque per infideles intelligit Sanctus Thomas solos Ethnicos, vt videtur existimare Barclaius; sed omnes infideles, siue Pagani, siue Iudæi, siue Hæretici sint: nam art. 6. eiusdem quæstionis enumerat, & comparat inter se species infidelitatis, ac dicit, Hæreticos esse infideles Paganis, & Iudæis absolutè, & simpliciter deteriores: deinde art. 10. de omnibus infidelibus differtè pronunciat, posse eos priuari dominio, quod habent super fideles, si Ecclesia iudicet expedire. Idem repetit quæst. 12. art. 1. & addit, propter alia etiam crimina, posse ab Ecclesia priuari Dominos dominio, quod habent super alios. Idem in eadem 2. 2. q. 60. art. 6. ad tertium. *Potestas*, inquit, *secularis subditur spirituali, sicut corpus animæ; & ideo non est usurpatum iudicium, si spiritualis Prælatas se intromittat de temporalibus*. Idem Sanctus Thomas in secundum sentent. dist. 44. in fine, dicit, in Papa esse apicem vtriusque potestatis spiritualis, & temporalis. Idem, si tamen idem, lib. 3. de Regimine Principum, cap. 10. *Quod si dicatur*, inquit, *ad solam referri spiritualem potestatem* (plenitudinem videlicet potestatis Pontificiæ) *hoc esse non potest, quia corporale, & temporale ex spirituali, & perpetuo dependet*. Et cap. 19. *Simile contingit in Principe totius Regni, quia pro conseruatione regiminis super subditos ampliatur eius potestas imponendo tales, destruendo ciuitates, & castra pro*

*conseruatione totius Regni. Multò igitur magis conueniet summo, & supremo Principi, id est, Papa ad bonũ totius Christianitatis. hæc ille. De quo etsi non nihil dubium est, an sit Sanctus Thomas, cùm cap. 20. sequenti, mentionem faciat Alberti Imperatoris, cuius tempora Sanctus Thomas viuendo non attingit: & quia cap. 10. citato, Sanctum Petrum Christi successorem non semel appellat; qua voce, successoris videlicet, vti non solent, qui propriè loquuntur, vt Sanctus Thomas imprimis solet; tamen auctor est antiquus, & doctus, quẽ Barclayus spernere nõ potest.*

*Sanctus Bonauentura, vir doctissimus, & sanctissimus Episcopus Card. Albanensis, tantum abfuit ab adulatione Pontificis, vt ne leuis quidem suspicio tanti criminis in eo vnquam adhæserit. Is nihilominus, in lib. de Ecclesiastica hierarchia, parte 2. cap. 1. sic loquitur, Iam verò possunt Sacerdotes, & Pontifices ex causa amouere Reges, & deponere Imperatores, sicut sæpius accidit, & visum est, quando scilicet eorum malitia hoc exigit, & Reipublica necessitas sic requirit. Summus verò Pontifex penes quẽ in terris prima residet auctoritas, non à Rege, non à Principe seculari, non ab homine iudicatur, sed solius Dei iudicio reseruatur.*

*Ægidius Romanus Ordinis Sancti Augustini, Archiepiscopus Bituricensis, in tract. de Potestate Ecclesiastica, parte 1. cap. 30. Sed, inquit, diceret aliquis, quod Reges & Principes spiritualiter non temporaliter subsint Ecclesiæ. Sed hac dicentes vim argumenti non capiunt: nam si solũ spiritualiter Reges & Principes subessent Ecclesiæ, nõ esset gladius sub gladio; non essent temporalia sub spiritualibus; nõ esset ordo in potestatibus; non reducerentur infima in suprema per media.*



*media.* hæc ille, qui toto illo tractatu hoc probat, potestatem Ecclesiæ, quæ plenissima est in Summo Pontifice, non ad sola spiritualia, sed etiam ad temporalia se extendere.

Beatus Augustinus Triumphus, alias de Anconæ, vir adeò pius, & doctus fuit, ut in eius sepulchro, *beati* titulum incisum videamus. Is in lib. de Potestate Ecclesiæ quæst. 22. art. 3. *Imperatorem*, inquit, *à Papa posse deponi quis ibit inficias? eius enim est deponere Imperatorem, cuius est eundem constituere, id quod exempla ipsa declarant.* Vide plurima alia in tota quadagesima quæstione.

Beatus Ioannes de Capistrano, qui doctrina, & miraculis Ecclesiam Catholicam illustravit, in lib. de Potestate Papæ, parte 2. secundæ partis principalis, in argumento octavodecimo pag. 54. editionis Venetæ anni 1588. *Papa*, inquit, *Principes in spiritualibus, debet similiter in temporalibus eminere, ut tanquam dignior propter eminentiam, supremus in omnibus habeatur.*

S. Antoninus Florentiæ Archiepiscopus, Vir æquè sanctus, ac doctus, atque ab omni adulandi specie alienissimus, in summa sua par. 3. tit. 22. cap. 3. §. 7. *Talis*, inquit, *est potestas Imperatorum, Regum, & Principum, quiaper Papam habet institui, regulari, & confirmari, si bona est: & per ipsum habet iudicari, & condemnari, si bona non est.* Item c. 5. §. 7. *Potest*, inquit, *ipsos reges ex causa rationabili deponere.*

Isidorus Mediolanensis Ord. Prædic. li. 2. de Imperij militantis Ecclesiæ dignitate, tit. 8. concl. 3. *Papa*, inquit, *potest eorum demeritis exigentibus Imperatorem ac regem deponere.*

Gabriel Biel insignis Theologus, lect. 23. in Canone

none Missæ, Ille, inquit, regit, & custodit qui propter ipsius Ecclesiæ regimen, vnum (Papam videlicet) præposuit vniuersis, vt omnes ab vno, sicut corpus à capite gubernentur. Et propè finem: Papa transfert potestatem supremam secularem de gente in gentem, & Imperatorem deponere potest, &c.

Thomas Caietanus Ord. Prædic. S. R. E. Card. doctrina, & vitæ integritate insignis, in Apologia, de comparata auctoritate Papæ, & Concilij, part. 2. ca. 13. ad octauum, idem docet: nam proposito argumento octauo aduersarij his verbis, Octauo, quia nonnulli summi Pontifices inueniuntur definiuisse, se in temporalibus habere supremam potestatem: cæteri verò in oppositum; Respondet his verbis, Ad octauum dicitur, quod quia potestas Papa directè est respectu spiritualium ad supremum simpliciter finem humani generis; idè suæ potestati duo conueniunt: primo, quod non est directè, respectu temporalium: secundo, quod est respectu temporalium in ordine ad spiritualia: hoc enim habet ex eo quòd ad supremum finem omnia ordinari debent, etiam temporalia, ab eo procul dubio, cuius interest ad illum finem omnes dirigere, vt est Christi Vicarius: primum autem ex natura suæ potestatis cõsequitur. Ex his autem sequitur, quod vtrunque verè potest determinare, vt Papa: & quod habet supremam potestatem in temporalibus; & quod non habet supremam potestatem in temporalibus: quoniam vtrunq, verum est ad sanum intellectũ. affirmatio namq, est vera in ordine ad spiritualia: negatio verò est vera directè, secundũ se ipsa temporalia. Vnde nihil ex vtraq, decisione erroris accidit.

Alexander de S. Elpidio Ord. Eremitarum S. Augustini, in libro De auctoritate summi Pontificis  
& iu

& iurisdictione Imperij, cap. 9. Deo, inquit, non subditur, qui subiectus non est Dei Vicario, & Ecclesiastica potestati: nullus ergo Rex, nullus temporalis Princeps, cuiuscunque conditionis existat, excipi potest, si Christianum se fateri vult nomine, & re: quia etiam in temporalibus potestari suprema spirituali subijci debent.

Petrus de Monte Venetus, & Episcopus Brixien-  
sis, in Monarchia parte 2. quaestione 4. in fine. Magnam, inquit, habet potestatem Papa super Imperatorem, quia ex delicto eum deponit.

Petrus Ancharanus in cap. Canonum statuta, num. 6. de constit. Papa, inquit, habet vtrumq. gladium, & superioritatem ad Imperium, & hinc est, quod Imperatorem coronat, & inungit, & quandoque deponit.

Syluester Prieras Ord. Prædic. Theologus, & Canonista doctissimus, in Summa, verbo, Papa, num. 10. Papa, inquit, potest eligere Imperatorem per seipsum immediatè, quando ex iusta, & rationabili causa expediret: quia principalis agentis habentis dirigere omnes fideles ad pacem, & finem spiritualem, est eligere ministros. & infra: Potest (Papa Imperatorem) dignum excommunicatione excommunicare, & dignum depositione deponere. & num. 11. Habet (Papa in Reges, & Principes Christianos omnes) vniuersalem spiritualium, & temporalium iurisdictionem. & infra: Potest ex rationabili causa deponere.

Astensis in Summa, prima par. lib. 2. tit. 64. art. 4. pag. 101. Ex prædictis, inquit, collige, quod Principes seculi, & Domini temporales, non tantum propter hæresim suam, sed etiam propter negligentiam extirpandi hæresim aliorum, sunt excommunicandi, ab Ecclesia depo-

*deponendi, de terris suis expellendi, & terra eorum occupanda Catholicis possunt exponi, & idem, si Princeps circa Regnum, & iustitiam faciendam, inuentus fuerit negligens, insufficiens, & ineptus: Vnde Zacharias deposuit Childericum, & Innocentius Othonem.*

Nicolaus Abbas Panormitanus, in cap. solitæ, de maior. & obed. num. 7. *Papa, inquit, potest rationabiliter increpare Imperatorem, & alios Principes seculares: & non mirum, nam potest eos ex causa deponere. Idem docet in cap. Per venerabilem, Qui filij sint legitimi.*

Ioannes de Anania, Archidiaconus Bononiensis in ca. licet, de voto, num. 10. *Papa, inquit, priuat laicum ordine genitura, quia habet potestatem super Reges, & Regna. Vnde deponit Imperatorem.*

Bartholus in li. si Imperator C. de legibus, num. 4. *Ius, inquit, eligendi Imperatorem habent Principes de Alemania, & ius priuandi solus Papa habet.*

Baldus in proœmio ff. vet. *Solus, inquit, Papa priuat Imperatorem.*

Petrus Andreas Gambara, in tract. De officio, & potestate Legati lib. 2. tit. de Varijs ordinariorum nominibus, nu. 220. *Solus, inquit, Papa deponit Imperatorem, & Reges, demeritis suadentibus.*

Restaurus Castaldus, in lib. de Imperatore, qu. 81. *Solus, inquit, Papa sine Concilio deponit Imperatorem, quia Papa, & Christi vnum est tribunal. & infra, Papa principem quantumcunque exemptum, si expedit, punit, & deponit.*

Dominicus Cardinalis Tuscus vir doctissimus, qui adhuc viuit, & magnum opus ante paucos annos edidit, in sexto tomo Practicarum conclusio-

num,

num, verbo, Papa, multos auctores citat ad hoc ipsum propositum: ad eum, si quis plures auctores velit, lectorem remitto.

*SENTENTIA ILLUSTRIVM  
Scriptorum nationis Gallicae.*

**S**ANCTUS Bernardus lib. 4. de Consideratione ca. 4. *Quid tu, inquit, denuò vsurpare gladium tentes, quem semel iussus es ponere in vaginam: què tamen, qui tuum negat, non satis mihi videtur attendere verbum Domini dicentis sic, Conuerte gladium tuum in vaginam. Tuus ergo & ipse tuo forsit an nutu, & si non tua manu euaginandus; alioquin si nullo modo ad te pertineret, & is, dicentibus Apostolis, ecce duo gladij hic: non respondisset Dominus, satis est, sed nimis est. Vterq; ergò Ecclesiæ, & spiritalis scilicet gladius, & materialis. Sed is quidem pro Ecclesiâ, ille verò, & ab Ecclesiâ exerendus est, ille Sacerdotis, is militis manu, sed sanè ad nutum sacerdotis, & iussum Imperatoris.* hæc Sanctus Bernardus, qui certè non diceret, gladium materiale Ecclesiæ esse, & non solū pro Ecclesiâ exerendum, sed etiam ad nutum Sacerdotis exerendum, si cum Barlaamo existimaret, potestatem in temporalibus nullo modo ad Ecclesiâ, eiusq; præsidem pertinere. Sed de hac sententia suo loco plura dicemus.

Petrus de Palude Patriarcha Hierosolymitanus, vir doctissimus in tract. De causa immediata Ecclesiasticæ potestatis art. 4. qui est de potestate Papæ, sic loquitur, *licet papa non habeat confirmare quemlibet Regem, qui consensu populi à principio Regnum assumpsit: tamen potest deponere omnem talem, non solum propter hæresim, aut schismâ, aut aliud crimen*  
into-

intolerabile in populo; sed etiam propter insufficientiam, ut potè, si quis idiota sensu, vel impotens viribus in Regno præesset, & propter eius insufficientiam Regnum fidelium periclitaretur. & infra, reddens rationem ait, Quia Papa est superior in spiritualibus, & per consequens in temporalibus, quantum necesse est pro bono spirituali.

Durandus Episcopus Meldenenfis Theologus insignis, in lib. de Origine iurisdictionum, quæst. 3. Quia, inquit, utraq; potestas temporalis, & spiritualis est necessaria, ideò utranque potestatem (Christus) contulit Petro. & infra: Isti sunt veri termini iurisdictionis spiritualis & temporalis à foundatione Ecclesiæ, quos transgredi non licet; quia iurdictio temporalis nullo modo se extendit ad spiritualia, de quibus nihil novit: iurdictio verò spiritualis se extendit primò, & principaliter ad spiritualia, secundario verò, & per quandam consequentiam se extendit ad actiones hominum circa temporalia, quæ ordinantur ad spiritualia tanquam ad finem.

Erueus Brito Ord. Prædic. Magister Generalis, & Theologus acutissimus, tract. de Potestate Papæ. §. Ad evidentiam secundi, sic loquitur, Ad Papam pertinet corrigere omnem abusum tam potestatis Ecclesiasticæ, quam terrenæ in quocunque existente de populo Christiano.

Iacobus Almain in tract. de Suprema potestate Ecclesiastica, & temporali, quæst. 2. principali, quæ est de suprema potestate laica, cap. 5. ad tertiam allegationem, Papa, inquit, potest Imperatorem deponere in duobus casibus: primus, pro crimine purè spirituali, ut est hæresis: secundus, quando illi, ad quos spectat iure ordinario, sunt negligentes ipsū deponere.

Ibid.

Ibid. ad quartam allegationem, sic ait, Si gens imperij efficeretur hæretica, vel transferret se ad aliam sectam dimittendo sectam Christianam: posset propter hoc Papa illam gentem priuari dignitate Imperiali, & sic transferri in aliam gentem.

Henricus Card. Ostiensis in Summa tit. de Hæreticis. §. Qua pœna puniantur nu. 11. Nota, inquit, qd Domini temporales, non solum propter suam hæresim, sed etiam aliorum, quod cum possunt admoniti exterminare negligunt, excommunicari possunt, & terra ipsorum exponi Catholicis occupanda. Idē, si Princeps negligens inueniretur circa regimen, & iustitiā faciendā. Vnde Zacharias Papa deposuit Childericū Regē Francorū.

Petrus Bertrandus Card. & Episcopus Eduensis, in tract. de Origine iurisdic. quæst. 4. num. 5. Potestas, inquit, spiritualis debet dominari omni humane creaturæ: & quemadmodum Iesus Christus, dum fuit in hoc mundo, & etiam ab æterno naturalis Dominus fuit, & de iure naturali in Imperatores, & quosunque alios depositionis, & damnationis sententias ferre potuisset: ita eadem ratione eius Vicarius.

Ioannes de Sylua, tract. de Beneficio par. 3. quæst. 8. Et Papa, inquit, potest deponere Regem.

Stephanus Aufrerius, in tract. de Potestate secularium, nu. 5. & 6. Papa, inquit, ipsum Imperatorem tanquam inferiorem destituit, exigentibus causis: & in omnibus arduis negocijs, & maximis difficultatibus generantibus scandalum in Christianitate, Papa potest huiusmodi maioritatis ratione se intromittere, etiam inter laicos, & exercere huiusmodi potestatem sibi à Deo attributam.

Gulielmus Durandus Episc. Mimatenfis, Speculator vulgò dictus, in speculo lib. 1. tit. de Legato. §.

Nunc

Nunc ostendendum num. 17. *Papa, inquit, deponit Imperatorem propter ipsius iniquitates, & dat (Principibus) curatores ubi ipsi sint inutiles ad regendum.*

Ioannes Faber in legem primam, num. 10. C. de summa Trinit. & fid. Catholica. *Sed, inquit, de Papa non est dubium, quin sit superior omnibus Christianis, & in temporalibus, & in spiritualibus. & infra: Cum agitur de praeiudicio animae, vel populi, Papa potest, & debet providere, & si necesse sit, quoscunque Reges deponere.*

Aegydius Bellamera Episc. Auenionensis, in ca. Alius. 15. q. 6. num. 1. sic ait: *Papa potest deponere Imperatorem, qui ab eo temporalitatem recognoscit. & infra, Etiam alios Reges, licet ab eo Regna sua non teneant infandum, nec temporalitates suas ab eo recognoscant, nec iuramentum fidelitatis ei praestent, videlicet, pro delictis, & negligentijs: & infra, Depositiō autem Regum faciendā per Papam non ex illa ordinaria; sed ex quadam suprema, & absoluta potestate procedit: & quod illam supremam, & absolutam potestatem Papa habeat, videtur multum a iure, & Reipublica valde expediens, scilicet ut sit aliquis supremus Monarcha, qui Regum huiusmodi excessus possit corrigere, & de ipsis iustitiam ministrare. Vide eundem, in cap. Nouit. de Iudic. & in cap. Solitæ, de maiorit. & obed.*

Ioannes Quintinus Hæduus in repetitione ad c. Nouit. de Iudic. num. 64. *Quare, inquit, ponimus vtrumque gladium Ecclesiae datum esse; hoc est, Ecclesiae Pontificem habere ius, & potestatem in spiritualia simul, & omnia temporalia, atque de his statuere, & discernere ex causa posse, cuius decretis standum: nam quamuis homo sit mortalis, tamen cœlesti potestate pollet.*



pollet. & infra, num. 127. Hoc, inquit, iure Papa Zacharias anno Christi nati 753. Childericum longa maiorum serie legitimum Gallia Regem, & possessorem Regno auito destituit, & in eius locum Pipinum Belgam substituit, causatus peccatum esse, hominem tanta imparem potestati, inertem, & nihil agentē Reipub. gubernacula moderari: & infra. Hinc & Leo, vt Pontifex Romanus, eadē fultus auctoritate Carolum pariter Gallorum Regem Romanum creauit Imperatorem.

Remundus Ruffus, contra Molineum, cap. 6. pag. 106. Non ignoramus, inquit, Leonem III. Pontificem Gracis ademptum Imperium in Carolum Magnum contulisse: id enim cū nostri Annales, tum Gracorum libri testantur: quod iure sibi quasitum, & Carolus Magnus, & posterī Franci, Germaniq; putarunt. Omitto Pipinum à Stephano II. vel vt nonnulli, à Zacharia Regem factum, detruso in Monasterium Childerico ignauo, stupido, & bardo Rege.

## SENTENTIA ILLVSTRIVM Scriptorum nationis Hispanica.

**S**Anctus Raymundus, in Summa lib. 1. tit. de Hæreticis. §. 7. Ex præmissis, inquit, inter alia collige notabiliter, quod Iudex, vel potestas secularis, non solum propter hæresim suam; sed etiam propter negligentiam contra hæresim extirpandam, potest non solum excommunicari ab Ecclesia; sed etiam deponi: & extende hanc pœnam, & Ecclesie potestatem, quando cunque, Princeps aliquis secularis fuerit inutilis, dissolutus, & negligens circa regimen, & iustitiam obseruandam. 17. q. 4. Si quis princeps.

Pelagius Aluarus Episc. Syluensis ex Ordine Minorum

norum assumpt. in tract. de Planctu Ecclesiæ lib. 2. art. 21. *Papa, inquit, transfert Imperium, & confirmat Imperatorē, electū canonicè inungit, & coronat; & cōtumacē, & persecuterē Ecclesia Imperio priuat.*

Ioannes de Turrecremata S. R. E. Card. doctissimus, in Summa de Ecclesia lib. 2. cap. 113. propositione quarta, docet, *Papā iure papatus nō habere extra principatum suum Ecclesiasticum potestatem in tēporalibus directē*: sed cap. 114. docet per sexdecim conclusiones, *Papam in ordine ad spiritualia habere potestatem amplissimam in temporalibus*. Referam hoc loco vnam tantum conclusionem. *Quarta propositio, Romanus Pontifex videtur iurisdictionem etiā in temporalibus habere, quia non solum Principes seculares circa vsum sue iurisdictionis delinquentes potest per censuram Ecclesiasticam coercere; verūm etiā notabiliter negligentes a dignitate deponere*. Videat lector totum caput, & commentarium eiusdem auctoris in cap. *Alius*. 15. q. 6.

Cyprianus Benetus Aragonensis Ordin. Prædic. in libro De prima orbis sede, in resp. ad sextum pro 2. parte conclusionis primæ. *In traditione, inquit, clauium includitur etiam collatio terrenarum potestatum pro conseruatione bonorū spiritualium.*

Franciscus Victoria Ord. Prædic. de Potestate Ecclesiæ Relectione 1. q. 5. prop. 8. *In ordine, inquit, ad finem spiritualem Papa habet amplissimam potestatem temporalem super omnes Principes, & Reges, & Imperatorem.* & infra. *Quādo necesse est ad finem spiritualement, potest non solum omnia, quæ Principes seculares possunt; sed & facere nouos Principes, & tollere alios, & Imperia diuidere.*

Dominicus à Soto Ordin. Prædic. in 4. sent. dist.

23. q. 2. art. 1. concl. 5. *Potestas*, inquit, *quacunque civilis eatenus est Ecclesiastica subiecta in ordine ad spiritualia*, vt Papa possit per suam spiritualem potestatem, quoties ratio fidei, & religionis exegerit, non solum Ecclesiasticarum censurarum fulminibus aduersus Reges agere, eosq; cogere, verum & cunctos Christianos Principes temporalibus bonis priuare, & vsque ad eorum priuationem procedere.

Alphonfus de Castro Ord. Minor. lib. 2. cap. 7. De iusta hæreticorum punitione, sic ait, *Nec mirari debet aliquis, quod Papa propter hæresis crimen Regem à regia dignitate deponat, & Regno priuet; quoniam in negotio fidei, etiam Reges, sicut & alij inferiores subduntur summo Pontifici.*

Iacobus Simanca Pacensis Episc. in lib. De Catholicis institutionibus tit. 45. n. 25. *Quamuis*, inquit, *Ecclesiastica potestas distincta sit à seculari, & Papa iurisdictionem civilem non habeat in secularium Principum Regna: nihilominus tamen in ordine ad finem spiritualem habet Pontifex Maximus amplissimam potestatem in omnes Principes Orthodoxos. Vnde si Princeps aliquis inutilis esset, aut iniquas leges contra Religionem, aut contra bonos mores conderet, aut quidpiam simile faceret in detrimentum rerum spiritualium, posset Papa seruatis iustis circumstantiis, congruum remedium adhibere, priuando etiam talem Principem, administratione, & iurisdictione.*

Dominicus Bannes, in 22. q. 10. art. 10. in fine commentarij. §. Quarta concl. Ita etiam, inquit, *à iure diuino positus est potestas, quam habet pontifex ad auferendum dominium, & iurisdictionem ab infidelibus supra fideles: quando autem vtendum sit hac potestate, relinquitur eius dominio, vel iudicij. 10. & q. 12.*

art. 2. in commen. §. Circa vltimam concl. Ecclesia, inquit, non tantum priuat dominio in subditos, Principes apostatas perfectè, verùm illos, qui lapsi sunt aliquo pacto in hæresim.

Martinus Ledesmius in secunda quartæ. q. 20. ar. 4. concl. 8. 1<sup>o</sup> ordine, inquit, ad finem spiritualem Papa habet amplissimam potestatem temporalem super omnes Principes, & Reges, & Imperatores.

Gregorius de Valentia, in 2. 2. disput. 1. q. 12. punct. 2. asser. 2. Iure, inquit, Ecclesiastico per summi Pontificis auctoritatem, atque sententiam, omninò potest quis dominio, & pralatione erga subditos priuari propter peccatum Apostasie à fide, neque est de hac assertionem dubium vllum apud verè Orthodoxos.

Gulielmus de Monferat Catalanus, in tract. de Successione Regum. num. 30. Papa, inquit, Vicarius Christi cum causa potest quemcunque Christianum Principem priuare, prout priuauit, & deposuit Childericum Regem Francia, & in eius locum Pipinum instituit, & Romanum Imperium à Græcis transtulit in Germanos.

Alphonfus Aluarez, in Speculo, cap. 16. Hinc, inquit, est, quod (Papa) Imperium transferre potest de certo genere personarum, cum maxima causa ad aliud genus: & infra. Et ipsum Imperatorem, tanquam inferiorem destituit exigentibus causis maximis, & arduis.

Antonius Cordubensis Ord. Minor. lib. 1. Questionarij, quæst. 57. dub. 3. Potestas, inquit, ciuilibis subiecta est, nō quidem potestati tēporali Papa; sed spirituali aliquo modo, in casu necessitatis, vel magnæ utilitatis spiritualiū. Et Ecclesia, & maximè Papa, habet potestatem, & auctoritatem, vel iurisdictionem aliquam

*temporale in ordine ad finē spirituale super oēs homines, & Principes, & res oēs, & Regna totius Mundi.*

Ludouicus Molina, tō. 1. de iust. & iure, tract. 2. disp. 29. concl. 3. *Potestas, inquit, spiritualis summi Pontificis ad finem super naturalem adiunctam quasi ex consequenti habet supremam, & amplissimam potestatem iurisdictionis temporalis super omnes Reges, & reliquos, qui sunt de Ecclesia; praevis tamen quantum postulat finis supernaturalis, ad quem spiritualis potestas ordinatur. Quare si id exigat finis supernaturalis, potest summus Pontifex deponere Reges, eosq. Regnis suis priuare.*

Didacus Couarruias, in tract. de Restitutione super Regulam, Peccatum, p. 2. § 9. num. 7. *Hec, inquit, sententia vera est in hoc sensu, ut Papa verè habeat potestatem temporalem etiam super Imperatorem, quatenus ea utilis, & necessaria sit ad Ecclesiae Catholicae regimen, & spiritualis potestatis vsum.*

Ferdinandus Vasquius, lib. 1. Illustrium controuersiarum, cap. 21. *Ceterum, inquit, Papa habet etiā iurisdictionem in temporalibus, quatenus necessaria sunt ad spiritualium expeditionem. & infra, Id quod admittunt communiter vtriusq. partis fautores.*

Michael de Aninyon, in tract. de Vnitate Ouilis, & Pastoris, num. 12. *Penes Papam, inquit, est vtraq. suprema potestas, licet nō habeat vsū gladii tēporalis: & quia potestas Papae immediatē à Deo emanauit, & ipsi soli Deo subest: potestas verò Imperatoris à Vicario Christi, cui est subordinata; ideo Papa potest Imperiū de certo genere personarū transferre ad aliud, & Imperatorem vngit, & coronat, cōfirmat, approbat, & reprobat, ac etiam deponit causis exigentibus.*

Martinus Nauarrus, in Comment. ad cap. Nouit.

de Iudicijs Notab. 3. num. 41. *Potestas*, inquit, *Ecclesiastica*, est species potestatis, distincta à laica, & longè nobilior ea: vt aurum est species metalli distincta à specie plumbi, & nobilior ea; quæque directè solum amplectitur *super naturalia*: indirectè verò eatenus *naturalia*, quatenus sunt necessaria ad consecutionem finis *supernaturalis*. & infra, num. 99. Colligitur, inquit, ratio quare Papa deponere potest Reges adeò negligentes in regendis Regnis suis, vt ob id populus Dei subditus illis retrahatur à consequenda vita æterna. Porro hic auctor plurimos citat in eandem sententiam.

## S E N T E N T I A   I L L U S T R I V M *Scriptorum nationis Germanicæ.*

**S**tephanus Episc. Albestatenfis, in Epist. quæ extat in Appendice Mariani Scoti, loquens de Henrico IV. Imperatore, Dominus, inquit, *Henricus hæreticus est*, & pro nefandis malis à Sede Apostolica excommunicatus, nec Regnum, nec potestatem aliquã super nos, quia Catholici sumus, potest obtinere.

Hugo de Sancto Victore, natione Saxo, vir doctrina, & sanctitate celeberrimus, lib. 2. de Sacrament. par. 2 cap. 41. *Spiritualis*, inquit, *potestas terrenam potestatem*, & instituere habet vt sit, & iudicare habet, si bona non fuerit. Ipsa verò à Deo primùm instituta est, & cum deuiat à solo Deo iudicari potest.

Henricus de Gandauo, Quodlibeto 6. q. 33. Iste, inquit, Hierarcha primus post Christum super vniuersalem Ecclesiam Petrus erat, cui ambas clauēs tradidit, & duos gladios commisit; sic, vt regimen vniuersalis Ecclesiæ, tam in spiritualibus, quam in temporalibus

*bus ad ipsum pertineret.*

Vlricus in sua Summa, sic ait, *Si Rex esset manifestè hæreticus, vel si interpellatus ab Ecclesia, negligeret nihilominus regimen Regni sui, quantum ad ea quæ sunt fidei, scilicet si non intenderet extirpationi hæreticorum, posset ab Ecclesia deponi à regia dignitate.* Hunc auctorem allegat Ioannes de Turre Cremata loco supra citato.

Dionysius Carthusianus, in lib. De regimine politix, art. 19. *In Ecclesia, inquit, Dei est vnus Pontifex summus, videlicet Dominus Papa, in quo est vtriusque potestatis, atque Domini plenitudo, & apex, hoc est, tam spiritualis, quàm secularis potestatis: idcirco iurisdictionem, & dispositionem habet super omnia Regna, & Principatus fidelium non solum in spiritualibus, sed etiam in temporalibus, dum rationabilis causa requirit. Nam & Imperatorem potest deponere, & Reges, si vita eorum id mereatur, Regnis suis priuare.*

Ioannes Driedo, lib. 1. De libertate Christiana, cap. 14. *Verùm, inquit, hic non est silentio praterendum, quod Papa ex plenitudine potestatis super vniuersos Principes Christianos, potest Reges, ac Principes propter hæresis crimèn priuare suis Regnis, atque Imperijs, & in temporalibus prorsus eximere plebem Christianam ab obedientia, & subiectione eorum.* Vide etiam, cap. 9. vbi demonstrat auctor in ordine ad finem supernaturalem, subiectam esse potestatem temporalem potestati spirituali.

Albertus Pighius, lib. 5. de Ecclesiastica Hierarchia, cap. 2. *Quare, inquit, hi omnes (Reges, & Principes videlicet Christiani) vt pars, & membra sunt Ecclesia, necessario etiã subsunt Ecclesiastica Hierarchia Præsidi, qui sui Imperij habena moderetur eos-*

dem; in suam mutuo, & totius corporis utilitatem conspirantes teneat; omnes contineat in officio, prauaricantes corrigat, & si ita exigat totius necessitas; administratione quoque, & officio amoveat, & in locum eorum constituat alios, aut constituendos precipiat per eos, ad quos hoc ipsum de iure, ac consuetudine pertinet. Vide eundem auctorem, cap. quartodecimo, ubi id ipsum repetit, & exemplis allatis probat.

Iacobus Latomus, in lib. de Ecclesia, cap. 14. Ex eisdem, inquit, principijs conficitur, Regem aut alium quemcunque terrarum Principem Christianum, Regno, & Principatu iure priuari posse per Ecclesiam; quia Regnum, & Principatus cum personis, ut supra dictum est, in Ecclesia corpus, & ius transit per sacrum baptisma, & per Christiana Religionis liberam acceptionem Christo, & Sponsa eius dedicatum, & consecratum, & donatum donatione irreuocabili. hæc ille, qui potestatem Ecclesiæ plenissimè residere in summo Pontifice demonstrauit in alio libro, quem De Priuatu Romani Pontificis inscripsit.

Conradus Brunus, lib. 3. de Legationibus, cap. 6. Hæc, inquit, iurisdictio iudicia ciuilia, & criminalia, denunciationes, & inquisitiones, accusationes, pœnas item, & censuras Ecclesiasticas complectitur in personas, & res Ecclesiasticas: multis etiam casibus in laicas personas, & pro rebus temporalibus datur. In his omnibus plenissimam habet iurisditionem summus Pontifex: determinatam autem, & certis limitibus conclusam Archiepiscopi, Episcopi, &c.



**SENTENTIA ILLUSTRIVM**  
*Scriptorum nationis Anglica, &  
 Scotica.*

**A**lexander Alensis Anglus Ord. Min. Vir doctissimus, & Sanctorum Thomæ, & Bonaventuræ Præceptor, par. 4. q. 10. in explicatione Canonis Missæ in illud, Et pro Rege. N. *Spiritualis*, inquit, *potestas terrenam habet instruere, & iudicare, si bona fuerit: ipsa verò à Deo primum instituta est, & cum deuiat, à solo Deo iudicari potest.* Idem Alexander, par. 4. q. 79. memb. 5. & 6. *Voluit, inquit, Deus quosdam in alios plures habere potestatem; & deinde in illos alios pauciores; & sic semper donec deueniretur ad vnum, scilicet Papam, qui sub Deo immediatè est. Quo loco docet Alexander, Papam ita præesse omnibus potestatibus, vt ipse solus sub Deo immediatè sit.*

Robertus Olkot Anglus, in lib. Sapientiæ, lect. 200. *Hic autem, inquit, est Rex Regum, cui omnes subsunt nationes, & populi, qui temporalia ab eo recipiunt: Sacerdotio tamen, ac summo Pontifici debet subesse. & infra, Samuel vnxit Dauid in Regem, in figura quod Vicarius Christi, & Prælati Ecclesiæ confert principatum, & regiam potestatem ad vtilitatem Ecclesiæ: vnde ius, & auctoritas examinandi personam electam in Regem, & promouendi ad Imperium, ad Papam pertinet.*

Franciscus Maironus Scotus, in 4. sent. dist. 19. qu. 4. *Plenitudo, inquit, potestatis secundum vtrâque iurisdictionem concurrat in eandem personam: hoc patet auctoritate Christi dicentis, Quodcumq; ligaueris, &c.*

Ioannes Bachonius Anglus Ord. Carmelitarum,

in Prologo super 4. sent. quæst. 11. ar. 4. *Papa, inquit, habet iudicare de Regnis, & de Regibus in causa belli, & pacis: potest enim compellere Principes temporales, ut pacem, & iustitiam sibi inuicem seruent. & infra, Habet Regem deponere, ut alteri Regnum tribuatur, ratione iniquitatis, vel inutilitatis suæ personæ. Item habet Imperatorem deponere, & Imperium alteri dare, si non defendat Ecclesiam.*

Thomas Valdensis Ordin. eiusdem, in lib. 2. Doctrinalis fidei antiquæ, art. 3. cap. 75. explicans quo sensu Sanctus Gregorius seruum se Imperatoris dixerit, *Profectò, inquit, nec Beatus Papa Gregorius eminentiæ suæ status super statum Imperatoris præiudicauit in aliquo, cum Regem sibi verbo tenus præposuit, negotio quoque, quod tunc tractabatur attento: quod tunc aptè videbimus, si posteriora eius facta, & scripta queramus. Vide an se Magistrum & Imperatorem, & Regum non arbitraretur, cum post priuilegia quadam Senatori presbytero, & Abbati Xenodochij Francorum directæ sub interminatione dignitatis, & honoris omni eius violatori conclusit: hæc ille, qui continuò subiungit duo priuilegia Sancti Gregorij, quibus minatur Regibus Regnorum amissionem si priuilegia illa violare præsumerent.*

Reginaldus Polus, Sanctæ Romanæ Ecclesiæ Cardinalis, in lib. de summo Pontifice, cap. 8. *Ex quo, inquit, id quod paulò ante diximus, ita concludi potest, Christi Vicarium, cui singulare, & maximum omnium ministerium commissum est, illud nimirum, quod vltimum spectat hominis finem, in orbe terrarum, Ecclesiæq; gubernanda, obtinere summam, ac præcipuam potestatem inter ceteros omnes Dei Ministros, seu Imperatores, seu Reges, seu Principes, aut quocunque*

*cunque alio nomine nuncupentur.*

Nicolaus Sanderus, in lib. 2. De Visibili Monarchia Ecclesiæ, cap. 4. *Ex his igitur, inquit, quæ tum diuinum ius, tum ipsius natura lumen reuelat, abundè apparet, quantoperè aberrant à veritate, qui putant Reges Christianos in suis Regnis supremam semper potestatem habere, nec vnquam Episcopis ita subesse, vt cū in fidē obstinatè peccant, à Regno remoueri queant. & supra, Pontifex igitur non minus dabit operam, vt Regem, qui populum Christianum falsa doctrina imbuunt, à regimine populi remoueat, quam Pastor operam dat, vt malè affectum arietem de medio tollat.*

Habemus igitur, quæ doctrina vigerit in Ecclesia antequàm Barclaius, & Ego litigare inciperemus. Et si S. Augustinus, in lib. 2. ca. vltimo aduersus Iulianum, adductis testimonijs vndecim Scriptorum, quorū aliqui ante ducentos annos, aliqui ante centū, aliqui ipsius ætate vixerāt, affirmat, in nullo cōcilio Ecclesiastico tot illustres Scriptores, & Magistros vnquam simul conuenisse; & miratur, si Iulianus in illum conuentum introductus os aperire, & tot viris grauissimis, & doctissimis resistere ausus fuisset: quantò maiore ratione possumus nos affirmare, in nulla Synodo quantumuis numerosa conuenisse vnquam Scriptores eximios supra septuaginta, quorum aliqui ante quingentos annos floruerunt, quique diuersis seculis in diuersis Christiani Orbis partibus, non solum doctrina, sed etiam sanctitate, & miraculis Ecclesiam illustrarunt? Et quamuis affirmare non possum, an Barclaius in coronam tot insignium Scriptorum introductus, si nunc viueret, resistendum, an cedendum sibi esse censeret: hoc tamen securus affirmo,  
vel

vel omniū istorum libros, quibus Ecclesia tot iam sæculis vsa est, exterminandos esse; vel Barclaij libellum, vt scandalosum, temerarium, seditiosum, & erroneum flammis vlttricibus esse tradendum.

**SENTENTIA CONCILIORVM**  
*de potestate Summi Pontificis*  
*in temporalibus.*

**S**ed si fortè alicui fidem non faciunt testes singulares, quamuis plurimi, & omni exceptione maiores: veniam ad testes, contestes, eosque penè innumerabiles, qui aduersus Barclaium testimonium dicent. Ante annos nongentos à Gregorio secundo Romano Pontifice excommunicatum fuisse Leonem Isauricum Imperatorem, propter crimen hæreseos, & vectigalibus Italiae, ac per hoc parte Imperij mulctatū, testantur Historici Græci, Glycas, Theophanes, Cedrenus, & Zonaras, in Leone Isaurico; & Latini Sigebertus anno 727. Paulus Diaconus lib. 21. & Platina in Gregorio III. Latini enim tribuunt Gregorio III. hoc factum, quoniam is Gregorij II. sententiam confirmauit. Porro sententiam Gregorij II. in Synodo Episcoporum latam fuisse, testatur Ioānes Zonaras Græcus auctor, in vita Leonis Isaurici, cuius hæc sūt verba, tomo 3. Annalium, *Gregorius, qui tūm Romæ veteris Ecclesiæ gubernabat, illos vnā cum Imperatore synodico anathemate obstrinxit, & vectigalia, quæ ad id vsque tēpus Imperio inde pendeantur, inhibuit, inuito cū Francis fœdere.* Itaque tota illa Synodus Gregorio Pontifici assensit, totq; sunt eius rei testes, quot in eadem Synodum Episcopi conuenerunt.

**Deinde**

Deinde post annos circiter trecentos; cum Gregorius VII. Pontifex, Henricum IV. Imperatorem saepius admonitum excommunicauit, & Imperio, Regnoque priuauit; non id occultè, & solo suo arbitrato, sed in Synodo Romana, ad quam plurimi Episcopi vndiq; conuenerant, omnibus consentientibus, & laudantibus, publicè, & solemni ritu, ac ceremonia fecit: de hac Synodo scribitur, in lib. 7. Registri Gregorij VII. acta esse anno Domini 1080. anno septimo eiusdem Gregorij, atque ad eam Synodum conuenisse Archiepiscopos, & Episcopos, nec non Abbates, & diuersorum ordinum Clericorum, & Laicorum innumerabilem multitudinem.

His addi debent alia quinque Concilia habita à successoribus Gregorij VII. videlicet Beneuentanum à Victore III. Placentinum ab Urbano II. Romanum à Paschale II. Colonienſe à Gelasio II. Remense à Callisto II. in quibus confirmata est sententia Gregorij VII. Vide de his Concilijs infra cap. 9.

Præterea cum Urbanus II. Pontifex Philippum primum Francorum Regem, ob repudiatam legitimam vxorem, & adulteram in matrimonium acceptam, & admonitum obedire recusantem, excommunicaret, & corona Regni priuaret; id fecit in Concilio frequentissimo Claramontano, vt testis est Sigebertus, in Chronico anni 1095. & clarius idem refert Matthæus Paris in Villielmo II. ad annum 1095. Sed quod cum excommunicatione intelligeretur priuatio regis dignitatis, intelligi potest ex Iuone Episcopo Carnotense, qui in Epist. 18. ad Urbanum II. Papam, sic loquitur, *Qui ad vos venturifunt in calliditate ingenioli sui, & venustate lingue*  
impr.

*impunitatem flagitij se impetraturos Regi à sede Apostolica promiserunt, hac ratione ex parte vsuri, Regem cum Regno ab obedientia vestra discessurum, nisi coronam restituatis, eumq; ab anathemate absoluat. Intelligi potest etiam ex historicis, qui testantur, veritum fuisse ab Urbano Pontifice, ne diadema regiū Philippo excoꝹunicato imponeretur. Vide Chronicū Io. Naucleri, Gener. 37. Paulū Aemilium, lib. 3. in Rege 33. Papiriū Massoniū, Annal. lib. 3. Adde etiā quod scribitur, in Summario, siue Cōpendio historiarum Francicarū Nicolai Vignerij, toto tempore quo Philippus sub anathemate vixit, in publicis scripturis nō fuisse positum de more, *regnante Philippo*; sed, *regnante Christo*; quia videlicet Regem excommunicatum pro Rege populus non habebat.*

Ad hæc, Innocentius III. Pontifex anno 1215. Concilium generale Lateranense, quod iurè maximum dici solet, conuocauit: adfuerunt enim cum ipso summo Pontifice Patriarchæ Orientales duo per se, Cōstantinopolitanus, & Hierosolymitanus: duo per Legatos, Alexandrinus, & Antiochenus, Archiepiscopi septuaginta, Episcopi quadringenti duodecim, Abbates, Priores conuentuales octingenti, Legati Imperatorum Occidentis, & Orientis, Regum verò, Hierosolymæ, Franciæ, Hispaniæ, Angliæ, & Cypr. In hoc igitur Orbis Christiani celeberrimo cōuentu editus est Canō, qui est ordine tertius, aduersus hereticos in hæc verba, *ExcoꝹunicamus, & anathematizamus omnē heresim extolentem se aduersus hanc sanctam Orthodoxam Catholicam fidem, quam superius exposuimus, &c. & infra, Si verò Dominus temporalis admonitus ab Ecclesia, terram suam purgare neglexerit ab hæretica foeditate, per*

te, per Metropolitanum, & Comprovinciales Episcopos excommunicationis vinculo innodetur. Et si satisfacere contempserit infra annum, significetur hoc summo Pontifici, ut extunc ipse Vasallos ab eius fidelitate denunciaret absolutos, & terram exponat Catholicis occupandam, qui eam exterminatis haeticis sine ulla contradictione possideant, & in fidei puritate conseruent, saluo iure Domini principalis, dummodo super hoc ipse nullum praestet obstaculum; nec aliquod impedimentum opponat, eadem nihilominus lege seruata circa eos, qui non habent Dominos principales. Quid hic Barclaius diceret? si haec non est Ecclesiae Catholicae vox, ubi obsecro eam inueniemus? & si est (ut verissimè est) qui eam audire contemnit, ut Barclaius fecit, an non ut Ethnicus, & publicanus, & nullo modo Christianus, & pius habendus erit? si non habet summus Pontifex potestatem in terris, disponendi de temporalibus vsq; ad depositionem Principum eorum, qui vel ipsi haetici sunt, vel haeticis quoquo modo fauent, cur in editione huius Canonis nullus ex tanto numero reclamauit? cur ne vnus quidem ex tot Imperatorum, & Regum Oratoribus mutire ausus est? Nondum videlicet parasi Principum temporalium exorti fuerant, qui, ut regna temporalia stabilire videantur, Regnum æternum ijs, quibus adulantur, eripiunt.

Sed addamus, & Lugdunense Concilium. Ergo Innocentius III. Pontifex anno salutis 1245. Lugduni generale Concilium celebrauit, in quo præter Archiepiscopos & Episcopos vndique euocatos; interfuerunt etiam Balduinus Imperator Orientis cum alijs multis Principibus. Sanctum quoque Ludouicum Francorum Regem eo tempore Lugduni

fuisse, & Pontifici adfuisse, testantur AEmilius, & Nauclerus. Atque in conuentu illo, Ecclesiam vniuersam sine dubio representante, lata est sententia in Fridericum II. Imperatorem in hæc verba, *Nos itaque super præmissis, & quam pluribus alijs eius nefandis excessibus, cum fratribus nostris, & sancto Concilio, deliberatione præhabita diligēti, cum Iesu Christi vices, licet immeriti, teneamus in terris, nobisq; in B. Petri persona dictum sit, Quodcunque ligaueris super terram, ligatum erit & in cælis, memoratum Principem, qui se Imperio, & Regnis, omniq; honore, & dignitate reddidit indignum, quique propter suas iniquitates, à Deo ne regnet, vel imperet est abiectus, suis ligatum peccatis, & abiectum, omniq; honore, & dignitate priuatū à Domino ostendimus, & denunciamus; & nihilominus sentētiando priuamus; omnes qui ei fidelitatis iuramēto tenentur astricti, à iuramento huiusmodi perpetuo absoluētes, auctoritate Apostolica firmiter inhibendo, ne quisquā de cætero sibi tanquam Imperatori pareat, & intendat: decernendo quoslibet, qui ei deinceps veluti Imperatori, vel Regi consiliū, vel auxiliū præstiterint, seu fauorē, ipso facto excommunicationis sententia subiacere. Illi autem ad quos in eodem Imperio, Imperatoris spectat electio, eligant liberè successorem. De præfato Sicilia Regno prouidere curabimus, cum eorundem fratrum nostrorum consilio, sicut viderimus expedire. Hæc sententia est summi Pontificis toto approbante Concilio, hoc est, tota consentiente, & laudante Christianorum Præfulum vniuersitate: & tamen audeat vnus nescio quis contra disputare, & librum suum in lucem e-dere, atque imperitorum oculos fascinare. Quod si singula per se Concilia Catholicæ Ecclesiæ, præsertim*



fertim cū in ijs præsudet summus Pontifex, fidem amplissimam faciunt, vt nemini fas sit contra sentire; quanta temeritas esset, si quis decem Concilijs frequentissimis, simul iunctis, contradicere auderet? Nam etiam si Concilia ista diuersis locis, & temporibus habita sint, tamen facile possunt ante oculos mentis omnia simul constitui, & ex omnibus vnum maximū, & numerosissimum fieri, vbi simul conspiciantur Gregorius VII. Victor III. Urbanus II. Paschalis II. Gelasius II. Callixtus II. Innocentius III. & Innocentius IV. Sanctissimi omnes, doctissimi quē Pontifices, apostolica potestate, Reges hæreticos, vel hæreticorum patronos excommunicantes, atque à Regni solio deponentes; & simul omnes Præsules Ecclesiarum cum Legatis omnium ferè Principum sententias tantorum Pontificum, vt iustissimas approbantes & collaudātes. Certè si Barclaius, aut quicumq; illi similis est, in eiusmodi cōuentū introduceretur, mirū est, si loqui auderet, imò si nō continuò obmutesceret. S. August. lib. 1. in Iulianū, cap. 2. Cōcil. Palæstinū Episcoporū 14. satis magnę auctoritatis futurū existimauit ad vnus Iuliani audaciā comprimendā; cur igitur non multò magis valeant ad vnus Barclaij temeritatem dammandā Episcopi supra mille, qui in 10. Concilijs cōuenerunt? Hanc igitur sententiam Ecclesiæ Catholicæ, quam in meis Disputationibus de summo Pontifice, cū iuuenis adhuc essem, breuiter attigeram, cogor nunc aduersus Gulielmum Barclaium senex defendere: quem sanè laborem ab homine, qui se Catholicum profitetur, mihi adferendum, suspicatus nunquā fuissē. Nam eos, qui foris sunt, & assiduē contra me scribunt, nihil moror.

## DE EXCVSATIONE

BARCLAIJ.

## CAPVT I.



IS ergo quasi prolegomenis præmissis, venio ad librum Barclaij. Is in primo capite totus est in se excusando, & purgando, quòd in hac quæstione de potestate Papæ scripserit, quod scripsit. Ac primùm probat, licuisse sibi sententiam suam dicere, quia multi alij Catholici id fecerunt.

*§ Si complures, inquit, tum Theologi, tum Iureconsulti, alij post alios in eandem hanc quæstionem excutiendam incubuerunt, nec priorum de ea iudicium sequentium Scriptorum sententijs præiudicauit; cur non & ego aliquem indagandæ veritatis locum (quandoquidem in eo studio atatem consumpsi) meo mihi quodammodo iure vindicem?]*

At quanti momenti sit hæc ratio, vel ex eo potest intelligi, quòd ne suo quidem hæredi, aut amico singulari persuaserit. Cur enim hæres ipsius, aut quicumque fuit, qui librum eius edidit, qui certè amicissimus fuit, & nomen suum, & Typographi, & loci, in quo liber editus est, silentio inuoluédum censuit, nisi quia nō sine causa existimauit, non licuisse auctori impunè scribere quod scripsit? Nam aliqui hæreticorum omniū errores excusari possent. Ergo licuit Catholicis scriptoribus, qui consentiunt in re, disputare de modo: non licuit Barclaio aduersus omnes alios Scriptores, atque aduersus Conciliorum, etiam generalium sententiam, negare

gare omninò potestatem Summi Pontificis in temporalibus: quemadmodum licuit, & licet Scholasticis Doctoribus, qui confitentur in Deo vnitatem essentia cum Trinitate personarum, multa disputare de attributis essentia diuinæ, & personarum constitutione: sed non licuit Arianis veteribus, & nouis, vel essentias Dei scribendo multiplicare, vel Trinitatem confundere. Pari ratione, licuit, & licet Catholicis Doctoribus, qui consentiunt de substantia septem Sacramentorum, disputare de multis, quæ ad fidei fundamenta non pertinent; nō tamen licet, nec licuit sectarijs Lutheranis, & Calvinistis tam multa scribere, contra substantiam, & numerum Sacramentorum: quod idem de alijs Fidei dogmatibus dici potest. subiungit Barclaius.

*§ Monendus in primis Lector est, omni me reuerentia, & beneuolentia Sedem illam prosequi, nec id aut hic, aut alibi agere, vt debita potestatis, & dignitatis aliquid decedat Vicario Christi, & successori Sanctorum Apostolorum Petri, & Pauli.]*

Ad hoc videtur simile esse ei, quod scribit S. Marcus cap. 15. *Pereuntiebant caput eius arundine, &ponentes genua adorabant eum:* & quod scribit S. Ioan. cap. 19. *Veniebant ad eum, & dicebant, Ave Rex Iudeorum, & dabant ei alapas.* Sic enim Barclaius omni reuerentia, & beneuolentia prosequitur apostolicam Sedem, sed interim potestatem eius ferè dimidiat: addit postea,

*§ Eos itaq; obsecro qui ante me bono, vt opinor, animo scripserunt, ne indignentur, aut succenseant, si ab illorum opinione recessero: neque enim (vt cum sancto Augustino loquar epist. III.) quorumlibet disputationes, quamuis Catholicorum, & laudatorū hominum,*

*veluti scripturas canonicas habere debemus, &c.]*

At ego non indignor, neque succenseo, quòd à mea opinione, vel Barclaius, vel alius quicunque recesserit: sed illud æquo animo ferre non possum, quòd à communi Scriptorum sententia in re tam graui, imò etiam à Conciliorum vniuersalium sensu, & consensu vllus recedat. Et quamuis non debeamus libris doctorum, quantumuis Catholicorum, & laudatorum hominum eam reuerentiam, quam Scripturis sanctis debemus: tamen negari non potest, quin communi Scriptorum sententiæ multū omninò tribui debeat, vt à temeritate excusari non possit, qui contra torrentem Doctorum, vt dici solet, scribendo nititur. Nam ipse idem sanctus Augustinus, qui scripserat, disputationes quorumlibet hominum nullo modo æquandas esse auctoritati scripturarum diuinarum; Iuliani temeritatem arguit, quòd se auderet opponere vudecim scriptoribus Catholicis, quorum verba, & sententias diligenter expendit lib. 1. cap. 2. & lib. 2. cap. vlt. aduersus Iulianum.

Deinde Barclaius ad rem propius accedens refert duas Catholicorum sententias. Alteram, quam plerique Canonistarum sequuntur, quod in summo Pontifice sit potestas vtraque spiritualis, & temporalis, vt Christi Vicarius est. Alteram, quæ Theologis ferè communis est, quod Potestas summi Pontificis, vt Christi Vicarius est, spiritualis propriè, ac per se sit, sed tamen per eam disponere possit de temporalibus, vt ad spiritualia ordinantur. Tum sententiā suam, pro qua nullum Catholicum scriptorem citat, ita proponit.

*Mihi verò, inquit, neutra istarum opinionum, quā-*  
*tum*

*tam ad temporalem potestatem, satis firma visa est. & paulò infra, Theologi itaque isti Canonistarum opinionem probissimè refellunt, sed pace ipsorum dicant, nec ipsi melius sentiunt.]*

Hæc ille, qui satis apertè se prodit, tamquam alterum Ismaelem è regione vniuersorum fratrum suorum fixisse tabernaculum, vt manus eius contra omnes essent. Gen. 16. Extremam partem primi capitis totam consumit in refutatione, vel potius irrisione Bozij, qui cùm se Theologum profiteatur, Canonistarum opinioni adhærere maluit. De qua re nihil habeo quod dicam: nam Bozij opinionem, neque refutare, neque defendere statui; sed id tantùm, in quo Catholici omnes conueniunt, & in quo à Barclaiò omnes dissidemus, confirmare, meque ipse ab eiusdem Barclaij obiectionibus propugnare decreui.

*EXCVTITVR PRINCIPIVM  
sue fundamentum doctrine  
Barclaj.*

CAPVT II.

**I**N secundo capite Barclaius fundamenta iacere aggreditur doctrinæ suæ: quorum vnum, ac fortè primarium est, *Potestatem Ecclesiasticam, & Politicam iure diuino distinctas, & separatas esse, vt, quamuis amba à Deo sint, vtraque suis terminis conclusa in alterius fines inuadere suo iure nequeat, neutrique in alteram imperium sit.* Ad probandum hoc principium adducit Can. Duo sunt, &, Cùm ad verū, dist. 96. cap. Nouit, de Iudicijs, cap. Per venerabilem,

*Qui filij sint legitimi*, S. Bernardum lib. 1. de Confid. Ioan. Driedonem lib. 2. de Libertate Christiana, cap. 2. & Hosium Cordubensem Episcopum, apud Athanasium in epist. ad solitariam vitam agentes.

At qui hoc principium, siue fundamentum in vltima particula falsum omninò esse còtendimus, in illis videlicet vltimis verbis, *Neutriq; in alteram imperium sit*. Siquidem affirmamus, Ecclesiasticam potestatem, distinctam quidem esse à Politica, sed ea non modo nobiliorem, verum etiam ita superiorem esse, vt eam dirigere, & corrigere, & in certis casibus, in ordine videlicet ad finem spiritualem, & vitam æternam, eidem imperare possit.

Neque vltima illa particula, videlicet: *Neutriq; in alteram imperium sit*, inuenitur in testimonijs allegatis siue ex Canonibus, siue ex Doctõribus. In Can. *Duo sunt*; qui desumptus est ex epist. Gelasij Papæ primi, ad Anastasium Imperatorem, hæc habentur, *Duo sunt quippè Imperator Auguste, quibus principaliter Mundus hic regitur, auctoritas sacra Pontificum, & regalis Potestas: in quibus tanto grauius est pondus Sacerdotum, quanto etiam pro ipsis regiminibus hominum in diuino sunt reddituri examinationem.* & infra, *Nosti itaque ex illorum te pendere iudicio, non illos ad tuam posse redigi voluntatem.*

Hæc ibi: vbi non solùm non habetur, quod Barclaius dicit, *Neutri in alteram imperium esse*; sed habetur omninò contrarium: nam si Pontifex redditurus est Deo rationem pro regiminibus hominum, certè dirigere debet ea regimina, & si fortè deuiant corrigere, atque in viam reducere. Quo modo autem potest dirigere, & corrigere humana regimina, si nullum in ea imperium habet?

Pari ratione in Canone, *Cùm ad verum*, qui ex epistola Nicolai Papæ primi, ad Michaellem Imperatorem, sumptus est, non habentur illa verba, *Neutri in alteram imperium esse*. Hæc enim sunt verba Pontificis Nicolai: *Cùm ad verum ventum est, vltra sibi nec imperator iura pontificatus arripuit, nec Pontifex nomen Imperatorium vsurpauit: quoniam mediator Dei, & hominum homo Christus Iesus actibus proprijs, & dignitatibus distinctis officia potestatis vtriusque discreuit.*

Hic quoque nullo verbo indicatur, Neutram potestatem in alteram habere imperium, sed solum discretas esse actibus, dignitatibus, & officijs. Et quoniam idem Nicolaus, paulò post subiungit, Christianos Imperatores egere Pontificum ministerio pro æterna vita; & contra Pontifices vti legibus imperialibus pro cursu tantum vitæ temporalis: apertissimè indicatur finem potestatis pontificiæ, superiorem esse fini potestatis politicæ, ac per hoc potestatem Pontificum imperium habere super politicam potestatem, quatenus opus est vt potestas politica non impediatur adeptionem vitæ æternæ, ad quam à pontificia potestate dirigenda est: Sic etiam in cap. *Nouit*, de iudic. & in cap. *Per venerabilem*, Qui filij sint legitimi, quæ sunt Innocentij III. Pontificis; nihil omninò habetur, unde colligi possit, politicam potestatem spirituali, siue Ecclesiasticæ potestati non esse subiectam: alioqui non decreuisset idem Pontifex in Concilio Lateranensi generali, cap. 3. posse principes sæculi per Apostolicam Sedem Principatu priuari, si negligentes essent in purgandis terris suis ab hæretica labe, & admoniti ab Episcopis, non obedirent. Ne-

que idem ipse Olhonem IV. Imperatorē deposuisset, si existimasset, potestati Ecclesiasticæ nullum imperium esse in politicam potestatem. Sanctus quoque Bernardus in primo lib. de Consider. dicit quidem, Pontificis potestatem esse in peccata, & spiritualem; sed idem S. Bernardus lib. 4. de Confid. cap. 4. vtrumque gladium spiritualem, & materiale dicit esse ecclesiæ, & materiale *ad nutum Pontificis* euaginandum esse: quæ sanè non diceret, nisi crederet gladium materiale gladio spirituali esse subiectum. Porro de sententiâ Ioan. Driedonis, nulla dubitatio esse potest: nam dicit quidem, potestates ecclesiasticam, & politicam esse discretas; sed dicit etiam politicam ecclesiasticæ ad eò debere esse subiectam, vt possit Pontifex in certis casibus in ordine ad vitam æternam Reges, & Principes Regnis suis, dominijque priuare, vt nos supra allatis verbis ipsius indicauimus. Denique Hosij Episcop. Cordubensis verba à Sancto Athanasio commemorata, distinctionem officiorum vtriusque potestatis demonstrant, æqualitatem non demonstrant: *Tibi Deus, inquit, Imperium commisit, nobis quæ sunt Ecclesiæ concredidit: & quemadmodum, qui tuum Imperium malignis oculis carpit, contradicit ordinationi diuinæ; ita & tu caue, ne quæ sunt Ecclesiæ ad te trahens, magno crimini obnoxius fias: date, scriptum est, quæ sunt Cesaris Cesari, & quæ Dei Deo. Neque igitur fas est nobis in terris Imperium tenere, neque tui tyriamatum, & sacrorum potestatem habes Imperator*, hæc ille, qui non repugnat sancto Gregorio Nazianzeno, qui Oratione, ad populum timorē perculsum, & Præsidem irascentem aperitissimè docet, Ecclesiasticam potestatem ita se habere



bere ad politicam, vt anima se habet ad corpus: animam autē præesse corpori, illudq; regere, eiq; imperare nemo vnquam in dubium reuocauit.

Pergit deinde Barclaius, & Bozium exagitat, eiusq; responsiones, & disputationes refellit: quæ ipsi Bozio integra relinquo; non enim defendenda suscepi, nisi ea, quæ causam communem, vel meam particularem attingunt: quale est illud quod in extremo capite Barclaius dicit, non posse vnā potestatem alteri subordinari, & subiectā esse, nisi dignitas, & officium, quod est in subordinato, sit etiam in subordinante. Nam subiectionem & subordinationem potestatis politicæ ad Ecclesiasticam, omnes Catholici docemus: sed non omnes admittimus quod Barclaius inde colligit. Hæc enim subordinatio duobus modis potest intelligi: vno modo, vt potestas quæ est in subordinato, deriuetur à subordinante, qualis est potestas Vicarij, quæ deriuatur ab eo, cuius est Vicarius, & Legati, quæ deriuatur à Principe, qui eum legauit, & Iudicis, siue Præsidis, quæ deriuatur à Rege; & tunc sine dubio potestas subordinantis includit potestatem subordinati: altero modo, vt vna non deriuetur ab altera, sed ob id solū subiecta, & subordinata sit alteri, quia finis vnus subiicitur, & subordinatur fini alterius, qualis est subordinatio, & subiectio variarum artium ad artem regendi populos, quæ Regia dici potest. Verè enim dixit Poeta.

*Excudent alij spirantia mollius æra,  
Credo equidem viuos ducent de marmore vultus.  
Orabunt causas melius, calig. meatus  
Describent radio, & surgentia sidera dicent.*

*Tu regere Imperio populos Romane memento.  
Ha tibi erunt artes.*

Ars enim regendi populos distincta est ab artibus, sculptoria, oratoria, astronomica, & alijs similibus, neque vna deriuatur ab alia, neque vna propriè alteram includit; & tamen omnes subordinantur, & subiectæ sunt arti regendi populos, vt possit Rex omnes dirigere ad communem populi vtilitatem, & nisi pareant exterminare de regno suo, vel remouere quoslibet artifices, & alios substituere; quoniam fini artis Regiæ subijciuntur, & subordinantur fines artium cæterarum. Iam igitur si subiectio, & subordinatio potestatis politicæ ad ecclesiasticam intelligatur priore modo, vtique sequitur, vt potestas politica coniuncta sit ecclesiasticæ; neque video quo modo id non repugnet verbis Gelasij, Nicolai, & Innocentij Summorû Pontificum; necnon Hosij, Bernardi, Driedonis: sed si intelligatur posteriore modo, vt nos eam intelligimus, tùm ratio, & exempla Barclaij nihil omninò concludunt: quemadmodum enim ars Regia nō includit artem sculptoriam, neque sculptoria deriuatur à Regia; & tamen ars Regia imperat sculptoriæ, eamque subiectam, & subordinatam habet, & potest, ac debet Rex Sculptori iubere, vt non sculpat statuas obscenas, ne corrumpatur iuuetus; neque ex auro, vel argento, vt ea metalla seruentur ad vsum magis necessarium; neque statuas suas nimis magno precio vendat, ad coercendam auaritiam: sic ars ecclesiastica regendi animas, quæ est ars artium, & præcipuè residet in Papa, non includit necessariò artem regiam, neque necesse est, vt omnia Regna deriuentur ab Ecclesia; & tamen quia finis

nis eius est vita æterna, ad quam subordinantur omnes alij fines; subiecta, & subordinata est illi ars politica regendi populos, & potest, ac debet Summus Pontifex Regibus imperare, vt non abutantur potestate Regia ad Ecclesiam euertendam, ad hæreses, & schismata fouenda, ad perniciem denique æternam animæ suæ, & populorum sibi subiectorum; & si non obtemperent, cùm admoniti fuerint, potest eos de Ecclesia per censuram excommunicationis eijcere, & populos à iuramento fidelitatis absolueret, denique etiam eos Regno exuere, & Regia potestate priuare.

*POTESTATEM SUMMI PONTIFICIS in temporalibus, non esse rem dubiam, neque ab opinionibus Doctorum solum pendere.*

## CAPVT III.

**I**N tertio capite contendit Barclaius, de potestate Summi Pontificis in temporalibus nihil certi haberi, sed rem totam inter Theologos, & Canonistas liberè disputari.

\* *Ingens, inquit, Theologos inter, & Canonistas, & vtrorumque inter se hac de re dissensio, dum hi directam, alij indirectam potestatem asstruunt, facit, vt quæstio hac de temporali potestate Papa dubia, & incerta, ac tota in hominum opinione posita videatur: ac proinde solutionis eius veritatem lumine rationis, & differendi subtilitate esse peruestigandam. } hæc ille.*

At magnum est discrimen inter quæstionem *An sit, & quid sit, vel, quomodo sit*. Deum esse ne Pagani qui-

quidem in dubium reuocare solebant: tamen de natura Deorum plurimæ erant apud Philosophos opiniones. Deum esse Trinū, & vnum, nullus Catholicus negat, sed omnes firmissima fide tenent: & tamen, quot sunt inter Scholasticos Theologos de cōstitutione personarū, de relationibus, de notionibus opiniones? Sic igitur de potestate in temporalibus, quod ea sit in Papa, non opinio, sed certitudo apud Catholicos est: quamuis non desint alterationes, quid sit, & qualis ea potestas, id est, an sit per se, & propriè temporalis: an potius ipsa quidē spiritualis sit, sed per quandam necessariam consequentiam, & in ordine ad spiritualia de temporalibus disponat. Quare non rectè colligit Barclaius, dum sic ratiocinatur.

Dissensio est inter Theologos, & Canonistas, dū hi directam, illi indirectam potestatem astruunt, ergo quæstio de temporali potestate Papæ dubia & incerta, ac tota in opinione hominum posita est.

Esse autem rem certam, & exploratam, posse Pōtificem Maximum iustis de causis de temporalibus iudicare, atque ipsos temporales principes aliquādo deponere; probamus.

1. Primū ex communi cōsensu Scriptorum, quorū verba initio disputamus attulimus: q. n. communi cōsensu Doctores varijs in locis, & temporibus docent, id Ecclesia vniuersa sentire, & docere cēsetur: ideò enim *posuit Deus in Ecclesia Pastores, & Doctores*, vt dicitur ad Eph. 4. vt eos populi tanquā duces sequantur, neq; ab eis recedant, nisi fortè videant vnū aliquem noui aliquid contra doctrinam cōmunem inuehere, vt hoc tēpore Barclaius fecit.

2. Secundò probamus per Extrauagantem, *Vnam san-*

*sanctam*, de maiorit. & obedientia. vbi docemur, gladium esse sub gladio, & temporalem auctoritatem spirituali subijci potestati; & quod si deuiat terrena potestas, iudicabitur à spirituali; si deuiat spiritualis minor, à suo superiore; si verò suprema, à solo Deo poterit iudicari. Neque obstat quod definitio huius decretalis videtur esse reuocata à Clemente V. in Extrauaganti, *Meruit*, de priuilegijs. Neque enim Clemens V. Extrauagantem Bonifacij reuocauit, sed admonuit, eam nihil noui definiuisse, sed antiquam obligationem declarasse, quam habent homines ad obediendum, & subiaccendum Apostolicæ Sedi.

3. Tertio probamus ex Concilijs suprà allatis, quorum duo postrema generalia fuerunt: quomodo enim potest in dubium reuocari, & à sola hominum opinione pendere, quod generalia catholica, legitimaq; Concilia probant Posse autem per Sûmû Pótificem deponi Principes temporales, quâdo Ecclesiæ necessitas id postulat, ac per hoc tēporalē Principum potestatem spirituali potestati Pontificum subiectam, & subordinatam esse, concilia illa decem, ac præsertim duo postrema Lateranense, & Lugdunense apertissimè docent.

4. Quartò, probamus ex diuinis literis, quemadmodum id probat Gregorius VII. in epist. 21. libri octau. Nam in Scripturis, & traditione manifestissimè reperimus fundatum Primatum Ecclesiasticû Romani Pontificis, quo primatu amplissima potestas continetur regendi, ligandi & soluendi quoscunq; etiam Reges & Imperatores: id quod neque Barclaius, neque vllus Catholicus negat. Ex hoc autem principio satis apertè colligitur, esse in Romano

mano Pontifice potestatem temporalia disponendi, vsque ad ipsorum Regum, & Imperatorum depositionē: nam per ipsam spirituales potestatem potest summus Pontifex ligare Principes seculares vinculo excommunicationis; potest per eandem soluere populos à iuramento fidelitatis, & obedientiæ; potest obligare eosdem populos sub excommunicationis poenâ, vt regi excommunicato non pareant, atque vt aliū sibi eligant Regem. Præterea cum finis spiritualis regiminis sit adeptio æternæ vitæ, qui est finis supremus, & vltimus, cui omnes alij subordinantur fines; certè necesse est, vt spirituali potestati supremi Hierarchæ ecclesiastici subijciatur, & subordinetur omnis secularis potestas; quam illi dirigere debet, & si deuiat corrigere, & iudicare, ac demum efficere ne impediat salutem populi Christiani. Atque hæc est ratio cur, & Gregorius VII. & Innocentius IV. in depositione Imperatorum, vt ostenderent iure se id facere, verba Domini allegauerint, *Quodcunque ligaueris super terram, erit ligatum & in cælis:* & *Quodcunque solueris super terram, erit solutum & in cælis*, Matth. 16. & *Pasce oues meas*, Ioan. 21. nimirum vt significarent potestatem suam disponendi de temporalibus, quando id requirit salus animarum, Religionis incolumitas, Ecclesiæ conseruatio; non pendere ab incertis hominum opinionibus, sed ab ordinatione diuina Christi Regis æterni, & Pontificis Maximi, qui & super omnia Deus est benedictus in sæcula, teste Apostolo ad Rom. 11.

Sed videamus, quid contra hæc Barclaius obijciat.

- i. Primum argumentum eius hoc est, § *Absurdum*

*dum, & iniquum est dicere, Principes Ethnicos duriore & deteriore conditione ad Ecclesiam esse receptos, quam homines priuatos: vel, Papam habere maiorem nunc potestatem in principes politicos Christianos, quam olim B. Petrus, & ceteri Apostoli in quemlibet priuatum hominem Ecclesia silium: At hi nullum ius, & potestatem temporalem habuerunt tunc temporis in Christianos laicos: ergo nec Papa in Principes seculares potestatem vllam temporalem nunc habet.]*

Respondeo. Assumptio argumenti falsa est, & Scripturis sanctis omninò contraria: primum enim ius habebant Apostoli percipiendi ex bonis temporalibus laicorum. Id probat Apost. i. ad Corint. cap. 9, dicens, *Si nos vobis spiritualia seminauimus, magnū est, si nos carnalia vestra metamus? si alij potestatis vestrae participes sūt, quare nō potius nos? sed nō vlsimus hac potestate, sed omnia sustinemus, ne quod offendiculum deimus Euangelio Christi: nescitis quoniam qui in sacrario operantur, quae de sacrario sunt edunt, & qui altari deseruiunt, cum altari participant? Ita & Dominus ordinauit ijs, qui Euangelium annunciant, de Euangelio viuere. Deinde, potuerunt Apostoli iubere, vt Christiani in causis civilibus Iudices Christianos constituerent, nec ad Iudicia gentilium magistratum accederent: sic enim mandat Apostolus i. ad Corinth. 6. dicēs. *Audet aliquis vestrum habens negetium aduersus alterum, iudicari apud iniquos; & non apud Sanctos? nescitis quia Angelos iudicabimus? quanto magis secularia? secularia igitur iudicia si habueritis, contemptibiles, qui sunt in Ecclesia, illos constituite ad iudicandum. Quare si poterāt Apostoli ordinare iudicia in can-**

sis ciuilibus, & mandare laicis, vt ministros Euangelij suis facultatibus sustentarent: quomodo nullum ius habebant in bona temporalia laicorum?

2. At, inquit Barclaius: § *Certo certius est, Ecclesiasticam potestatem fuisse omninò separatam à politica tempore Apostolorum, & hanc totam penes Ethnicos principes, extra Ecclesiam fuisse, adeò vt ipsi Apostoli in potestate temporali Ethnicorum fuerint; idq; Albertus Pighius, & Robertus Bellarminus, aliq; Theologi insignes ingenuè fatentur.*

Respondeo. Ecclesiastica potestas nunc etiam separata est à politica: non enim eadem, sed diuersa est potestas Pontificum, & Regum. Sed quoniam, vt suprà diximus, potestas Ecclesiastica, quæ spiritalis est, præest potestati politicæ temporali, & eam dirigere debet ad finem supremum æternæ vitæ; ideo potest in ordine ad spiritualia disponere de bonis temporalibus. Verum autem est Apostolorum tempore, politicam potestatem non quamcūque, sed Regiam, siue imperatoriam, fuisse apud Ethnicos totam, quia nulli tunc erant Reges, aut Imperatores Christiani; sed ex hoc nihil aliud sequitur, nisi potestatem Ecclesiasticam eo tempore non habuisse paratam executionem, præsertim in temporalibus, vt hoc tempore habet: ipsos verò Apostolos fuisse in potestate temporali principum Ethnicorum scripsi olim cum Alberto Pighio, & alijs nonnullis: sed postea recognoscens, & expendens diligentius libros meos, censui, Apostolos de facto subiectos fuisse Principibus illis, non de iure; vt in Recognitione mea posui.

3. At, inquit Barclaius: § *Non venit Christus solvere legem, sed adimplere, nec natura, & gentium iuratos*



*ra tollere, aut quemquam temporali rerum suarum dominio excludere. Itaque sicut ante eum Reges politica potestate subditis praerant, ita etiam posteaquam aduenit, & à nobis deinde in cælos recessit, eam ipsam potestatem Apostolica doctrina confirmatam, nullaq; ex parte debilitatam retinuerunt: Si itaque Petrus, ceteriq; Apostoli, antequam Christum sequerentur, temporali Principum Ethnicorum ditioni, & iurisdictioni subijciebantur, quod negari non potest; nec Dominus ullibi disertè, & nominatim iuris obligatione liberauit; cōsequitur necessario, mansisse eos sub eodem iugo, etiam post Apostolatam.]*

Respondeo. Christus non venit legem soluerè, sed adimplere: ideo non sustulit iura gentium, & naturæ, sed perfecit: non priuauit Reges & Principes dominio, aut iurisdictione; sed eorum iurisdictionem, & dominia ordinauit: nam & in ipsa Ecclesia Reges & Principes sunt non minore præditi potestate politica, quàm Ethnici essent: hoc solū accessit, quod proposuit illis Pastorem magnum, qui vice sua fungeretur in terris, à quo dirigerentur, si fortè à via quæ ducit ad Regnum cælorum; eos aberrare contingeret: quod beneficium Dei inter potissima debet agnosci à fidelibus omnibus; sed à nullis magis, quàm Regibus, & Principibus; qui quò sunt in loco sublimiore, eo magis obnoxij sunt casui grauiori, & tanto magis egent Episcopo, & Pastore animarum suarum, vt eleganter, & copiosè admonuit Reginaldus Polus Cardinalis, in dialògo de Pontifice Maximo: quod autem Christus non liberauerit nominatim & expressè Petrū, & Apostolos ab obligatione, qua tenebantur Ethnicis Principibus; videtur omninò Euangelio

repugnare: siquidem Matth. 17. Christus soluit didrachma pro se, & Petro, ob scandalum vitandum: nam alioqui neque se, neque Petrum ad id vectigal soluendum obligatos fuisse demonstrauit illis verbis. *Reges terræ à quibus accipiunt tributum, vel censum? à filijs suis, an ab alienis? & respondente Petro, ab alienis, dixit illi Iesus, ergo liberi sunt filij* quibus verbis declarauit, se quod filius esset Regis omnium Regum, immunem esse ab omni tributo, & censu: & quoniam cum filius Regis immunis est, ipsa quoque eius familia censetur immunis; ideo Petrus, & Apostoli, qui ad familiam Christi, ipsius beneficio pertinebant, immunes quoq; esse debebant: sed de hac re alibi scripsimus copiosius.

4. Sed non quiescit Barclaius, addit enim. *§ Sed & eos aliorum ciuium instar Principibus subditos extitisse, ex ipsorum doctrina, & factis apparet: quippè id illis exprobrari non potest, quod Christus Scribis, et Phariseis improperat, aliud eos fecisse, aliud docuisse. Docuerunt autem Christianos subiectionem, & obedientiam, de qua loquimur, Regibus et Principibus exhibendam: qua de causa Paulus ipse, ad Cæsarem appellauit, & iussit Christianos omnes subiectos esse temporali potestati Ethnicorum, non solum propter iram, sed etiam propter conscientiam.*

Respondeo: Apostoli sine dubio non fuerunt similes Phariseorum, qui aliud docebant, aliud faciebant; sed non ideo *de iure* subiecti erant instar aliorum ciuium temporalibus potestatibus, cum essent ipsi constituti à Deo *Principes super omnem terram*, vt legimus in Psal. 44. quamuis enim principatus ille spiritualis esset, non temporalis; tamē verus Principatus erat, & temporali Principatu lōgè no-

gè nobilior. Porro sanctus Paulus appellauit ad Cæsarem, vt ad Iudicem Præsidis Iudeæ, & Hebræorum, qui iniuste illum opprimebant: alioqui enim causa illa, quæ spiritualis erat, videlicet de Resurrectione Christi, & ceremonijs legis Mosaicæ, ad Principem Ethnicum iure pertinere non poterat. Vide Acta Apostolorum ca. 21. 22. 23. 24. 25. & 26. Idem verò Paulus ad Rom. 13. vniuersalem doctrinam tradidit de obedientia inferiorum ad superiores, cum ait, *Omnis anima potestatibus sublimioribus subdita sit*: quam postea doctrinam applicauit in particulari ad obedientiam, quam debet subditi Principibus temporalibus; & tandem concludit, *Reddite ergo omnibus debita, cui tributum, tributum; cui vectigal, vectigal; cui timorem, timorem; cui honorem, honorem*. Quare si quis probet, se non esse iure subditum alicui potestati, non tenebitur hac Apostolica sententia, etiam si fortè *de facto*, vel ad scandalum vitandum subditum illum esse oporteat.

5 Subiungit Barclaius: § Nam quod quidam dicunt Beatum Paulum non de potestate temporali secularium Principum illic loqui, sed de potestate in genere, vt quisque suo superiori obediat, laicus laico, ecclesiasticus ecclesiastico; mera cauillatio est, & responsum viris doctis, ac Theologis indignum: nulla siquidem tunc temporis alia, quam politica, & temporalis potestas vulgò ab hominibus agnoscebatur.]

Respondeo. In verbis Apostoli, vt paulò ante diximus quædam sunt sententiæ generales, quædam Particulares. Quis enim inficiari potest, illam esse sententiam generalem. *Omnis anima potestatibus sublimioribus subdita sit*? Item illam, *Non est*

*potestas, nisi à Deo? & illam, Qui potestati resistit, Dei ordinationi resistit? At Apostolus subiungens, Nam Principes non sunt timori boni operis, sed mali; & infra: Si malè egeris, time, non enim sine causa gladium portat: videtur omninò, per sublimiores potestates, intelligi voluisse Principes politicos. Ita est, per sublimiores potestates, politicos Principes intelligi voluit, sed non solos: maluit enim doctrinam suam Apostolus generalibus verbis concipere, & proponere, vt pluribus prodesset. vnde alibi monet, vt filij parentibus obediant; vxores viris; serui Dominis: & populi Præpositis suis Ecclesiasticis. Nam quod Barclaius dicit, nullam tunc temporis agnitam fuisse vulgò hominibus potestatem, nisi politicam, & temporalem; sententia est prorsus indigna homine docto, & Iureconsulto. Siquidem notissima semper fuit potestas patria, potestas herilis, potestas maritalis, potestas magistri in discipulos, potestas denique Ecclesiastica: quæ omnes potestates à politica (si propriè loqui velimus) apertissimè distinguuntur. Ac de potestate Ecclesiastica, nonne idem Apostolus frequentissimè meminit? Certè sic loquitur 2. Corinth. 10. *Nam & si amplius gloriatus fuero de potestate nostra, quam dedit nobis Dominus in ædificationem, & non in destructionem, non erubescam. & cap. 13. Hæc absens scribo, vt non presens durius agam secundum potestatem, quam Dominus dedit mihi. & ad Heb. 13. Obedite Præpositis vestris, & subiaceite eis.**

6 Addit Barclaius testimonium S. Augustini, in expositione quarundam propositionum epist. ad Rom. Ex quo testimonio colligit Barclaius. Primò, Christianæ Religionis professionem non eximere quem-

quemquam à temporalis potestatis subiectione. Secundò, Apostolos, & ipsum sanctum Petrum, Ethnico Magistratui subiectos fuisse. Tertiò, non licuisse primis illis Christianis ab Ethnicorum Principum imperio deficere, & alios sibi Principes constituere, etiam si viris illis ad perficiendum suppetissent. Quartò, Augustinum intellexisse verba Apostoli de potestate temporali tantum. Quintò, Augustinum seipsum includere in numero eorum quos Apostolus iubet subiectos esse debere potestatibus temporalibus: Ex quo sequitur, ut etiam Episcopi & Clerici omnes subditi esse debeant iisdem temporalibus potestatibus. Sexto, duplex esse officium subditorum; vnum, ut obediant Regi, quando nihil iubet contra Deum: alterum, ut non obediant Regi, quando contrarium iubet Deus.

Respondeo S. Augustinus verè docet Christianæ Religionis professionem non eximere quemquã à temporalis potestatis subiectione: idque rectissime colligit ex verbis Apostoli, neque nos contradicimus. Sed ex hoc non sequitur S. Petrum, & Apostolos cæteros subiectos fuisse *de iure* téporalibus potestatibus; neque hoc S. August. dicit: nam etiã si nõ eximebat Apostolos ab illa subiectione professio Christianæ Religionis; eximebat tamen Principatus Apostolicus, qui sublimior est omni Principatu téporali. An aut licuerit Christianis deficere ab Ethnicis Imperatoribus, infra suo loco tractabimus: interim hoc solum dicimus, id non colligi ex verbis Augustini, vel Apostoli: docet enim Sanctus Augustinus ex Apostolo, Christianos debere obedientiam temporalibus Principibus, dum videlicet, cum potestate imperant: non autem si à

Principatu excidant. Vtrum autem licuerit Christianis imperium Ethnicis abrogare, neque Apostolus, neque Augustinus hoc loco definit: Illud verò falsum est, S. Augustinum intelligere hunc locum Apostoli de temporali potestate tantum: nusquam enim habetur apud Augustinum, neque apud Apostolum particula, *tantum*, & nos habemus Sanctum Ioannem Chrysostomum cum Theodoro, & Theophylacto, qui exponunt de potestate in genere: & Sanctum Anselmum, qui exponit de potestate Ecclesiastica, & temporali, & S. Bernardum Epistola 42. & 183. qui exponit etiam de vtraque. Quod autem Sanctus Augustinus se ipse numeret inter eos, qui iubentur obedire temporalibus potestatibus; non cogit, ut inde colligamus, Episcopos, & Clericos non esse exemptos à potestate seculari: nam cum dicit, *Cum constemus ex anima, & corpore, quamdiu in hac vita temporali sumus, etiam rebus temporalibus ad subsidium degenda huius vite utamur; oportet, nos ex ea parte, quæ ad hanc vitam pertinet subditos esse potestatibus, id est, hominibus res humanas cum aliquo honore administrantibus*: ostendit, omnes homines egere legibus, & magistratibus Politicis, sine quibus hæc vita tranquillè duci non potest. Quemadmodum etiam Nicolaus Papa in Epistola ad Michaellem, scribit, ipsos etiam Pontifices uti legibus Imperialibus pro cursu rerum temporalium; omnes enim obseruare debent huiusmodi leges, sed non omnes vi legum ipsarum, sed aliqui vi legum, aliqui vi rationis.

7. Pergit Barclaius, & ait, *Quid indignius, & iniquius dici potest, quam Principes Christi fidem proficetes, duriori iugo pressum iri, quam singulos de mul-*  
*titudi-*

*titudine? At priuati homines quando in spiritualement Ecclesiæ ditionem concedebant; nihil patrimonij, aut iuris temporalis amittebant, exceptis rebus illis, quas sponte obtulerant, vt ex Actis Apost. patet: similiter ergo, & Principes, vbi Christo nomen dabant, ius suū temporale, imperium dico, & potestatem Politicam, integram, & intactam retinebant.]*

Respondeo. Priuati homines cū in Ecclesiam admittuntur, non amittunt quidē patrimonia, aut alia temporalia iura: possunt tamen per Ecclesiam cogi, vt Parochos suos alant, &, vt Apostolus loquitur, seminantibus spiritualia, concedant, vt carnalia metant; ad quæ ante fidem susceptam minimē tenebantur: possunt quoque in pœnam variorum criminum, non solum cogi in foro interiore à confessarijs, vt eleemosynis redimant peccata sua: sed etiam ab Episcopis in foro exteriori mulctari pœna pecuniaria, vel etiam carceribus mancipari, vt ex Concilio Tridentino sess. 25. ca. 3. perspicuum est. Pari ratione principes temporales cū ad familiā Christi veniūt, neq; Principatū, neq; iurisdictionem suam amittunt; sed subiiciuntur ei, quē Christus super familiam suā cōstituit, vt ab eo regantur, & dirigantur in ea via, quæ ducit ad vitā.

§ Nec iuuat, addit Barclaius, *aduersariorum causam, dicere, Apostolos ideo non habuisse temporalem potestatem in sui saculi Principes, quia nondum facti erant Christiani: secundum illud, Quid enim mihi de ijs, qui foris sunt iudicare? 1. Corint. 5. Papam verò nunc illam potestatem habere, quia facti sunt Christiani, & filij Ecclesiæ, cuius ipse supremus Princeps, & caput in terris est, atque omnium Christianorum Pater: & rectum naturæ, & rationis ordinem*

*postulare, vt filius Patri, non Pater filio subijciatur. Hac, inquam, adeò nihil ratio est, vt mirum sit, locum ei aliquem à viris doctis datum esse: nam illa subiectio spiritualis, per quam Principes facti sunt filij Papa, penitus distincta, & separata est à subiectione temporali, ita vt altera alteram non sequatur. Sed quemadmodum Præses, vel Consul interea dum magistratum gerit, potest se in adoptionem alij dare, atque ita infamiliam Patris adoptiui, & patriam potestatem transire, cum tamen per illum actum legitimum nec fasces consulares, nec aliud quicquam iure magistratus sibi competens in adoptantem transferat.]*

Respondeo. Mirum est quam facilè Barclaius de scriptis hominum doctorum pronunciet: cum optimo iure in ipsum retorqueri possit: eius responsiones atque similitudines, adeò nihil esse, vt vix credibile sit eas auctori suo satisfacere potuisse. Si quidem illa similitudo de filio adoptiuo, qua tota eius responsio nititur, nihil omninò facit ad rem: potestas enim Patris ad filium adoptiuum, & potestas Præsidis, siue Consulis, non solum distinctæ, & separatæ sunt; sed etiam prior posteriore inferior est; & si Pater potestate patria abutatur, potest per Præsidem siue Consulem, ac multò magis per Regem, & Principem corrigi, & in certis casibus potestate sua priuari: cum è contrario si Præses, aut Consul, aut Princeps potestate sua politica abutatur, non possit à Patre adoptiuo, vel etiam naturali pro imperio corrigi, & multò minus potestate sua priuari. Iam verò potestas summi Pontificis spiritualis, & supernaturalis, & Regia téporali, & terrena potestate sublimior, atque maior non debuit

con-



conferri cum potestate humana Patris adoptiui erga filium Præsidentem, aut Consulem, id est cum potestate inferiore erga superiorem: sed cum potestate Principis, aut Præsidis erga potestatem patriam ciuium priuatorum, id est, cum potestate superiore erga inferiorem. Ex quo sequitur, vt quamuis potestas Papæ, & Regis distinctæ sint, & separata, & nõ necessario alia aliam sequatur: tamen cum in eodẽ Ecclesiæ corpore inueniuntur, potestas Papæ ita eminet, vt Regiam potestatem dirigere, & corrigere; non ab illa dirigi, vel corrigi debeat, aut possit. Itaq; tota deceptio Barclaij in eo posita est, quòd spiritualement, & supernaturalem paternitatem summi Põtificis erga Reges, & Principes Christianos, nihilo sublimiorem esse censuit paternitate humana, & ciuili hominis priuati erga filium adoptiuũ; quæ manifesta & puerilis hallucinatio est.

9 § Huc accedit, inquit Barclaius, quod florente plurimum Republica Christiana tũ multitudine credentium, tum sanctimonia Pontificum, tum eruditione exemplis Doctõrum, atq; à malis interim Principibus Christianis vexata, atque iactata, nulla de hoc Principatu & Iurisdictione temporali in Principes seculares, non dicam expressa, & manifesta declaratio, sed ne leuissima quidem mentio facta sit.]

Respondeo. quærere possem à Barclaio, vnde factum sit, quod in testamento veteri tot seculatransierint, antequã Pontifex Regem deponi & alium substitui iusserit: quod factum est cum Ioia Pontifex Athalias Reginam, non solum deponi, sed & interfici mandauit, & Ioas Regem substituit. Reg. 11. Item cum post diuisionem Regni Salomonis in Regnum Israel, & Regnum Iuda; inter Reges

Israel nullus fuerit pius, sed omnes impij, & idolatræ; cur alijs multis toleratis Propheta Domini vnixerit Iehu in Regem, & iusserit, vt Regem Ioram, cui fidelitatem iurauerat, interficeret: quod ille continuò fecit, & laudatus à Deo fuit, vt habemus 4. Regum 9. & 10. Responderet, opinor, sic placuisse Deo, cuius iudicia inscrutabilia sunt. Eodem igitur modo Ecclesia, quæ spiritu Dei regitur, non semper exerit potestatem suam, sed pro loco, & tempore, vt à spiritu Christi admonetur, & ducitur. Et quidem primis trecentis annis Ecclesia Christiana, non habuit Reges Christianos, nisi paucissimos, vt Lucium in Britannia, & Donaldum in Scotia, qui cùm pij essent, non erat causa, cur Ecclesia potestatem suam in illos exerceret. Successerunt postea Reges, aut valdè pij, & religiosi, vt Constantinus magnus, Constâs eius filius, Iouinianus, Valentinianus, Gratianus, Theodosius, Honorius, & alij: aut valdè impij, & blasphemij, vt Constantinus, Iulianus, Valens, Theodoricus, Totila, Gensericus, Hunericus, & alij: Erga priores Ecclesia beneuolentiam ostendere debuit, non seueritatem erga posteriores, quoniâ potētissimi erāt seueritate ostendere nihil profuisset, ideo patiētia potius adhibenda fuit, quàm auctoritas. Sed cum temporibus Gregorij secundi Pontificis, Italici populi ægrè ferrent Imperium Leonis Isaurici, hæretici, & persecutoris; & prompti essent ad iugum nefarij Principis excutiendum, si Pontifex iuberet, vel arnueret, tū demùm opportunum visum est Apostolicę sedi auctoritatem suam exerere; quādo videlicet non frustra exereret. Sic etiam non ante Pōtifex Zacharias de Childerico Rege deponendo, & Pip-

nō ad Regnum euehendo cogitauit; quam populus, & Proceres Franci id expeterent: neque enim prudens consilium Pontificis fuisset, si inuito populo, & Proceribus, Regem illorum quamuis ineptum, & ignauum exauthorare tentasset. Quod si Barclaius tanti facit silentium annorum septingentorum, cur non maioris facere debemus nos verba, & exempla annorum nongentorum? nam Pōtifices, & Scriptores Ecclesiæ prioris temporis, vt non affirmarunt, ita etiam nō negarunt, esse in Apostolica sede potestatem aliquā disponendi de temporalibus, in ordine saltem ad spiritualia: Pōtifices autē, & Scriptores posterioris temporis, disertè pronuntiarūt, eam potestatem Ecclesiæ non deesse. Ecclesia certē eadem est, neque aduersus eam portæ inferi vnquam præualebunt; neq; desunt Ecclesiæ temporis posterioris homines doctrina, & sanctitate illustres. Quare nō rectē de Ecclesia Christi sentit, qui nihil admittit, nisi quod expressè in veteri Ecclesia scriptum, aut factum esse legit; quasi Ecclesia temporis posterioris, aut desierit esse Ecclesia, aut facultatem non habeat explicandi, & declarandi, cōstituendi etiam, & iubendi, quæ ad fidem, & mores Christianos pertinent.

10. Adducit Barclaius sanctum Gregorium, qui in Epist. 61. lib. 2. vocat se *famulum indignum Imperatoris*; & dicit, Imperatori cælitus datam esse potestatem super omnes homines: vbi notat illud, *omnes*, comprehendere etiam Papam, si Papa est homo. & ne quis fortē respondeat, sanctum Gregoriū ex humilitate ita esse locutum, citat illud ex sancto Augustino ser. 29. de verbis Apostoli, *Cū humili-  
tatis causa mentiris, si non eras peccator antequam  
menti-*

*mentireris, mentiendo efficeris, quod euit aueras. Denique addit, verba S. Gregorij, in fine illius Epistolæ, Vtrobique, ergo quæ debui exolui, qui & Imperatori obedientiam præbui, & pro Deo, quod sensi minimè tacui.]*

Respondeo. Sanctus Gregorius non solius Imperatoris; sed omnium fidelium seruum se nominabat, cùm initio Epistolarum suarum adscriberet, *Gregorius seruus seruorum Dei*, Et Ioannes Diaconus lib. 4. vitæ sancti Gregorij, cap. 58. testatur à sancto Gregorio vocari solitos fratres, omnes sacerdotes; filios, omnes clericos; Dominos, omnes laicos; nec tamen, opinor, Barclaius cōcedet, sanctum Gregorium omnibus laicis fuisse subiectum. Porro quod scribit sanctus Gregorius datam fuisse potestatem Imperatori cælitus, non significat Imperatoriam potestatem esse immediatè à Deo; sed esse à Deo in eo sensu, quo dicit Apostolus, ad Rom. 13. *non est potestas nisi à Deo*. Omnis enim potestas à Deo est; sed aliqua immediatè, vt Mosis, vt sancti Petri, vt sancti Pauli; aliqua mediante consensu hominum, vt potestas Regum, Consulum, Tribunorum: nam vt sanctus Thomas docet in 2. 2. q. 10. art. 10. & q. 12. art. 2.) dominia, & Principatus humani de iure humano sunt, non de iure diuino. Quod addit sanctus Gregorius, *super omnes homines*, intelligitur super omnes homines Romano Imperio subditos; alioqui potestas Mauritij Imperatoris fuisset etiam super Antipodas, super Garamantas, & Indos, & tamen non fuit super vicinos Persas, vel Scytas, nec super Germanos, aut Fracos, aut Hispanos, aut alios innumerabiles: proinde poterat Barclaius omittere illam cōsecutionem, ergo *super Papam si homo est*. Neque men-

mentitus est ex humilitate Beatus Gregorius, cum seruum se dixit eorum, quibus subiectus non erat; seruus enim dicitur, qui seruit aliorum vtilitati, siue id faciat obediendo, siue imperando: nam & Apostolus, seruum se fuisse scribit Corinthiorum, super quos tamen potestatem à Christo accepisse se dicit. 2. Corinth. 4. & 13. Denique quod attinet ad obedientiam, quam se exhibuisse scribit S. Gregorius Imperatori; dico eam fuisse coactam, & *de facto*, non *de iure* præstitam: nam idem sanctus Gregorius in explicatione Psalm. 101. de Mauritio Imperatore scribit hæc verba, *In tantum autem suæ temeritatis extendit vesaniam, vt caput omnium Ecclesiarum Romanam Ecclesiam sibi vindicet, & in Domina gentium terrena ius potestatis vsurpet.*

Pergit Barclaius, & exclamat *S O diuinum Antistitem & sententiam nullis non sequentium seculorum Pontificibus inculcandam. Sed prohi Numen; quo benigna illa & humilis confessio à nostris seculis exulauit? cui paulatim succreuit hæc minax, & fastuosa aduersus Reges, & Imperatores oratio, Nos in supremo iustitiæ throno collocati, supremum in omnes Reges, & Principes vniuersæ terræ, cunctosq; populos, gentes, & nationes, non humana, sed diuina institutione nobis traditam potestatem obtinentes, declaramus, iubemus, precipimus, &c. quæ verba falsa, & inania, vel ex eo esse patet, quòd Papa in Principes, & populos infideles, qui multitudine Christianos superant, neque temporalem, neq; spirituales potestatem habeat, vt Bellarminus in libris de Romano Pontifice firmissima ratione ostendit.]*

Respondeo. Hanc inanem exclamationem, & humilis confessionis laudationem sanctus ipse, Grego-

Gregorius refellit in eo priuilegio, quod Monasterio sancti Medardi concessit, quodque subscriptum ab ipso Gregorio, multisque Episcopis legitur, lib. 12. Epistolarum, post epistolam tricesimam primam: in eo siquidem priuilegio ita loquitur, *Si quis autem Regum, Antistitum, Iudicum, vel quarumcunque secularium personarum, huius Apostolica auctoritatis, & nostrae praeceptionis decreta violauerit, aut contradixerit, vel fratres inquietauerit, vel conturbauerit, aut aliter ordinauerit, cuiuscunque dignitatis, vel sublimitatis sit, honore suo priuetur. & ut Catholicae fidei deprauator, vel sanctae Dei Ecclesiae destructor, à consortio Christianitatis, & corpore, & sanguine Domini nostri Iesu Christi sequestretur.* Et supra dixerat, *auctoritate diuina, vice B. Petri Apostolorum Principis* se statuere. Iisdem verbis utitur sanctus Gregorius in alio simili priuilegio, quod habetur, lib. 11. epist. 10. quae est Senatorem Abbatē. Itaque humilis ille seruus seruorum Dei eminentiam suae dignitatis non ignorauit, cum diuina auctoritate, vice Principis Apostolorum, omnibus Regibus cuiuscunque dignitatis, & sublimitatis essent, sub interminatione priuationis proprii honoris imperare non timuit, ut praeceptionis suae decreta violare non auderent. Quid igitur est in Bullis Pij V. & Sixti V. (has enim bullas notat in margine) quas *minaces & fastuosas* appellat Barclaius, quod non sit in priuilegio illo ab humili Gregorio dato? Pius, & Sixtus dicunt, potestatem diuinam institutione sibi traditam: & Gregorius dicit, auctoritate diuina se praecipere. Illi dicunt super oēs Reges se potestatem habere: iste dicit, *si quis Regum, vel quarumcunque secularium personarum, &c.* Illi dicunt

dicunt, *iubemus, precipimus*: Iste dicit, *si quis Regum, &c. huius Apostolica auctoritatis, & nostra preceptionis decreta violauerit*. At, inquit, *verba illa Pij V. & Sixti V. falsa, & inania esse, vel ex eo patet, quod Papa in Principes infideles, neq; temporalem, neque spirituales potestatem habet*. Respondeo si falsa & inania sunt ista verba, multò magis falsa, & inania erunt verba sancti Gregorij, in epistola 61. lib. 2. à Barclaio supra citata, & laudata, vbi S. Gregorius dicit, Mauritio Imperatori datam esse à Deo super omnes homines potestatem: cõstat enim Imperatoris Mauritij potestatem non fuisse super omnes homines, cùm non fuerit, nisi super homines Romano Imperio subditos, quod Imperium eo tẽpore ne tertiam quidem hominũ partem continebat; quemadmodum igitur verba S. Gregorij de potestate Mauritij super omnes homines, intelligi debent de omnibus hominibus, qui Romano imperio subiecti erant: sic etiam verba Põtificum de potestate super omnes Reges, & populos, intelligi debent de omnibus Regibus, & populis, qui sunt in Ecclesia Catholica, quæ toto terrarum orbe diffusa est: sic enim debere intelligi verba illa, docent verba præcedentia. Pius enim V. initio Bullæ scribit, *vnica esse veram Ecclesiam Dei, eamq; totam sancto Petro eiusq; successoribus esse commissam, atque inde colligit, summum Pontificem potestatem habere super omnes Reges, & populos qui videlicet ad Ecclesiam pertinent, quæ in vniuerso Mundo est*. Sixtus verò V. dicit, *sibi curam incumbere Ecclesiarum omnium populorum, & gentium; vbi non dicit, se habere potestatem in omnes populos, & gentes; sed in Ecclesias*  
quæ

quæ sunt in omnibus populis, & gentibus. Similis locutio inuenitur apud sanctum Bernardum, in lib. 3. de Confid. cap. 1. vbi dicit, totum orbem terrarum ad curam summi Pontificis pertinere, *Ita*, inquit, *tu heres, & orbis hereditas. & orbe illi exeundum est, qui fortè voluerit explorare; qua non ad tuam pertinent curam;* & tamen ibidem dicit, Papam non esse dominum orbis; sed orbem totum ad eum pertinere, quia debet fideles pascere, eisque cum potestate præesse, & infidelium conuersioni studium, & diligentiam adhibere, vt Apostoli faciebant. Sanctus quoque Thomas in 2. 2. q. 12. art. 2. dicit, Papam habere potestatem super fideles, & infideles, qui fidem aliquando susceperunt; non autem super eos, qui fidem nunquam susceperunt, iuxta illud Apostoli 1. Cor. 5. *Qui ad me de his qui foris sunt iudicare?* quos auctores, & multos alios ego secutus sum in loco quem Barclaius notauit, videlicet lib. 5. de Pontifice cap. 2. Neque his repugnat quod supra docuimus cum S. Thoma, posse à Summo Pontifice priuari quoscunq; infideles à dominio quod habent super fideles: nam etiam si absolutè non pertineat ad Pontificem de his *qui foris sunt* iudicare, neque habeat Pontifex in illos ordinariam potestatem, cum ad gregem sibi commendatum non pertineant, nisi in potentia; tamen in ordine ad cōseruationem fidelium habet à Deo, auctoritatem priuandi Principes infideles dominio, quod habet super fideles, vt idem sanctus Thomas docet secunda 2. quæst. 10. artic. decimo.

Addo postremò, verba Pij V. non esse ita *fastuosa, & minacia*, vt Barclaius dicit: hæc enim sunt ipsius verba in Bulla excommunicationis Elizabethæ

thæ



thæ prætenſæ Angliæ Regiæ. Regnans in excelsis  
 cui data eſt omnis in cælo, & in terra poteſtas, vnā  
 ſanctā Catholicā, & Apoſtolicā Eccleſiam, ex-  
 tra quam nulla eſt ſalus, vni ſoli in terris, videlicet A-  
 poſtolorum Principi Petro, Petriq; ſucceſſori Romano  
 Pontifici, in poteſtatis plenitudine tradidit gubernan-  
 dam. Hunc vnum ſuper omnes gentes, & omnia Re-  
 gna Principem conſtituit, qui euellat, deſtruat, diſi-  
 pet, diſperdat, & plantet, & ædificet, vt fidelem popu-  
 lum mutue charitatis nexu conſtrictum in vnitāte  
 ſpiritus contineat, ſaluūq; & incolumem ſuo exhi-  
 beat Saluatori: quo quidem in munere obeundo, nos  
 ad prædictæ Eccleſiæ gubernacula, Dei benignitate  
 vocati, nullum laborem intermittimus, &c. & infra,  
 Illius itaque auctoritate ſuffulti, qui nos in hoc ſupre-  
 mo iuſtitiaethrono ( licet tanto oneri impares ) voluit  
 collocare, de Apoſtolicæ poteſtatis plenitudine decla-  
 ramus, prædictā Elizabethā hæreticā, & hæreticorū  
 fautricē, eiꝝq; adhærentes in prædicti anathematis ſen-  
 tentiā incurriffe, eſſeq; à Chriſti corporis vnitāte præ-  
 ciſos: quin etiam ipſam prætenſo Regni prædicti iure,  
 nec non omni, & quocunq; dominio, dignitate, priui-  
 legioq; priuatā, &c. Porro Bulla Sixti V. ita inci-  
 pit: Ab immenſa æterni Regis potentia, Beato Petro,  
 eiꝝq; ſucceſſoribus tradita auctoritas omnes terre-  
 norum Regum, & Principum ſupereminet poteſtates,  
 ſtabiliq; in petra conſiſtens, nec ullis aduerſitatibus,  
 vel etiam ſecundis flatibus à recto deſlexa inconcuſſa  
 profert in omnes iudicia. & infra, Itaque in præex-  
 celſo hoc ſolio, & in plenitudine poteſtatis, quam ipſe  
 Rex Regum, & Dominus Dominantium, nobis licet  
 indignis, tribuit, conſtitui, auctoritate Dei o-  
 mnipotentis, ac Beatorum Petri, & Pauli Apoſto-  
 lorum

lorum eius, & nostra, ac de venerabilium fratrum nostrorum S. R. E. Cardinalium consilio, pronuntiamus, & declaramus, &c. Quare sententia quam Barclaius recitat, non habetur ad verbum in Bullis Pij V. vel Sixti V. Sed eam ipse varijs ex locis ita construxit, vt ad inuidiam conflandam aptissimum esse iudicauit. Omitto cætera, quæ sunt in hoc tertio capite: quia non argumenta, vel rationes; sed maledicta sunt, & conuicia aduersus Pontifices: illum enim imitari volumus, qui *cum malediceretur, non maledicebat; cum pateretur, non comminabatur.* 1. Petri 2.

*DE FALSA CAUSA ORIGINIS  
temporalis potestatis Pontificiæ  
à Barclaiio assignata.*

CAPVT IV.

**I**N quarto capite differit Barclaius de origine temporalis potestatis pontificiæ: quasi iam exploratum esset, diuino iure sola spiritualia ad Summum Pontificem pertinere. Sed quoniam id neque exploratum, neque verum est, facile potuisssem totum hoc caput silentio præterire, vt quod ad rem non faciat, vel certè solido fundamento careat. Videamus tamen quid sit, quod hoc loco adfert Barclaius.

**S** Duas res, inquit, potissimum inuenio, quæ ansam Pontificibus tantam potestatem arrogandi videntur præbuisse. Vna est ingens ille honor, qui vt par erat à Prin-

*à Principibus, & populis Christianis summo animarum Pastori deferrebat, & deferri adhuc debet, atque etiam præiudicata sanctitatis opinio de Sede illa Beatorum Apostolorum Petri, & Pauli. & infra, Alteram tanta iurisdictionis temporalis captanda ansam præbuit gladius excommunicationis.]*

Respondeo. Frustra quærit Barclaius vnde tanta potestas Summis Pontificibus accesserit, cum ratio sit in promptu, quam & Doctores communi consensu, & ipsa generalia Concilia tradiderunt, summa videlicet spiritualis potestas diuinitas collata Apostolo Petro, eiusque successoribus super omnem Ecclesiam: ex ea siquidem manifestè sequitur, vt in ordine ad spiritualia, & vitam æternam, possit Summus Pontifex de temporalibus quoque disponere; vt capite superiore explicatum est. Quod autem Barclaius dicit, ex honore maximo, qui Summis Pontificibus deferrebat, & præiudicata sanctitate illius Sedis, captasse ansam Pontifices arrogandi sibi potestatem temporalem super Reges & Principes; falsum esse constat ex ijs, quæ supra Barclaius ipse scripsit: siquidem honor maximus, & præiudicata sanctitas non defuit primis mille annis, imò tunc maximè viguit: & tamen Barclaius contendit, primum fuisse Gregorium VII. qui sibi potestatem temporalem in Reges, & Principes usurpauit, post annum millesimum, ac septuagesimum ab aduentu Saluatoris. Dicit fortasse, primis illis annis fuisse Pontifices optimos. sed postea factos deteriores ad gloriam temporalis Imperij aspirare cœpisse. At Gregorius VII. vir sanctissimus fuit, nec solum innocentia vitæ, sed etiam miraculis clarus; cuius rei tot sūt testes, quot scriptores illi temporis, exceptis

schismaticis, vel hæreticis: quemadmodum etiam Innocentius III. & IV. qui hac potestate præter cæteros vñ esse videntur, Pontifices laudatissimi habiti sunt. Neque verum est Gregorium VII. fuisse primum, qui de temporali Regno disponere cœpit: nam & Gregorius primus, & secundus, & alij Pontifices optimi, & laudatissimi ante Gregorium VII. hanc potestatem habere se testati sunt, vt paulò infra docebimus. Porro excommunicatio est quidem instrumentum, quo Pontifices plerumque vñ solent ad coercendas huius seculi potestates; sed etiam sine isto instrumento non semel Pontifices Maximi de temporalibus dignitatibus pro Ecclesiæ vtilitate, & animarum salute disposuerunt; vt cùm Zacharias Childericum Regem Francorum deponi mandauit, & Pipinum inungi, atq; in solium exaltari iussit, & populos ab obedientia, & fidelitate Childerico præstita liberauit: & cùm Hadrianus primus Carolo Magno Regi Francorū dignitatem Patritius Romani contulit: & cùm Leo III. eundem Carolum Imperatorem Occidentis dixit. Quare verum non est, excommunicationis censuram ansam dedisse Pontificibus, vt potestatem temporalem sibi arrogarent.

Sed placet notare nonnulla, quæ in hoc capite Barclaius non sine magna temeritate effutijt.

1 Primum est illud: § *Sed hic Lector monendus est, sententiam illam omnium vocibus celebratam, excommunicationem omnem esse timendam; cùm hac exceptione intelligi debere, extra quam si manifestè constet esse iniustam; tunc enim nec curanda, nec timenda est, modo absit ab excommunicato cōtemptus, & præsumptio.*]

Hanc

Hanc Barclaij doctrinam damnant omnes boni Scriptores , qui distinguunt inter excommunicationem iniustam , & nullam : & iniustam quidem docent cum S. Gregorio esse timendam ; nullam autem , non esse timendam , nisi aliquando ob scandalum , quando videlicet nullitas excommunicationis nota non est. Ac ne singulos Doctores afferre necesse sit , audiamus Martinum Nauarrum , qui communem doctrinam hanc esse testatur. In Enchiridio cap. 27. num. 3. sic Nauarrus loquitur , *Sententia excommunicationis , quantumuis iniusta , valet regulariter , & ob id Gregorius in cap. 1. 11. q. 3. dixit , timendam esse siue iusta sit , siue iniusta . & infra , Vbi glossa , & vbiq; Doctores aperte dicunt valere , & ligare excommunicationem iniustam , & differre ab ea quæ est nulla.*

2 Alterum est in illis verbis : § *Cuius generis excommunicationis illa videtur , quæ in subditos profertur , eo quod Regi , vel Principi suo excommunicato pareant in ijs , quæ temporales sunt iurisdictionis , & Dei mandatis non repugnant.*]

Huius doctrinæ temeritatem , vel ex eo possumus demonstrare , quòd per eam damnatur sententia Innocentij IV. lata in Lugdunensi Concilio : quæ potest enim maior esse temeritas , quàm damnare manifestæ iniustitiæ sententiam Summi Pontificis , in generali Concilio latam , & omnium consensu probatam ?

3 Tertium est in illis verbis : § *Et verò Gregorius VII. partim publica offensa Henrici IV. Imperatoris , partim priuata iniuria permotus , id iuris dandi , & auferendi Regna aperte sibi prius omnium asseruit.*]

At qui falsum omninò est, quod Gregorius VII. primus omnium sibi asseruerit ius dandi, & auferendi Regna : iam enim supra numerauimus sex Pontifices, qui ante Gregoriũ VII. idem fecerunt, videlicet Gregoriũ primũ Gregoriũ secundũ, Zachariam, Leonem tertium, Gregorium quartum, & Hadrianum secundum. Nam Gregorius primus in priuilegio supra citato apposuit illa verba, *Si quis autem Regum, Antistitum, &c. honore suo priuetur.* Gregorius secundus Imperatorem Leonem Isauricum vectigalibus Italiæ priuauit, teste Zonara, Cedreno, & alijs. Zacharias Childericum à Regno deposuit, & Pipinum in Regnum exaltauit, testibus Annalibus Francorum antiquissimis, vbi sic legimus: *Data auctoritate sua (Zacharias) iussit Pipinum Regem constitui.* & infra : *Secundum Romani Pontificis sanctionẽ Pipinus Rex Francorum appellatus est.* Idem dicit Aimoinus, Eginarthus, Lambertus, Regino, Sigebertus, Hermann<sup>9</sup> Cõtractus, Marianus Scotus, Abbas Vrspergensis, Otho Frisingensis, & Albertus Crantzius, quorum verba infra citabimus. Leo tertius à Græcis ad Francos Imperium Occidentis transtulit, quod testimonijs historicorum, Pontificum, Imperatorum, & ipsorum Principum Electorum probauimus in libr. 1. de translatione Imperij. Gregorius IV. decretum Francorum, quo Ludouico Pio Imperium auferabatur, auctoritate sua rescidit, & Imperium Ludouico restituit, vt refert Marianus Scotus li. 3. Chronici, his verbis, *Ludouicus Reginam Aquis obuiam ei venientem iubente Papa Gregorio accepit : siquidem filij Ludouici non solum Imperium patri abrogauerant, sed etiam Iuditham vxorem ei ademerant; sed*

*vt*

*utrumque iubente Gregorio recepit. Et Paulus Aemilius lib. 3. de rebus gestis Francorum: Lugduni, inquit, Concilium Episcoporum, quos Ludouici Imperatoris filij contraxerant habitum, Imperiumq; patri abrogatum, quod decretum mox à Gregorio Pontifice Maximo rescissum est. Denique Hadrianus secundus plus ducentis annis Gregorio septimo antiquior, cum accepisset, Imperium Ludouici iunioris Imperatoris à Carolo Caluo Rege armis tentari, scripsit ad Carolum minaces literas, teste Aimoino lib. 5. cap. 24. qui sic ait, In epistolis Papæ continebatur, vt Regnum quondam Lotharij, quod Ludouico Imperatori spiritali eius filio, hereditario ei iure debebatur, & quod ad eum post mortem eiusdem Lotharij redijt, vel homines in eo degentes, mortalium nullus inuaderet, nullus commoueret, nullus ad se conaretur inflectere: quod si quis præsumeret, non solum per suæ auctoritatis ministerium infirmaretur, verum etiam in vinculis anathematis obligatus nomine Christianitatis priuatus cum Diabolo omnino locaretur.*

4 Quartum est in verbis sequentibus: *§ Verum enim nihil aliud Gregorius eo facto quam cruentas, & furiosas tragœdias excitauit, nec infelicitèr destinata vi, & armis prohibitus perfecit.*

Hoc quoque falsum esse notissimum est, quoniâ cruentas, & furiosas tragœdias non Gregorij decretum, sed Henrici inobedientia peperit: & quod potissimum optauit Gregorius, vt videlicet inuestituras Episcoporum de manibus laicorum eriperet, partim per se, partim per successores omnino perfecit. Siquidem Gregorij sententiâ, & decretum cõfirmarunt oēs eius successores, Victor tertius, Urbanus secundus, Paschalis secundus, Gelasius,

secundus, & Callistus secundus, cuius tempore Imperatoribus cedentibus pax inter Sacerdotiũ, & Regnum facta est: sic enim scribit Abbas Vrspergens in Chronico anni millesimi cētesimi vicesimisecondi, *Ipse, in cuius manu cor Regis est, omnem animositatem Augusti sub Apostolica reuerentia obedientiam, causa matris Ecclesiæ etiam vltra spem plurimorum inflexit, &c.* vide totum locum.

5 Quintum, & vltimum est in illis verbis, vbi magnificè laudat Hosium Episcopum Cordubensem, quem vocat virum magnum, & nobilissimum Confessorem: atque ex eius sententia constare dicit, Ecclesiam primis temporibus, neque temporalem potestatem in Principes habuisse, neque habere se credidisse; ac ne quidem ob hæresim, quod crimen grauissimum & perniciosissimum est.]

Sed nos Hosium virum magnum aliquando fuisse scimus, sed turpissimè postea lapsum in Arianam hæresim non ignoramus. Id enim tradit Athanasius in epist. ad solitariam vitam agentes, & in Apologia secunda; Hilarius in lib. de Synodis; Epiphanius hæresi 73. Sebadius in libro contra Arianos; Sulpicius lib. 2. Sacræ historiæ; Socrates lib. 2. cap. 26. Sozomenus lib. 4. cap. 5. Vigilii Martyr, in lib. 5. aduersus Eutychetem: deniq; Isidorus de Viris illustribus in Gregorio Betico. Deinde Hosius quantumuis nunquam lapsus fuisset, tamen non tanti faciendus est ab hominibus Catholicis, vt anteponatur Concilijs generalibus, non vni, sed multis, & Doctores omnibus initio à nobis citatis, qui cōmuni cōsensu docent, propter hæresim posse à Sūmo Pōtifice Principes deponi, ac principatu priuari. Addo postremo verba Hosij nihil omnino aduersus



nerfus communē sentētiam facere. Quid enim ille dixit? nō licere Pontifici Imperium gerere, vt neq; Imperatoribus Pontificatum. Sed etiam si Pontifex Imperium non gerat, potest tamen per ipsam Pontificalem potestatem Imperatorem hæreticum, ab Ecclesia arcere, ac ne Ecclesiæ noceat Imperium illi abrogare. Neque enim Zacharias Rex erat, & potuit tamen regem deponere: Neque Leo III. Imperator erat, & tamen Imperium ab vna gente ad aliam transferre potuit. Imò si Papa Rex aut Imperator esset, non posset Imperiali, aut Regia potestate Imperatorem aut Regem deponere, quia par in parem non habet imperium; proinde quod facit Papa, facit Apostolica, id est, suprema spiritali potestate, vt Christi Vicarius, non vt Princeps terrenus. Ex his apparet quantum officiāt lumeni mentis prauus propriæ opinionis affectus: Barclaius enim amore captus opinionis suę in verbis Hosij perspicuē se id videre existimauit, cuius nos ne vestigium quidem cernimus.

*DE POTESTATE IN TEMPORALIA, quàm indirectè Theologi summo Pontifici tribuunt.*

CAPVT V.

**I**N quinto capite Barclaius explosa (vt ipse dicit) Canonistarum, & Bozij sententia, aggreditur refutare sententiam Theologorum, qui dicunt Papam habere potestatem in temporalia *indirectè*. Sed antequam ad eius argumenta refellenda accedam, explicabo breuiter quid intelligamus

E s

per

per voces illas *directè* & *indirectè*; & quis sit auctor earum vocum. Igitur per voces *directè*, & *indirectè*, non intelligimus, vt aliqui per iocum dicunt, potestatem spiritualement esse in Pontifice *directè*, id est, *iuste*, & *legitimè*; temporalè autem *indirectè*, id est, *iniuste*, & *vsurpatiuè*; sed potestatem Pontificiã per se, & propriè spiritualement esse, & ideò *directè* respicere, vt obiectum suum primarium, spiritualia negocia; sed *indirectè*, id est, per ordinẽ ad spiritualia, reductiuè, & per necessariam consequentiã, vt sic loquamur, respicere temporalia, vt obiectum secundarium, ad quod non conuertitur hæc spiritualis potestas, nisi in casu, vt loquitur Innocentius tertius, in cap. *Per venerabilem*, qui filij sunt legitimi, *In alijs*, inquit, *regionibus*, *certis causis inspectis*, *temporalem iurisdictionẽ casualiter exercemus*: quomodo etiam loquitur S. Bern. in li. i. de Considerat. ca. 5. *Sed*, inquit, *aliud est incidenter excurrere in ista* (temporalia negocia) *causa quidem urgente*, *aliud verò vltro incumbere istis*, *tanquam magnis*, *dignisq; tali*. Porro auctorem harum vocum habemus Innocentium I V. Pontificem doctissimum. Is enim explicans, cap. *Nouit*. de iudicijs. §. de feudo, dicit, Pontificem *directè* non iudicare de feudis, secus autem *indirectè*, ratione peccati. Eadem distinctione vtitur Ioannes de Turrecremata, Thomas Caieganus, Petrus de Palude, Durandus, Franciscus Victoria, Dominicus à Soto, Martinus Ledesmius, Iacobus Simanca, Antonius Cordubensis, Martinus Nauarrus, Ludouicus Molina, & alij.

Venio nunc ad argumenta Barclaij. Primum adfert argumentum, quo ego fueram vsus aduersus eos, qui potestatem Pontificis, simul Pontificiam, &

Regiam, spiritualem, & temporalem esse volebāt, Reges autem temporales, non tam esse Reges, quā executores pontificiæ potestatis, & voluntatis. Argumentum meum hoc fuit, *Potestas Regum terrenorum est à Deo*, vt confitentur ipsimet Pontifices; sanctus Leo, epist. 38. ad Martianum; sanctus Gelasius, in epist. ad Anastasium; sanctus Gregorius, lib. 2. eqist. 61 Nicolaus in epistola ad Michaellem: *ergo vel potest summus Pontifex tollere executionem administrationis à Regibus, & Imperatoribus tanquam summus ipse Rex, & Imperator, vel non potest; si potest ergo est maior Christo, cū possit auferre, quod Christus dedit; si non potest, ergo non habet verè potestatem Regiam in ipsos Reges, & Imperatores.* Hoc argumentum ita retorquet Barclaius aduersus meam, & Theologorum cæterorum sententiam.

*I Aut potest summus Pontifex aliquo modo, hoc est, directè, vel indirectè auferre Regibus, & Imperatoribus Regna, atque Imperia, alijsque conferre; aut non potest, ergo est aliquo modo maior Deo, quia quod Deus dedit, ipse auferre: minor enim vel par auferre non potest, quod à maiore, vel equali concessum est; ac ne Vicarius quidem eius, qui concessit sine expresso Domini mandato: (ne quis nobis reponat, Papam tanquam Christi Vicarium id facere, cū ipse nullum de ea re mandatum neque expressum, neque tacitum accepisse inueniatur) si non potest, ergo falsum est, quod dicunt, cum habere summam potestatem indirectè disponendi de omnibus rebus temporalibus Christianorum, & deponendi de Solio Reges, & Imperatores, aliosque in eorum locum sufficiendi, hæc Barclaius.*

**Respondeo.** Cū dicimus ex Pontificum sententia

tentia Regum terrenorum potestatem esse à Deo: non intelligimus, esse à Deo *immediatè*, quomodo est à Deo potestas summi Pontificis; sed esse à Deo, quia Deus voluit esse in genere humano politicum regimen; & ideò instinctum quendam naturalem dedit hominibus, vt eligant sibi Magistratus à quibus regantur; & præterea voluit Deus regimen politicum esse distinctum ab Ecclesiastico, vt expressè docuit Nicolaus Papa, in epist. ad Michaellem; & post eum Innocentius in cap. *Solita*, de maiorit. & obedien. & ante vtrunque Gelasius in epist. ad Anastasium. Ex his perspicuū est argumentum meum solidum esse, & argumentum Barclaij omninò infirmum: nam si in summo Pontifice esset potestas spiritualis, & temporalis *directè*, & esset Pontifex Rex mundi, vt est Pontifex Ecclesiæ vniuersæ, & Reges cæteri essent meri executores temporalis iurisdictionis; certè posset Pontifex pro arbitrio suo priuare quoslibet Reges administratione, & executione iurisdictionis temporalis, & hoc modo posset tollere regimen politicum, vel confundere cū Ecclesiastico; & esset maior Christo, cū posset tollere, vel confundere potestates, quas ille voluit esse, & esse distinctas. At si in summo Pontifice ponatur potestas spiritualis tantum *directè*, & temporalis *indirectè*, id est, in ordine solum ad spiritualia; non sequitur, posse Pontificem tollere, vel confundere politicum regimen; sed solum sequitur, posse Pontificem per spiritualem, atque Apostolicam eminentissimam suam potestatem dirigere, & corrigere potestatem politicam, eamque, si opus sit, ad finem spiritualem, vni Principi adimere, & alteri conferre. Atque vt respondeamus in forma  
ad ar-

ad argumentum: cùm ille dicit, *Aut potest Summus Pontifex aliquo modo*, hoc est, *directè, vel indirectè auferre Regibus, aut Imperatoribus regna, atque Imperia, alijsq; conferre, aut non potest*. Respondeo, potest; cùm ille colligit, *si potest, ergo est aliquo modo maior Deo, quia quod Deus dedit, ipse aufert*: nego consecutionem. nam Deus non dedit *immediatè* regnum huic aut illi; sed dicitur potestas Regum esse à Deo, quia Deus voluit esse inter homines potestatem politicam, eamq; distinctam ab Ecclesiastica; proinde cùm Summus Pontifex transfert Regnum ab vno ad alium, non tollit quod Deus dedit, sed ordinat, & dirigit: & quemadmodum Deus dat Regna hominibus *mediante consensu & consilio hominum*; & potest, & solet ea mutare & transferre de gente in gentem, mediante consilio & consensu eorundem hominum: ita potest maiore ratione ea mutare, & transferre propter finem spirituales per Vicarium suum generalem, quem constituit super totam familiam suam. At, inquit Barclaius, *iste Vicarius non habet mandatum Domini, neque expressum, neque tacitum*. Imò habet expressum, sed in genere: eo siquidem ipso quod factus est Pastor gregis totius, & Præpositus toti familiæ, & caput vice Christi totius corporis Ecclesiæ, intelligitur habere mandatum regendi, & dirigendi, & corrigendi omnes oues totius gregis; omnes conseruos, qui sunt in familia; & omnia membra quæ sunt in corpore: neque excipiuntur Imperatores, & Reges, nisi velint excipi à numero ouium Christi, & seruorum Christi, & membrorum corporis Christi.

2 Adfert deinde Barclaius alterum argumentum,

rum, quod ego proposui aduersus eorum sententiã, qui tribuunt Summo Pontifici potestatem temporalem *directè* in omnia Regna mundi: illudque rectorquere conatur aduersus meã, & aliorũ Theologorum sententiam de potestate tẽporali *indirectè*, id est, in ordine ad spiritualia. sic autem loquitur:

*§ Sed aliud longè efficacissimum, quod ex eodem Bellarmini libro, & capite suprã retulimus, hoc loco ad institutum nostrum optimo iure in hunc modum adaptabimus. Si verum est, Papam habere potestatem indirectè disponendi de rebus temporalibus omnium Christianorum, aut eam habet iure diuino, aut iure humano: si iure diuino, deberet id constare ex Scripturis, aut certè ex Apostolorum traditione: ex Scripturis nihil habemus, nisi datas Pontifici clauēs Regni cœlorum: de clauibus Regni terrarum nulla mentio fit: traditionem Apostolorum nullam aduersarij proferunt.]*

Respondeo: Habet Summus Pontifex iure diuino potestatem disponendi de rebus temporalibus Christianorum in ordine ad finem spiritualem. Id verò constat ex Scripturis; nam in clauibus Regni cœlorum Apostolo Petto, pro se, & successoribus traditis, Matth. 16. non intelliguntur quidem clauēs Regni terrarum, de quibus nulla mentio facta est in Euangelio, quia non erat necessarium, vt Summus Princeps Ecclesiæ simul esse Monarcha tẽporalis huius Mundi: sed intelligitur potestas disponendi de temporalibus, quatenus ea iuuant ad aperiendum fidelibus Regnum cœlorum, vel impediunt, atque obstant, ne fidelibus aperiatur Regnum cœlorum.

*3 At, obijcit Barclaius, § Quod si dixerint, neque expresse*

*expresso Dei verbo, neque traditione Apostolorum ad huius potestatis confirmationem opus esse; cum indirectè tantum, & ex quadam sequela Pontifici competat, tamquam inseparabilis quadam accessio, & appendix potestatis illius spiritualis, qua supremus animarum Pastor in omnes Christiani gregis oves præditus est. Nos rursus ab eis petemus aliquod eius accessionis, & coniunctionis testimonium ex Scripturis, vel traditione Apostolorum.*

Respondeo. Iam dixi, potestatem, de qua loquimur, haberi expressè in Scripturis, sed generatim non in particulari; in illo videlicet cap. 16. Matth. *Tibi dabo claves regni cælorum.* & Ioan. 21. *Pasce oves meas:* atque ex iisdem istis testimonijs diuinis colligi particularem illam accessionem & coniunctionem potestatis disponendi de temporalibus in ordine ad spiritualia, ut nō semel explicatū est. Neq; verum est quod Barclaius subiungit, hanc tantam potestatem tum à Christo, tum ab Apostolis eorum successoribus alto silentio in Ecclesia tot seculis fuisse prætermissam. Nam à Christo apertè satis significata est in locis citatis: & ab Apostolo etiam indicata. 1. Corinth. 6. cum ait, *Nescitis, quia & Angelos iudicabimus? quanto magis secularia?* & à successoribus Apostolorum Petri, & Pauli, Romanis videlicet Pontificibus re ipsa demonstrata est in depositione Regum, & Imperatorum, iam inde ab anno Domini septingentesimo: nam ante illud tempus, vel defuit necessitas, vel opportunitas.

4 Obijcit rursus Barclaius. *Si vtraque potestas ab altera, spiritualis scilicet à temporalis, & e contra, separari possit: locus erit sententia, qua quod directè fieri non permittitur, id nec indirectè fieri statui*  
it.

*ita enim prudentes definierunt, quoties aliquid directè fieri prohibetur, id nec indirectè quidē, siue per cōsequentiam fieri posse; nisi id quod prohibitum est, sequatur necessario ad aliud iure permissum, ita vt permissum sine prohibito non possit procedere, & nisi (vt cum Iureconsulto dicam l. 5. §. generaliter, de donatione inter vir. & vxor.) vtriusque causa ita commixta sit, vt separari non possit. Vnde eum, qui solus rem alienare non potest, ne cedere quidem posse liti super ea mota concluditur, iuxta Panorm. in cap. dudum. 54. de elect. & cap. cum pridem, de pact. quod nimirum obliquè, & indirectè hoc modo rem alienaret. Si igitur Papa, quatenus Papa nullam temporalem iurisdictionem directè habet in Christianos, quod illi concedunt, superiore iuris sententia effici videtur, eum ne indirectè quidem habere posse. Quapropter vt suam hominibus sententiam persuadeant, debent ex Scripturis, aut Apostolorum traditionibus testimonium proferre, vel saltem docere, temporalem potestatem de qua loquuntur ita coniunctam esse cum spirituali, vt ab ea diuelli, & separari, vt, inquam, spiritualis sine ea consistere nullo modo possit: quod quoniam præstare nequiverunt, nihil nisi opiniones incertas sunt sequuti, & rationes quæ non satis videtur concludere, quod assumunt.*

Respondeo. De coniunctione & separatione Ecclesiasticæ potestatis, & politicæ, duplex potest esse quæstio. vna, An possit Ecclesiastica potestas esse sine Politica, ita vt nullus in Ecclesia sit princeps politicus; & contra, An possit potestas politica inueniri in aliqua gente, vbi nullus sit Prælatus Ecclesiasticus; & hoc modo concedimus posse inueniri has potestates omninò separatas: primis enim tempo-



temporibus Ecclesiæ fuit in terris Ecclesia sine v-  
lo Principe temporali Christiano, & fuerunt eo-  
dem tempore, & sunt etiam nunc aliqua Regna in-  
fidelium, vbi nulli sunt Prælati Ecclesiastici. Altera  
quæstio esse potest, An possit dari summa potestas  
Ecclesiastica, siue spiritualis, quæ non habeat ali-  
quo modo annexam potestatem disponendi de té-  
poralib<sup>9</sup> in ordine ad spiritualia: & hoc modo ne-  
gamus posse dare potestatem summam Ecclesiasti-  
cam, siue spiritualem, quæ non habeat annexâ po-  
testatem temporalem aliquo modo, id est, in ordine  
ad spiritualia. Nam etiam illo tempore, quo nulli  
erant in Ecclesia Principes temporales, potuit  
Princeps Ecclesiasticus iubere fidelibus, vt de bo-  
nis temporalibus alerent ministros Sacramentorû:  
item, vt fideles dirimerent inter se lites ciuiles, &  
non adirent pro his rebus tribunalia infidelium:  
quorum vtrumque docet Apostolus in priore ad  
Cor. cap. 6. & 9. Potuit quoque Ecclesia non tolera-  
re super se Principem infidelem, si is auertere co-  
naretur fideles à cultu veri Dei, vt S. Thom. docet  
in 2. 2. q. 10. art. 10. Deniq; illo tempore deerat vsus  
potestatis huius in Principes, quia nulli erant; sed  
potestas ipsa non deerat: aliud enim est potestas, a-  
liud vsus potestatis. Itaque fundamentum Barclaij  
de separatione harum potestatum omninò corru-  
it, & eo ruente ruit totum ædificium argumentorû  
ipsius. Nam quod adducit ex iure ciuili, & canonî-  
nico non facit ad rem; quia non admittimus sepa-  
rari posse omninò potestatem spiritualem à tépo-  
rali; & contrarium pro comperto habemus, idq; ex  
testimonio Scripturæ, & praxi Ecclesiæ. Barclaius  
autem assumit tanquam certa, & concessa, nos de-

stitui testimonio Scripturæ, & potestates illas nullo modo esse coniunctas: quæ nemo nostrum concedit; imò etiam falsa esse contendimus. Accedit præterea, quod quando in Ecclesia sunt Principes temporales, vt post primos ducentos, vel trecentos annos semper fuerunt: tunc potestas Ecclesiastica, & politica coniunctæ sunt adhuc strictiore vinculo; quoniâ Princeps politicus subiectus est Principi spirituali, vt filius patri, & membrum capiti. Siquidem Respublica politica, & spiritualis vnam Ecclesiam faciunt, non duas: & illius vnus Ecclesiæ caput est Vicarius Christi, Petriq; successor. Quare si quid valerent argumenta Barclaij pro Principibus, qui fidem Christi nunquam susceperunt, quod tamen non admittimus; certè pro Principibus Christianis, aut qui Christiani aliquandò fuerunt, nihil prorsus valent. Sed de hac re plura suo loco dicenda sunt.

*CVR PRIMIS SEPTINGENTIS  
annis Summi Pontifices non deposue-  
runt Reges hæreticos, vel A-  
postatas.*

## CAPVT VI.

**I**N sexto Capite Barclaius producit tanquam argumentum insolubile, quod neque vsus, neque exemplum, neque mentio vlla talis Pontificiæ potestatis annis circiter mille in Ecclesia fuerit: cùm multi interea Principes Christiani impiè, crudeliter, peruersè, & magno Ecclesiæ detrimento Regnis, atque Imperijs abuterentur. Deinde adfert solutionem ad hoc suum argumentum, quàm ante  
annos

annos viginti ad argumentum simile dedit Franciscus Romulus in Responsione ad Apologiam, quæ falsò Catholica inscribebatur: & eam solutionem in toto capite, & sequentibus vsq; ad duodecimum prolixè admodum, & magnis clamoribus odiosissimè refellere nititur, vt in his sex capitibus non Iureconsultum, aut Theologum disputatorem; sed tragicum declamatorem agere voluerit. Quare adscribam hoc loco responsionem integrâ Francisci Romuli, vt eam Barclaius refert, deinde respondebo ad singulas partes Barclaiianæ confutationis. Sic igitur loquitur Franciscus Romulus in Apologia cap. 8.

[Iam verò quod quarto loco aduersarius obijcit de maiorum nostrorum consuetudine, qui Principes multos hæreticos passi sunt, vt Constantium, & Valentem, Arianos; Anastasium Euthychianum; Heraclium Monothelitam, & si qui sunt alij, ad rem nihil facit; neq; enim Ecclesia temerè, & inconsideratè potestate sua debet abuti. Porro nō rarò accidit, vt tãta sit quorundam Regum cū improbitate, ac seuitia iuncta potentia, vt Ecclesiastica censura, neque ad eos coercendos quicquā prosit, & Catholicis populis, in quos Principes irritati magis seuiunt, plurimū obfit. Quid enim quæso profuisset quondā Ecclesia, si tētaasset, vel Ostrogotos Reges in Italia, vel in Hispania Vvisegothos aut Vvandalos in Africa excommunicare, ac de solio deturbare, quamuis id facere optimo iure potuisset? Quod idem de Constantio, Valente, & alijs supra nominatis intelligi debet. Siquidem ea tunc erant tempora, vt potius ad martyrium subeundum Episcopi, quā ad Principes coercendos parati esse deberent. At vbi vidit Ecclesia sua potestati locum aliquem aperiri,

vel cum ipsorum Principum spiritali vtilitate, vel certè sine detrimento, & perniciè populorum; non sibi defuit, vt exempla paulò antè allata demonstrant. Sic enim Ecclesia Leonē Isauricum Imperij parte, & Hēricum quartum toto Imperio, & Childericum Regno Francie spoliandos esse iudicauit, vt re ipsa deinceps, & Leoparte Imperij, & Henricus Imperio toto, & Childericus Regno caruerit. Itaque veteres illos Imperatores Constantium, Valentem, & ceteros, non tam tolerauit Ecclesia (vt aduersarius somniat) quòd legitimè in Imperium successissent; alioqui enim Leonem etiam, & Hēricum, & Childericum, qui non legitimè successerant, pertulisset; sed quod illos sine populi detrimento coercere non poterat, istos poterat.]

Hac respōsio Francisci Romuli à moribus Barclai vindicanda est, tùm quia ad rem nostram maxime facit, tùm quia est hominis Catholici, & eruditissimi, cuius librum iam olim vidi, non Romæ excusum, vt Barclaius fingit; sed in Gallijs; qua vrbe nō memini. Ergò Barclaius partem illam reprehendendam primo loco sibi desumpsit, vbi dicitur, *Ea tunc erant tempora, vt potius ad martyrium subeundum Episcopi, quàm ad Principes coercendos parati esse deberent.* Quæ verba Barclaius pro sua modestia dicit, falsa esse, & in meris mirisq; mendacijs fundata. Deinde addit, ea indigna sibi videri, quæ ab vlllo Catholico, nedum Theologo in medium adferantur. Denique ita in partem deteriorē ea verba interpretatur, vt exclamet. *Quid enim? an nos incidimus in ea tempora, quibus Episcopi milites potius quàm martyres esse debeant? aut legem Dei, atque Ecclesiam pralijs, quàm predicationibus defen-*

*defendere?* Atque hinc accepta occasione toto illo capite, aduersus mores Episcoporum, & Cardinalium maximo furore bacchatur. Sed nos conuicijs, & maledictis præteritis, & tota eius Canina eloquentia prætermiſſa, breuiter respondebimus. Primò falſum eſſe dico, quod initio capitis ipſe ſumit, annis circiter mille, neque uſum, neque exemplum, neque mentionem vllam talis Pontificiæ poſtatiſ in Eccleſia fuiſſe: ſiquidem exempla Gregorij primi, ſecundi, & quarti, nec non Zachariæ, & Leonis III. ſuprà allata contrarium euidenter oſtendunt. Deinde addo, Franciſcum Romulū non diuiſiſſe reſponſionem in partes duas, vt iſte fingit; vna eſt enim, & ſimplex reſponſio, videlicet nō potuiſſe Eccleſiā illo tempore vti poteſtate ſua; ideo ſubeundum fuiſſe martyrium potius, quā fidem abnegandam. Quemadmodū etiam hoc tempore vbi Ethnici præualent, vt in Inſulis Iaponijs; vel hæretici, vt in Britannia, plurimi ad martyrium animantur, & reiſſa martyrium fortiſſimo animo ſuſcipiunt potiùs, quā ad fidei abnegationē perducere ſinant: Adiungo poſtremò tempus martyrij proprium illud eſſe, cū neque fuga, neque iuſta deſenſione, ſed ſola paſſione abnegatio fidei declinari poterit. *Et quia enim Dominus in Euangelio vim vi repellere vnquam prohibuit; fugam autem non modò permiſit, ſed etiam in certo caſu, vt cū Eccleſiæ neceſſitas, vel maior vtilitas id poſtulat, imperauit dicens, Cū vos perſequentur in vna ciuitate, fugite in aliam. Mat. 10. neque in gladios perſecutorum irruere, ſed mortem pro fidei confeſſione illatā tolerare a quo animo iuſſit. Et quidem quod attinet ad fugā tam euidentis eſt mandatum Domini, &*

testimonia, atque exempla sanctorum Prophetarū,  
 & Apostolorum quę copiosè adducit sanctus Atha-  
 nasius in Apologia pro fuga sua, vt nulla de hac re  
 dubitatio Catholicis relicta sit. quod autem liceat  
 vim vi repellere, & iure belli persecutionem siue  
 gentilium, siue hæreticorum propulsare, si vires  
 adsint; docent bella Machabæorum aduersus An-  
 tiochum, qui populum Dei ad Idololatriam com-  
 pellere satagebat, docent bella Catholicorum ad-  
 uersus hæreticos in Africa tempore sancti Grego-  
 rij, de quibus loquitur idē S. Gregorius, lib. 1. epist.  
 77. ad Gennadium Exarchum, vbi eum laudat, quòd  
 magno zelo hæreticos armis persequeretur, eumq;  
 excitat, & hortatur, vt viriliter pergat. docent bel-  
 la Catholicorum aduersus hæreticos Albigēses, &  
 Tholosanum Comitem Raymundum patronum i-  
 psum, vbi diuina adiuuante gratia plus centum  
 millibus vno prælio à Simone Comite Monfortio  
 cum exigua manu cēsi sunt, vt scribit Paulus Aemi-  
 lius, lib. 6. historiae Francorū, docent nostro tempo-  
 re bella Heluetiorum Catholicorum aduersus Hel-  
 uetios hæreticos Zuinglianos. Nam vt scribit Io-  
 annes Cochleus de Actis Lutheri anno 1531. Helue-  
 tij pro fide Catholica pugnantes, cū numero, &  
 viribus essēt inferiores, & sola iustitia <sup>super-</sup> ~~infer-~~  
 iores, quinque prælijs hæreticos gloriosè vicerūt.  
 quo tempore autem Catholici à Constantio Aria-  
 no Imperatore vexari cōeperunt, ad Constantem  
 Principem Orthodoxum, qui in Occidente impe-  
 rabat S. Athanasius, alijq; Episcopi Catholici con-  
 fugientes, literas impetrarunt minaces ad Constā-  
 tium, vt habetur in historia tripartita, lib. 4. ca. 25.  
 quibus literis ad tempus repressa persecutio est;

sed paulò post Constante defuncto, & Constantio in toto orbe Romano Imperium obtinente, cùm nemo esset, qui illi resistere auderet; tempus illud aduenit, quo Episcopi ad martyrium parari, non autem de Imperatore excommunicando, vel depouendo cogitare deberent. Atque hæc est sententia Francisci Romuli, non ea, quàm illi Barclaius affingit, quasi voluerit olim Episcopos martyres esse debuisse, nunc milites esse debere.

*CVR ECCLESIA CONSTANTIVM  
hæreticum, & Iulianum Apostatam  
Imperatores non deposuit?*

## CAPVT VII.

**I**N septimo capite refutare Barclaius aggreditur verba illa postrema Francisci Romuli. [*Itaque veteres illos Imperatores Constantium, Valentem, & ceteros, non idè tolerauit Ecclesia, quòd legitimè in Imperium successissent: alioqui enim Leonem etiam, & Henricum, & Childericum, qui non minus legitimè successerant, pertulisset; sed quod illos sine populi detrimento coercere non poterat, istos poterat.*] Et miratur, hos idem scripsisse Bellarminum libr. 5. de Pontifice cap. 7. Sed vt magis miretur, sciat hoc idem sensisse sanctum Thomam in 2.2. q. 12. art. 2. ad primum, vbi dicit Ecclesiam tolerasse, vt fideles obedirent Iuliano Apostatæ, quia in sui nouitate, nondum habebat vires compescendi Principes terrenos. Existimat igitur Barclaius, Ecclesiam facilè potuisse, si voluisset, tum Constantium Arianum, tum Iulianum Apostatam de solio deturbare; sed id nõ fecisse, quod

sciret illos legitimè in Imperium successisse. Argumenta eius hæc sunt. Primum, quia totus orbis tempore Constantij Christianus erat, & eius pars maxima Orthodoxa. § *Falsissimum*, inquit, *esse dico, non potuisse Ecclesiam coercere illos æquè facile, atque istos, ne dicam facilius, & sine detrimento populi, siue id armis tentare, siue arte aliqua, & hominis deuoti opera uti voluisset. Iam enim totus orbis sub Constantio Christianus fuit (ut ex epist. Constantini magni ad Ecclesiam, ab Eusebio, & Nicephoro relata constat) & eius pars maxima Orthodoxa: ita ut vires illis ad opprimendum Imperatorem nequaquam defuerint, si fas, aut pium credidissent armis aduersus legitimum Principem decertare.]*

Respondeo. Primum, verum non est, tempore Constantij totum orbem fuisse Christianum, neq; hoc dicit in ea epistola Constantinus. Et si hoc esset verum, quo modo Simmachus Præfectus vrbis longa oratione (quæ extat apud sanctum Ambrosium inter Epistolas eius vicesimam nonam, & tricesimam primam) persuadere conatus fuisset Valentiniano Imperatori, ut sacra gentilibus Romanis restitueret? Cur sanctus Ioannes Chrysostomus in oratione de sancto Babyla, & Theodoretus, in libris de curandis Græcorum affectionibus tam multa disputassent aduersus gentiles sui temporis? Cur sanctus Augustinus, & Paulus Orosius scripssent contra querelas gentilium, ille libros de Ciuit. Dei: iste historiam cladium, quas Romani antequam Christus aduenisset acceperant? Denique Barbari cum quibus post tempora Constantini ad Orientem, & Septentrionem Romani assiduè decertabāt Parthi, Persæ, Sarmatæ, Gothi, nonne maxima ex parte  
genti-



gentiles erant? Deindè etiam si hoc effet verum; nõ tamen inde rectè colligi posset, facile fuisse Ecclesiæ coercere Constantiũ, vel Iulianum: nam Imperatores illi potentissimi erant, & multas legiones armatas ducebant, aduersus quas nihil poterat inermis multitudo fidelium, præsertim cùm Principem aliquem Christianum non haberet, qui vellet, aut posset eam armare, & armatam ducere aduersus Imperatores. Hoc certè tempore in Imperio Turcarum plurimi sunt Christiani, & fortasse plures numero, quàm ipsi Turcæ sint: tamen quia neque Ducem, neque arma in promptu habent, aduersus Turcarum Regem nihil possunt; quæ causa fuit olim, cur neque Itali iugum Gothorum, neque Africani Vandalorum, neque Galli Francorum excutere possent. At Leonem Imperatorem Græcum facile fuit Summo Pontifici Gregorio excludere ab Imperio Italiæ, quoniam vires eius in Italia debilitatæ erant, & Proceres Italiæ hoc ipsum maximè expetebant, vt facultas eis à Pontifice daretur deficiendi ab Imperatore impio: pari ratione Chazaricum Regem Francorũ nullo negotio potuit Zacharias Põtifex Regno priuare, cùm id ipsum Proceres Franci cuperent, & ipse potestate rerum gerendarum ad Magistrum Palatij translata ocio defidiaque langueret. Denique Henricum Imperatorem non ante Gregorius Papa deponendum esse decreuit, quàm grauissima eius crimina vocibus populorum ad eum delata iustitiam postularent, vt Marianus Scotus alijsque eius temporis historici docent.

Addit Barclaius, *temporibus Constantij non defuisse in Aegypto, & Lybia, alijsq; locis per Asiam, &*

*Europam Monachos permultos, in quibus non minor zelus erat quàm in illo, qui Henricum tertium Francorum Regem confodit, qui, si licuisset, facile Constantium de medio tollere potuissent.*

Respondeo. Non pertinet ad Monachos, aut alios Ecclesiasticos viros cædes facere, vt habetur 23. q. 8. Can. 1. & sequentibus; multò autem minus per insidias Reges occidere. Neque Summi Pontifices consueuerunt ista ratione Principes coercere. Ipsorum mos est, primùm paternè corripere, deinde per censuram Ecclesiasticam Sacramentorum Cõmunione priuare, denique subditos eorum à iuramento fidelitatis absoluerè, eosque dignitate, atque auctoritate Regia, si res ita postulat, priuare. Exequutio ad alios pertinet. Quare Innocentius Pontifex cùm in Concilio Lugdunensi Friderico II. Imperium abrogasset, dixisse fertur, *Ego, quod meum est, feci; faciat & prosequatur super his Deus, quod voluerit.* Id refert Mathæus Paris in Henrico tertio referens. *Acta anni Domini 1245.*

Arguit deinde, & probare nititur, facilè fuisse Ecclesiæ tollere de medio Iulianum Apostatam, & Valentem Arianum, quia exercitus eorum magna ex parte Catholici erant, & Episcopis obedientes, quod cùm non fecerit, sequitur, aut Pontifices illius temporis non esse functos officio suo, aut credidisse non sibi licere Principes, quamuis Apostatas, aut hæreticos deponere.

Respondeo, Iulianum Apostatam difficillimum fuit deponere, quoniam ipse solus Imperium regebat, neque verum est totum eius exercitum fuisse Christianum: scribit enim Ruffinus, lib. 2. cap. 1. *totum fuisse pollutum sacrilegijs, sacrificijs videlicet*

licet idololatricis: nam, vt scribitur in Historia tripartita, lib. 7. cap. 1. legem tulerat Iulianus, vt omnes milites sacrificarent Idolis, aut de militia eijcerentur. Itaque plenus erat exercitus Paganis, aut ijs, qui à Christo defecerant. Neque his repugnat, quod aduersarius citat ex Ruffino, Socrate, & Theodoretò; Iouiano recusante Imperium sumere, quò ipse Christianus cùm esset, Paganis imperare nolebat, exercitum vna voce clamasse, & *nos Christiani sumus*. Siquidem ea vox significabat, plerosque illorum corde, ac voto Christianos fuisse, non manifesta professione: alioqui Iouianus, nò eis obiecisset paganismum, neq; dixisset, se nolle imperare Paganis. Itaque si qui erant in exercitu Iuliani Christiani, occulti erant, & còmmunione sacrilegorum sacrorum maculati, Pagani habebantur. De Valente idem omninò dici potest: quamuis enim paucos quosdam in exercitu suo Catholicos haberet, tamè multitudo Principis sequebatur errores. Neque alia causa est, cur Valentinianus Catholicus Imperator fratrem Valentem hæreticum toleraret, nisi quia non facilè erat sine ullo, & ambiguo bello de Imperatoris scilicet illò deijcere, subiungit porro Barlaam duo Patrum testimonia, v. g. S. Gregorij Nazianzeni, orat. 1. in Iulianum, cuius verba sunt, *Coercitus est Dei lacrima, & lacrymis Christianorum*. *multa iam, & à multis erat effusa, cum, cum hoc còtr. persecutorè haberet remediũ*. Alterum, sancti Augusti, tract. in Ps. 124. qui sic loquitur, *Iulianus extitit infidelis Imperator, nãne extitit Apostata iniquus, idololatra? Milites Christiani seruierunt infideli Imperatori: vbi veniebant ad causam Christi, nò agnoscabant, nisi illum,*

*qui in cælo erat; quando volebat, vt Idola colerent, vt  
thurificarent, præponebant illi Deum: quando autem  
dicebat, producite aciem, ite contra illam gentem,  
statim obtemperabant, distinguebant Dominum eter-  
num à Domino temporali, & tamen subditi erant  
propter Dominum eternum etiam Domino temporali.*

Respondeo. Sanctus Gregorius dicit, nullum ad-  
uersus Iuliani persecutionem fuisse remedium  
præter lacrymas; quoniam non habebat Ecclesia  
vires, quibus illius tyrannidi resistere posset. Ideò  
enim lacrymis Dei benignitas imploranda erat;  
quoniam aliundè auxilium expectari non pote-  
rat. Neque negauisset sanctus Gregorius, potesta-  
tem politicam iure subiectam esse debere spiri-  
tuali Pontificum potestati, cum hoc ipsum disertis  
verbis scriptum reliquerit, in Oratione ad popu-  
lum pertimescentem, & Præsidem iratum: quare  
hoc loco de facto loquitur non de iure. Sanctus Au-  
gustinus rectè dicit, Milites Christianos seruiuisse  
Iuliano Imperatori infideli, quoniam initio Impe-  
rii sui tolerabat Christianos; nec solos milites  
Christianos esse patiebatur; sed etiam Episcopos  
Catholicos, quos Constantius Augustinus relegaue-  
rat, ad sedes suas reuerti permittit. vt refert Ruti-  
nus, lib. 1. cap. 27. postea tamen, vt ex ipsa partici-  
patione, cogebat omnes, aut idolis sacrificare, aut  
militia excedere, tunc tempore Iouinianus, & Valen-  
tinianus cingulū militiæ abiecerunt, quàm idolis sa-  
crificare maluerunt; propter quod Deus, qui reddit  
centuplū in hac vita, vtriq; paulò post, pro cingulo  
militiæ Regium diadema donauit. Porrò Barclaius  
perperam interpretatur illa verba, *Vbi veniebant  
ad causam Christi: dicit enim, causam Ecclesiæ esse  
causam*

causam Christi; & idèd si licitum esset Imperatorem Apostatam deponere, debuissent milites Christiani, iubente Ecclesia, in ipsum Iulianum arma conuertere. At sanctus Augustinus verba sua ipse interpretatur, cum ait, *Quando volebat Iulianus, vt Idola colerent, praponebant illi Deum*. Hanc igitur vocat causam Christi sanctus Augustinus: quamuis autem sit etiam Christi causa, Ecclesiæ causa; tamē non tenebantur milites Christiani in Imperatorē suum, quamuis Apostatam, & persecutorem arma conuertere, nisi antea hostis iudicatus esset: Ecclesia verò tolerandum potius censuit, quàm irritandum, cum satis virium ad eum deponendum non haberet, vt sanctus Thomas ad hoc ipsum Argumētum respondet, in 2.2.q.12.art.2.

*CVR ECCLESIA NON DEPO-  
suit Valentinianum Iuniorem  
Arianum?*

## CAPVT VIII.

**I**N cap. 8. Barclaius probat, non defuisse vires Ecclesiæ, quibus Valentinianum Iuniorem hæreticum ab Imperio deponeret: sed frustra laborat; non enim Franciscus Romulus, cuius disputationem Barclaius refellendam suscepit, de isto Valentiniano vllam mētionem fecit: sciebat enim facile fuisse S. Ambrosio illum deijcere, præsertim cum Maximus Princeps Catholicus iam esset in armis, vt Valentinianum hæreticum coerceret, & tota ciuitas Mediolanensis, & ipsi etiam milites ab Ambrosio starēt. Cur igitur, inquires, S. Ambrosius Valentinianum hæreticum tolerauit? Causa est

est in promptu, quia Valentinianus puer erat, & nō proprio iudicio, sed matris auctoritatem sequutus Ecclesiam persequi cōcepit. Sperabat verò S. Ambrosius facillē posse adduci eundem Valentinianū, vt Parentis sui Valētiniani senioris, & fratris Gratiani, necnon collegæ Theodosij Catholicorum Imperatorum fidem, & pietatem sequeretur. Quod etiam breui contigit: resipuit enim Valentinianus, & S. Ambrosium ita colere cōcepit, vt nullum haberet, cui magis fideret, neque quem magis obseruaret: denique parentis loco illum deinceps semper habuit: quæ omnia vera esse intelliget, qui orationem eiusdem S. Ambrosij in funere Valentiniani Imperatoris habitam legere voluerit. Ex quo etiam respondetur ad id quod Barclaius obijcit de Theodosio Imperatore, qui Valentinianum ad se confugientem complexus est, eumque fugato Maximo in Imperium restituit.

*S Res notata digna (inquit Barclaius) hereticus à Catholico fugatur, ad Catholicum auxilij causa fugit: à quo & reprehensus est propter heresim, & propter reuerentiam Maiestatis humaniter exceptus, atque in Regnum restitutus: & quia Ecclesia rebellionem, Religionis ergò, aduersus legitimum Principem non laudauit, Maximus neque reformator Imperij dictus est, neque restaurator Ecclesia, sed rebellis, & tyrannus.]*

Respondeo. Theodosius optimo iure Valentinianum adiuuandum suscepit aduersus Maximum, tum quia animaduertit, illum à matre seductum facillē posse ad Fidem Catholicam reduci, quòd (vt diximus) cōtinuò factum est; tum quia Theodosius à Gratiano Valētiniani fratre ad Imperij societate

vocatus

vocatus fuerat, proinde æquum erat, vt benefactoris sui fratrem, & Imperij collegam in tanto periculo non defereret; tum denique quia Maximus non præcipue propter Religionem, sed propter dominandi cupiditatem Imperium vsurpauerat, & Gratianum legitimum Principem interfecerat. Itaque Theodosius non aduersus defensionem Catholicæ fidei, sed aduersus parricidam Imperatoris, & iniustum Imperij vsurpatorem arma suscepit.

His explicatis Barclaius, quasi parta victoria exultans, ait: *§ Hac cum ita sint, desinant nunc velim aduersarij commento suo nobis imponere, aut saltem dicant, vnde id hauserint?*

Respondeo. Commentum dici non potest, quod omnes Doctores, & ipsa Concilia generalia traderunt. Vnde autem id hauserimus, non semel ostendimus, & paulò post clarius ostendemus.

Subijcit Barclaius: *§ Constat omnes ea ætate sensisse, nullam vel Episcopo Romano, vel Ecclesiæ vniuersæ temporalem potestatem vlllo modo, vllaue ex causa in eos competere, sed solius Dei iudicio, quantum ad pœnas temporales relinquendos. & paulò post, Huius, inquit, rei testem in primis Tertullianum produco, qui de Imperatoribus loquens in Apologetico; Sentiunt, inquit, Deum esse solum, in cuius solius potestate sunt, à quo solo sunt secundi, post quem primi, ante omnes Deos, & super omnes homines. & in libro ad Scapulam, Colimus, inquit, Imperatorem sic, quomodo, & nobis licet, & ipsi expedit, vt hominem à Deo secundum, & quicquid est à Deo consecutum, solo Deo minore: hoc & ipse volet; sic enim omnibus maior est, dum solo vero Deo minor est.]*

Respondeo. Falsum est, costare, omnes Doctores  
ca. 22.

ea ætate sensisse, nullam vel Episcopo Romano, vel Ecclesiæ vniuersæ temporalem potestatem vlllo modo, vllave ex causa in Principes Christianos comperere. Auctores enim, quos Barclaius adducit, & paucissimi sunt, & non dicunt quod ipse affirmat. Tertullianus, qui primo loco citatur, de Principibus Ethnicis loquitur, qui toti Orbi Romano imperabant, & nondum sceptrum suum Christo subiecerant. Itaq; secundi à Deo in rerum temporalium administratione de facto dici poterant. At, inquit Barclaius, *lex Christi iure suo neminem priuat, proinde Reges, & Imperatores accedendo ad Ecclesiam, nihil iuris sui temporalis amittunt.* Verum est, nihil amittunt, sed multa lucrantur potius, cum & Reges temporales sint, ut antea erant, & Regni celestis hæredes fiant, quod antea non erant. Sed si ad Regnum coeleste adipiscendum, oporteat eos Vicario Christi subesse, ut iam non liceat illis temporali potestate abuti ad suam, & aliorum perditionem, molestè ferre non debent.

Secundo loco Barclaius Ambrosium producit, qui in Apologia David sic loquitur: *Rex utique erat (David) nullis ipse legibus tenebatur, quia liberi sunt Reges à vinculis delictorum: neque enim vllis ad pœnam vocantur legibus, tuti Imperij potestate.*]

Respondeo. Liberi sunt Reges à legibus politicis, tum suis, tum prædecessorum Regum, quia par in parem non habet potestatem: non sunt tamè liberi à legibus Dei, & Ecclesiæ; & hoc videmus etiam commune fuisse cum Regibus testamenti veteris, qualis erat David. Siquidem cum Rex Ozias thus adolere vellet in templo Domini, quod erat officium summi Sacerdotis, & repulsus à Sacerdotibus



tibus non acquiesceret, continuò lepra percussus est, & ad iudicium Sacerdotum coactus est habitare seorsim, & à Regni administratione cessare; ut dicitur in 2. lib. Paral. c. 26. Addit Iosephus lib. 9. antiquitatum cap. 11. ab eo tempore Oziam priuatū vixisse, ac longo mœrore consumptum. Simili ferè modo cū Principem Christianum lepra hæresis infectum cernit Summus Pontifex, segregat illum à cœtu piorum per sententiam excommunicationis, ac ne cæteros inficiat, soluit eius subditos à iuramento fidelitatis, atque si opus sit, iubet etiam sub eadem excommunicationis pœna, ne illum pro Rege habeant, neve illi ut regi pareant.

Tertiò Barclaius Gregorium Turonicum testem adducit, qui in lib. 5. historiæ Francorum, cap. 18. his verbis alloquitur Regem, *Si quis de nobis, & Rex, iustitiæ tramites transcendere voluerit, à te corripitur potest: si verò tu excesseris, quis te corripiet? loquimur enim tibi, sed si volueris audis, si autem nolueris, quis te condemnabit, nisi is, qui se pronunciauit esse iustitiam?*

Respondeo. Loquitur Gregorius de potestate, quam habent Reges *de facto* cogendi homines particulares, & quam non habent homines particulares ad cogendos Reges. Accusauerat enim Rex Chilpericus Prætextatum Episcopum Rothomagensē tamquam reum Maiestatis, apud Parisiensem Synodum, in qua cum alijs multis Gregorius Turonicus sedebat: & quoniam Gregorius Prætextatum innocentem esse, & à subordinatis falsis testibus grauari intelligebat, condemnationi eius assentiri nullo modo volebat. Itaque sciens Rex unū

G. Grego-

Gregorium sibi resistere, dixit illi, *O Episcopo iustitiam cunctis largiri debes; & ecce ego iustitiam à te non accipio; sed vt video consentis iniquitati, & impletur in te prouerbum illud, quod Coruus oculum Corui non eruet.* Tùm Gregorius demonstrare volens, fieri non posse, vt aliquis nolit Regi iustitiam facere, cùm Rex possit eum cogere, vt iustitiam faciat; sed è contrariò fieri posse, vt Rex nolit iustitiam facere, cùm nemo possit eum cogere, vt iustitiam faciat: respondit verba superius posita. *Si quis de nobis, ô Rex, iustitia tramitem transcendere voluerit à te corripì potest: si verò tu excesseris, quis te corripiet?* Atque hanc esse sententiam horum verborum, non solum perspicuum est ex verbis præcedentibus; sed etiam ex euentu illius causæ. nam cùm Rex varijs artibus, & dolis conatus esset extorquere à Synodo sententiã damnationis contra Prætextatum, & non obtinuisset; vi adhibita, coniecit eum in carcerem, & cùm is elabi voluisset, grauer cæsus in exilium missus est, vt eodem loco narrat Gregorius, & Aimoinus, lib. 3. historiæ Francorum, c. 26. Neque hic finis furoris fuit Fredegundis Reginæ, in cuius gratiam Rex omnia illa moliebatur. nam cùm postea per Guntrānum Regem Prætextatus in suam sedem restitutus fuisset, dolo eiusdem Reginæ per sicarium quendā ad altare sacrū prætextatus occisus fuit, teste eodē Gregorio, lib. 8. ca. 31. qui Prætextatus inter sanctos Martyres haberi cœpit. Hæc igitur est illa potestas quam Reges in Episcopos habent, vt videlicet vi adhibita cōtra iustitiam in illos, si velint, animaduertant; & quam non habent Episcopi in Reges, vt eos, quamuis iure damnatos obtemperare cogant, nisi

nisi ab alia temporali potestate maiori iuuentur.

Quarto loco adducit Barclaius testimonium S. Gregorij Papæ, qui se famulū Imperatoris appellauit, & Imperatori cēlitus datā potestatem super omnes hominēs fassus est. De quo testimonio satis multa dicta sunt capite tertio, neque opus est illa repetere.

Vltimo loco adducit Othonem Frisingensem in epistola ad Fridericum Aenobarbum, cuius hæc sunt verba, *Soli Reges, vtpotē constituti supra leges, diuino examini reseruati, seculi legibus non cohibentur: vnde est illud tam Regis, quam Prophetæ, Tibi soli peccaui: & mox, Cū enim iuxta Apostolum homini mortali horrendum sit incidere in manus Dei viuentis; Regibus tamen, qui nullum præter ipsum supra se habent, quem metuant, eo erit horribilius, quo ipsi possunt cæteris peccare liberius.*]

Respondeo. Otho Frisingensis apertē loquitur de legibus seculi, quibus sine dubio Reges subiecti non sunt subiectione coactiua: nam non solum in verbis citatis habetur, *seculi legibus non cohibentur*; sed etiam paulò ante sic loquitur Otho, *Præterea cū nulla inueniatur persona mundialis, quæ Mundi legibus non subiaceat, subiacendo coerceatur, soli Reges, vtpotē constituti supra leges, &cæt.* At Reges ex Othonis sententia nullum habent supra se, quem timeant, nisi Deum; ergo non solum à legibus seculi, sed etiam à legibus Ecclesiæ, saltem quo ad tēporalem poenam liberi sunt, alioqui haberent supra se summum Pontificem, quem timerent, & non solum Deum. Præterea ex eiusdem Othonis sententia, Reges diuino solius Dei examini

reſeruantur; non igitur iudicio ſubijciuntur Papæ, ſaltem in temporalibus. Reſpondeo. Otho Epiſcopus Catholicus, & pius, non voluit dicere, Reges non teneri legibus Pontificijs, vel nō habere ſuper ſe Chriſti Vicarium, quem timeant, vel non ſubiacere ſummi Pontificis examini ſaltem in rebus ſpiritualibus; & quo ad pœnas ſpirituales, ſi enim id vellet, hæreticus eſſet. Ergo cū ait, Reges ſolius Dei examini reſeruari, & non habere ſuper ſe, quē timeant, niſi Deum, & ſolutos eſſe legibus, vtpotē ſupra leges conſtitutos; neceſſe eſt reſtriſtionem addere, vel ex parte legum, vel ex parte pœnæ. Barclaius libenter admittet reſtriſtionem ex parte pœnæ; ſed nos dicimus reſtriſtionem ſubintelligendam eſſe ſolum ex parte legum. Id probamus, quia in verbis Othonis inuenitur reſtriſtio ex parte legum, cū dicat, eos non ſubiacere mundi legibus, & ruruſum, ſeculi legibus non cohiberi: reſtriſtio ex parte pœnæ, temporalis videlicet, in verbis eius, nuſquam legitur. Præterea, non ignorabat Otho Childericum Regem à Summo Pontifice fuiſſe deſiſtitum, & poſtea Henricum Imperatorem à Gregorio Papa VI. exauthoratum. nam vtriuſque rei meminit in Hiſtoria ſua, lib. 5. cap. 23. lib. 6. cap. 34. 35. 36. neque reprehendit factum: imò videtur probare, cum his verbis laudat Gregoriū ſeptimum, lib. 6. cap. 34. *Forma, inquit, gregis factus, quod verbo docuit exemplo demonſtrauit, ac fortis per omnia Athleta murum ſe pro domo Domini ponere non timuit:* & cap. 36. *Eccleſia, inquit, tanto Paſtore, qui inter omnes Sacerdotes, & Romanos Pontifices præcipui zeli, & auctoritatis erat, orbatâ, dolore non modicum habuit.* Igitur ſenſus verborum Othonis

nishic erit, Reges legibus sæculi non teneri, & quantum ad eas leges solius Dei examini referuari, & quantum ad easdem leges, neminem super se habere, quem metuant, nisi Deum.

Propter hæc testimonia triumphat Barclaius dicens: *§ Si contraria opinionis assertores tot antiquorum Patrum testimonia, imò si vel vnum proferre possint, quo disertè scriptum sit, Ecclesiam, vel eius caput summum Pontificem habere temporalem illam potestatem in Reges, & Principes seculares, & posse eos temporalibus poenis quoquo modo, directè scilicet, vel indirectè coercere, aut Regno, Regnive parte mulctare, non equidem recusabo, quo minus lis tota secundum ipsos sine prouocatione iudicetur.*]

Respondeo. Auctores à Barclaiio producti, non disertè scripserunt, Reges, & Principes Christianos non posse ab Ecclesia, vel eius capite Summo pōtifice poenis temporalibus directè vel indirectè coerceri, aut Regno, Regnive parte mulctari: & si hoc disertè scripssissent, possemus nos Tertulliano ab ipso allato sanctum Cyprianum opponere, qui lib. 1. Epist. 3. iubet cum hæreticis nulla commercia copulari: quod antea S. Irenæus Tertulliano antiquior docuerat, lib. 3. cap. 3. aduersus hæreses dicēs: *Tantum Apostoli, & horum discipuli timorem habuerunt, vt neq, verbo tenus communicarent alicui eorū, qui adulterauerāt veritatem;* quemadmodū & Paulus ait, *Hæreticum hominem post vnā correptionem deuita:* in quam sententiam omnium Patrum testimonia possent adduci. Ex quibus apertè colligitur hæreticum Regem, si id fieri possit, non esse ab Ecclesia tolerandum, sed excommunicandum; & fidelem populum ab eius obedientia remouendum, ne

cogatur ei seruire,quem vitare iubetur,neque cum eo commercia copulare,cum quo ne colloquium quidem miscere deberet.Sancto Ambrosio,sanctū Gregorium Nazianzenum opponeremus eius æqualem,qui in oratione ad populum timore percussus,& Præsidentem irascentem, comparauit spirituales potestatem animæ, temporalem carnī, ac docuit ita subiectam esse debere potestatem temporalem spirituali,vt caro subiecta est animæ. Atque hoc ipsum est fundamentū sententiæ nostræ. Sancto Gregorio Turonico opponeremus,sanctum Gregorium Romanum ætatis eiusdem,qui,vt supra diximus in duobus priuilegijs illa verba apposit, *Si quis autem Regum, Antistitum, aut Iudicum, aut quarumcunque secularium personarum huius Apostolica auctoritatis, & nostræ præceptionis decreta violauerit, honore suo priuetur.* Denique Othoni Frisingensi opponeremus Gregorium V I I. centum ferè annis antiquiorem,qui disertè scribit, posse Regem seculi à Sede Apostolica certis de causis Regno priuari.vide Epistolam eius ad Episcopum Metensem. Opponeremus etiam sanctum Bernardum, & Hugonem de sancto Victore, qui Othonis tempore floruerunt, quorum testimonia in præfatione produximus.Opponeremus præterea sanctū Thomā, & sanctum Bonauenturam, qui Othone Frisingensi, non multum ætate inferiores; sed doctrina, & sanctitate longè superiores, disertissimè docent, quod Barclaius requirit.vide testimonia ipsorum supra allata.Præterea,quinque testimonijs veterū Scriptorum opponeremus plusquam septuaginta testimonia Scriptorum variarum ætatum.Denique quinque hominibus à Barclaiō in testes adductis oppo-

opponeremus decem concilia, quorum duo generalia fuisse non dubium est. Neque ideò concilijs, præsertim generalibus minus credendum est, quia posteriora fuerunt: nam eadem est ecclesia, & Conciliorum eadem est auctoritas, siue priora sint, siue posteriora: & quemadmodum in Concilio Nicæno post annos trecentos ab aduentu Domini licitum fuit Ecclesiæ scripturas de filij Dei consubstantialitate declarare, ac illam præcipuè, *Ego & Pater vnum sumus*; sic etiam licitum fuit post annos septingentos eidem Ecclesiæ scripturas de potestate Summi Pontificis explicare qualis illa est, *Quicquid ligaueris super terrā, erit ligatum & in calis, & quicquid solueris super terram, erit solutum & in calis*. Quare si Barclaius pollicitationi suæ stare vellet, lis tota sine prouocatione finita esset.

### AN POTVERINT POSTERIORES

*Principes sine detrimento populi per Ecclesiæ auctoritatem Principatu priuari: & simul, iusta ne, an iniusta fuerit Gregorij VII. sententia in Henricum Imperatorem?*

### CAPVT IX.

**I**N capite nono Barclaius aggreditur demonstrare falsam esse illam alteram partem sententiæ Francisci Romuli, quod videlicet Ecclesia sine detrimento populi potuerit Regno, vel parte Regni priuare Childericum,

Leonem, & Henricum: probat autem id esse falsū, quia Henricum quartum Imperatorem Gregorius VII. Papa nō sine magno populi detrimento deposuit, cum, Othone Frisingensi auctore, inde nata sint bella, schismata, & alia id genus multa. Sed Franciscus Romulus non de vno Henrico loquutus est, sed de Leone quoque & Childerico. Constat autem Leonem Isauricum Imperatorem parte Imperij multatum sine vllō populi detrimento: quod idem manifestissimè constat de Childerici Regis depositione, & Pipini exaltatione. ad quæ duo exempla Barclaius nihil habuit quod responderet; ideo silentio illa inuoluens, in solo Henrico demoratus est. Quid si addamus etiam translationem Imperij à Græcis ad Francos sine populi detrimento à Leone III. Pontifice factam, completus erit numerus ternarius exemplorum, quæ Franciscus Romulus adferre voluit. Quia tamen Barclaiō placuit de solius Henrici depositione Franciscum Romulum reprehendere, quasi vel historias ignorauerit, vel alia de causa mentiri voluerit. Respondeo, detrimenta aliqua populum Christianum accepisse ex Henrici excommunicatione & depositione, sed emolumenta maiora detrimentis fuisse, vt non immerito dici possit, sine detrimento populi rem illam esse peractam; neque enim detrimentum pati dici potest, qui iacturam facit frumenti, quod seminando spargit in sulcos, si tempore messis multiplicatum cum exultatione reportet. Vidit Gregorius Pontifex sanctus, & sapiens plenas esse prouincias concubinarijs, & simoniacijs; animaduertit Imperatores contra Canones sacros, ac præcipuè Octauæ Synodi generalis, inuestituras Episcopatu-  
tuum



uum, & Monasteriorum sibi vendicasse. Adiecit animum ad Ecclesiam repurgandam, & liberandam; & quamuis per multas molestias, & pericula, partim per se, partim per Successores, quod voluit ad foelicem exitum perduxit. nam & Sacerdotibus abstulit concubinas, & beneficia Ecclesiastica, vt gratis darentur & acciperentur, effecit, &, quod erat omnium difficillimum, inuestituras Ecclesiarum Henrico V. Henrici I V. filio, Calixto II. Pontifici liberè renunciante, recuperauit. Id quod sine manifestis signis, & prodigijs cælestibus factum non fuisse, testatur Abbas Vrspergensis in Chronico.

Sed libet iam per partes discutere, quæ Barclaius aduersus Gregorium septimum ex Othone Frisingensi, alijsque autoribus annotauit. Primùm igitur adfert illa verba Othonis Frisingensis lib. 6. c. 35. *Lego & relego Romanorum Regum & Imperatorum gesta, & nusquam inuenio quemquam eorum ante hunc (Henricum IV.) à Romano Pontifice excommunicatum, vel regno priuatum; nisi fortè quis pro anathemate habendum ducit, quod Philippus ad breue tempus à Romano Episcopo inter pœnitentes collocatus, & Theodosius à Beato Ambrosio propter cruentam cadem à limitibus Ecclesie sequestratus sit.*]

Respondeo. Fuit quidem Otho Frisingensis doctus, moribus, & nobilitate insignis: sed tamen legendo & releghendo non inuenit omnia. Nam Archadium Imperatorem ab Innocentio primo Pontifice propter eiectionem S. Ioannis Chrysostomi, excommunicatum fuisse testatur Nicephorus lib. 13. cap. 34. qui & sententiam ipsam excommuni-

cationis ad verbum recitat: eiusdem excommunicationis meminit Gregorius VII. in epistola ad Episcopum Metensem. Leonem quoque Isauricum Imperatorem à Gregorio II. & rursus à Gregorio III. excommunicatum propter hæresim Iconomachorum, & vectigalibus Italiæ priuatum testantur historici Græci, & Latini, vt supra demonstrauimus.

Deinde Barclaius ex eodem Othone cōmemorat mala, quæ ob excommunicationem Hærici I V. Imperatoris Ecclesiæ acciderūt, bella videlicet, schismata, exilium Papæ, cædem Rudolphi Imperatoris à Gregorio electi, & alia id genus: & ijs connumeratis exclamat; *§ Hoccine est Principem sine detrimento populi coercere?*

Respondeo. Quando Euangelium Christi prædicari cœpit ab Apostolis in Hierusalem, coorta est persecutio magna in Ecclesiam, Stephanus lapidatus, Iacobus capite cæsus, Petrus coniectus in carcerem, fideles dispersi per varias regiones: quando verò prædicari cœpit idem Euangelium inter gentes, commotum est Imperium Romanum vniuersum, persecutiones exorta grauissimæ, direpta bona, incensæ Ecclesiæ, strages Sanctorum toto orbe terrarum incredibiles factæ; quæro igitur an Euangelium cum detrimento, an cum salute populorum prædicatum sit? si carnis oculis res consideretur, videbitur Euangelium non salutem, sed perniciem populis attulisse: sed si mentis oculo fidei lumine repurgato res eadem spectetur, perspicue apparebit idololatriam fuisse de Mundo pulsam, Ecclesiam propagatam, Martyres coronatos, denique bona omnia per Euangelium ad nos venisse.

Tale

Tale aliquid ( vt paulò ante diximus ) accidit Ecclesiæ, cum Papa Gregorius Henricum Imperatorem excommunicatione coercuit.

Pergit Barclaius, & factum Gregorij his verbis reprehendit: § *Fieri potest, vt bono id animo fecerit Gregorius ( Deus de intentione iudicet ) at fieri non potest, vt rectè, prudenter. & ex officio fecerit; & quin largiter errauerit more, & consilio humano, cum id sibi tribueret, quod suum saxè non erat; deponendi scilicet, & abdicandi Imperatoris munus, inq; eius locum alterius substituendi potestatem. & infra: Culpæ igitur Gregorij Papa permagna mihi in hoc negotio videtur. ]*

Respondeo. Satis audacter Barclaius in Christum Domini, & suum, atque omnium Christianorum Iudicem sententiam tulit: nec saltem dubitando, vel suspicando, vel opinando locutus est; sed præcisè, & absolutè quasi de re explorata, & certa pronunciauit, fieri non posse, vt Gregorius in hac re iustè, prudenterque se gesserit. At ego sententiam Barclai falsam & temerariam, ne dicam sacrilegam, & blasphemam his argumentis fuisse demonstrato.

Primum, constat sententiam Gregorij ab omnibus Episcopis, qui in Concil. Rom. cum illo sederunt: fuisse probatam. At quis credat, Pontificem cum vniuerso Concilio tam iniustam, & imprudentem sententiam tulisse, vt Barclaius dicit?

Deinde iudicium Gregorij VII. confirmarunt omnes eius successores, Victor tertius, Urbanus secundus, Paschalis secundus, Gelasius secundus, & Callistus secundus, cuius tempore pax facta est inter Sacerdotium & Regnum: & tamen omnes isti  
vide

viderūt bella & schismata exorta occasione sententiæ Papæ Gregorij: quod argumentum certissimū est, iustam, & prudentem fuisse sententiam, quam Gregorius tulit, cū tot prudentissimi, iustissimi-  
que Pontifices concilijs Episcoporum cooperantibus, & spreta persecutione schismaticorum, defendendam, confirmandamque susceperint.

De Victore tertio, qui proximè post Gregorium sedit, testis est Leo Ostiensis in Chronico Cassinēsi lib. 3. cap. 71. ab eo celebratum fuisse Concilium Beneventanum, atque in eo confirmatam sententiam Gregorij VII. de inuestituris cū illa clausula, *Si quis Imperatorum, Regum, Ducum, Principum, Comitum, vel cuiusvis potestatis secularis Episcopatum, vel quamvis aliam Ecclesiasticam dignitatem dare præsumpserit, eiusdem sententia vinculo se adstrictum nouerit.*

De Urbano secundo, Victoris tertij proximo successore, Bertoldus Constantiensis eius temporis Historicus scribit, in Synodo Beneventana anno Domini 1091. confirmatam ab Urbano sententiā excommunicationis in Guibertum Antipapam, & omnes eius complices, quorum præcipuus erat Henricus Imperator. Item anno 1095. eandem sententiam confirmatam ab eodem Urbano in Synodo Placentina, coram innumerabili multitudine, & anno eodem rursus confirmatam in Concilio generali Claramontano.

De Paschali secundo, Urbani secundi proximo successore, testatur Abbas Vrspergensis anno 1102. in Concilio Romano generali à Paschali confirmatam esse sententiā Gregorij VII. & excommunicatum Henricum, & omnes illi adhærentes. Addit quoque

quoque idem Abbas, se præsentem Romæ fuisse, & audiuisse feria quinta in Coena Domini ab ore ipsius Pontificis, cum Henricus excommunicatus denunciaretur.

De Gelasio secundo, Paschalis secundi proximo successore, testatur idem Abbas Vrspergensis anno 1118. ab eo per Cononem Episcopum Cardin. Prænestinum, Legatum suum in Concilio Coloniensi, & altero Fritellarenfi, confirmatum decretum Paschalis de excommunicatione Imperatoris Henrici.

De Callisto secundo, Gelasij proximo successore, testatur Abbas Vrspergensis, in Chronico, necnon Sugerius Abbas in vita Ludouici Regis Francorum, necnon Rogerius in annalibus Anglicanis, à Callisto in Concilio Remensi Patrû quadringen-  
torum iterum confirmata decreta synodalia prædecessorum, Gregorij videlicet, Victoris, Urbani, Paschalis, & Gelasij.

Tertiò, iudicium Gregorij septimi approbatum fuit ab omnibus bonis, qui tunc viuebant, quique longè melius scire poterant iustitiam, vel iniustitiam illius causæ, quam Barclaius, qui plus quingentis annis posterior est. Marianus Scotus, qui tēpore Gregorij vixit, in Chronico anni 1075. *Gregorius, inquit, querimonijs & clamoribus Catholicorum iustis, aduersus Henricum & scelera eius immanitatem auditis, zelo Dei accensus iam dictum Regem excommunicatum pronunciauit, maxime propter simoniam: quod factum Catholicis viris beneplacuit; Simoniacis verò, & fautoribus Regis nimium displicuit.* Hæc ille, qui non de vno aut altero loquitur, sed in commune de multitudine  
Catho-

Catholicorum factum Pontificis approbante.

Lambertus Schaphnaburgensis qui eodem tempore vixit, in historia rerum Germanicarum, *Hildebrandi*, inquit, *constantia*, & *inuidus aduersus auaritiam animus omnia excludebat argumenta humana fallacia.* & infra: *Signa & prodigia, quæ per orationes Gregorij Papa frequentius fiebant, & zelus eius feracissimus pro Deo, & Ecclesiasticis legibus, eum contra venenatas detractorum linguas communiebant.* hæc ille, qui non solum detractores sui temporis, sed etiam Barclaium detractorem confundit: neque enim Gregorius tam charus Deo fuisset, neque per eum tot miracula Deus patrasset, si sententiam tulisset tam iniustam, & tam imprudentem, & tot malorum causa extitisset, ut Barclaius dicit. Idem Lambertus refert ibidem horribilem mortem Gulielmi Episcopi Traiectensis, qui Gregorio detrahebat, ut Barclai<sup>9</sup> postea detraxit: *Reperitè*, inquit, *grauissima agitudine correptus, miserabili eiulatu ceram omnibus vociferabatur iusto Dei iudicio se & presentem vitam amisisse, & æternam: quod Regi ad omnia quæ perperam intendisset, operam suam summo animu præbuisset, atque in spem gratiæ eius Romano Pontifici sanctissimo, & Apostolicarum virtutum viro graues contumelias sciens, & prudens innocentii irrogasset.* Sanctus Anselmus Cantuariensis, qui eodem tempore vixit, initio libri de fermentato & azymio ad VValerianum: *Scienti*, inquit, *breviter loquor. Si certus essem prudentiam vestram non fallere successori Iulij Caesaris, & Neronis, & Iuliani, contra successorem, & Vicarium Petri Apostoli, libentissimè vos ut amicissimum, & reuerendum Episcopum salutarem.* hæc ille,

qui

qui Henricum Imperatorem comparat cum Iulio Cæsare oppressore Reip. cum Nerone persecutore Ecclesiæ, & cum Iuliano Apostata, & persecutore: & VValeramum Episcopum, quem fauere existimabat Henrico contra Gregorium, ne salutare quidem audebat: quod certè non faceret, si Gregorij sententiam aduersus Imperatorem iniustam esse crederet. Idem Anselmus, in epist. 3. ad Gulielmum, sententiam Gregorij defendit, & apertè iustam esse pronuntiat. Sanctus Anselmus Episcopus Lucensis eiusdem temporis auctor vir Sanctissim<sup>us</sup>, & miraculis clarus scripsit Epistolam ad Guibertum Antipapam, quem Henricus Imperator Gregorio Papæ opposuerat; in qua Epistola Gregorium mirificè laudat. Scripsit quoq; Apologeticum pro Gregorio aduersus eundem Guibertum, vbi inter cetera refellit argumentum, quo vitur hoc tempore Barclaius, & quo tunc utebantur Antipapa, & eius cõplices; quod videlicet fuerit Gregorius causa turbarum, & sanguinis effusi, præsertim in Saxonia, quem sanguinem clamare dicebat aduersus Gregorium, & eius sectatores, quorum vnum erat hic S. Anselmus: sic autem loquitur, lib. 1. Apologetici, *Non aduersus nos clamat sanguis Saxonum; sed contra vos cum vniuerso Mundo, qui sceleris vestri abominatur, clamat calum, clamat terra, clamat omnis Ecclesia iustorum, & quæ adhuc peregrinatur, & quæ iam cum Christo regnat, clamat Christus, clamat Pater pro sponsa filij sui, clamat Spiritus S. qui quotidie postulat pro ea gemitibus inenarrabilibus, &c.* Vbi rectissimè dicit, turbas illas, & bella non esse tribuenda Gregorio, q̃ pro officio suo pastoralis arcere conatus est Lupos à grege; sed inobedientiæ, & obstina,

stinationi eorum, qui in Pastore, & gregem ipsam tanto ferocius sæuierunt, quanto humiliter Deo eiusque Vicario obedire salubriter admonentibus, & consulentibus debuerunt.

Nam quam horrenda, & non toleranda fuerint Henrici scelera ex sequenti testimonio intelligitur. Sanctus Gebhardus Archiepiscopus Salsburgensis, qui obiit tribus annis post mortem Gregorij VII. id est, anno 1088. disputans cum Vvecilone Archiepiscopo Maguntino, apertè pronunciauit, Imperatorem non iniusto iudicio tam Regno, quam communione, Apostolica sententia, priuatum: cuius sententia ita probata est à Concilio quodam, vt contraria sententia Vvecilonis hæresis sit appellata. Vide Abbatem Vrspergensem in Chronico anni 1085. Stephanus Halberstatensis eiusdem temporis auctor in Epistola ad Vualramum, quam refert Dodechinus continuator Mariani Scoti ad annum Domini 1090. *Dominus, inquit, Henricus, quem Regem dicunt, Episcopatus, & Abbatias vendit: etenim Constantiensem, Bambergensem, Maguntinensem, & plures alios pro pecunia; Ratisponensem, Augustensem, Strasburgensem, pro gladio; Abbatiam Fuldensem pro adulterio; Monasteriensem Episcopatum (quod dicere, & audire nefas est) pro sodomitica immunditia vendidit, & infra: Pro quibus nefandis malis ab Apostolica Sede excommunicatus, nec Regnū, nec potestatem aliquam super nos, quia Catholici sumus, poterit obtinere.* Leo Hostiensis Episcopus, eiusdem temporis auctor, in Chronico Cassinensi multa scribit de Gregorij VII. iustitia, sapientia, zelo, aliisque virtutibus. Sed lib. 3. cap. 53. refert etiam cœlestem visionem, qua Deus ipse testatus est

place-



placere sibi facta Gregorij, quæ nunc Barclaius cū veteribus schismaticis vituperare ausus est. Vidis igitur, quidam candidissimam columbam super Gregorium sacrum Missæ mysterium celebrantem: quod visum cum is, qui vidit patefacere cunctaretur, his verbis aperire diuinitus iussus est: *Vade celeriter, & hoc ipsum auribus Papæ intimato, vt constanter vigore sancti Spiritus, quod cepit exequatur.* Bartholdus eiusdem temporis auctor, presbyter Constantiensis in Chronico suo plurima scribit pro iustitia causæ Gregorij VII. sed inter cætera de Imbricone Episcopo Augustano hæc refert: Imbrico Augustensis Episcopus, qui in præterito pascha Rudolpho Regi fidelitatem iurauit, nil de periurio curans Henrico aduenienti adhæsit, & apud illum quadam die Missam faciens, hanc sibi conditionem miser imposuit, vt sacra oblationis perceptio in iudicium ei proueniret, si Dominus eius Henricus Regnum sibi iniuste vsurparet. Post hæc temerariâ perceptionem, paruo quod superuixit tempore usque ad mortem nunquā se sanum de lecto leuauit: nā circa Kal. Iulij absq; Ecclesiastica communione defunctus est. Isti sunt auctores septē, qui ipso tempore Gregorij vixerunt, quibus addam quatuor alios, qui non diu postea floruerunt. Gulielmus Episcopus Tyrensis in lib. 1. de bello sacro cap. 13. de Henrici Imperatoris peruersis moribus loquens: *Quod, inquit, Dominus Papa contra omnem fieri honestatem considerans, & iura in eo facto conuulsari ecclesiastica perpendens, semel, secundo, ac tertio eundem Imperatorem commonuit, vt à tam detestabili desisteret presumptione: quæ præceptis salutaribus commonitū, cum renocare non posset, vinculo anathematis innoda-*

uit. Otho Frisingensis, vt supra notauimus, Gregorium septimum virum sanctissimum fuisse confessus est, lib. 6. cap. 34. & 36. & lib. 7. cap. 1. neque fieri potest vt vir tam sanctus iniustam sententiam publicè ferret, neque eam vnquam retractaret, sicut re vera non retractauit, vt perspicuum est ex verbis illis, quæ eodem Othone teste lib. 6. cap. 36. moriens Gregorius pronunciauit, *Dilexi iustitiam, & odi iniquitatem, propterea morior in exilio.* Dodechinus Mariani Scoti continuator in chronico anni 1106. Henricum, inquit, *hominem peruersum, & iusto iudicio ab Ecclesia eiectum constat manifestè. Vendidit enim omnia spiritualia.* & ad annū 1090. & 1093. tam multa, & tā horribilia scelera Henrici refert, vt mirum sit, si vllus audeat eum iniustè damnatum affirmare; quod tamen Barclaius audacter affirmat. Abbas Vrspergensis in chronico anni 1106. narrat obitum Henrici repentinum, & tam miserabilem ipsi, quam lætum omnibus alijs: *Miserabile, inquit, dictu est, tanti nominis, tantæ dignitatis, tantiq; animi virum, sub professione Christiana mundaum tanto tempore lucratum, nec ad instar cuiuslibet pauperis defuncti, pium, vel compassuum luctum, à quauis inter tot Christianos persona promeruisse: sed potius vniuersorum tam ibidem, quā vbiuis verè Christianorum corda simul & ora infinito nimis tripudio, sui oblitos, rumore repleffe.* Non altius cōcinebat Israel Domino, Pharaone demerso, nec augustiori ipsi Octauiano, siue vllō Augustorū applaudebat Roma triumpho. *Frānū enim quod erat in maxillis populorum, versum est illis in canticum, sicut vox sanctificatæ solemnitatis.* hæc ille, qui certè sufficere deberet, vt os Barclaij iniqua loquentis opprimeret.

ret. Quo modo enim Henricus iniusta Gregorij sententia oppressus est, & nullus in toto orbe Christiano inuentus est, qui mortem eius desleret, imò qui non vehementissimè gauderet, vt olim Israel Pharaone demerso, vel Romanus populus Principe triumphante! nullus ne in toto orbe repertus est, qui iustitiam Henrici perspexerit? nullus qui Gregorij iniustitiam viderit? Sed audiamus quid paulò infra idem scriptor dicat: *Hic, inquit, finis, hic interitus, hac sors vltima Henrici sub vocabulo quarti Romanorum Imperatoris à suis appellati; à Catholicis verò. i. cunctis B. Petro, suisq; successoribus fidem, & obedientiam lege Christiana conseruantibus, Archipirata simul, & heresiarcha, necnò & apostata, persecutorq; plus animarum, quam corporum competenter dicebatur, vtpotè qui nec naturalibus, nec consuetudinarijs contentus sceleribus, noua, & à seculis inaudita, ideòq; nonnulla incredibilia excogitasse, & exercuisse infamabatur.* Ac de his satis: nam si vellem auctores posteriores adducere pro iustitia, & sanctitate Gregorij, nullus esset finis. Videat Lector, quæ scripsimus lib. 4. de Pontifice cap. 13.

Pergit Barclaius, & probare nititur, non debuisse à Gregorio Henricum excommunicari, cum in societatem sceleris Henrici tantus hominum numerus coierit: adducit autem ad hoc probandum sententiam S. Augustini ex lib. 3. contra epistolam Parmeniani cap. 2. quæ relata est in decretum Gratiani 23. q. 4. can. *Non potest.* Verba S. Augustini hæc sunt: *Non potest esse salubris à multis correptio, nisi cum ille corripitur, qui non habet sociam multitudinem: cum verò idem morbus plurimos occupauerit, nihil aliud bonis restat, quàm dolor, & gemitus, vt per il-*

lud signum quod Ezechieli sancto reuelatur illa sa-  
 uadere ab eorum vastatione mereantur. Ne cum vo-  
 luerint colligere zizania, eradicent simul & triticū:  
 nec per diligentiam segetem Domini purgent, sed per  
 temeritatem, ipsi potius inter purgamenta numeren-  
 tur. Ideoq; idem Apostolus cum iam multos cōperisset  
 & immundos luxuria, & fornicationibus inquinatos,  
 ad eosdem Corinthios in secunda epistola scribens, nō  
 itidem praecepit, vt cum talibus nec cibum sumerent:  
 multi enim erant, nec dici de eis poterat, si quis frater  
 nominatur fornicator, aut idolis seruiens, aut auarus,  
 aut aliquid tale, cum eiusmodi nec cibum quidem su-  
 mere: sed ait, ne iterum cum venero ad vos humiliet  
 me Deus, & lugeam multos ex ijs, qui ante peccau-  
 runt, & non egerunt pœnitentiam super immunditia,  
 & luxuria, & fornicatione, quam gesserunt: per luctū  
 suum potius eos diuino flagello coercendos minans,  
 quam per illam correptionem, vt ceteri ab eorum con-  
 iunctione abstineant. & paulò post: Reuera si conta-  
 gio peccandi multitudinem inuasit, diuina discipli-  
 na seuera misericordia necessaria est: nam consilia se-  
 parationis ( hoc est excommunicationis ) & inania  
 sunt, & pernitiōsa, atque sacrilega, quia & impia, &  
 superba fiunt, & plus perturbant infirmos bonos, quam  
 corrigant animos malos.

§ Hac cum ita sint, inquit Barclaius, nemo, vt ar-  
 bitror ex collatione doctrina S. Augustini, quæ & Ec-  
 clesiae est, cum gestis à Gregorio in Henricum, non per-  
 spiciuē cernet, Papam magnoperè errasse, &c.]

Respondeo. Barclaij temeritas vndecunque se  
 prodit, cum ob vnum S. Augustini locum non benè  
 intellectum, synodalem sententiam Pontificis  
 Maximi, à multis alijs Pontificibus, & Cencilijs  
 con-

confirmatam ita damnare audeat, vt dicat, Papam magnoperè errasse. Sed ostendamus non Papam in iudicando, sed Barclaium in intelligendo vehemēter errasse.

Primum, sanctus Augustinus loquitur de correctione, siue excommunicatione illius, qui multos habet socios in eodem crimine; vt perspicuum est ex illis verbis, *Cū verò idem morbus plurimos occupauerit, &c.* & ex illis, *Ideo Apostolus cū iam multos comperisset, & immundos luxuria, & fornicationibus inquinatos, &c.* At Gregorius vnum Henricū excomunicauit propter crimina illi vni propria, quod videlicet venderet Episcopatus, & Abbatias, & admonitus resipiscere nollet: nō ergo facit ad rē locus ex August. vel ex Gratiano citatus.

Deinde loquitur S. Augustinus aduersus Parmenianum, aliosque Donatistas, qui separauerant se ab Ecclesia vniuersa, & se solos esse dicebant Ecclesiam non habentem maculam, neque rugam. Ideoque docet S. Augustinus propter multitudinem peccatorum non esse faciendam separationem, cū semper futuri sint mali cum bonis vsque ad Mūdi consummationem. Tunc enim (vt dicitur Matt. 13.) *exibunt Angeli, & separabunt malos de medio iustorum*: atque hæc est causa, cur S. Augustinus dixerit, consilia eiusmodi separationis non solū esse inania, & periculosa, sed etiam sacrilega, & superba; quoniam qui ita separātur, assumunt sibi officium Dei, qui solus potest separare omnes bonos ab omnibus malis, quod fiet in nouissimo die: atque interim oportet pisces bonos esse in eodem rete cū piscibus malis, & triticum cum paleis in eadem area, & zizania cum frumento in eodem agro. Porro

Gregorius nihil tale sibi desumpsit, sed solum Ecclesiastica censura coercere voluit hominem, qui publicè multorū, & intolerabiliū criminū reus erat.

Tertiò, quod Dominus ait Matth. 13. *Sinite vtrāq, crescere vsque ad messē*; non sic intelligitur, quasi prohibitum sit, purgare agrum à zizanijs, excommunicādo incorrigibiles, necando maleficos, cōburendo hēreticos, persequendo latrones, aliasq̃ue Ecclesiæ, vel Reipub. pestes: alioqui grauitè peccasset Dauid, qui in Psal. 100. dicit, *Interficiebam omnes peccatores terræ*: peccarent Principes omnes, qui quotidie suspendunt fures, & latrones, ac viarum grassatores, & quo plures esse cognouerint, eo maiori diligentia, grauioribusq; supplicijs delere, atq; extirpare conantur: peccasset Innocentius tertius Pontifex cum Lateranensi Concilio excōmunicans omnes hēreticos, quamuis plurimos esse nō ignoraret: peccassent Principes Catholici, qui hēreticos Albigenſes, penè innumerabiles armis domuerunt, & vsque ad internecionem deleuerunt. Igitur cū Dominus ait, *Sinite vtrāque crescere vsque ad messē*, potest fieri, vt Dominus noster nō tam imperando quam prædicendo, quod futurum erat, loquutus sit. Significauit. n. semper fore malos cum bonis, neq; vlla diligentia effecturos homines, vt oēs mali ab omnib⁹ bonis separentur, qualis est etiam illa loquutio Isaïæ 6. *Audite audientes, & nolite intelligere, videte visionem, & nolite cognoscere: excaca cor populi hui⁹, & aures eius aggraua*; quod explicat Dominus Matth. 13. *Auditū audietis, & non intelligetis, & videntes videbitis, & non videbitis: in-crassatum enim est cor populi huius, &c.* Et Apostolus Act. 28. citans eundem locum Isaïæ: *Aure, inquit, audis-*

*audietis, & non intelligetis, & videntes videbitis, & non perspicietis: incrassatum enim est cor populi huius, &c.* Itaque verba Isaia, *Audite & nolite intelligere;* hoc significant, *audietis, & non intelligetis:* & illud, *excaca cor populi huius;* significat, excacabitur cor populi huius, siue, vt explicat S. Ioan. cap. 12. *Excacatum est cor populi huius.* Hoc modo S. Augustinus in Psalmorum explicatione omnes imprecationes malas, quæ exprimuntur per modum imperandi, vt, *Effunde iram tuam in gentes,* & alias similes, docet esse prædictiones, nõ imprecationes. Tales etiam loquutiones inueniuntur in Euangelijs, vt Ioan. 2. *Soluite templum hoc,* id est, soluetis, vel permittat vt soluat. Matth. 23. *Implete mensuram patrum vestrorum,* id est, implebitis, vel, sinam, vt impleatis. Ioan. 13. *Quod facis, fac citius,* id est, quod mente agitas vt me tradas, citius implebis quàm putas; idque me permittente. Sic igitur, *Sinite vtraque crescere vsq; ad messem,* hoc videtur significare, Sinetis, siue permittetis, velitis nolitis, vtraq; crescere vsq; ad messem: nam omni vestra diligentia nunquam perficietis, vt mali permulti cum bonis permixti non sint vsq; ad diem iudicii: tunc. n. ego mittam Angelos meos, qui separabunt malos de medio iustorum.

Quarto dico, approbare me sententiam eorum, qui dicunt prohiberi in hac parabola, separationem maiorum, siue hæreticorum, siue aliorum iniquorum, non absolutè; sed quando periculum est, ne cū zizanijs eradicetur triticum, id est, ne cum impijs inuoluantur pij; alioquin licitum esse, zizania euellere, quando non est periculum, vt eradicetur triticum, & contra periculum est, ne ex commixtione zizaniorum triticum corrumpatur. Sed hoc iu-

dicium non pertinet ad quoscunque; sed ad Patrem familias, siue ad illum, quem Christus constituit super familiam suam. Quare ad Barclaium nō pertinebat iudicare, an Gregorius VII. rectè fecisset, cū excommunicādo Henricum, partem zizaniorum euellendam curauit; sed ad Pontificem maximum pertineret, si Barclaius adhuc esset in uiuis, & ius temeritatem castigare.

Addit vltimo loco Barclaius argumentum ex historia Sigeberti, vt probet, Gregorium Papam valdè errasse in ijs, quæ egit aduersus Henricum Imperatorem. *Hildebrandus Papa (inquit Sigebertus in Chronico anni 1085.) qui & Gregorius VII. apud Salernum exulans moritur; de hoc ita scriptum reperi. Volumus vos scire, qui Ecclesiastica cura solliciti estis, quod Dominus Apostolicus Hildebrandus, qui & Gregorius, nunc in extremis positus ad se vocauit vnum de duodecim Cardinalibus, quem multum diligebat præ cæteris, & confessus est Deo, & sancto Petro, & toti Ecclesiæ, se valdè peccasse in Pastoralis cura, quæ ei ad regendum commissa erat, & suadente Diabolo contra humanum genus iram, & odium concitasse. Tunc demum misit prædictum confessorem ad Imperatorem, & ad totam Ecclesiā, vt optaret illi indulgentiam, quia finem vitæ suæ aspiciebat, & tam citò induebat se angelica veste: & dimisit, ac dissoluit vincula omnium bannorum suorum Imperatori, & omni populo Christiano, viuis, & defunctis, clericis, & laicis; & iussit suos abire de domo Deodorici, & amicos Imperatoris ascendere.]*

Respondeo. Sigebertus, teste Trithemio in Catalogo Scriptorum, vnus fuit ex sectatoribus Henrici Imperatoris, propterea nullam fidem meretur, & sine



& sine dubio falsum est, quod hoc loco scribit, cùm certum auctorem non habeat, aut indicare non audeat. Nos autem habemus auctorem certum fideq; dignissimum, qui scribit, Gregorium paulò ante mortem dixisse, *Dilexi iustitiam, & odiui iniquitatem, propterea morior in exilio*; quæ sunt omninò contraria ijs, quæ scribit Sigebertus; nam in his iustè se egisse, in illis grauitè se peccasse dicit; Habentur autem verba supradicta apud Othonem Frisingensem, lib. 6. cap. 36. Bertoldus in Chronico ad annum 1085. & Leo Hostiensis in Chronico Cassinensi, lib. 3. cap. 64. describunt mortem Gregorij, ac docent eum in eadem constantia permansisse vsque ad vltimum spiritum; & miraculis magnis viuum, & mortuum claruisse. Præterea confirmatio sententiæ Gregorij in Henricum, quam suprà demonstrauius factam à quinque successoribus eius Victore III. Urbano II. Paschali II. Gelasio II. & Callisto II. apertissimè docet, fabulam esse, quã Sigebertus scripsit de penitentia eiusdè Gregorij. Denique ipsa sibi narratio Sigeberti contradicit, ac repugnat. Nam si Gregorius grauitè peccasse se agnoscebat in pastoralis cura, & suadente Diabolo se fecisse, quæ fecerat: quo modo tam audacter ibidem affirmabat, se mox veste Angelica induendum? certè ob peccatum tam graue non vestem Angelicam; sed gehennæ, aut purgatorij graues pœnas expectare debuisset.

DISCVTITVR SENTENTIA O-  
thonis Frisingensis de iudicio Gregorij  
septimi Pontificis.

CAPVT X.

**I**N decimo capite actum agit Barclaius. Redit enim ad probandum auctoritate Othonis Frisingensis, non licuisse Gregorio Pontifici Imperatorem Henricum communione, vel regno priuare. Ac primum repetit, quæ supra citauerat ex Othone, lib. 6. cap. 35. *Legō, & relego Romanorum Regū, & Imperatorum gesta, & nusquam inuenio quemquam eorum ante hunc à Romano Pontifice excommunicatum, vel Regno priuatum.* Deinde addit ex lib. 1. de gestis Friderici Imperatoris, cap. 1. nouum esse visum Othoni Frisingensi, quod Henricus Imperator à Pontifice Romano, anathematis gladio percussus fuerit. Sed ad hæc respondimus cap. superiore: atque ista non esse noua luculenter ostendimus.

Addit ex eo posse intelligi sententiam Gregorij fuisse iniustam, quod Otho Frisingensis eodem loco, id est, lib. 6. cap. 37. scribit, ex decreto Gregorij inter alia mala illud consecutum esse, vt Papa super Papam, & Rex super Regem poneretur. § *Quibus verbis, inquit Barclaius, ostendit Otho, vtrunque pari iure, sed potius pari iniuria factum esse, vt sicut iniuste Papa super Papam ab Imperatore, ita etiam iniuste Rex super Regem à Papa positus sit.*]

Respondeo. Scribit quidem Otho, occasione decreti Gregorij factum esse, vt Papa super Papam, & Rex super Regem poneretur; sed vtrunque pari iure, vel

re, vel iniustitia pari, factum esse Otho non dicit, neque dicere potuit. Nam Regem super Regem posuit auctoritas legitima capitis Ecclesiæ; Papam super Papam posuit inobedientia schismatici Regis: quod enim iure possit Imperator Papam deponere, & alium super ponere, nescio an si vel vnum Barclaius inueniet virum Catholicum, qui dixerit, aut scripserit: quod autem possit Papa Imperatorem excommunicare, & deponere iustis de causis, scripserunt auctores Catholici plurimi, & id ipsum censuerunt concilia multa generalia, quorum testimonia retulimus in prolegumenis huius libri, & nonnulla attigimus capite superiore. Itaque Otho enumerat mala, quæ nata sunt ex Henrici excommunicatione, & eiusdem inobedientia; sed non determinat, an ea iusta fuerint, vel iniusta: possunt enim aliqua esse mala, & iusta, qualia sunt mala pœnæ; & talis fuit depositio Henrici: possunt quoque alia esse mala, & iniusta, qualia sunt mala culpæ; & talis fuit creatio Antipapæ Guiberti ab Imperatore procurata, vel facta.

Pergit Barclaius, & ponderat illa verba eiusdem Othonis Frisingensis ex eodem lib. 6. cap. 36. *Quia ergò in Principe suo Regnum ab Ecclesia præcisum grauitè percussum fuit, Ecclesia quoque tanto pastore, qui inter omnes Sacerdotes, & Romanos Pontifices præcipui zeli, & auctoritatis erat, orbata dolorem non modicum habuit.* § Id, inquit Barclaius, quid aliud sonat, quàm propter violatum in Principe Imperium, violatam fuisse in Pontifice Ecclesiam, siue propter percussam Regnum in persona Principis, percussam fuisse Ecclesiam in persona Pontificis; inter qua cum nullum iuris, aut iniuriæ discrimen faciat,

neq̃

*nec possit vtrunq, iustè fieri, consequens est vtrunque iniustè factum esse existimet.]*

Respondeo. Non intellexit Barclaius verba Othonis: non enim loquitur Otho, de depositione Gregorij à Pontificatu; quemadmodum loquitur de depositione Henrici ab Imperio. Sed dicit, percussum fuisse Imperium in persona Principis, quia Princeps excommunicatus, & depositus fuit: percussam autem fuisse Ecclesiam in persona Pontificis; quia per mortem subtractus ab hominibus dolorem magnum Ecclesiæ reliquit. Quare non bene colligit Barclaius, tam in percussione Imperij in persona Principis, quàm in percussione Ecclesiæ in persona Pontificis iniustitiam interuenisse. Nam Henricus quidem per sententiam Ecclesiæ depositus fuit ab Imperio; in qua sententia iustitia, & iniustitia locum habere potuit, & satis constat, sententiam illam fuisse iustissimam: Gregorius autem naturali morbo extinctus est, vbi si locum habet iniustitia, Deus iniustus dicendus erit, quæ est ingens blasphemia: non enim Gregorius occisus fuit ab Henrico, quemadmodum Henricus depositus fuit à Gregorio; sed, vt diximus, naturali morbo, piè, & religiosè obijt: mors autem naturalis post originale peccatum à Deo est: ipse enim sententiam illam, & quidem iustissimam tulit, *Pulvis es, & in puluerem reuerteris*. Gen. 2. & de Deo dicitur, *Dominus mortificat, & viuificat*. 1. Reg. 2. & Sap. 16. *Tu es Domine, qui vita, & mortis habes potestatem: & Ecclesiastici 11. vita, & mors à Deo est*. Neque dici potest, Gregorium Papam, ex sententia Othonis occisum fuisse à Deo in pœnam peccati commissi

in de-

in depositione Imperatoris: nam ipse idem Otho fatetur, Gregorium fuisse hominem præcipui zeli; sed etiam si Gregorius in pœnam peccati occisus fuisset à Deo, non tamen iniusta mors eius dici posset, nisi Deo iniustitia tribueretur.

Pergit Barclaius, & ex lib. 1. de gestis Friderici cap. 6. Othonis Frisingensis, probare nititur, iniustam fuisse depositionem Imperatoris per Gregorium factam, quia Otho defectionem Rudolphi Ducis Sueviæ ab Imperatore rebellionem appellat: rebellio autem dicitur, cum inferior deficit à superiore; sed Imperator superior non fuisset, si iure depositus fuisset, igitur non iure depositus erat ex Othonis sententia. Idem probat ex lib. 7. historiarum cap. 8. ubi Otho Frisingensis Henricum quartum, Imperatorem vocat, etiam post depositionem.

Respondeo. Rebelle dicitur non is solùm, qui à Principe legitimo deficit; sed etiam qui deficit à Principe regnante *de facto*, quamvis non *de iure*: quemadmodum etiam Rex dicitur non solùm, qui iure regnat; sed etiam qui de facto regnat: non enim ubique Scriptores proprietatem illam vocabulorum obseruant, vt neminem dicant Regem, nisi qui regnat legitimè, neque rebelle vllum dicant, nisi qui à legitimo Principe deficit. libro 4. Reg. cap. 18. ponitur in laudibus Ezechie Regis optimi, quod rebellauerit contra Regem Assyriorum. ubi rebellio dicitur defectio à Rege non legitimo, eodem lib. 4. Reg. cap. 9. Iehu iussu Dei Rex factus, viuentem adhuc Ioram Rege, dicitur coniurasse contra Dominum suum, eumque occidisse cum omni progenie. ubi coniuratio, quæ aliquid amplius est, quam

quàm simplex rebellio, in bonam partem accipitur: coniurauit enim contra Regem à Deo abdicatum, & damnatum. Quare dixit ad Iehu Dominus 4. Reg. 10. *Quia studiosè egisti, quod rectum erat, & placebat in oculis meis, & omnia quæ erant in corde meo fecisti contra domum Achab, filij tui vsque ad quartam generationem sedebunt super thronum Israel.* Habemus igitur non esse mirum, si Otho Frisingensis, rebellionem appellat defectionem à Rege iam abdicato, cùm eundem ipsum loquendi modum habeamus in diuinis literis. Idem dicere possumus de nomine *Regis*: nam lib. 2. Reg. cap. 15. cùm Absalon filius Dauid eiecto Patre regnare cœpisset in Hierusalem, neque Rex legitimus, sed Tyrannus reuera esset; tamen Dauid ipse *Regem* ipsum appellabat, cùm diceret ad Ethai Gethæum, *cur venis nobiscum? reuertere, & habita cum Rege*: sic etiam lib. 3. Regum cap. 16. Zambri, occiso Rege legitimo regnum sibi iniustissimè vsurpauit: & tamen Scriptura dicit: *Irruens ergò Zambri percussit, & occidit eum* (Regem Ela) *& regnauit pro eo: cumquæ regnasset, & sedisset super solium eius, percussit omnem domum Baasa, &c.* Ac ne magnum videatur Barclaio, quod Otho Frisingensis vocet *Imperatorem* Henricum, etiam post excommunicationem, & depositionem: sciat idem nomen inueniri apud Abbatem Vrspergenssem, aliosque Scriptores, imò & apud ipsum Leonem Ostiensem, qui addictissimus erat Gregorio VII. Nam lib. 3. Chronici Cassinensis cap. 49. plus quam decies *Henricus Imperator* dicitur à Leone Ostiense, & Leone referente, sæpissimè Desiderius Abbas, qui Gregorio in Pontificatu successit, eundem Henricum post abdicationem

dicationē, Imperatorem appellat, non alia de causa, nisi quia re ipsa, quamuis non iure imperabat.

Pergit Barclaius, & ait: *§ Est & alius eiusdem auctoris locus lib. 1. de gestis Friderici cap. 8. in quo id ipsum manifestius declarat, Papam scilicet per illā excommunicationem, & abdicationem nihil iuris Regni Henrico ademisse. Nam postquam narravit, Bertolfum Rudolphi generum (quem, ut dictum est, Papa Regem creauerat) perempto socero, Ducatum Sueuiæ, tamquam sibi à socero concessum usurpasse; & ex altera parte Henricum, Papæ iudicio depositum, confessisse eundem Ducatum nobili cuidam Sueuiæ, cui Friderico nomen: qui Bertolfum ad pacis condiciones, & ad exfestucationem Ducatus adegit, addit. Bertolfus iste quamuis in hoc negotio Imperio simul, & iustitia cesserit, tamen strenuissimus, & fortissimus fuisse traditur. En vt nihil circuitione vsus affirmat, Imperium, & iustitiam ab Henrico stare, in quem Pontifex sententiam depositionis multò ante tulerat.]*

Respondeo. Testem hoc loco Barclaius suspectum adducit: nam ab isto Friderico Fridericus primus Imperator descendit: cuius Imperatoris patruus fuit Otho Frisingensis; nec solum patruus Friderici Imperatoris; sed etiam Nepos Henrici quarti. Itaque Otho, ne Auum maternum, Henricum quartum Imperatorem, & filium fratris uterini Fridericum primum Imperatorem læderet, scripsit, Bertolfum Imperio, iustitiæq; celsisse in negotio Ducatus Sueuiæ. Quæ etiā causa fuit, cur idem Otho in historia sua mediam viam elegerit. Nam Gregoriū VII. eximiè laudat lib. 6. cap. 34. neque enim poterat salua cōscientia, reprehendere hominē notissimæ sanctitatis: Henricum autem, non ut cæter

cæteri historici, turpissimorum plurimorumque criminum reum facit; sed modestissimè excessum eius vitamque lasciuam notat, lib. 7. cap. 11. Quod autem hoc loco dicit, Bertolfum Imperio, iustitiæque cessisse: non cogit, vt existimemus, sensisse Othonem, iniustè Henricum à Gregorio fuisse depositum: nam, vt idem Otho narrat, post longam disceptationem coegit Fridericus ab Imperatore adiutus Bertolfum ad condiciones pacis, quæ erant, vt Bertolfus retineret Turegum nobilissimū Sueuiæ oppidum, reliquam Sueuiam Friderico cederet. Cessit ergò Bertolfus Imperio, tamquam potentiori, cui par esse non poterat; cessit etiam iustitiæ, quoniam in re dubia iustum esse censuit, retento nomine *Ducis*, & oppido nobilissimo, reliqua cedere fortiori. Nam si Bertolfus existimasset iniustè à se possessam fuisse Sueuiam, debuisset totum dimittere, & neque partem præcipuam, neque *Ducis* nomen sibi retinere; vt eodem teste Othone retinuit, ad posterosque transmisit. Quod si Barclaius velit, Othonem sensisse, Henricum à Gregorio iniustè fuisse damnatum, repugnabit eidem Othoni, qui lib. 6. historiæ, cap. 34. dicit, Gregorium fuisse fortem per omnia athletam, murumque se pro domo Domini opponere non timuisse. & cap. 36. dicit, gladio anathematis Imperatorem ferire decuisse: & ibidem refert Gregorium in morte dixisse: *Dilexi iustitiam, & odi iniquitatem*: &, Ecclesiā in obitu tanti Pastoris, qui inter omnes Romanos Pontifices præcipui zeli, & auctoritatis erat, non modicum dolorem habuisse. & lib. 7. cap. 1. ait, *Defuncto apud Salernum Beata memoria Gregorio Summo Pontifice, &c.* Ista enim nullo modo cohærent cū  
opi-



Opinione grauissimæ iniustitiæ, qualis fuisset depositio Imperatoris, si eum iustè Gregorius deponere non potuisset: hæc enim sola iniustitia omnes Gregorij laudes sine dubio corrupisset.

Postremò Barclaius cùm non haberet aliud, quod ex Othone adferret, nec tamen quiescere posset, repetit quod suprà dixerat, Reges ex Othonis sententia non habere vllum, præter Deum super se, quem timeant. Repetit quoque quod suprà verbosissimè deplorauerat, multa mala occasione excommunicationis Henrici Imperatoris in orbem terrarum, ac præcipuè in Ecclesiam irruisse. Ad quæ omnia iam antè respondimus, neque libet eadem frustra repetere.

In extremo capite producit in medium verba Gregorij VII. quibus cùm Henricum deponeret, precatus est Apostolos Petrum, & Paulum, vt sententiam suam ex eorum auctoritate prolatam confirmarent: & iudicium cirò in Henricum eiusmodi exercerent, vt omnes intelligerent, iniquitatis filium non fortuitò, sed ipsorum opera ex imperio cecidisse. Hanc precationem dicit Barclaius non fuisse ab Apostolis auditam; cùm nihil non infausum Pontifici, pontificiæ parti auctoribus, & fautoribus acciderit, triumphante interim, & Imperiũ tenente Henrico.]

Respondeo. Precationem Gregorij omninò exauditam fuisse, testantur ærumnæ maximæ, quæ Henricum diuinitus oppresserunt. Primum enim à magna parte Germaniæ destitutus ad Pontificis pedes abiectus misericordiam demississimis precibus implorare compulsus est. Deinde cum duobus æmulis, Rudolpho, & Hermannò diu ambiguo

marce certauit. Postea à proprio filio carceri mancipatus, coronam, sceptrum, & reliqua Imperatorum insignia resignare coactus est. Inde elapsus Leodium se recepit, vnde miseriam suam incredibilem proprijs literis, quæ apud Vrspergensem Abbatem extant, testatus est. Denique repentina morte sublatus neminem inuenit, qui eius mortem defleret: cum è contrario Mundus totus ob eius infelicem exitum summo gaudio exultaret, vt supra ex Abbate Vrspergensi retulimus. Hic videlicet est triumphus Henrici, quem fingit Barclaius. Porro pontificiam partem semper in melius profecisse, cooperante Domino signis, & prodigijs, & tandem omninò præualuisse, constat ex ijs, quæ de Callisto secundo, & Henrico quinto omnes historici narrant, ac præsertim Abbas Vrspergensis in Chronico anni 1120. & sequentibus.

## DE COMPARATIONE IULII II. & Clementis VIII.

### CAPVT XI.

**I**N capite vndecimo Barclaius multa reperit ex ijs, quæ antea dixerat: neque aliquid addit, quod mihi refellendum noua responsione esse videatur, nisi cum Clementem octauum Pontificem veris laudibus effert, non tam vt eum laudet, quàm vt ex eius comparatione Iulium secundum carpat. *Quis, inquit, non paternam Clementis VIII. pietatem, cum summa prudentia coniunctam, qua Reges, & Principes Christianos ad concordiam reducere, & in concordia retinere animitur, infinitis partibus Ecclesiæ utiliores iudicet, quàm Iulij secundi locutio.*

*ficati furores martios, quibus Italiam, Galliam, Germaniam, Hispaniam, ceterasq, gentes Christianas hostilibus animis inter se committere, impiè, & inhumane connitebatur? ]*

Ad hæc ego, vt respondeam, admonitos Lectores esse volo, Romanos Pontifices, qui simul etiã Principes sunt temporales non contemnendū Imperij, non minus ex officio obligari ad ea conseruanda, quæ Sedis Apostolicæ, siue Ecclesiæ Romanæ sunt, quàm Principes cæteros. Quare quemadmodum Reges, & Principes supremi cæteri pro defensione Regnorum suorum, siue ditionum aliarum bella gerere possunt, & debent; & si ad ea defendenda confœderatione cum alijs Principibus opus habent, iure possunt cum socijs Principibus fœdus inire; & coniunctis viribus hostem propulsare, quando iustam belli gerendi causam habent: sic etiam Romani Pontifices, qua Principes supremi sūt, omni iure possunt, & debent populos sibi creditos armis protegere, & si res ita postulet, aduersus hostes bella gerere, nec non ad auxilium, vel belli societatem Principes alios euocare. Neque primus fuit Iulius secundus, qui pro recuperandis Ecclesiæ Romanæ prouincijs bella gessit, vel cum magnis Principibus fœdus percussit. Nam Pius secundus multò antea exercitum armatum habuit, & bella cum hostibus cum laude gessit, vt Naucleus, & Platina referunt: & ante Pij secundi tempora Innocentius sextus, vir prudentia, & vitæ innocentia clarus per Legatum suum Albericum Cardinalem, Ecclesiasticam ditionem à Tyrannis diuersis occupatam, felicissimè armis recuperauit, vt scribunt eidem Naucleus, & Platina, multiq; alij

alij historici. Clemens IV. qui Innocentium VI. multis annis præcessit, & Pontifex sanctus est habitus, Carolum Andegauensem Ducem, sancti Ludouici Regis Francorum fratrem, è Gallijs euocauit, vt Manfredum Tyrannum è Regno Neapolitano, quod est Ecclesię Romanę feudum, armis expelleret, ipsumque Carolum Regem instituit, impo-  
 124  
 sita quadraginta millia numorum aureorum pensionem quotannis soluenda in recognitionem feudi: testes sunt auctores ijdem & alij, quos ipsi citant. Sed ante hæc tempora Leo IX. Pontifex, non solum vitæ probitate, sed etiam diuinis miraculis clarus, atque adeò in Sanctorum numerum relatus, aduersus Northmānos pro Beneuentana ciuitate recuperanda præsens ipse in exercitu armis decertauit, vt Hermannus Contractus in Chronico, & Leo Ostiensis in historia Cassinensi lib. 2. cap. 88. testes sunt. Vbi illud memorabile accidit, quod cum Pontifex à Northmannis victus, & captus fuisset, ea submissione, & reuerentia victores erga victum vsi sunt, vt Pontifex victus, & captus victoribus imperare, ac dominari videretur. Porro Leo quartus Pōtifex plus ducentis annis Leone IX. antiquior, vir sanctissimus, & miraculis clarus, teste Anastasio in eius vita, exercitum duxit aduersus Saracenos, qui ad Ostia Tyberina cum ingenti classe appulsi Romanam urbem capere, & spoliare cupiebant; & oratione præmissa ad Deum, & exercitu Apostolica benedictione munito, memorabilem victoriam reportauit. Omitto confœderationem Zachariæ, Stephani secundi, Adriani, Leonis tertij, aliorumque Pontificum cum Regibus Francorum, pro recuperatione, & defensione prouinciarum, & ciui-  
 tatum,

tatum, quæ ad Romanam Ecclesiam pertinebant aduersus Longobardos, & Græcos. Omitto etiam fortissimos Machabæos, qui & Summi Sacerdotes, & Principes erant, & pro patriæ defensione grauissima bella gesserunt. Omitto denique Mosis Pontificis, & Principis sapientissimi, qui aduersus Amorrhæos, aliosque populi sui perturbatores armis decertare non dubitauit. Hos igitur clarissimos sacrosque viros Iulius secundus imitatus, eorumque virtutem, & diligentiam æmulatus, partim armis proprijs, partim auxilio foederatorum Regum Ecclesiasticam ditionem, ferè totam amissam, magno labore recuperauit. Quod factum qui reprehendere voluerit, oportebit etiam, vt industriam, & virtutem sanctorum Pontificum, addo etiam Machabæorum, & ipsius Mosis, virtutem bellicam reprehendat. Neque ab hoc numero Clemens Octauus eximendus est, qui quemadmodum pacem inter Christianos Principes reformare studuit, vt Barclaius dicit; sic etiam exercitum comparare non neglexit, cum ei Ferraria recuperanda esset: & ad bellum pro Ecclesiastica ditione faciendum, occasio defuit illi, non animus. Placuit enim Deo, in cuius manu sunt corda Principum, vt nobilissima Ciuitas ante ad Ecclesiam rediret, quàm militum gladij nudarentur. Haec verò Clementis Octaui laudem Barclaius non ignorauit, sed dissimulare voluit, vt liberius Iulium reprehenderet.

*DILVVNTVR ARGVMENTA  
aduersus Theologorum sententiam de  
Potestate Pontificis Maximi in  
temporalibus.*

CAPVT XII.

**I**N capite duodecimo conatur Barclaius ex proposito affirmare, ac demonstrare, nullam habere Pontificem Maximum potestatem in temporalibus super Reges, aliosque Principes Christianos.

Primum argumētum eius est, *quia tota antiquitas Christiana semper censuit, Reges solo Deo minores esse.* Quod argumentum iam ante proposuerat in cap. 8. vbi & nos illi copiosè respondimus. Id enim habet veluti proprium hic auctor, vt eadem argumenta sæpius repetat, & inculcet, nescio an vt librum grandiore faciat, an vt importunitate obtineat assensum, quem vi rationum extorquere non potest. Hoc igitur primo argumento prætermisso, secundum audiamus.

2 *¶ Quid, inquit, quod ipsi Pontifices fatentur, Reges non habere superiores in temporalibus? cap. Per venerab. Qui filij sint legitimi. Habent, & non habent, simul vera esse nequeunt. Falsum est ergo Reges non habere superiorem in temporalibus, si alius possit iure ijs temporalia auferre, alterique conferre.*

Respondeo. Sententia Pontificis in eo capite est, Reges supremos esse Principes temporales, & ideo nullum habere supra se Principem temporalem, quemadmodum Duces, alijque Principes inferiores in

res in eodem Regno superiorem in temporalibus Regem habent: sic enim loquitur Ecclesiastes cap. 5. *Excelsus excelsior est alius, & super hos quoque eminentiores sunt alij, & insuper vniuersa terra Rex imperat seruienti.* & Sanctus Petrus in priore epist. cap. 2. *Subiecti estote omni humana creatura propter Deum, siue Regi quasi precellenti, siue Ducibus, tamquam ab eo missis.* Idem igitur est Regem non habere superiorem in temporalibus, & Regem non habere supra se alium Regem, siue Principem alium temporalem, alioqui non esset Rex supremus in ordine Principatus temporalis, siue politici. Et ea fortè ratio est, cur idem Innocentius in eodem cap. *Per venerabilem*, paulò antè dixerit, nonnullos Principes nullum inter homines, excepto Romano Pontifice, superiorem agnoscere: addidit enim illam exceptionem, vt cùm postea dixit, Regem Francorum nullum in temporalibus superiorem agnoscere, intelligamus, sermonem fuisse de superioribus temporalibus: non enim Rex agnoscit vllum suprà se Principem temporalem, sed agnoscit Romanum Pontificem, Principem spiritualem, qui de temporalibus quoque in ordine ad spiritualia iudicare potest. At, inquit Barclaius, *habent, & non habent simul vera esse nequeunt.* Respondeo. Habent, & non habent de re eadem, simul vera esse nequeunt: de re diuersa, nihil impedit quo minus vera esse possint. Habet coccineum pallium, & non habet coccineum pallium, simul vera esse nequeunt: sed habet coccineum pallium, & non habet nigrum pallium, vera simul esse queunt. sic igitur. Habet Rex in temporalibus superiorem temporalem, & non habet in temporalibus

superiorem temporalem, vera esse nequeunt, Sed, habet Rex in temporalibus superiorem spiritua-lem, & non habet in temporalibus superiorem téporalem, verissima simul esse queunt, & sunt.

3 Sed instat Barclaius. § *Quod*, inquit, *in verbis directè, & indirectè discrimen statuunt, id non ad facultatem iudicandi, & effectum iudicij, sed solum ad modum, & rationem acquirendi tantam potestatem pertinet. Canonistæ enim dicunt, Papam directè Dominium temporale totius orbis à Christo accepisse. Hi verò negant eum accepisse tale Dominium directè, quasi dicas per se, simpliciter & sine alterius rei consideratione, sed tantum indirectè, hoc est, per consequentiam, ratione illius potestatis spiritualis, quam directè à Domino accepit. Hac igitur ex verbis istis differentia ad initium, & modum acquirendi temporalem potestatem, non autem ad eius vim & effectum referri debet.*] Hæc ille, qui vult, Pontificem ex sententia Theologorum habere potestatem temporalem super Reges indirectè acquisitam; esseque eorum Iudicem in temporalibus: quod repugnare videtur Innocentio, in capite citato, ubi dicit Innocentius, Reges non habere superiorem in temporalibus.

Respondeo. Distinctione opus est, vt planè intelligatur verene, an falsò Barclaius colligat, Pontificem habere potestatem temporale super Reges esseq; eorum Iudicē temporalem. Nam si per potestatem temporalem, intelligatur potestas disponēdi de temporalibus, siue ipsa potestas in se sit spiritualis, siue temporalis, verè colligit, Pontificem habere potestatem temporalem in Reges: si verò per temporalem potestatem intelligatur po-  
testas



estas quæ sit in se temporalis, vt est potestas Regû, & aliorum Principum politicorum, falsò colligit, Pontificem habere potestatem temporalem in Reges ex Theologorum sententia. Theologi enim tribuunt Summo Pontifici temporalem, & spiritualem potestatem in Ecclesiastica ditione tantum, quam potestatem plenam in patrimonio S. Petri appellat Innocentius, in cap. *Per venerabilem*: in reliquis Prouinciis Christianas, & Principes Christianos, tribuunt Pontifici potestatem solum spiritualem, quæ per se, & propriè respicit spiritualia; temporalia verò respicit, vt subordinantur spiritualibus. Et ideò quando propriè loquimur, dicimus Pontificem habere potestatem in temporalibus, non autem habere potestatem temporale, qua Pontifex est, Ex quo sequitur, vt discrimen vocum, *directè* & *indirectè*, non referatur propriè loquendo, ad modum acquirendi potestatem, vt Barclaius falsò dicit; sed ad explicandum obiectû secundarium, & consecretaneum supremæ spiritualis potestatis, quæ vt supra diximus, primario, & directè respicit spiritualia, secundario & indirectè, id est, in ordine ad spiritualia, respicit temporalia: quæ sententia Theologorum nullo modo repugnat verbis Innocentij in cap. *Per venerabilem*; vt ex dictis perspicuum est.

4 Addit præterea Barclaius hoc argumentum. *§ Quod si aduersariorum sententia locus sit, Reges, & Principes Christiani, non erunt solum Vassalli, & Clientes Papæ in temporalibus; sed (quod vilius est) quasi precario Regna, & Principatus ab eo possidebunt. Id facile ex ipsis aduersariorum principijs, sic ostendo: Summus Pontifex potest alicui Regnum auferre, &*

*alteri conferre, si id necessarium sit ad animarum salutem; Atqui iudicare, & decernere, an sit necessarium, pertinet ad eundem Pontificem, de cuius iudicio, æquum ne sit, an iniquum nemo potest iudicare; ergo ubi libitum ei erit, poterit quemlibet Regno priuare, & illud alteri conferre.]*

Respondeo. Reges Christiani, alijque Principes, ijs exceptis, qui feudatarij sunt Ecclesiæ, neque Vassalli, neque clientes Pontificis Maximi dici debent, quamuis ita eos ad conflandam Ecclesiæ inuidiam, Barclaiio appellare libuerit; multò minus precario Regna, & Principatus ab eo possident: sed sunt veri Reges, veriç; Principes, tantoç; Ethnicis Regibus, & Principibus nobiliores, & feliciores; quanto nò solum in terris ad tempus regnant; sed etiam post hanc vitam, si iustè, pieç; regnauerint, ad Regnum coeleste, & sempiternum transferuntur. Argumentum verò Barclaij ab omni parte vitiosum est: illa enim propositio, *Summus Pontifex potest alicui Regnum auferre, & alteri conferre, si id necessarium sit ad animarum salutem*: explicatione indiget; nam & benè, & secus intelligi, & vera, & falsa esse potest. Potest quidem Pontifex, si necessarium ad salutem animarum sit, alicui Regnū auferre; sed si antea admonuerit, si spaciū resipiscendi dederit, si perniciosum, & incorrigibilem esse perspexerit. Potest quoque alteri Regnum conferre, non pro arbitrio tamen cui libuerit; sic enim verè precario Reges regnarēt; sed cui iure debetur, siue successio, siue electio locum habeat. Et si fortè nemini debeat; cui ratio dictauerit, esse tribuendum. Sic enim Innocentius IV. in Concilio Lugdunensi cūm Fridericū Imperatorē deposuisset, electionē successoris

Electo-

Electōribus, quibus iure competit, liberā reliquit: sic etiam Gregorius VII. post depositionem Henrici, Rudolphū à Principibus electum confirmauit, Sic etiā Zacharias Regnum Francorū Pipino adiudicauit, quoniā ille re ipsa Regnū administrabat, & Proceres eūdem expetebant. Leo quoq; tertius Imperiū Occidentale à Græcis ad Francos transtulit, quoniam ipsi in Occidente potentissimi erant, & soli poterant eam dignitatem sustinere, & eosdem Romanus populus maximè cupiebant. Sic etiam in testamento veteri Ioiada Pontifex postea quam Athaliah Reginā, quæ Regnū inuaserat, interfici iussit, Regnum contulit Regis demortui filio, cui iure hæreditario debebatur. 4. Reg. 11. & Azarias Pontifex Rege Ozia ob lepram diuinitus immisissā ab hominum commercio segregato, Regni administrationem nō cui voluit, sed cui debebatur, id est, Regis filio dereliquit. 2. Paralip. 26. illa igitur propositio Barclaij, aut malè intellecta falsa est, aut rectè explicata nō efficit, vt Reges precario regnēt, Iam verò assumptio illa, *At qui iudicare, & decernere an sit necessariū, pertinet ad eundē Pontificē, de cuius iudicio æquum ne sit, an iniquū nemo potest iudicare:* similis est propositioni: nam perperā intellecta, falsa est; rectè explicata, vera quidem est; sed nō inde concluditur, precario Regna à Summo Pontifice data possideri, quæ est Barclaij conclusio. Pertinet quidem ad Pontificem iudicare an sit necessarium ad salutem animarum, Regem aliquem, Regno priuare; sed non pertinet ad eundem necessitates pro libito fingere, vel sub colore necessitatis cupiditati seruire. Et quoniā res hæc grauissima est, & necessitas manifesta, & explorata esse debet, idcirco

idcirco Pontifices ordinariè in Synodis Episcoporum, vel Consistorijs S.R.E. Cardinalium, expositis rationibus, & consentientibus Patribus, ista gesserunt, vt supra ostendimus.

5 Pergit Barclaius, & posteaquam rationem superiorein multis verbis more suo amplificauit, & repetiuit, subiungit hæc verba: *§ Sed & omnis potestas, omneq; dominium, & iurisdictio, aut iure diuino acquiritur, aut iure humano: & qui aliquid possidet, seu tenet, si neutro horum possideat, iniuste possidet, vt præclare in Donatistas ratiocinatur Augustinus, tract. 6. ad caput primum Ioannis, Can. Quo iure. dist. 8. Fieri igitur non potest, vt Papa Imperium aliquod temporale in Reges, & Principes seculares iuste exerceat, nisi constet id ei iure diuino, vel humano esse tributum.]*

Respondeo. Iure diuino potestas in Reges, & Principes Christianos, non propriè temporalis, sed quæ se ad temporalia extēdat, Summo Pontifici Christi Vicario attributa est. Vnde enim Barclaius ipse deducit, potestatem spiritualem amplissimam iure diuino Romano Pontifici in omnes Reges, Principesque competere: inde nos colligimus, eodem diuino iure Pontifici Romano competere potestatem, quæ ad temporalia pertingat; quoniam id requirit ordo potestatis superioris ad inferiorem, spiritualis ad temporalem. At, inquit aduersarius, *nullus neque in diuinis, neque in humanis legibus locus reperitur, qui talem illi potestatem conferat.* Respondeo. Imò locus inuenitur in diuina lege, qui potestatem illi conferat, & locus inuenitur in humana lege, qui locum diuinæ legis exponat. Quod enim scriptum est Matth. 16. *Tibi dabo*  
*claves*

*clauēs Regni cœlorum, &c. & Io. 21. Pasce oues meas* explicatum inuenimus in multis Concilijs, ac potissimum in Romano sub Gregorio VII. In Lateranensi sub Innocentio III. & in Lugdunensi sub Innocentio IV. in eum sensum, vt potestas ligandi, atque soluendi, nec non pascendi, atq; regendi Ecclesiâ vniuersam, non ad sola spiritualia; sed etiam ad tēporalia ratione spiritaliū porrigatur: quod idem communis Doctorum Catholicorum sententia, & ipsa praxis, atque experientia confirmat.

6 *At, inquit, Regum dominatio, & auctoritas multis sacrarum literarum testimonijs apertè commendatur, & probatur, vt cūm dicitur, Per me Reges regnant. Data est à Domino potestas vobis. Reges gentium dominantur eorum. Cor Regis in manu Dei. Dabo illis Regem in furore meo. Time Dominum fili mi, & Regem. Regem honorificate, & passim id genus similia.]*

Respondeo. Primus locus non demonstrat potestatem datam à Deo Regibus; sed sapientiam Regibus esse necessariam, vt regnent, sicut oportet. Verba enim illa sapientiæ sunt, quæ Reges hortatur ad ipsius sapientiæ studium, si volunt verè regnare, & leges ferendo iusta decernere. Secundus locus dicit, quidem potestatem Regiam esse à Domino; sed hoc dicit, vt Reges non superbiant; sed intelligant habere supra se Dominum, à quo grauius punientur, si potestate abutantur. Tertius locus, non potestatem tribuit; sed abusum potestatis reprehendit. Reges enim gentium, qui vera Dei cognitione carent, non contenti administratione Regia, plerunque dominari populis, quasi mancipijs affectant, & politicum Imperium in despoticum transmu-

transmutant, ac de Regibus Tyranni fiunt: quæ abusu Græca vox *χραυπιύσιν*, quæ violentam dominationem significat, magis apertè demonstrat. Quartus locus potestatem Dei in Reges, non potestatem datam à Deo Regibus ostendit: ea enim est omnipotentia Dei, vt non solum corpora Regum; sed etiam corda in potestate habeat, eaque vertat, & conuertat, vt sibi libuerit. Quintus locus non potestatem Regiam commendat; sed minatur se permissurum, vt populus ob sua peccata in Regem iniquum, & crudelem incidat, à quo non tam regatur, quàm deuoretur. Sextus, & septimus locus, timorem populi erga Regem; non potestatem Regis erga populum docet. Sed quicquid de his locis sit, vt non negamus Regiam potestatem esse à Deo; sic etiam negari non debet, Apostolicam potestatem esse à Deo; imò omnem potestatem esse à Deo, iuxta illud Apostoli Rom. 13. *Non est potestas nisi à Deo.* Quod autem potestas Regia subiecta non sit Apostolicæ potestati, vel quod subiecta sit in spiritualibus tantum, non etiam in temporalibus; in his locis, neque apertè, neque obscure habetur, atque hoc est quod queritur.

7 Postremò adducit Barclaius argumentum, quod etiam supra non semel adduxit. § *Postremò*, inquit, *quandoquidem potestas, & iurisdictio ista temporalis Papa, de qua nobis sermo, neque expresso Dei Verbo in scripturis comprehensa, neque ex traditione Apostolorum, quasi per manus recepta, neque usu, & consuetudine in Ecclesia per totos mille annos, & amplius obseruata, aut ab vlllo Pontifice occupata, neque ab antiquis Ecclesia Patribus laudata, & probata, imò ne memorata quidem inuenitur: qua nos ob-*  
*secro*

*secto credendi necessitas cogit eam admittere? aut qua nobis eam auctoritate persuaideant?]*

Respondeo. Multa sunt quæ ex verbo Dei per Ecclesiam explicata credimus, quamuis in verbo Dei expressè non habeantur. Filium Dei esse Patri consubstantialem, expressè in scripturis non legimus; credimus tamen, quia sic docet Ecclesia intelligenda esse verba Domini Ioan. 10. *Ego & Pater vnum sumus.* Spiritum à Filio proceperè expressè in scripturis non legimus; credimus tamen quia sic docet Ecclesia intelligenda esse verba Domini Ioan. 16. *Ille me clarificabit, quia de meo accipiet, & annuntiabit vobis: omnia quæ habet Pater mea sunt, ideo dixi vobis, quia de meo accipiet.* Baptismum paruulorum expressè in scripturis non legimus; credimus tamè, quia sic docet Ecclesia intelligenda esse verba illa Ioan. 3. *Nisi quis renatus fuerit ex aqua, & Spiritu sancto, &c.* & Matth. 19. *Sinite paruulos venire ad me.* Sic ergo potestatem Summi Pontificis extendere se ad temporalia, ac præsertim ad Regna, & Imperia expressè in scripturis nō legimus; credimus tamen, quia Ecclesia in concilijs generalibus, sic docet intelligenda esse illa verba Domini Matth. 16. *Tibi dabo clauēs, &c.* Falsum verò est, potestatem istam non fuisse in usu apud Ecclesiā per totos mille annos, & amplius. Iam enim supra docuimus, in usu fuisse post annum septingentesimum tempore Gregorij secundi, & Zachariæ Pontificum. Item post annum octingentesimum tempore Leonister-  
tij, & Gregorij quarti. Falsum quoque est ab antiquis Patribus non fuisse laudatam, vel commemoratam; cū à Gregorio Nazianzeno paulò obscurius; sed à Gregorio Romano apertè cōmemorata,  
2c. de-

ac deinde posterioribus seculis ab omnibus scriptoribus, quorum nonnulli in album sanctorum relati sunt, apertissimè commendata, & celebrata fuerit. Quod in extremo capite Barclaius dicit, rationes nostras non esse demonstrationes, sed dialecticos syllogismos: proindè eas non certam fidem facere; id quale sit, & quantum ponderis, & momenti habeat, in sequenti capite explicabimus.

*DEFENDITVR PRIMARATIO  
Bellarmini propotestate  
Pontificis in temporalibus.*

CAPVT XIII.

**I**N capite tertiodecimo aggreditur Barclaius refutare eas rationes, quas ego in lib. 5. de Pontif. cap. 7. adduxi ad probandam Pontificis Maximi potestatem in temporalibus. Et quoniam ille præfatur, neminem Bellarmino diligentius rationes pro hac potestate collegisse, vel argutius proposuisse, vel breuius, & subtilius conclusisse; vt videlicet lectoribus persua-deat Bellarmino superato, rem totam esse confectam: ego quoque præfari debeo, me non admittere, quæ Barclaius de mea diligentia, argutia, & subtilitate dicit. Scio enim multos esse me longè doctiores, & diligentiores, ac subtiliores, qui in eodem argumento ante me versati sunt, & quorum ego diligentiam, & studium pro ingenij mei tenuitate æmulari studui: proindè nō in me superâdo stat summa victoriæ, vt Barclaius persuadere lectoribus nititur. Admonendum quoq; lectorem esse duxi, me in hac re cōprobanda rationes



rationes tantum, & exempla, non Scripturas, Concilia, & Patres adduxisse: quoniam ista in libris superioribus copiosissimè persecutus fueram in confirmando primatu spirituali summi Pontificis; quo confirmato & firmiter stabilito facillimum esse censeui, ex eo tamquam ex fonte deducere riuulos rationum ad potestatem in temporalibus comprobendam.

Prima igitur ratio mea, quam Barclaius ad verbum refert, hæc fuit.

*Potestas civilis subiecta est potestati spirituali, quando utraq; pars est eiusdem Reip. Christianæ: ergo potest Princeps spiritualis imperare Principibus temporalibus, & disponere de temporalibus rebus in ordine ad bonum spirituale; omnis enim superior imperare potest inferiori suo.*

Quod autem potestas politica, nō solum, ut Christiana; sed etiam ut politica, sit subiecta Ecclesiastica, ut talis est: Primò demonstratur ex finibus utriusq;. Nā finis temporalis subordinatur fini spirituali, ut patet, quia felicitas temporalis, non est absolutè ultimus finis; & ideo referri debet in felicitatem æternam. Constat autem ex Arist. lib. 1. Eth. cap. 1. ita subordinari facultates, ut subordinantur fines.

Secundo, Reges, & Pontifices, Clerici, & Laici non faciant duas Respublicas, sed vnā, id est, vnā Ecclesiam. Sumus enim omnes vnum corpus Roman. 12. & 1. Corinth. 12. At in omni corpore membra sunt connexa, & dependentia vnum ab alio: non autem rectè asseritur, spiritualia pendere à temporalibus: ergo temporalia à spiritualibus pendent, illisq; subiiciuntur.

Tertio, si temporalis administratio impedit spirituale

*rituale bonum, omnium iudicio tenetur Princeps tēporalis mutare illum modum administrandi, etiam cum detrimento temporalis boni: ergo signum est, subiectam esse temporalem potestatem spirituali. Hæc est mea ratio prima satis fideliter à Barclaio relata.*

Huic rationi respondet ipse, falsum esse, quod ego assumpsi, ciuilem potestatem subiectam esse spirituali, quando vtraq; pars est eiusdē Reip. Christianæ. Id aut falsū esse probare conatur his verbis: **S** *Siquidem hæ duæ potestates ita sunt partes Reipubl. Christianæ, vt neutri in alteram imperium sit, vtpotè cū liberè, & sui iuris essent, mutuo amore coierunt. Vtraq; ergo alteram in suo ordine, & munere recognoscit, & veneratur, & suam vtraq; functionem arbitrati suo exercet; tantum inter eas conspirans quidam consensus, & societas est, ad Christianam Remp. conseruandam.]*

Respondeo. In his verbis affirmari video, non probari, politicam, & Ecclesiasticam potestates in eadem Ecclesia Christiana coniunctas esse vinculo beneuolentiæ, non autem subiectione vnius ad alteram. Sed hoc rectè diceretur, si politica & Ecclesiastica potestas eiusdē ordinis essent, & quasi duas foederatas Resp. facerent, vt sunt pagi Helueticorū. At ex scripturis diuinis Pontifices, & Reges, clerici, & laici in Christo regenerati vnam Remp. imò vnam ciuitatem, imò vnam domum, imò vnū corpus efficiunt. Neq; potestas spiritualis, & temporalis in Ecclesia conueniunt, vt duæ Resp. in vnam confoederationem, sed vt spiritus, & caro in vnum hominem, vt Gregorius Nazianzenus præclare docuit in oratione ad populum timore perculsum:  
certum

certainum aut est, spiritum in carnem imperium habere debere, non contra: neque sunt in Ecclesia Christi Pontifices, & Reges, ut principales Arietes in Ouili, sed ut Pastores, & oues: neque in dubium reuocari potest, an Pastores ouibus, vel oues pastori- bus cum imperio præsent.

Subiungit Barclaius: *SVtraq; potestate, siue ut Genebrardi verbis utar, utroq; magistratu Ecclesia continetur, munitur, & viget: ad quam protegendam, & sartam tectam conseruandam alterius sic*

*Alter a poscit opem res, & coniurat amice.*

*ut quamdiu societatem retinent, Resp. Christiana innumeris concordia, & pacis commodis efflorescat. At ubi coitam dissoluunt, spiritualis quidem potestas, licet diuina virtute præstans, imbecillior tamen in oculis hominum, & corporalibus auxilijs destituta plerunque contemnitur: temporalis verò, quantumuis potens, atque fortis in suam ipsius perniciem per omne scelus, & insaniam properat, nimirum celesti gratia destituta, qua per spiritualis potestatis coitionem fruebatur.*

Respondeo. Hæc omnia contra suum auctorem, non contra Bellarminum pugnant. Fatetur enim Bellarminus, optimum esse, ut duo istæ potestates cõcordes sint, & valdè perniciosum si inter se pugnent: sed non inde sequitur vnâ alteri non esse iure subiectam. Nam & in homine optimum est, ut spiritus, & caro concordēs sint, & perniciosum, si dissideant, ut sæpè carne reluctante imperio spiritus, & spiritu carnem in seruitutem redigere conante, discordant: nec tamen vllus sapiens ex hac discordia colliget, non debere esse spiritui in carnem

suam imperium; cùm contrarium apertissimè inde colligatur. Igitur eodem modo ex eo quod ex discordia duarum potestatum, spiritualis, & politicæ in eadem Christiana Republica tam multa incommoda sequuntur, & vtrique valdè necessaria concordia est: colligi debet, pertinuisse ad sapientiam Christi Christianæ Reip. Conditoris, vt vnā potestatem alteri subijceret, quò facilius pacem, & concordiam inter se retinerent, & colerent.

Addit Barclaius testimonium Hosij Cordubensis, & S. Bernardi : sed quoniam ad testimonium non semel supra respondimus; audiamus verba S. Bernardi lib. i. de Consideratione cap. 5. *Habent, inquit, hæc infima & terrena Iudices suos, Reges, & Principes terra. quid fines alienos inuaditis? quid faciem vestram in alienam messem extenditis?*

Respondeo. S. Bernardus ipse se declarat, cùm in eodem loco subiungit. *Nō quia indigni vos, sed quia indignum vobis talibus insistere, quippè potioribus occupatis: denique vbi necessitas exigit, audi quid censeat, nō ego, sed Apostolus, Si enim in vobis iudicabitur hic mundus, indigni estis, qui de minimis iudicetis? Sed aliud est incidenter incurrere in ista, causa quidem urgente, aliud verò incumbere istis, tamquam magnis, dignisq; tali, & talium intentione rebus.* ] Vbi demonstrat Pontifices maximos, vt plurimum debere in rebus maioribus occupari, & infima ista, ac terrena relinquere Iudicibus minoribus, Regibus videlicet, & Principibus terræ. Quemadmodū Apostolus 1. Corinth. 6. dixit. *Iudicia secularia si habueritis contemptibiles qui sunt in Ecclesia, hos constituite ad iudicandum.* Itaque S. Bernardus eo loco fines alienos, & messem alienam, iudicia terrena,

rena vocauit, nō quod nō possit Pontifex, sed quod vt plurimum non debeat, dimissis rebus grauioribus, istis terrenis, & vilibus implicari: Et Barclaius non satis prudenter, ne dicam fraudulenter, verba citat, quæ secum adferunt explicationem, si locus integer adferatur.

Pari astutia Ioannem Driedonem allegat ex lib. 2. de libertate Christiana cap. 2. cuius hæc sunt verba: *§ Christus vtriusque potestatis officia discreuit, vt vna diuinis, & spiritualibus rebus, atq; personis, altera profanis, atque mundanis præsideret. & mox: En planè vides Christum discreuisse vtriusque potestatis officia. distinctio igitur Ecclesiastica potestatis Papalis à potestate seculari, ac Imperiali est de iure diuino facta.*]

Respondeo. Scribit Ioannes Driedo, potestates illas duas distinctas esse; sed vnā alteri subiectam esse, temporalem videlicet spirituali hoc loco non negat. & paulò infra in eodem capite disertis verbis affirmat, dicens: *Vnde Papa, & Imperator sunt in Ecclesia non tamquam duo Rectores summi inter se diuisi, quorum neuter alteram cognoscit, & veneratur, tamquam superiorem: quia Regnum sic contra se desolabitur.* hæc ille: nec valet glossa Barclaij, quod Imperator in spiritualibus Papam, Papa in temporalibus Imperatorem cognoscere debeat, & venerari tamquam superiorem. Nam Ioann. Driedo explicuit sententiam suam lib. 1. eiusdem operis. cap. 9. vbi docuit, in ordinē ad finem supernaturalem, subiectam esse potestatem temporalem potestati spirituali. & cap. 14. docuit Papā habere plenitudinem potestatis super omnes Re-  
pes, & Principes Christianos, & posse eos Regnis

priuare, & in temporalibus prorsus eximere plebem Christianam ab eorum obedientia, & subiectione: & nusquam docuit, potestatem spirituales subiectam esse temporali, aut posse à Regibus priuari Pontificem Papatu, aut ab eius obedientia, & subiectione populos liberari. Allegat Barclaius antiquam glossam in cap. *Hadrianus*, dist. 63. sic dicentem, *Quemadmodum ille huic in spiritualibus: ita hic illi in temporalibus pater est*. Sed ego istam glossam neque in nouis, neque in antiquis editionibus inuenire potui. Fortassè tamquam dilira Annus antiquata est, aut præ nimio senio iam dudum excessit è viuis.

Postremò addit Barclaius testimonium Bellarmini, vt Bellarminum cum Bellarmino committat, eumque proprio gladio vulneratum prosterнат. *Nota*, inquit Bellarminus lib. 5. de Pontifice cap 3. *quemadmodum non est idem sydus Sol, & Luna, & sicut Lunam non instituit sol, sed Deus: ita quoque non esse idem Pontificatum & Imperium, neque vnā ab alio absolutè pendere*. His verbis recitatis subiungit Barclaius. § *Sunt quidem Sol, & Luna duo luminaria magna, quæ Pontifex Innocentius, cap. solita, de maiorit. & obediē. per allegoriam interpretatur duas dignitates, quæ sunt Pontificalis auctoritas, & Regalis potestas, & illam Soli, hanc lunæ comparat. Vnde hoc modo disputo. Quemadmodum Luna non minus Luna est, nec minus per se consistit, tunc cū à sole recedit, & mutuatum ab eo lumen errans amittit, quàm cum ijs radijs pleno orbe, atque aspectu illustratur, & neutro casu hæc ab illo, aut ille ab hac dependet; sed ambo institutionis suæ ordinem, & modum tenentes Deo, Mundoque deseruiunt: sic etiam potestas Regalis,*

*Regalis, siue politica proprijs subnixa viribus per se semper consistit, & licet magnum quidem lumen ad bene, beateq<sup>3</sup> viuendum à Pontificali, spiritaliq<sup>3</sup> potestate accipiat: tamen eius, neq<sup>3</sup> accessu neq<sup>3</sup> recessu vlla ex parte in sua oðsità. siue essentia mutatur, minuitur, vel augetur, multoq<sup>ue</sup> minus aduenienti subiicitur.]*

Respondeo. Similitudines non in omnibus locum habent, sed in ea tantum re, ad quam explicandam adhibentur. Ideo frustra quæritur accommodatio in omnibus. Christus agnus Dei dictus est propter mansuetudinem, & leo propter fortitudinem, & petra propter firmitatem, & vitis propter fœcunditatem: nec tamen licet Christo tribuere stoliditatem ouis, aut sæuitiam leonis, aut duritiem lapidis, aut fragilitatem vitis. Rectè igitur comparauit Innocentius tertius potestatem Pontificiam Soli, & potestatem Regiam Lunæ, quod illa præsit spiritalibus, ista temporalibus, illa sit maior, ista minor. Nec malè ego notauì, Pontificatum, & Imperium instar Solis, & Lunæ esse distincta, & à Deo; & Imperium absolutè non pendere à Pontificatu: quia videlicet Imperium Rom. fuit ante Pontificatum Christianum, ac per hoc institutum non fuit à Pontifice: neque Pontifex Imperium sustulit vnquam, sed solùm transtulit ab vno homine ad alium, vel ab vna gente ad aliam. Concedimus autem Barclaiopotestates Pontificiam, & Regiam instar Solis & Lunæ non pendere ab inuicem quoad essentiam. Sed non concedimus, quod Barclaius in fine addidit, Lunam Soli non subijci. Subijcitur enim Luna Soli, cùm ab eo lumen recipiat, & non subijcitur

Lunę Sol, qui nihil recipit à Luna. Nec solùm Luna, sed omnes etiam stellę subijciuntur Soli, quoniã ab illo lumen recipiunt, & rectè Marcus Tullius in Sónio Scipionis de sole dicit, *Dux est et Princeps, & moderator luminum reliquorum*. Itaque quemadmodum Soli subijcitur Luna, & Lunę non subijcitur Sol: ita quoq; Pontifici subijcitur Rex, & Regi non subijcitur Pontifex.

*DEFENDITVR CONFIRMATIO  
primæ rationis Bellarmini.*

C A P V T   X I V .

**I**N capite quartodecimo Barclaius examinat tria illa argumenta, quibus ego probavi assumptionem primæ rationis, siue antecedens primi enthimematis, vt Scholarum verbis vtamur. Primum argumentum illud fuit: *Finis temporalis subordinatur fini spirituali; sed facultates subordinantur, vt subordinantur fines; igitur facultas, siue potestas temporalis, subordinatur facultati, siue potestati spirituali*. Ad hoc argumentum respondet Barclaius his verbis.

§ *Nego constanter talem ordinationem, vel subordinationem finium harum potestatum esse, quatenus ipsę tales potestates sunt. Nam finis politica, seu civilis potestatis, quatenus politica est, nihil aliud absolute complectitur quam felicitatem temporalem, commune scilicet bonum, & vita degenda ordinatam tranquillitatem, vt ipsemet alibi Bellarminus fateatur. Politica potestas, inquit, habet suos Principes, leges,*



*ges, iudicia, &c. & similiter Ecclesiastica suos Episcopos, Canones, iudicia. Illa habet pro fine temporalem pacem, ista salutem æternam.* Hæc Barclaius, qui postea rem eandem confirmat ex Apostolo 1. ad Tim. 2. qui iubet nos orare pro Regibus, vt tranquillam vitam agamus in omni pietate, & castitate. Item ex Nauarro, qui cap. *Nouit*, de Iudic. numer. 90. dicit, finem potestatis laicæ esse vitam bonam, beatam, & quietam temporalem mortalium, quæ & finis est legum ab ipsa emanantium: potestatis verò Ecclesiasticæ, finem esse vitam æternam supernaturalem, eundemque esse finem legum ab ipsa emanantium.]

Respondeo. Negat Barclaius rem certissimam omnium consensione Doctorum; nec potest aliter paradoxa sua defendere, nisi audacter omnia negando, quæ illi obijciuntur. Quid enim apud Theologos, & Philosophos notius, quam inter causas tū efficientes, tum finales ordinem esse, & inferiores superioribus subordinari? Certè Deus est prima causa efficiens omnium rerum, eiq; subordinantur, causæ secundæ, siue vniuersales, quales sunt cœli, siue particulares, quales sunt res ipsæ inferiores, quarū vnaquæq; producit effectus sibi similes, non absque actione cælorum, & cooperatione Dei, primæ videlicet, atq; altissimæ causæ. Eodem igitur modo finis vltimus absolutè Deus est, atque ad eum ordine quodam referuntur, & subordinantur omnes alij fines. Finis quidem immediatus potestatis Politicæ est pax Reip. temporalis, sed hæc pax subordinatur paci supernaturali hominis cū Deo; ista verò paci beatæ, quæ est in superna Hierusalē: quæ tandem subordinatur gloriæ Dei Conditoris,

qui est primum principium, & vltimus finis omnium rerum. Atq; hoc ipsum docent auctores, quos hic Barclaius citat, Bellarminus enim, quem primo loco nominat, lib. 5. de Pontif. cap. 6. vbi scripsit, finē politicæ potestatis esse pacem temporalem, & finē potestatis Ecclesiasticæ esse salutem æternam: paulò post addidit hæc verba: *Quando istæ potestates sunt coniunctæ, vnum corpus efficiunt, ideoq; debent esse connexæ, & inferior superiori subiectæ, & subordinatæ*: cuius rei rationem reddit cap. 7. *quia finis temporalis potestatis subordinatur fini potestatis spiritualis*. Sanctus quoque Apostolus 1. ad Timoth. cap. 2. quem Barclaius secundo loco citauit, cum iussit orari pro Regibus, vt tranquillam vitam agamus; adiunxit, *in omni pietate, & castitate*; vt ostenderet tranquillitatem vitæ, quæ est finis politicæ potestatis, subordinari pietati, & castitati, quæ finis est potestatis spiritualis, per quē ad finem vltimum peruenitur, qui est felicitas sempiterna. Denique Nauarrus, quem tertio loco Barclaius attulit, in ca. *Novit*, de Iudic. num. 90. scribit, finem potestatis temporalis esse vitam bonam, & beatam mortalium temporalium; finem spiritualis potestatis esse vitam æternam in cælis. Sed idem auctor eodem loco, num. 99. demonstrat, finem temporalis potestatis subordinari fini potestati spiritualis, cum docet ex S. Thom. lib. 3. de Regimine Principum c. 12. Christi dominium ordinari ad salutem animæ & spiritualia bona, licet à tēporalibus nō excludatur, eo modo quo ad spiritualia ordinātur. *Expende inquit Nauarrus, illa verba, eo modo, quo ad spiritualia ordinantur: nam illo & non alio modo suprema hæc Papa Patria Patris potestas extenditur ad illa, id est,*

*est, ad temporalia.* Ibidem Nauarrus adducit alium locum S. Thomæ ex 2.2.q.40.art.2.ad tertium. *Comnis persona, inquit Sanctus Thomas, vel ars, vel virtus ad quam pertinet finis, habet disponere de his, quæ sunt ad finem: bella autem carnalia in populo fidei sunt referenda ad spirituale bonum diuinum, cui Clerici deputantur: & ideo ad Clericos pertinet disponere, & inducere alios ad bellandum bella iusta.* Vbi Sanctus Thomas docet bella carnalia ordinari ad bonum spirituale, vt ad finem non immediatum, sed mediatum: finis enim belli carnalis immediatus est victoria, & pax temporalis: sed quia hæc ordinatur ad bonum spirituale, vt alia omnia temporalia, ideò dicitur bellum carnale ordinari vt ad finem, mediatum videlicet, ad bonum spirituale: & ea de causa disponere de bellis iustis agendis pertinet aliquo modo ad Clericos, id est, ad Ecclesiasticam potestatem, cuius finis immediatus est bonum spirituale. Multa similia habet idem Sanctus Thomas, de subordinatione finium in 1.2.q.1.art.4.& lib.3.contra gentes cap.17.18.& sequentibus.

Aggreditur deinde Barclaius secundum argumentum meum, quod erat huiusmodi: *Reges. & Pōtiffices, Clerici & laici non faciunt duas Resp. sed vnā, id est, vnā Ecclesiam: sumus enim vnum corpus Rom. 12. & 1. Corinth. 12. At in omni corpore membra sunt connexa, & dependentia vnum ab alio: non autem rectè asseritur spiritualia pendere à temporalibus, ergo temporalia à spiritualibus pendent, illisq; subiunguntur.*

De hoc secundo argumento ita loquitur Barclaius. § *Secundum verò argumentum vsque adeo frius;*

*frivolum est, & fallax: ut nihil inscitius dici, aut vitiosius colligi possit, quam quod eo concluditur: ecqua enim Anus tam excors est, ut nesciat non valere hanc consecutionem, sunt membra unius corporis, ergo vñ ab alio pendet: nam neq; pes à pede, neq; brachium à brachio, neq; humerus ab humero pendet, sed ab vno tertio.]*

Respódeo. Oblitus erat Barclaius, cùm hæc scriberet, eorum, quæ paulò ante dixerat, neminè Bellarmino argutius argumenta proponere, neminem brevius, subtiliusq; concludere. ista siquidem nò benè cohærent: argumenta proposita argutissimè subtilissimeq; conclusa à qualibet ex corde Anu posse nullo labore dissolui. Sed omitto Barclaij inconstantiam, qui Bellarminum nunc laudibus euehit in cælum, nunc conuicijs deprimit in abyssum: parū enim Bellarmino est, ut à Barclaio iudicetur, aut ab alijs ei similibus, qui Iudices eius legitimi nò sunt: omnes enim stabimus ante tribunal Christi, & ab illo iustè vereq; ac sine omni animi perturbatione iudicabimur. Quòd ergo dixi, membra eiusdem corporis esse connexa, & vñ pendere ab alio; de membris diuersi generis intellexi, qualia sunt digitus, manus, brachium, humerus, & caput: non de membris eiusdem generis, qualia sunt duæ manus, duo pedes, duo oculi, duæ aures: potestas enim politica, & Ecclesiastica, de quib' loquebamur diuersi generis sunt, ut notum est: & secundum subiectam materiam verba intelligenda sunt; alioqui nulla esset tam certa demonstratio, quæ calumniam pati non posset. Itaq; potestas Regia, quæ in suo genere principalis est, si cum potestate Pontificia, quæ etiam in suo genere principalis est, in  
vñum

vnū corpus coalescat, necessario debet, aut subesse, aut præesse, ne sint in vno corpore duo capita: & cum satis constet Pontificem esse caput Ecclesiæ vice Christi, apertè sequitur, vt debeat Rex, aut nō esse membrū huius corporis, aut Pontifici subesse; & eodem modo potestas politica, quæ præcipuè residet in Rege, aut debet subiecta esse spirituali, quæ præcipuè residet in Pontifice, aut extra Ecclesiam remanere: quemadmodum non potest esse digitus in corpore, qui non pendeat à manu; neque manus, quæ non pendeat à brachio; neque brachium, quod non pendeat à humero: neque humerus, qui non pendeat à capite. Quod autem Barclaius dicit paulò post, *potestatem spirituales, & politicas, esse veluti duos humeros in corpore, quorum neuter alteri subijcitur; sed vterque subijcitur vni capiti Christo*: non solum est falsum, quia potestates illæ non sunt eiusdē generis, vt duobus humeris comparari possint, quomodo rectè compararentur duobus humeris duæ Regiæ potestates: sed etiam ad hæresim pertinet, quæ hoc tempore maximè viget: quid enim heretici huius temporis maiori conatu populis persuadere conantur, quàm non esse summum Pontificem caput visibile corporis Ecclesiæ, cui omnes Christiani, quantumuis magni necessariò subiici debeant, si salui esse velint? Atqui hoc illis vltro concedit Barclaius, qui tamē in toto libro Catholicum se facit. Itaq; potestas spiritualis, & politica non rectè comparantur duobus humeris; sed vel spiritui, & carni comparare debent, vt facit S. Gregorius Nazianzenus in oratione sæpè citata ad populum timore perculsum, & Præsidem irascentē: *vel brachio, & capiti, membris videlicet principalibus;*

libus, quorum tamen vnum, quamuis in se valdè potens, & robustum ab altero superiore dirigi debeat, & gubernari.

Sed instat Barclaius, atque obijcit mihi mea ipsius scripta, lib. 3. de Pontifice cap. 19. vbi admitto Reges terræ non habere in terris iudicem, quantū ad res politicas pertinet: & contendit, me contraria loqui, cū vno in loco doceo, Reges non habere iudicem in terris, quo ad res politicas: in alio loco admitto, Pontificem iudicem esse Regum, vt etiam eos per sententiam Regno priuare possit.

Respondeo. Innocentius tertius in cap. *Per venerabilem*, Qui filij sint legit. scribit Reges in temporalibus, non habere superiorem: & tamen ipse idem Othonem quartum Imperatorem deposuit. Audeat ergo Barclaius Innocentium, tamquam secum ipsum pugnantem arguere: & ego cum tanto Pontifice reprehendi nō molestè feram. Sed defensio in promptu est: Reges enim non habent iudicē in terris, quoad res politicas, siue in temporalibus, dum eorum regimen ita intra res politicas, & temporalia se continet, vt spiritualibus non officiat. Præterea dicuntur Reges non habere Iudicem in politicis, & temporalibus, quia non habent super se iudicem politicum, siue temporalem, quāuis habeant iudicem spiritualem, à quo dirigi, & iudicari possunt etiam in temporalibus per ordinē ad spiritualia.

Quod verò Barclaius addit, discrimen vocū *directè*, & *indirectè* ad formā, & modum pertinere, non ad vim, & effectum iudicij: iam supra refutatum est in cap. 12. vbi de his vocibus ex proposito disputauimus.

Restat

Restat argumentum meum tertium, quod tale erat. *Si temporalis administratio impedit spirituale bonum omnium, iudicio tenetur Princeps temporalis mutare illum modum administrationis, etiam cum detrimento temporalis boni, ergo signum est, subiectam esse temporalem potestatem spirituali.*

§ Huic argumento duobus modis Barclaius occurrit: primum enim notat quod cum rem demonstrandam susceperim, signum tantum protulerim: deinde negat consecutionem argumenti: nam ex eo quod tenetur Princeps temporalis mutare formam regiminis, si per eam bonum spirituale impediatur: dicit Barclaius sequi, spiritualia esse digniora temporalibus, non autem potestatem temporalem spirituali esse subiectam.]

Respondeo. Non est nouum, neque insolitum, post demonstrationes adferre quoque argumenta à signo. Quod autem attinet ad consecutionem, fallitur Barclaius. Nam ex illo antecedente, *Tenetur Princeps Politicus mutare administrationem suam, si obsit bono spirituali*, non sequitur absolute, *ergo bonum spirituale est nobilius ac dignius temporali*: sed sequitur, *ergo ad bonum spirituale ordinatur, ut ad suum finem bonum temporale*, ac per hoc potestas temporalis subiecta est potestati spirituali: necessitas enim mutandi administrationem in eo casu non oritur ex dignitate, vel nobilitate boni spiritualis præcisè; sed ex subordinatione vnius ad alterum: quod perspicuè ostendi in meo lib. s. de Pontifice cap. 7. in explicatione huius argumenti tertij, ad quæ Barclaius nihil respondit.

REFVTATVR DIGRESSIO  
Barclaij.

## CAPVT XV.

**I**N capite quintodecimo Barclaius non contentus ijs, quæ dixerat in responsione ad primam rationem meam: antequam transeat ad secundam examinandam, & refellendam, iterum repetit sententiam suam de potestate Ecclesiastica, ac politica, quod videlicet, Principes temporales subiecti esse debeant Episcopis, quoad spiritualia, & contra Episcopi subiecti esse debeant Principibus, quo ad temporalia: & quemadmodum Episcopi cogere possunt spiritualibus poenis Principes temporales ad obediendum in ijs, quæ ad animam pertinent: sic possunt Principes temporales cogere Episcopos corporalibus poenis ad obediendum in ijs, quæ pertinent ad temporalia, modò fidei Catholica, & bonis moribus non sint contraria. Excipit tamē summum Pontificē, quem dicit non esse subiectum vlli Principi temporali, quoniam ipse quoque est Princeps supremus temporalis in prouincijs ditionis Ecclesiasticæ. In summa tollit Barclaius de medio omnem exemptionem Ecclesiasticorum à potestate Principum secularium. Ac primū ad hanc sententiam stabiliendam producit testimonium Francisci Romuli in responsione ad certa capita Apologiæ, &c. qui disertis verbis affirmat, Episcopos Regibus in temporalibus rebus, & Reges Episcopis in rebus spiritualibus debere esse



esse subiectos. Sed facilis est responsio. Loquitur enim Franciscus Romulus eo loco de subiectione, quam habent Episcopi, & reliqui Clerici ad obseruandas leges pollicitas, & non perturbandum ordinem politicum à Regibus constitutum; vt etiam docet Gelasius, & Nicolaus Pontifex, ille in Epist. ad Anastasium Imperatorem, hic in Epistola ad Imperatorem Michaellem, quos eo loco Franciscus Romulus allegauit: Sed hinc non sequitur, posse cogi Episcopum à Rege ad obediendum, vel puniri, si non obediat, cum Rex nullam habeat in Episcopos, vel Clericos potestatem, quod apertissimè legitur in Concilio Constantiensi, Sess. 31.

Secundo producit testimonium ipsius Bellarmini, ex lib. de Clericis, cap. 28. vbi docet, Clericos, vt ciues, esse partes, & membra Reipub. politicæ, ac per hoc obligari ad leges politicas obseruandas. Sed quoniam idem Bellarminus in eodem loco, excipit potestatem coactiuam à qua liberos esse dicit Clericos: Barclaius reclamatur, ac dicit; *Verius est Clericos ad obsequium legum, vbi causa postulat, à temporali Iudice cogi posse, vt nec in eare exemptionis sua beneficio gaudeant, quod ab Imperatorum, & Principum legibus, eos accepisse satis constat. Frustra enim legum auxilium inuocat, qui contra eas committit.*

At hic Barclaius more suo contra sententiam Catholicorum omnium loquitur: quamuis enim disputent Theologi, & Canonistæ de iure exēptionis, tamen esse Clericos aliquo iure exēptos, & non posse cogi à laica potestate, omnes docent. Vtrum autem verius sit existimandum, quod vnus, an quod vniuersitas docet, alijs iudicandum relin-

quo: sed de hac re inferius plura dicemus, & multa etiam in lib. de Clericis diximus.

Tertio Barclaius producit testimonium sancti Gregorij; in epist. 15. lib. 4. vbi sanctus Gregorius ad Mauritium scribens, sic loquitur: *Sacerdotibus non ex terrena potestate Dominus noster citius indigetur; sed excellenti consideratione propter eum, cuius serui sunt, eis ita dominetur, vt etiam debitam reuerentiam impendat.*

§ Dominetur nimirum, addit Barclaius, *quatenus ciues sunt, & partes Reipub. reuerentiam impendat, qua Dei Sacerdotes, & Patres spirituales, quibus ipse Imperator, vt Ecclesie filius subijcitur.*

Respondeo. Possent verba sancta Gregorij in eum sensum exponi, vt significare voluerit, Imperatorem dominari posse Sacerdotibus constituendo leges politicas, quas ipsi quoque vi rationis, sed non vi legis obseruare tenentur; sed eis reuerentiam illam impendere debere, vt non eos ipse puniat, si leges non seruent, sed Prælati ipsorum puniendos relinquat. Sed quoniam ex ipso Gregorio in Commentario Psalm. 101. didicimus, Mauritium Tyrannicè imperasse in vltimis Imperij sui annis, ac potissimum in Sacerdotes sæuire cæpisse: mirum non est, si sanctus Gregorius ita loquatur, vt iugum Tyrannicum si auferre non poterat, mitigare saltem, & moderari niteretur.

Quarto producit testimonium Scripturæ, lib. 3. Reg. c. 2. Vbi Salomon Rex sacerdotem Abiatharẽ reum mortis pronunciauit, quòd coniuranti Adoniz consensisset: & eiecit eum, ne sacerdotio fungeretur.]

Responsio. Non est improbabile in testamento veteri

veteri Regem absolute maiorem fuisse Pontifice; tum quod ita doceat factus Thomas in lib. 1. de Regimine Principum, cap. 14. tum quod in testamento veteri promissiones essent temporales, & sacrificia carnalia; sed quoniam probabilius est, in ipso etiam testamento veteri, maiorem fuisse Pontificem Rege, vt ostendimus, lib. 2. de Pontif. cap. 29. ideo persistimus in ea responsione, quam in eo loco scripsimus, Salomonem non vt Regem; sed vt Prophetam diuino instinctu iudicasse Abiatharē mortis reum, & ei sacerdotium abrogasse, aliumque ei substituisse. Nam quod in scriptura 3. Reg. 2. legimus, *Vt impleretur sermo Domini, quem locutus est super domum Heli in Silo*: ratio est, cur Salomon hoc fecerit. At, inquit Barclaius, illud, *Vt impleretur sermo Domini*, nihil aliud significat, nisi tunc impletum fuisse, quod Dominus prädixerat futurum: quemadmodum Matth. 27. cū dicitur, *impíos milites diuisisse inter se vestimenta Christi, vt impleretur illud Psalmi, Diuiserunt sibi vestimenta mea*.

Respondeo. Illud, *vt impleretur verbum Domini*, aliquando significat solum, illud fuisse prädictum, & postea impletum; vt in loco allegato ab Aduersario. Aliquando significat id factum esse eo animo, eaque intentione, vt obedientia præstaretur Deo, qui voluit per eum id fieri; vt lib. 4. Reg. ca. 9. Iehu iussit, Ioram Regem occisum projici de curru in agrum Iezrael, *vt impleretur verbum Domini, quod locutus fuerat per Eliam Prophetam*. Tolle, inquit, eum, & projice de curru in terram, iuxta verbum Domini. Quod autem locus allatus ex lib. 3. Reg. cap. 2. debeat intelligi hoc secundo modo, probari potest ex voce hebraica: nam vbi nos habemus in textu

*Eiecit ergo Salomon Abiathar, vt non esset Sacerdos Domini; vt impleretur sermo Domini, quem locutus est super domum Heli in Silo; in hebræo est verbum actiux significationis אֲמַלְאִי adimplendum, siue vt ipse impleret sermonem Domini. Quare verba textus latini debent sic intelligi, vt impleretur, supple, ab ipso Salomone sermo Domini. &c. Adde, quod ex sententia Barclaij, Rex non potest punire Sacerdotem poena spirituali, neque miscere se in negotijs spiritualibus, sed solùm in temporalibus: Salomon autem priuauit Abiathar munere sacerdotali, & alium eius loco substituit; ergo vel excessit modum potestatis suæ, vel hoc fecit non vt Rex, sed vt Propheta, ex peculiari instinctu Dei, vt nos supra diximus. Deinde si hæc Lectori non satisfaciunt; dicere possumus, in Scriptura sacra narrari factum Salomonis, sed non definiri, iure ne, an iniuria id fecerit: quemadmodum etiam in eo loco narratur cædes Adoniæ fratris Salomonis, iussu eiusdem Salomonis patrata, ob id quod Adonias petierit sibi dari in vxorem Abisag Sunamitidem: quod rectè ne, an secus factum fuerit, disputari potest. Itaque non benè colligeret, qui diceret, Rex Salomon priuauit sacerdotem functione sua, & occidit fratrem suum, quia petierat in vxorem illam puellâ, quæ fuerat ancilla patris sui: ergo possunt Reges priuare functione sua Sacerdotes, aliosque in eorum locum substituere: & possunt fratres suos interficere, si speciosam aliquam puellam, quam Rex ipse fortasse amat, sibi dari postulent in vxorem. Iste, inquam, non benè colligeret, quia Reges multa sæpè faciunt ex potestate, non ex iustitia: & videndum est non tam quid possint, quam quid debeant,*

ant, siue quid iure possint: non enim verū est, quod Imperatori Antonino Caracallæ dictum fuit, *Regibus quod libet, licet.*

Addit Barclaius: § *Aequè fallitur vir idem doctissimus, cum ait eodem lib. 2. de Summo Pontif. cap. 29. non mirum esse, si in Testamento veteri summa potestas fuit temporalis, in nouo spiritualis, quia in veteri Testamento promissiones tantum temporales fuerunt, & in nouo spirituales, & aeternæ.*]

Respondeo. Eam ego sententiam vt probabilē posui, propter auctoritatem S. Thomæ in lib. 1. de Regimine Principum, siue auctoris illius libri, quicumque fuerit, & propter non condemnandam rationem ab eodem auctore allatam. Barclaius autem dicit quidem in vtroque testamento potestatem Regiam fuisse solum temporalem; potestatem pontificiam, solum spiritualem, sed nulla vel auctoritate, vel ratione probat. Quare nemo mirari debet si veterem auctorem cum ratione loquentem anteponamus Barclaio, auctori recenti, & sine ratione veteres carpenti.

His expeditis percenset, ac numerat Barclaius ordine priuilegia exemptionum, quæ data sunt à Regibus, vel Imperatoribus ordini Ecclesiastico; ex quibus colligit, Ecclesiasticos ex se subiectos esse in temporalibus politicæ potestati: nisi enim subiecti essent, non egerent priuilegijs, neque illa vel quæsiuissent, vel etiam oblata accepissent.

Ad hæc breuiter respondeo, nos hoc loco non suscepisse disputationem de potestate Regum in Ecclesiasticos, sed de potestate Summi Pontificis in temporalibus: neque æquum est de vna disputatione ad aliam transire. Quare Lectorem remitti-

mus ad ea quæ in Controuersijs de exemptione Ecclesiasticorum disputauimus, præsertim in editionibus post annum Domini 1598. in quibus paulò planius & plenius sententiam nostram explicuimus, quam in editionibus prioribus. Accedit etiam, quod Barclaius infra iterum de hac re, & fusius tractat, capite videlicet tricesimosecundo, & tricesimotertio, vbi se in materia exemptionis nouam doctrinam contra scriptores omnes inuenisse gloriatur.

*REFELLITVR ALIA DIGRESSIO Barclaij.*

CAPVT XVI.

**I**N capite sextodecimo Barclaius intermissa responsione ad rationes meas, pro potestate Pontificis in temporalibus, iterum digreditur ad potestatem Regum in Pontifices. Et quoniam ego in lib. 2. de Pontif. cap. 29. dixeram, discrimen esse agnoscendum inter Reges Ethnicos & Christianos, quòd illi non subiecissent se per Baptismum Summo Pontifici, vt Christi Vicario, isti autem subiecissent: & ideò probabiliter dici potuisse, Summos Pontifices olim subiectos fuisse Imperatoribus Ethnicis quoad temporalia; Imperatoribus autem Christianis, nunquam fuisse de iure subiectos: aggreditur hoc discrimen impugnare, seque demonstraturum pollicetur, Pontifices Summos non minus subiectos esse de iure Regibus Christianis, quàm Ethnicis, quod attinet ad temporalia. Excipit tamē eos Pontifices, qui post adeptam temporalē ditio-

nem

nem in certis prouincijs coeperunt esse supremi Principes politici, vt sunt Reges alijque Principes absoluti. Vritur autem hac ratiocinatione: *Principes temporales per baptismum subiecerunt se potestati spirituali Summi Pontificis, vt Christi Vicarij: ex hac autem subiectione non sequitur Summum Pontificem, non esse subiectũ potestati temporali Principũ Christianorũ; ergo Bellarminus vitiosè argumētatur.*

Respondeo. Quod dixeram in loco citato de subiectione temporali Summorum Pontificum ad Ethnicos Imperatores, in Recognitione operum meorum ante duos annos edita mutauì: secutus enim fueram auctoritatem Alberti Pighij; sed animaduerti postea, rationem eius sententiæ, non esse satis firmam. Sed nihil ad Barclaium: siue enim Pontifices subiecti fuerint temporali potestati Imperatorũ Ethnicorũ, siue nõ fuerint, Barclaij ratiocinatio vitiosa est, & Bellarmini argumentũ vitio caret. Per hoc. n. quod Reges per Baptismum potestati spirituali Pontificis se subiecerunt, censentur etiam eidem potestati spirituali Regna sua subiecisse, & politicã potestatem; vt videlicet à Pontifice dirigi, & corrigi vellent, si quo modo circa temporalia à via salutis defleckeret. Vana sunt autẽ omnia quæ Barclaius subiungit de Constantino Imperatore, Clodeueo, & Donaldo Regibus, qui per baptismũ Imperio, & Regnis nõ exciderũt Nã neque nos dicimus, Reges per baptismũ Regnis excidere, aut quicquã sui iuris amittere; sed cõtrapotius affirmamus, Reges post baptismũ felicius, veriusque regnare. Neq; enim Christi Vicarius Regna filiorũ suorum spiritualium affectat, aut iurisdictionem illorum temporalem imminuere, aut perturbare

cupit, vt apertè scripsit Innocentius tertius in epistola sæpè citato, *Per venerabilem*, Qui filij sint legitimi; sed providere nititur, vt regnent in terris, vt Regnum cœleste non amittant, & vt Regna terrena Regno cœlesti famulentur, vt præclarè scribit Sanctus Gregorius in lib. 2. epist. 61.

Subiungit postea Barclaius similitudinem, qua explicari aptissimè, & confirmari efficacissimè sententiam suam censet. hæc est autem similitudo.

§ Si quis filius familias patre suo adhuc superstite magistratum publicū gerat: debet patri parere in ijs, quæ ad res domesticas pertinent, & poterit si malè se gesserit erga patrem, a patre puniri per exheredationem, aliasq; pœnas ad quæ patria potestas se extendit: non tamen parere tenebitur in ijs, quæ ad publicam administrationem pertinent, neque poterit à patre priuari Magistratu, alijsve pœnis coerceri, quæ à publico Magistratu infligi solent. Contra verò pater tenebitur filio Magistratum gerenti assurgere, eiq; parere in rebus publicis, & politicis; non autem in domesticis: & poterit in patrem animadvertere, atque in eum lege agere, vt in alios homines priuatos, si contra publicas leges aliquid fortè peccauerit. Sic igitur Pontifex, qui pater est omnium Christianorum, etiam Regum, & Principum, poterit Regibus imperare in ijs, quæ ad res domesticas, id est, Ecclesiasticas pertinent, eosq; punire pœna grauissima exheredationis, id est, excommunicationis: sed non poterit aliquid eis iubere circa regimen politicum, neque eos Regnis priuare: contra Reges poterunt Pontifici imperare in ijs, quæ spectant ad regimen politicum, non autem in rebus Ecclesiasticis & spiritualibus.]

Respondeo. Iam supra admonui, Barclaium eadem



eadem sæpius repetendo librum suum augere, vt ex paruo libello, liber iustæ staturæ efficiatur. Hâc enim similitudinem iam antea proposuerat capite tertio, eo excepto, quod eo loco Patri adoptiuo Pôntificem comparauerat, hoc loco Patri simpliciter comparat: sed quod attinet ad rem præsentem, eadem similitudo est. Atq; vt capite tertio admonuimus, similitudo illa tam est inepta, & puerilis, vt mirum sit, Barclaium ipsum non animaduertisse vitia similitudinis à se allatæ. Nam potestas publici Magistratus maior est potestate patriæ ciuium priuatorum, & potest eam dirigere, & corrigere, & si iustitia postulet, potest Patrem patriæ potestate priuare; contra verò, Pater, cùm ciuis priuatus sit, non potest Magistratum publicum dirigere, & corrigere, multò minus illum potestate priuare. Potestas autem Summi Pontificis, patriæ quidem potestas est; sed haud similis potestati patriæ ciuium priuatorum; sed potestate Dei, cuius Pontifex vices gerit in terris; proinde potestas est supernaturalis, spiritualis, publica, & omni potestate politica, atque humana longè sublimior. Itaque duo sunt in hac similitudine Barclaij: vnum quod potestatem politicam magistratus, & potestatem ciuium priuatorum pares facit; cum tamen priori, vt superiori, posterior vt inferior subijciatur: alterum, quod Potestatem Pontificiam similem fecerit potestati patriæ humanæ, & priuatæ; cùm sit potestas publica, & diuina, qua neque maior, neque par in terris inueniri potest. Vide quæ diximus de hac re cap. tertio.

Addit postremò Barclaius testimonium Nicolai Cardinalis de Cusa, qui in lib. 3. de Concordia

Catholica cap.3. scribit, fuisse in antiqua quadam glossa ad Canonem *Hadrianus* dist. 63. Papam esse Patrem Patricij in spiritualibus, & Patricium esse Patrem Papæ in temporalibus. & cap.4. scribit, nō esse in manu Romani Pontificis dare cuicunque prouinciæ per Mandum Regem, vel Imperatorem, ipsa non consentiente.

Ad primum testimonium iam suprâ respondi, glossam illam antiquam meritò fuisse antiquatam, & explosam. Ad secundum, respondeo, Pontificem Romanum posse; præsertim in casu hæresis, Imperatores, ac Reges excommunicare, atque deponere, eorumque subditos ab obedientia liberare: quis autem in locum ipsorum succedere debeat, liberū relinquere illis ad quos de iure pertinet. Itaq; non obtrudit Imperatores, aut Reges pro arbitrio populis inuitis, neque iura hæreditariæ successionis, aut electionis tollit; atque hoc est solum, quod Cardinalis ille requirit.

*DEFENDITVR SECUNDA RATIO  
propotestate Summi Pontificis in  
temporalibus.*

CAPVT XVII.

**I**N capite septimo decimo Barclaius digressionibus expeditis, redit ad examinandas, & refellendas Bellarmini rationes: & quoniam de prima ratione satis multa dicta sunt in capite quartodecimo, aggreditur nunc secundam, quàm fideliter transcripsit in hæc verba.

*Secunda ratio, inquit, est; Respublica Ecclesiastica*

*ctica debet esse perfecta, & sibi sufficiens in ordine ad finem suum: tales enim sunt omnes Respublica bene instituta: ergo debet habere omnem potestatem necessariam ad finem suum consequendum: sed necessaria est ad finem spiritualem potestas vtendi, & disponendi de temporalibus rebus; quia alioqui possent mali Principes impunè fouere hæreticos, euertere Religionem; igitur, & hanc potestatem habet. Item potest qualibet Respub. quia perfecta, & sibi sufficiens esse debet, imperare alteri Reipub. non sibi subiecta, & cā cogere ad mutandā administrationem, imò etiam deponere eius Principem, & alium instituere, quando non potest aliter se defendere ab eius iniurijs: ergo multò magis poterit spiritualis Respub. imperare temporali Reip. sibi subiecta, & cogere ad mutandā administrationem, & deponere Principes, atq; alios instituere, quando aliter non potest bonum suum spirituale tueri.*

Hanc rationem satis fideliter allatam ex duplici capite Barclaius reprehendit. Primùm enim negat duas esse Respublicas in Ecclesia, vnā Ecclesiasticorum, alteram laicorum, siue, vnā spirituales, alteram temporales; vnā sacram, alteram politicam: & probat ex prima mea ratione, in qua dixi, potestatem politicam, & spirituales esse partes eiusdem Reipub. Christianæ, & Clericos, & laicos non facere in Ecclesia duas Resp. sed vnā.

Deinde negat, potestatem disponendi de rebus temporalibus necessariam esse ad finem spirituales: quod ex eo probat, quòd Apostolus Petrus indicat Act. 5. se non habuisse potestatem disponendi de bonis temporalibus Ananix, cui dixit, *Nonne manens tibi manebat, & venundatum erat in tua potestate.*

Ad primum caput facillima responsio est. Respublica enim spiritualis, siue Ecclesiastica, & Respublica temporalis, siue politica, & duæ sunt, & vna; duæ partiales, vna totalis: quemadmodum spiritus, & caro simul iuncta vnum hominem faciunt, imò vnus homo sunt, vt sanctus Athanasius in Symbolo fidei loquitur: & colligitur ex 2.ca. Geneseos, vbi legimus, *Formauit Deus hominem de limo terra, & inspirauit in faciem eius spiraculum vitæ, & factus est homo in animam viuentem*: & tamen ita distinctæ sunt potentijs, & legibus, & motibus, vt Apostolus ad Rom. 7. dicat, *Video aliam legem in membris meis, repugnantem legi mentis meæ*: & ad Gal. 5. *Caro concupiscit aduersus spiritum; spiritus autem aduersus carnem*; & quod magis est admirandum. 2. Corinth. 4. vocatur spiritus, homo interior, & caro homo exterior, cum dicitur, *Licet is, qui foris est, noſter homo corrumpitur, tamen is, qui intus est, renouatur de die in diem*. & Rom. 7. *Condelector legi Dei secundum interiorem hominem*. Itaque spiritus, & caro sunt vnus homo, & duo homines: neque Spiritus sanctus, qui vtrunque dicit, sibi ipse contradicit: quare nec Bellarminus secum pugnat, cum Respublicam Ecclesiasticam, & politicam in Ecclesia nunc considerat, vt partes vnius Reipublicæ Christianæ, nūc vt duas Respublicas inter se distinctas, nam simillimam esse Rempublicam Ecclesiasticam spiritui, & politicam carni, non Bellarminus solus, aut primus docuit; sed ante eum Thomas Valdensis, & ante Valdensem S. Thomas, & ante S. Thomam, Alexander Alensis, & ante Alensem, Hugo de S. Victore, & ante Hugonem S. Gregorius Nazianzenus, vt suprà non semel admonuimus.

Ad

Ad secundum caput respondeo, Verba S. Petri ad Ananiam, non significare, non fuisse in Apostolorum Principe potestatem disponendi de rebus temporalibus Ananiæ, si ea necessaria fuissent ad finem spiritua-lem: sed indicare solum, non usum fuisse sanctum Petrum ea potestate, neque uti voluisse, cum neces-sitas nulla esset: & certè si argumentum Barclaij a-liquid valeret, efficeret etiam, nullum Regem pos-se disponere de bonis temporalibus subditorum suorum, in casu quo necessaria essent ad Rempubli-*cam* conseruandam. Omnis enim Rex dicere po-*test* subditis suis, Ager tuus nonne tibi manebat, & venundatus in tua erat potestate? quis te illum Rei-pub. donare coegit? & si donasse integrum profi-*teris*, cur parte retenta integrum te donasse menti-ris? Itaque quemadmodum ius, quod habent Reges disponendi de rebus temporalibus ciuium, non est vt pro arbitrio spolient ciues Dominio rerum suarum; sed vt possint ciues cogere ad bona sua ex-*ponenda* pro communi bono conseruando: sic et-*iam* potestas Apostoli Petri in bona temporalia Christianorum, non erat (vt Barclaius dicere nos fingit) vt posset Apostolus sine vlla causa priuare dominio rerum suarum omnes Christianos, neque eis aliquid proprium relinquere: sed tantum vt posset prouidere, ne Christiani bonis temporali-bus abuterentur contra legem Dei; & contra, vt eis rectè vterentur ad vitam æternam consequendam. Habuisse autem Apostolos potestatem aliquam dis-*ponendi* de temporalibus in ordine ad spiritualia vel ex eo constat, quod statuerunt, vt populi Chri-*stiani* Prædicatores Euangelij ex facultatibus suis, *alerent*, idque iuxta ordinationem Domini; vt p

tet ex Apostolo in priore ad Corinth. c. 9.

*At, inquit Barclaius, primis trecentis annis non fuit in Ecclesia potestas disponendi de rebus temporalibus Christianorum, inuitis Dominis; ergò vel Respublica Christiana tunc fuit imperfecta, vel non est necessaria ista potestas ad finem spiritualem consequendum.* ] Atque hic multa verba Barclaius frustra profundit, vt ostendat ad prouidentiam Dei pertinuisse, vt Ecclesia illa prima instructa esset omnibus ijs rebus, quæ ad eius conseruationem necessaria essent.

Respondeo. Ecclesia illa prima instructa fuit omni potestate, atque omnibus præfidijs, quæ ad perfectam Remp. constituendam necessaria erant: primis autem trecentis annis non fuerunt in Ecclesia multi Principes politici: fuerunt tamen aliqui, vt Philippus Imperator, & Rex Luci<sup>9</sup>, ac Rex Donal-  
dus. Sed fingamus, nullos fuisse: non ideò defuit Ecclesiæ potestas disponendi de bonis temporalibus Principum, & dirigendi potestatem eorum politicā, quando illi Ecclesiæ membra, vel filij effici vel-  
lent. Præterea, vt paulò ante dixi, in ipso principio Ecclesiæ, quamquam nulli fuerint Principes Chri-  
stiani, Apostolis ipsis Ecclesiam regentibus; fue-  
rūt tamen multi homines diuites, de quorum diui-  
tijs Apostoli disposuerunt, statuentes, vt ex ijs mi-  
nistros Euangelij sustentarent.

Adducit postea Barclaius verba sancti Bernardi, ex lib. 4. de Consider. cap. 3. *Petrus hic est, qui nescitur processisse aliquando vel geminis ornatus, vel se-  
ricis, non tectus auro, non vectus equo albo, nec stipen-  
ditus milite, nec circumstrepentibus septus ministris: abs-  
que his tamen credidit satis posse implere salutare*  
manda-

*mandatum, si amas me, pascue oues meas: in his successisti non Petro; sed Constantino hæc Bernardus: quibus subiungit Barclaius. § Quamuis itaque potestas temporalis, de qua nobis sermo hominibus videri poterit Ecclesiæ necessaria; Deo tamen neque necessaria, neq; utilis visa est.]*

Respondeo. Posset hoc loco Barclaius dici, quod in libro Iob cap. 38. Deus ipse dicit, *Quis est iste inuoluens sententias sermonibus imperitis?* Sanctus Bernardus scribit, Apostolum Petrum pauperem fuisse diuitiarum huius Mundi, & potuisse sine auro, & argento proprio, sine equo albo, & sine satellitibus implere salutare mandatum pascendi oues: non tamen sanctus Bernardus dicit, non fuisse in Apostolo Petro potestatem disponendi de temporalibus bonis Christianorum, & de ipsis Regnis, & Imperiis, si necessitas spiritualis id requireret; imò contrarium dicit, cum Pontifici, qua Pontifex est, & Christi Vicarius, ac Petri successor, applicat illa verba Hierem. 1. *Ecce constitui te super gentes, & super Regna, ut euellas, & disperdas, & dissipes, & adifices, & plantes:* non enim pugnat paupertas propria cum potestate disponendi de diuitijs, & iudicandi Reges, & Principes terræ. Sic enim Prælati ordinum religiosorum, cum sint ipsi voto paupertatis obstricti, potestatem habent de opibus amplissimis sui ordinis disponendi. Et apud veteres Romanos multi ciues inopes, ut Fabricius, Curius, Cincinnatus, & alij Consules, vel Dictatores effecti, disponebant de Regnis, & Regum opibus, cum ipsi tamen in pristina sua egestate remanerent. Ergo non debuit Barclaius diuitias cum potestate confundere; quasi non possit idem homo  
& pau.

& pauper esse pecunijs, & diues potestate. Deinde sanctus Bernardus dicit, Pontificem in diuitijs, & temporali principatu non successisse Petro, sed Constantino: quid inde colligit Barclaius? potuisse Pontificem sine temporali principatu fungi munere Apostolico? Quid tum? non enim quaestio nostra est de principatu temporali Summi Pontificis, sed de potestate spiritali, & Apostolica, quam nos dicimus extendi ad disponendum de rebus temporalibus, & de ipsis Regnis, & Imperijs in ordine ad finem spiritualem. Barclaius autem vt hoc refellat, disputationem transfert ad principatum temporalem, quo Apostolus actu caruit, vt omnia confundendo, & permiscendo aliquid dixisse videatur. Denique Barclaius, quasi raptus ad tertium coelum in consilio Dei fuerit, absolutè pronūtiat, *Deo neq; necessariam, neq; vtilē Ecclesiae visam esse potestatem temporalem*, de qua nobis sermo. Ego verò à Barclaio quaero, de qua potestate temporali loqueris? Nam si de potestate illa loqueris, quæ in se spiritalis cū sit, extenditur ad temporalia, non obscure Deo falsum imponis. Illam enim potestatem Deus Ecclesiastico Principi necessariam esse duxit, ideoque eam illi tribuit, cū ait, *Quodcunque ligaueris super terrā, erit ligatum & in cœlis, & quodcunque solueris super terram, erit solutum & in cœlis*. Sic enim ista verba intelligi debere docuerunt Concilia generalia, quæ suprā citauimus; quæque verissimè dicere poterant, *Visum est Spiritui sancto, & nobis*. Sin autem loqueris de potestate temporalis principatus, quem Ecclesia nunc possidet, & ante annos octingentos possedit: omninò temerè affirmas hanc potestatem Ecclesiae, neque necessaria



riam, neque vtilē Deo esse visam. Nam (vt alia nunc omittam) si Deo visum esset, non esse vtilem Ecclesiæ hunc principatum, certè summi Pontifices Zacharias, Adrianus, Nicolaus primus, & secundus; Leo tertius, & quartus, & nonus, & alij, qui comuni omnium Scriptorum sententia optimi, & sanctissimi, & Deo gratissimi fuerunt, eum principatum non retinuisent, & multò minus pro eo cōseruando decertassent. Vtrum autem de iudicio diuinò magis credendum sit tot sanctis Pontificibus, quàm vni Barclaio, in dubium certè reuocari non potest.

At rursus instat Barclaius, & argumentum in nos retorquet his verbis: § *Omitto quòd si ratio illorum bona esset, sequeretur è contrario, Reipub. temporalem habere potestatem disponendi de rebus spiritualibus, & deponendi supremum Reipublicæ Ecclesiasticæ Principem, quia debet esse perfecta, & sibi sufficiens in ordine ad finem suum, & habere omnem potestatem necessariam ad finem consequendum. Sed necessaria est ad finem temporalem potestas disponendi de rebus spiritualibus, & deponendi Principem Ecclesiasticum, quia alioqui possent mali Principes Ecclesiastici turbare statum, & quietem Reip. temporalis, & impedire finem ciuilis gubernationis, vt de facto aliquando nonnulli Summi Pontifices perturbarunt: Igitur hanc potestatem habet Respublica temporalis. Consequens planè falsum est, & absurdum (nā Princeps temporalis quatenus talis est, nullam habet potestatem spirituales) proinde, & illud quoque falsum est, cui hoc est consequens.]*

Respondeo. Tantum interest inter argumentum quod nos fecimus, & illud quod nunc Barclaius re-

M

torquetur

torquendo facit, quantum distat verum à falso, & bonum à malo: illa enim propositio nostra, *Necessaria est ad finem spirituales potestas disponendi de rebus temporalibus*, verissima est, quoniam temporalia s. ordinantur ad spiritualia, & bona est cōsecutio, Ergo *Respub. spiritualis potest disponere de temporalibus in ordine ad spiritualia*, quoniam qui potest consequi finem, potest etiam ordinare media ad illum finem. At propositio Barclaij, *Necessaria est ad finem temporalem potestas disponendi de spiritualibus*; falsa est, quoniam spiritualia non ordinantur ad temporalia, & potestas ordinandi spiritualia ad temporalia non est vera potestas, sed abusus potestatis, & peruersio ordinis: fieri autem non potest, vt alicui Reipub. sit necessaria abusus potestatis, vel ordinis peruersio: & cū necessaria non sit ad finem temporalem consequendum potestas disponendi de rebus spiritualibus; non potest bona esse consecutio, ergo *Respub. temporalis potest disponere de spiritualibus in ordine ad temporalia*: Hoc totum facile potest intelligi ex similitudine iam sæpius reperita, spiritus, & carnis in homine: potest enim spiritus disponere de sensibus, & membris corporis in ordine ad vitam æternam, indicendo illis continentiam, abstinenciam, flagella, ieiunia, vigilias, labores; & quod maximum est, iubendo carni, vt mortem patiatur pro confessione fidei: non tamen potest caro disponere de intelligentia, & voluntate, neque prohibere actiones orandi, & laudandi Deum, & multò minus potest spiritui iubere, vt mortem spirituales, atque æternam patiatur, pro quocumque temporali bono: quod si forte spiritus indiscretis

labo-

laboribus mentis, vt nimis orando, vel meditando lædat corporis sanitatem, peccabit quidem spiritus, sed non ideò poterit caro in spiritum imperium sumere; sed gemendo, & fatiscendo faciet, vt spiritus remittat aliquid de nimio feruore suo. Sic etiam si fortè Princeps spiritualis abutatur potestate sua iniuste excommunicando temporalem Principem, vel eius subditos sine iusta causa ab obedientia eius absoluendo; & eo modo perturbet statum Reip. temporalis: peccabit Princeps spiritualis; sed non poterit tamen Princeps temporalis iudicium sibi sumere de spiritualibus rebus; aut spiritualem Principem iudicare, & multò minus de Sede sua spirituali deponere. Animaduertit Barclaius infirmitatem argumenti sui; propterea reuertitur ad priorem solutionem, dicens:

*§ Sed, vt dici solet, dare absurdum non est soluere argumentum. Respondeo igitur aliter ad priorem partem huius secundæ rationis, non esse scilicet hic duas Respub. vt ille retur, sed vnā tantum, in qua sunt duæ potestates, siue duo magistratus, Ecclesiasticus, & Politicus, quorum vterque habet ea, quibus necessario indiget ad suum finem obtinendum, alter nempe spiritualem, alter temporalem iurisdictionem: & neq, hanc iurisdictionem illi potestati, neq, illam huic esse necessariam, alioqui fatendum esset, vtrāq, potestatem medijs necessarijs fuisse destitutam tunc, cū separata, vt olim fuerunt ]*

Respondeo. Hæc non est alia solutio, sed prior repetita; quam solutionem refutaui paulò ante, cū ostendi, Rempub. Ecclesiasticam, & Politicam, posse dici duas, & vnā; quoniam distinctæ sunt; & separatæ inueniri possunt; tamen cū

in vnum corpus Ecclesiæ conueniunt, ita vna subordinatur alteri, vt sint duæ partiales, & vna totalis. Neque sequitur, vt quo tempore separatæ erant initio nascentis Ecclesiæ, medijs necessarijs fuerint destitutæ: nam Resp. politica non poterat aliquid detrimenti timere à potestate spirituali, cùm non esset capax censurarum Ecclesiasticarum, quæ in solos Christianos vim habent: & Resp. spiritualis habebat potestatem disponendi actu de rebus temporalibus eorum, qui ad ipsam accesserāt, & in potentia eorum, qui accessuri erant. Denique non est verum, potestatem spirituales, & politicam esse similes duobus Magistratibus, quorum neuter indiget iurisdictione alterius. Nam duo Magistratus pendent à Rege, cuius potestas supereminet vtrique Magistratui, & potest operam dare, vt neuter alterum impediatur: at spiritualis, & politica potestas, non habent vnā tertiam potestatem in Ecclesia, cui subordinentur, & quæ vtramque in officio contineat. Quare necesse est, vt vna subordinetur alteri, inferior videlicet superiori, temporalis spirituali. Atque ex hac responsione soluta manent omnia, quæ vsque ad finem capituli Barclaius disputat de officio Cancellarij & Comestabuli amplissimorum Magistratuum, quibus Rex solus imperat. Quod autem Barclaius addit, Principem spirituales, & Politicum vni Deo subesse, quemadmodum Cancellarius & Comestabulus subsunt Regi: salua fide Catholica admitti non potest. Ecclesia siquidem, quæ Regnum Christi est, non solum Christum pro Domino, & Rege suo agnoscit, sed etiam ex Scripturis sanctis, & traditione Apostolica, & declaratione generalium Conciliorum, &

com-

communi Patrum, & Doctorum consensu nouit, vnicum esse in terris Christi Vicarium generalem, qui caput sit visibile visibilis Ecclesiæ. Hunc autē Christi Vicarium, Romanum esse Pontificem in toto suo libro Barclaius admittit: proinde (si Catholicus dici velit) admittere etiam debet, Pontificem, & Regem, non esse duos Magistratus immediatē sub Christo: sed Regem Christo & Pontifici, Pontificem soli Christo subiectum esse debere.

*DEFENDITVR SECUNDA  
pars rationis secunda pro potestate  
Summi Pontificis in temporalibus.*

CAPVT XVIII.

**I**N capite decimo octauo Barclaius refutare nititur secūdā partem secundæ rationis, quæ initio capitis superioris proposita fuit. Argumenti summa hæc est, *Potest vna Respublica, si ab alia Republica iniuriam accipiat, & per eius malam administrationem perturbetur, ac vexetur; armis cogere Rempub. illam, quamuis alias non sibi subiectam, vt mutet formam administrationis suæ; & si opus sit, potest eius Principem deponere: igitur maiori ratione poterit Respublica spiritualis, si à temporali iniuriam accipiat, atque ab ea perturbetur, & vexetur, imperare Reipublicæ temporali sibi subiectæ, vt mutet formam administrationis, & si opus sit, poterit etiam Principem temporalem deponere.*

Ad hoc argumentum Barclaius respondet, quod iam ante responderat, non esse duas Respublicas, spirituales, & temporales, sed vnam cum duabus

potestatibus, quantum neutra pendet ab altera. Sed quoniam hanc solutionem videbat non esse solidam: admittit cætum Ecclesiasticorum, quorum Princeps est Papa, & cœtum laicorum, quorū Princeps est Rex, posse dici duas Respub. intra eiusdem Ecclesiæ sinum constitutas: & hoc admissio respondet, priorem Rempublicam, id est, Ecclesiasticorum, nō habere arma nisi spiritualia; posteriorem, id est, laicorum, non habere arma nisi corporalia, & ideo non esse similes duabus Rebuspublicis, quæ armis corporalibus se defendunt, & vna alteram cogit, & subijcit.

Sed hæc solutio non est priore solidior, quamuis enim arma Reipublicæ spiritualis, quibus ipsa per se utitur, sint spiritualia; tamen arma corporalia sunt etiā in eius potestate, quia gladius est sub gladio, & potest Ecclesia inuocare brachium seculare, & per illud uti gladio corporali. Sed præterea arma ipsa spiritualia possunt cogere Rempub. temporalem, & eius Principem, quia potest Princeps spiritualis excommunicare Principem temporalem, & eius subditos à subiectione liberare, & ipsis sub excommunicationis poena mandare, ut Principem excommunicatum pro Principe non agnoscant, sed alium sibi eligant, vel legitimo successori adhæreant.

Addit postremò Barclaius, *§ Quid multis? licet illis suam comparationem, conclusionemq, cōcedamus, nihil inde effici pot est, nisi Papam habere talem potestatem disponendi de rebus temporalibus Christianorum, & eorum Principes deponendi, qualem vel Rex Francia in Anglos, Hispanos, aliosve populos vicinos sibi in-*

*bi iniurios, vel horum singuli, in res, Regesq, Francorū  
ipsis infestos habere dignoscuntur: quæ qualis, quantū  
quæ sit, ferro tantū cerni potest:]*

Respondeo. Comparatio, & ratiocinatio, qua nos  
vsi sumus in comprobanda Pontificis potestate,  
non procedit à simili, sed à maiori. hoc enim est  
quod diximus, si potest ratione solius iniuriæ vna  
Respublica, aliam non sibi subiectam cogere, & e-  
ius Principem deponere: quātō magis poterit Res-  
publica spiritualis cogere temporalem sibi subie-  
ctam, eiusq; Principem deponere, si ab illa tale de-  
trimentum accipiat, vt non possit alia ratione sibi  
prospicere, nisi Principem illum remouendo, atq;  
aliū substituendo? Itaque non est similis potestas,  
quā habet Resp. spiritualis in temporalem, pote-  
stati Francorum in Anglos, vel Anglorum in Fran-  
cos: sed potestati, quam habet spiritus in carnem  
sibi coniunctam, vel caput in membra sibi adhæ-  
rentia.

*DE SENTENTIA S. BERNAR-  
di circa potestatem Pontificis Maximi  
in temporalibus.*

CAPVT XIX.

**I**N capite decimonono Barclaius respondere ni-  
titur ad testimonium S. Bernardi ex li. 4. de Cō-  
sid. cap. 4. quod testimonium ad confirmandam  
rationem meam secundam ego adduxeram. Et quo-  
niam S. Bernardus loco notato scribit, gladium  
materiale exerendum esse manu militis, ad ius-  
sum Imperatoris, sed ad nutum Summi Sacerdo-

pis: Barclaius affirmat, per *nutum* non debere intelligi imperium, vel potestatem, sed assensum: felicius enim bella geruntur, cùm ad potestatem Regum accedit assensus Sacerdotum, quorum est iudicare, an bellum sit iustum, vel iniustum. Probat autem per *nutum* non intelligi potestatem, quoniam si fortè Imperator Pontifice dissentiente bellum gerere velit, S. Bernardus non tribuit Pontifici potestatem yllam in Imperatorem, imò aperte docet, nullam ei potestatem competere, cùm dicat materialem gladium ab Ecclesia exerceri non posse, sed tantùm manu militis, & iussu Imperatoris: & confirmat hanc sententiam suã testimonio Gratiani. 23. q. 8. in principio, qui scribit, Pontificibus interdictum esse gladium materialem, & solũ spirituale esse concessum.

Respondeo. Vox illa, *nutus*, significare potest assensum, præsertim quando alicui petenti aliquid, annuendo respondemus: sed quando nutus præcedit alias causas, imperium significare solet, vel potius imperium ita potens, & efficax, vt sine alio expresso mandato solus nutus ad rem efficiendam sit satis: sic accipitur Gen. 42. vbi dicitur: *Et Ioseph erat Princeps in terra Aegypti, & ad nutum eius frumentum a populis vñdebantur.* & clarius lib. 2. Re. c. 17. *Domini nutu dissipatum est consilium Achitophel vtile.* vbi ridiculum esset, per *nutum* intelligere assensum; cùm Scriptura loquatur de nutu Dei, qui solus potest corda Regum vertere quocunq; voluerit. & 2. Machab. 8. eadem Scriptura de Deo dicit, *Potest vniuersum mundum vno nutu delere.* & Iob. 26. *Columnæ cæli contremiscunt, & pauent ad nutum eius:* cui simile est illud Poetæ,

*Annuit*



*Annuit & totum nutu tremefecit Olympum.*

Quod autem hoc loco per *nutum* intelligat S. Bernardus *imperium*, & non simplicem assensum, perspicuum est ex eo quòd primo loco inter causas efficientes ponit nutum Pontificis, deindè iussum Imperatoris, vltimò executionem militis: proindè quemadmodum miles ex sententia S. Bernardi exequitur iussum Imperatoris, ita Imperator mouetur ad iubendum militi ex *nutu*, id est, *iussu*, Pontificis. Deindè si nutus ille Pontificis esset simplex assensus, non diceret S. Bernardus vtrumque gladium esse Pontificis; sed vnum esse Pontificis, alterum Imperatoris. Cùm ergo dicit, *Vterque tuus est; sed non vterque tua manu exerendus*; manifestè docet vtrumque esse in potestate Pontificis; sed vnum ab ipso immediatè, alterum mediatè, id est, per alium; sed nutu siue iussu ipsius exerendum.

§ *Sed quid si Imperator (inquit Barclaius) nolit ad nutum sacerdotis gladium stringere? imò quid si planè contra nutum Sacerdotis strinxerit? nunquid aliquam sanctus Bernardus hec casu potestatem temporalem sacerdoti tribuit in Imperatorem?*

Respondeo. Si nolit Imperator ad nutum sacerdotis gladium stringere, vel si contra nutum eius strinxerit, & res sit ad bonum spirituale necessaria, coget illum Pontifex gladio spirituali, id est, censuris Ecclesiasticis, gladium materiale stringere, aut in vaginam recondere: & si sensuris non mouebitur, & Ecclesiæ necessitas id requirat, liberabit subditos eius ab obedientia, eique Imperium abrogabit. Ita ostendet gladium esse sub gladio, & vtrumque gladium ad potestatem Ecclesiæ pertinere, quamuis non eodem modo.

*At, inquit Barclaius, sanctus Bernardus nullam temporalem potestatem Pontifici competere posse docet, cum dicat. materiale gladium (quo verbo summa potestas temporalis significatur) ab Ecclesia exerceri non posse; sed tantum manu militis, & iussu Imperatoris: quod idem apertius tradit Gratianus Bernardi ferè coætaneus, 23. q. 8. in principio:*

Respondeo. S. Bernardus solum docet, gladium materiale non esse exerendum manu Sacerdotali, quod nos libenter fatemur; sed non negat, imò potius affirmat, gladium materiale subesse gladio spirituali, & nutu Pontificis exerendum, vel in vaginam esse condendum. Gratianus quoque nihil aliud docet, nisi non licere clericis materiali gladio uti, & homines interficere, quod multis canonibus Pontificum, & conciliorum confirmat, quæ vera sunt; sed non potest indè colligi, non habere Potestatem vllam in temporalibus.

Adducit postea Barclaius verba sancti Ambrosij ex lib. 10. Commentariorum in Lucam, vbi hæc leguntur: *Lex ferire non vetat: & ideò fortasse Petro duos gladios offerenti, sat est, dicit Christus, quasi licuerit vsque ad Euangelium, ut sit in lege æquitatis eruditio, in Euangelio bonitatis perfectio.* Ex quo loco colligit Barclaius, materiale gladium Sacerdotibus, vsque ad Euangelium fuisse concessum.

Respondeo. Non negamus, ut paulò ante diximus, Sacerdotibus post Euangelium, nō licere propria manu gladium materiale stringere: nisi fortè in defensionem propriam, aut ob aliam causam dispensante Pontifice: vsus enim ordinarius materialis gladij militum est, non sacerdotum. Nec tamē eo loco S. Ambrosius de solis Sacerdotibus; sed  
de Chri-

de Christianis omnibus loquitur: & ideò Erasmus hoc loco abusus est ad probandum prohibitum esse bellum Christianis. Cæterùm sanctus Ambrosius, neque Erasmo, neque Barclaiio fauet: docet enim in lege fuisse licitam non solùm defensionem, sed etiam vindictam, in Euangelio defensionem licitam esse, non vindictam: hæc enim sunt eius verba: *O Domine cur emere me iubes gladium, qui ferire me prohibes? nisi fortè vt sit parata defensio, non ultio necessaria, & videar potuisse vindicari, sed noluisse. Lex tamen referire* (sic enim legendum est, nō ferire, vt Barclaius falsò citauit) *non vetat; & ideò fortasse Petro duos gladios offerenti, sat est, dicit, quasi licuerit vsque ad Euangelium, vt sit in lege æquitatis eruditio, in Euangelio bonitatis perfectio.* hæc ille, qui non defensionem in Euangelio prohiberi dicit, sed vindictā; & referire nō ferire veritū. Cùm autē S. Ambrosius dicit, *Lex referire non vetat*, respicere videtur ad illa verba Domini Matth. 5. *Audistis quia dictum est antiquis, oculus pro oculo, dentem pro dente; ego autem dico vobis non resistere malo, &c.* Vbi non significatur, licitam fuisse vindictam antiquis auctoritate propria; sed auctoritate Magistratus publici, eamque non vindictæ cupiditate; sed amore iustitiæ; quod idem Christianis licet. Sed Magister bonus hortatur suos ad vitæ perfectionem, vt Ambrosius dicit; quæ perfectio in eo consistit, vt radices contentionum extirpent, & supportantes inuicem in charitate non dent occasiones grauioribus malis, vt vulneribus, & cædibus, ob quæ necesse sit, vt publici Magistratus vindictam de malefactoribus sumant.

Addit rursus Barclaius, verba Euāgelij de duobus gla-

gladijs in sensu literali non significare duas potestates, Ecclesiasticam, & politicam: sed ideò nos nō facimus argumentum ex verbis Euangelij; sed ex verbis sancti Bernardi, & Bonifacij VII. qui mysticè Euangelij verba exponentes per duos gladios duas potestates intelligi docuerunt. Sanctus enim Bernardus, quem Bonifacius secutus est, duo loca Euangelij simul iunxit, vnum ex cap. 18. Ioannis, *Mitte gladium tuum in vaginam*: alterum ex cap. 22. Lucæ, *Ecce duo gladij hic*: & quidem prior locus ad literam significat, noluisse Christum à Petro defendi gladio materiali, & impediri passionem suam: ideò enim subiunxit, *Calicem quem dedit mihi Pater, non vis ut bibam illum?* posterior locus dependet à verbis superioribus, vbi Dominus dixerat, *Qui non habet, vendat tunicam, & emat gladium*: existimantes enim Discipuli, Dominum per ea verba iussisse gladios parari, dixerunt, *Ecce duo gladij hic. Dominus autem ait, satis est*; vel ironicè, vt exponit Theophylactus, quasi diceret, *Quid sunt duo gladij aduersus cohortem militum armatam?* vel vt alij volunt, *videns eos non intellexisse, imposuit eis silentium dicens, Satis est*, satis loquuti estis, tacete de hac re. Verè enim cū dixit, *Qui non habet gladium, vendat tunicam, & emat eum*, non iussit, vt emerent gladios; sed significauit ad eas angustias eos esse venturos, in qua sunt, qui existimant, bonum esse vendere tunicam, & emere gladium. Denique cū Apostoli non emerint gladios venditis tunicis, signum est, hoc non fuisse illis à Christo mandatum. Sed quidquid sit de expositione huius obscurissimi loci; Sanctus Bernardus, & Pontifex Bonifacius mysticè; sed appositè & eleganter, quæ dicuntur de duobus

duobus gladijs ad duas potestates, Ecclesiasticam, & politicam transtulerunt.

Rursus Barclaius obijcit: *admissa hac mystica expositione, non potest colligi gladium esse sub gladio, vel vtrunque in manu Pontificis esse. Sanctus enim Bernardus hoc non dicit, nec potuit sine calumnia dicere.*

Respondeo. Gladium esse sub gladio, Bonifacius apertè dicit: Sanctus autem Bernardus idem dicit; Sed alijs verbis: nam cum affirmat vtrunque gladium ad Pontificem pertinere, imò vtrunque ipsius esse, & vnum manu eius, alterum nutu eius euaginandum, satis ostendit, vnum esse sub alio, materiam videlicet sub spirituali, & vtrunque esse in manu, id est, in potestate Pontificis.

Ad extremum Barclaius gloriatur se subtiliter aliquid in verbis S. Bernardi notasse, quod nescit an vllus alius antea animaduernerit; cur videlicet S. Bernardus dixerit, *Tuo forsitan nutu, etsi non tua manu euaginandus*; ac paulò post eadem repetens omiserit illud, *forsitan*. Scribit ergo Barclaius, distinguendum esse inter Pontificem, vt Pontifex est, & vt talis homo est. Pontifex enim, vt Pontifex, nò absolutè, sed *forsitan* annuit, vt gladius euaginetur, id est, tunc solùm, cùm id Ecclesiæ vtile est, cùm sano, & sobrio consilio id iudicauerit expedire: Pontifex autem, vt talis homo est, inimicitias cum alio gerens, vel ambitiosam dominandi cupiditatem explere cupiens, absolutè gladium euaginari mandat.

Sed istam subtilitatem demonstrauit Barclaio non acumen ingenij, neque studium scripturarum; sed odium in Pontifices. certè ea subtilitas S. Bernardi

nardo nunquam venisset in mentem: neque enim *forſitan*, opponitur, *abſolutè*; neque accipi poteſt pro, *aliquando*, vel pro, *quando verè expedit*; niſi apud eum, qui peruerſus ipſe cùm ſit, vocabula quoque ipſa peruertit. Cur ergo initio dixit, *forſitan*; poſtea repetens omiſit? reſponſio eſt in promptu: quia initio non poſuerat niſi duo quædam, videlicet nutum, & executionem: & quoniam dubitauit, an deceret Pontificem annuere militi, vt gladium vibraret: ideo dixit, *Tuò forſitan nutu, non tua manu euaginandus*: poſtea verò tria poſuit nutum, Pontificis, iuſſum Imperatoris, & executionem militis; & quia dubium eſſe non poterat, an deceret Pontificem annuere Imperatori, vt eius iuſſu miles gladio vteretur, omiſit, *forſitan*, & ſubſtituit, ſanè: ac de ſententia S. Bernardi ſatis multa dicta ſunt.

## DEFENDITVR TERTIA ratio Bellarmini.

### CAPVT XX.

**I**N capite vicesimo aggreditur Barclaius tertiã rationem principalem Bellarmini, pro confirmanda poteſtate ſummi Pontificis in temporalibus, excutere, atque refellere. Ratio hæc erat, *Nō licet Chriſtianis tolerare Regem infidelem, aut hæreticum, ſi ille conetur pertrahere ſubditos ad ſuam hæreſim, vel infidelitatem: at iudicare, an Rex pertrahat ad hæreſim, nec ne, pertinet ad Pontificem, cui eſt commiſſa cura Religionis: ergo Pontificis eſt iudicare, & Regem eſſe deponendum, vel non deponendum*: Huius rationis

rationis propositionem tribus argumentis confirmauit; sed Barclaius eandem refellit his verbis.

*§ Quod non liceat Christianis tolerare Regem hæreticum, vel infidelem, id adeò falsum est, quàm quòd falsissimum: alioqui damnanda tota antiquitas, qua Reges hæreticos, & infideles Ecclesiam Dei destruere conantes submisce pertulit, non solum propter iram, sed etiam propter conscientiam, hoc est, nò quòd deficerentur viribus ad impios Principes exigendos; sed quòd id sibi per Dei legem non licere iudicarent.]*

Respondeo. Vbi veritas quæritur inter cordatos, & ferios disputatores, non vincit ille, qui maiore exaggeratione sententiam suam affirmat; sed qui fortioribus argumentis eam confirmat. Barclaius dicit quidem, Propositionem argumenti mei, tam esse falsam, quàm id quòd falsissimum est; sed quòd dicit non probat, nisi ex eo quòd antiquitas tota Reges hæreticos, vel infideles Ecclesiã destruere conâtes pertulit, nò solum propter irã, sed etiã propter conscientiam. Ad hoc ipsum probare debuisset, videlicet Reges hæreticos, vel infideles Ecclesiam destruere conantes non solum propter irã, sed etiam propter conscientiam toleratos ab Antiquitate fuisse. Nos enim contra dicimus, eos fuisse toleratos propterea, quòd ad eos deiiciendos vires Ecclesiæ non suppetebant: potuisse autem Ecclesiã, si vires adfuissent, imò etiam debuisse Regibus illis imperium super fideles abrogare, nisi causa aliqua esset, cur hæc abrogatio in tempus commodius differenda videretur: probamus hoc argumento, quòd est prima cõfirmatio propositionis meæ. *Prohibiti sunt Iudæi constituere super se Regem non Iudæum Deuteron. 17. & quia lex illa moralis est, eodem iure prohibet*

*prohibentur Christiani constituere super se Regem non Christianum, ne ab illo pertrahantur ad infidelitatem: at eiusdem periculi, & damni est tolerare super se Regem hæreticum, vel infidelem conatam auertere populum à fide: ergo, si vires adsint, tenentur eum non tolerare, sed deponere.*

Ad hoc argumentum ita respondet Barclaius, ut admissa propositione, & assumptione, quas negare non potuit, solam neget consecutionem: dicit enim non rectè colligi ex paritate periculi, & damni ita ius esse populo Regem deijcere, quemadmodum ius illi fuit eum non admittere. Id autem non rectè colligi probat tribus argumentis ductis à simili: nam qui plagas accipit, aut fortunis spoliatur, idem periculum, & damnum accipit, siue id à Latrone per vim, siue à Iudice per iniquam sententiam patiatur: & tamen Latroni armis resistere potest, Iudici non potest. Rursus eiusdem periculi, & damni est in nauim cogitato conscendere, cuius carinam scis esse quassatam, & illud intrare, quod putas esse bonum, cum reuerarimosum, ac dissolutum sit: & tamen non est eiusdem peccati ex industria, & ex ignoratione periculo naufragij se committere. Denique eiusdem periculi, & damni est, vxorē ducere valde morosam, & rixosam, siue id consultò propter fortunas, aut formam; siue ex errore, & imprudentia fiat: & tamen neque par peccatum est, eiusmodi matrimonio studiosè, vel ignoranter implicari: neque licitum est vxorem repudiare, etiam si licitum fuit eam initio non ducere.]

Ad hæc argumenta respondeo, ea non à simili, sed à dissimili duci, ac per hoc non impedire, quominus consecutio rationis meę optima sit. Primum argumentum non ducitur à simili; quoniam popu-



Ius ad quem pertinet Regem eligere, non solum potest, sed debet Regem eligere *de fratribus suis*, vt lex iubet, id est, Christianum, atque Catholicum, & grauissimè peccat, si secus fecerit: qui autem incidit in latrones, potest, si velit, vim vi repellere; sed potest etiam iniuriam illam æquo animo tolerare, & magis apud Deum meretur, si malit iniuste à latrone occidi, quam iuste se defendendo latronem occidere.

Alterum exemplum de ascēdente nauim rimōsam, cum periculo naufragij faciendi, nullam habet cum re, de qua nos agimus, similitudinem: non enim ignoramus non esse idem peccatum, si quis ex industria, vel ex imprudētia eidem periculo se exponat: sed quod dicimus est, idem esse peccatū consulto eligere Regem hæreticum, & consulto tolerare Regem hæreticum, si is conetur populum à veritate Fidei auocare, & ad eum remouendum vires non desint: nam sicut nunquam licet adire periculum salutis æternæ amittendæ, ita nunquam licet perseuerare in simili periculo, modo possit illud vitari: *qui enim amat periculum, in illo peribit*, Eccl. 3. Tertium exemplum de vxore rixosa, non est etiam multum ad rem, tum quia vt modò diximus, disputamus de eo, qui studiosè adit periculum, & studiosè in periculo perseuerat: Aduersarius autē ponit exemplum de eo, qui per ignorantia, aut imprudentiam ducit vxorem rixosam, & de altero, qui sciens, & prudens id facit. Deinde qui duxit vxorem more Christiano, siue prudens, siue imprudens id faciat, nō potest post matrimonium consummatum vlla ratione ab eo vinculo solui: quod enim Deus coniunxit, non potest homo separare: popu-  
N lus

Ius autem, qui Regem eligit, potest per Pontificiam auctoritatem ab eius obedientia, & iuramento fidelitatis liberari. Itaque si exemplum aptum, & simile per omnia Barclaius à Matrimonio ducere velit, accipiat matrimonium fidelis cum infideli: quemadmodum enim non licet fideli vxorem ducere infidelem, quoniam periculum est, ne illū à fide auertat: sic etiam non licet cum vxore infideli perseverare, non solum quia matrimonium illud non est legitimum, sed quia idem est periculum vxorem infidelem ducere, & cum infideli perseverare. Nam etiam si matrimonium legitimum esset, ut est matrimonium infidelis cum infideli: tamē si alter cōiugū conuertatur ad fidem; & altera nolit sine iniuria Creatoris viro cohabitare, potest matrimonium ritē contractum ritē dissolui, ex Apostolo in priorē ad Cor. cap. 7. & vsus Ecclesiæ nunc habet, ut propter ingens periculum fidei, non solum liceat eiusmodi coniugium solui, sed etiam non liceat viro ad fidem conuerso cum infideli coniuge cohabitare.

*DEFENDITVR CONFIRMATIO  
rationis tertiæ principalis.*

CAPVT XXI.

**I**N capite vicesimo primo Barclaius magno studio, nec minore dicendi vi refutare conatur alteram confirmationē rationis meæ tertiæ principalis Confirmatio hæc erat, *Quod si Christiani olim nō deposuerunt Neronem, & Diocletianū, & Iulianum apostatam, ac Valentem Arrianum, & similes: id fuit, quia deerant vires temporales Christianis: nā*  
quod

*quod alioqui iure potuissent id facere, patet ex Apostolo 1. Cor. 6. ubi iubet constitui novos Iudices Christianos temporalium causarum, ne cogerentur Christiani causam dicere coram Iudice Christi persecutore. Sicut enim noui Iudices constitui potuerunt, ita, & noui Principes & Reges, propter eandem causam, si vires adfuissent.*

Hanc confirmationem multis modis reprehendi posse Barclaius dicit: ac primū reprehēdit, quod dixerim defectionem virium in causa fuisse, cur Christiani olim non deposuerint Neronem, Diocletianum, Iulianum & Valentem, ac Lectorem remittit ad ea, quæ supra scripsit de hac re, cap. 6. 7. & 8.

Nos quoque Lectorē remittimus ad ea, quæ scripsimus cap. 6. 7. & 8. Id solum hoc loco admonco, quod ego hoc loco dixi, dictum antea fuisse à S. Thom. in 2. 2. q. 12. art. 2. ad primum. Itaque non me solum, sed sanctum quoque Thomam Barclaius reprehendit: sed qui legere voluerit loca paulò ante notata, facilè iudicabit à qua parte stet veritas.

Deinde refellere nititur quod dixi, Apostolum iussisse vt Christiani constituerent sibi Iudices Christianos ciuiliū controuersiarum; ex quo deduxi, potuisse eodem modo iubere, vt Principes Christianos sibi Christiani populi eligerent, infidelibus & persecutoribus abrogatis, si vires ad id efficiendum præsto fuissent. Dicit autē Barclaius, Iudices illos de quibus Apostolus loquitur, fuisse meos Arbitros, siue iudices volūtarios, sine imperio; ex quorum constitutione nihil iurisdictionis detrahebatur Principibus Ethnicis, sub quibus tunc

Christiani viuebant. Atque ad hunc sensum confirmandum allegat S. Thomam & Nicolaum Liranum in commentario ad hunc locum Apostoli.

Ego verò fateor quidem, non habuisse iudices illos Christianos iussu Apostoli constitutos vim coactiuam in foro exteriori, & si Christiani vocati fuissent, siue ab Ethnicis, siue à Christianis ad tribunalia iudicum Ethnicorum, debuisse omninò parere: & hoc est solum quod S. Thom. & Liranus docent: tamen nego, eos fuisse meros Arbitros, siue Iudices voluntarios: Arbitri enim eliguntur à personis litigantibus, neque aliam habent iudicandi potestatem, nisi eam, quam litigantes ex pacto inter se inuito illis attribuunt. Isti verò constituebantur auctoritate publica multitudinis; & obligebatur, qui causas ciuiles habebant, ad istos adire, & prohibebantur ad tribunalia Gentilium accedere. Id ex verbis Apostoli facillè probari potest: *Audet*, inquit, *aliquis vestrum negocium habens aduersus alterum iudicari apud iniquos, & non apud Sãctos?* Vbi ostendit, non esse bonum adire tribunalia Iudicum Gẽtilium, quos *iniquos* vocat: & sic loquitur de vero iudicio, non de solo arbitrio, cùm prohibet iudicari apud *iniquos*; ita loquitur de vero iudicio, cùm iubet iudicari apud *sanctos*, id est, Christianos. Addit Apostolus, *An nescitis quia sancti de hoc mundo iudicabunt? & si in vobis iudicabitur Mundus, indigni estis, quide minimis iudicetis? nescitis quoniam Angelos iudicabimus? quanto magis secularia?* Vbi demonstrat auctoritatem Ecclesiæ, quæ iure suo potest de secularibus rebus iudicare, cùm sit iudicatura cum Christo totum Mundum, & ipsos Angelos apostatas in die vltimi iudicij: & certè Chri-

Christus, & Ecclesia non iudicabunt vt arbitri, sine imperio, & iurisdictione Mundum. Sequitur: *Secularia igitur iudicia si habueritis, contemptibiles qui sunt in Ecclesia, illos constituite ad iudicandum.* Vbi concludit ex dictis, vt quoniam malum est iudicari apud iniquos Gentiles, & Ecclesia auctoritatem habet iudicandi, communi consensu constituent aliquos de Ecclesia, qui sint Iudices eiusmodi secularium controuersiarum, & non dicit vnusquisque eligat sibi arbitros: sed vos congregati in vnum constituite Iudices. *Monet* (inquit Cardin. Caiet. in hunc locum) *vt sapiens aliquis constitutur Iudex multitudinis fratrum.* adiungit, *Ad verecundiam vestram dico, sic non est inter vos sapiens quisquam, qui possit iudicare inter fratrem suum, sed frater cum frater iudicio contendit, & hoc apud infideles.* Vbi declarat quod dixerat, *contemptibiles, qui sunt in Ecclesia, illos constituite ad iudicandum;* se non dixisse, vt re vera sapientibus relictis, insipientes constituerent ad iudicandum: sed vt eos confunderet, qui sic adibant tribunalia infidelium, quasi nullus esset in Ecclesia vir sapiens, qui Iudex constitui posset; cum contra deberent *contemptibiles*, id est, infimi Christiani aptiores esse ad iudicandum, quam supremi & sapientissimi infideles. Iam verò ex hoc principio, quod videlicet Apostolo teste, habeat Ecclesia ius, & auctoritatem constituendi sibi Iudices; rectè colligunt Theologi, atque in primis S. Thomas in 2.2. q. 10. art. 10. habere eandem Ecclesiam auctoritatem abrogandi Principibus infidelibus imperium super fideles. Neque obstat, quod S. Ioannes Chrysostomus hunc locum exponens, mentionem faciat *Arbitri*. Nam neque ipse,

neque alius interpres, quod sciam, dicit Apostolum hic loqui de *Arbitris* electis à partibus : sed solum Chrysostomus dicit, non esse necessariam magnam sapientiam *Arbitro* controuersiae inter fratres. Vbi vocat Iudicem, *Arbitrum* controuersiae, quamuis publicam haberet iudicandi potestatem. Quomodo Iustinus initio historiae scribit, arbitria Principum pro legibus erant: quamuis enim Principes veri Iudices essent, tamen eorum iudicia vocata sunt arbitria, quia non iudicabant ex praescripto legum, sed ex naturali suo iudicio: sic etiam Iudices ab Ecclesia constituti in causis ciuilibus Christianorum, veri Iudices erant, sed non tenebantur legum ciuiliu apices sequi, ideò à Chrysostomo *Arbitri* dicti sunt,

Sed contradicit Barclaius, atque ait, § *Nihil iubet Apostolus eo loco, quod iudicium infidelium iurisdictionem, & imperium in Christianos aut tollat, aut minuat, aut ei aliquo modo praeiudicet. Imò verò nihil contra eiusmodi subiectionem iuste iubere potuit, cum sit iuris naturalis, Dei auctoritate confirmati teste S. Ambrosio, ipsemet Apost. docet ad Rom. 13.*

Respondeo. Non praeiudicat Apostolus per illam Iudicum Christianorum constitutionem iurisdictioni, & Imperio Principum infidelium; quoniam non iubet Christianis, ut non compareant coram Iudice infideli, si vocentur: sed tantum praecipit, ut spontè non accedant. Sed quod non potuerit Apostolus eximere Christianos à subiectione Principum infidelium, si id utile, vel necessarium censuisset, & vires ad perficiendum habuisset: id sine graui errore dici non posse arbitror: & ratio, quam pro sua sententia Barclaius profert, omninò infirma est.

Nam

Nam iuris naturalis à Deo confirmati, & ab Apostolo declarati est, vt omnis anima potestatibus sublimioribus subdita sit: sed non est iuris naturalis à Deo confirmati, & ab Apostolo declarati, vt non possit sublimior potestas per aliam sublimiorem tolli de medio, & per hoc fieri vt ei subiectio, & obedientia non amplius debeatur. Si quidem Magistratum quoque inferiorum potestati iure diuino parendum est, non solum propter iram, sed etiam propter conscientiam: & tamen potest Magistratus inferior per Principem tolli, aut mutari, & tunc personæ illi, cui Magistratus abrogatus est, nemo iam subiectionem, aut obedientiam debet. Sic etiam vel Rex, vel à suprema spiritali suprema potestate in casu hæresis, vel ab alio Rege in casu victoriæ de solio deponitur, non amplius ad illū pertinet quod Apost. ait, *Omnis anima potestatibus sublimioribus subdita sit*. Idem dici potest de patria, & despotica potestate: nam iuris naturalis à Deo confirmati, & ab Apostolo declarati ad Ephe. 6. est, vt filij obediant parentibus, & serui dominis; & tamen filij emancipari, & serui libertate donari possunt, & per hoc fieri potest, vt nec illi parentibus, nec isti Dominis suis obedire teneantur. Itaque nisi Barclaius naturalis iuris, à Deo confirmati, & ab Apostolo declarati esse demonstraret, vt Principes seculares, siue fideles, siue infideles in certis casibus, per Ecclesiasticam auctoritatem deponi non possint: nihil quod ad rem faciat, adhuc dixit, quantumuis multis verbis sapè, ac sæpius repetitis sententiam suam in hoc capite persuadere conatus sit.

Addit postea Barclaius aliam solutionem nihilo  
N 4 priore

priore solidiorem. § *Præterea*, inquit, *si quis locum illum Apostoli non limis oculis percurrerit, animaduertet eum id sibi negotij dare, vt ad Euangelicam perfectionem, quæ consilij magis, quam præcepti est, Christianos animos erudiat, cùm eos hortetur, vt potius iniuriam ferant, & fraudem patiantur, quam vt iudicia inter se habeant, &c.*]

Respondeo, cùm Apostolus hortatur vt Christiani iudicia inter se non habeant, sed mansuetudine & patientia occasiones iudiciorum præueniant, consilium perfectionis, non præceptum iustitiæ docet; sed cū iubet, vt si iudicia inter se habuerint, ad Iudices Christianos, non ad infideles causas suas deferant; tùm verò non consilium, sed præceptū dare se luculenter ostendit, cùm ait, *Audet aliquis vestrum negotium habens aduersus alterum, iudicari apud iniquos, & non apud sanctos? &, Contemptibiles, qui sunt in Ecclesia, hos constituite ad iudicandum.*

Pergit Barclaius, & omisso Bellarmino S. Thomam aggreditur dicens: § *Quoniam autem singula persequimur, admonere oportet D. Thomam in 2. 2. q. 10. artic. 10 in ea opinione esse, vt existimet ius dominij, & pralationis Ethnicorum Principum iustè illis auferri posse per sententiam, vel ordinationem Ecclesiæ auctoritatem Dei habentis, vt ille ait. D. Thomas magna apud me auctoritas est, sed non tantum vt omnes eius disputationes pro canonicis scripturis habeam, vel vt rationem vincat, aut legem. Eius ergo manes veneror, & suspicio: sed non est tamen, cur illa eius opinione aliquis moueatur: tum quia nullam suæ sententiæ, vel rationem idoneam & efficacem, vel auctoritatem profert: tum etiam quia in expli-*  
*catione*



ratione Epistola Pauli ad Corinthios contrarium planè sentit : tum denique quia neminem secum antiquorum Patrum consentientem habet , & rationes multa , auctoritatesq; in contrarium suppetunt. Ratio autem quam adfert, est, quia infideles merito suæ infidelitatis merentur potestatem amittere super fideles, qui transferuntur in filios Dei. *Malaratio & tanto viro indigna* : quasi verò si quis meretur priuari officio, beneficio, dignitate, auctoritate, aliove iure, quod possidet , idcirco statim spoliari possit ab alio, quam ab eo à quo id accepit, retinetq; , vel ab alio expressum mandatum , & potestatem ab ipso habente.]

Respondeo. Admiranda est huius Aristarchi importunitas, qui tam liberè Principem Theologorū reprehendit, vt dicat, *Malaratio, & tanto viro indigna*; cum ipse Iureconsultum se profiteatur, & sacrae Theologiae adyta, ne à limine quidem salutaerit. Illud autem non miror; quod *manes* S. Thomæ se venerari dicat; nam liber eius vocabulis proprijs plenissimus est : neque enim spiritus huius sanctissimi Doctoris cum *Dij's manibus* apud inferos , sed cum Angelis apud superos æuo sempiterno fruitur. Quod verò Barclaius dicit sancti Thomæ sententiam nulla efficaci ratione esse munitam, falsum est; quamvis sit verum, vim rationis S. Thomæ ab ingenio Barclaij penetrari minimè potuisse. Quod autem addit, eundem sanctum Thomam in Commentario Epist. ad Corinth. contraria scripsisse; manifestæ ignorantia Barclaium arguit. Siquidem in eo Commentario scribit quidem sanctus Thomas, esse contra ius diuinum prohibere, quod iudicio Principis infidelis non stetur,

& subiectionem deberi Principibus etiam infidelibus: quæ verissima sunt; sed ex ijs non sequitur, non esse in Ecclesia auctoritatem priuandi Principes infideles dominio, quod habent super fideles: proinde ista non sunt contraria, *Debetur subiectio Principi infideli, dum Princeps est: & Potest Princeps infidelis priuari dominio, quod habet super fideles per auctoritatem Ecclesie*: Et Barclaius, qui ea contraria esse iudicat, vel dialecticam non didicit, vel eius regulas obliuioni tradidit: quemadmodum etiam paulò infra cum idem Barclaius dicit.

§ Et verò sanctus Thomas in expositione Epistolæ Pauli superius hoc capite relata, satis apertè indicat, Ecclesiam non habere eam auctoritatem, qua possit Ethnicos deponere: ait enim esse contra ius diuinum prohibere, ne Principum infidelium iudicio stetur à subditis. Manifeste hallucinatur, & fallitur: tametsi enim contra ius diuinum est, negare Principi obedientiam, dum Princeps est, non tamen est contra ius diuinum, quod Ecclesia potestatem habeat Principem deponendi: nam est etiam contra ius diuinum prohibere filios ne parentibus obediant, dū sub patria potestate sunt; nec tamen est contra ius diuinum, quod aliquando filij eximantur à patria potestate, vt re ipse eximitur filius familias cum ad Episcopale fastigium euehitur. Porro illa sancti Thomæ ratio. *Infideles merentur ratione sua infidelitatis potestatem amittere super fideles, qui transferuntur in filios Dei: ergo potest Ecclesia priuare Principes infideles dominio, quod habent super fideles*: non est adeo debilis ratio, vt Barclaius dicit sed verè debile argumentum est, quo S. Thomæ rationem

tionē Barclaius oppugnat: hoc enim est argumen-  
tum Barclaij, *Merentur infideles amittere potestatem  
super fideles, sed non potest eos potestate priuare, nisi  
qui dedit eam potestatem, aut qui mandatum ex-  
pressum ab illo habeat, At Principes à Deo potestatem  
habent, & solo Deo sunt minores; ergo à solo Deo pri-  
uari potestate possunt: non autem, ab Ecclesia, qua  
neq; dedit potestatem infidelibus, neque habet ex-  
pressum mandatum Dei, quo illam auferre debeat, aut  
possit.]*

Hoc, inquam, argumentum nullas vires habet: nā  
falsum est, Principes politicos à solo Deo potesta-  
tem habere: habent enim illam à Deo, quatenus  
Deus instinctum naturalem in animis hominum  
inseuit, vt ab aliquo gubernari velint. Vt autē gu-  
bernentur homines à Regibus, vel à consilibus; ab  
vno, vel à multis; à magistratu perpetuo, vel tem-  
porario, ab hominum voluntate dependet: quem-  
admodum etiam quod iste sit Rex potius, quam ille  
non Dei specialis iussio, sed hominum voluntas fe-  
cit: quare idem S. Thom. loco citato, 2.2. q. 10. art. 10.  
& q. 12. ar. 2. tamquam rem certam, & exploratā po-  
nit, dominia, & Principatus politicos, non esse de  
iure diuino; sed de iure humano: cū nemo doctus  
contradicit, neque Barclaius contradiceret, si  
rationem non passionem in consilium adhibe-  
ret.

Præterea etiam si concederemus, Regem esse  
immediatē constitutum à Deo, & ab illo solo po-  
testatem habere, quod tamen nos concedimus, ad-  
huc argumentum Barclaij nihil efficeret aduersus  
rationem S. Thomæ: responderet enim S. Thomas,  
Ecclesiam habere auctoritatem à Deo per suum

Recto-

Rectorem, & Pastorem auferendi potestatem in certis casibus, illis, quibus Deus eam dedit: Sūmus enim Pontifex Vicarius Dei est, ac per hoc potestatem habet à Deo dispensandi, & mutādi in multis, secundum voluntatem Dei, cuius ipse interpret est; hoc enim modo dispensat Pontifex in votis, & iuramentis, quæ Deus ipse iussit reddi, & quorum solutio de iure diuino est: dispensat autem nō quod sit ipse super ius diuinum; sed quia interpretatur Deo placere, vt in tali, vel tali casu, iuramentum aut votum relaxetur: quemadmodum & Apostolus ait in posteriore ad Corinth. cap. 2. *Nam & ego, quod donauī, siquid donauī propter vos in persona Christi.* Vbi dicit in Persona Christi condonasse Corinthio incestuoso poenam, quam diuino iure, vel in hac vita, vel in Purgatorio luere debuisset: atque hoc est, quod S. Thom. in loco notato dicit, Ecclesiam habere auctoritatem Dei, qua Principes infideles priuare possit dominio, quod habent super fideles.

Deinde Barclaius, vt nihil intactū relinquat: carpit etiam illud, quod S. Thom. in eodem ar. 10. q. 10. in 2. 2. dicit; Ecclesiam non semper vt iure suo in deponendis Principibus infidelibus, ad vitandum scandalum: quemadmodum Dominus soluit didrachma, ad quod non tenebatur, ne scaudalizaret eos, qui censum illum colligebant; & Apostolus monet seruos obedire Dominis carnalibus, ne doctrina Domini blasphemetur,

§ *Non solum*, inquit Barclaius, *propter scandalū abstinuit, vt putat Thomas eo loco, sed propter defectum potestatis, quia non erat Iudex infidelium, secundum illud Apostoli I. Corinth. 5. Quid mihi de*

*q̄s , qui foris sunt iudicare ? & quia Principes à Deo constituti solum Deum supra se Iudicem habent, à quo solo deponi possunt : Nec ad rem pertinet, quod Paulus tum iubet, seruos Christianos Dominis suis infidelibus omnem honorem exhibere, illud solum addit, ne nomen Domini, & doctrina blasphemetur.]*

Respondeo. Intolerabilis est huius morosi censoris carpendi, & vellicandi libido : Sanctus enim Thomas cum ait Ecclesiam nō vti suo iure propter scandalum: non addit particulam, *solum* : quare si sint etiam aliæ causæ, non ideo reprehendi debet S. Doct̃or, qui vnā causam, eamq̃ue verissimam attigit, & illam ipsam, quam in simili causa Christus ipse, & eius Apostolus attigerunt : nam neque Dominus dixit propter solum scandalum à se solum fuisse didrachma, neq; Apostolus iussit honorandos esse Dominos à seruis, ea solum de causa, ne nomen Domini, & doctrina blasphemetur. Quod autem addit Barclaius, Ecclesiam non habuisse potestatem vllam in Principes infideles, quia scribit Apostolus, *quid ad me de his qui foris sunt iudicare?* non est contra S. Thomam, qui in 2. 2. q. 12. art. 2. declarat hunc locum Apost. intelligi de infidelibus, qui nunquam fidem receperunt, quatenus infideles sunt, non quatenus dominantur fidelibus : ob solam enim infidelitatem Ecclesia non potest infideles iudicare; quia ad eius regimen non pertinet. Sed quando dominantur fidelibus, & præsertim quādo subditos fideles auertere conantur à fide: tūc Ecclesia ius habet illos priuandi dominio, quod habent super fideles. Sed nō sēper vtitur iure suo, vel quia vires non adsunt, vel ob scandalum euitandum.

Quod

Quod verò dicit, Principes à Deo esse constitutos, & nullum præter Deum super se iudicem habere, antiqua est cantilena Barclaij vsque ad nausæā repetita, & in ipso capite, atque in superioribus refutata.

In extremo cap. Barclaius S. Thom. dimissio reuertitur ad Bellarminum, quē ex proprijs scriptis conuincere se posse dicit; producit autem verba quædam ex l. 2. c. 29. de Summo Pontifice, vbi cum Alberto Pighio admittit, Apostolos subiectos fuisse de iure, & de facto Principibus infidelibus in criminibus omnibus causis: & Principes infideles, non fuisse Apostolis subiectos, neque de iure, neque de facto. Ex quo loco deducit Barclaius, Bellarminum sensisse, non habuisse illis temporibus Ecclesiā ius vllum ad deponendos Principes infideles.

Responden. Iam in recognitione scriptorum meorum admonui, improbabilem esse sententiam Pighij, quam ego quoque olim sequutus fueram, & cum melioribus Doctoribus sentiendum esse, Apostolos de iure exemptos fuisse ab omni subiectione Principum terrenorum. Sed quamuis etiam vera esset sententia Pighij, non tamen sequeretur, nō habuisse tunc Ecclesiam ius priuandi Principes infideles dominio, quod habebant super fideles. Diceret enim Pighius Ecclesiam, & ipsos Apostolos subiectos fuisse Principibus infidelibus, quamdiu Principes erant: sed si ab Ecclesia auctoritatem Dei habente, priuati fuissent, tunc demum non fuisse amplius de iure subiectos. Nam & populus subiectus est Regi, quamdiu regnat, sed si ab alio Rege victus in prælio, regnare desierit, non amplius illi subiectus erit.

Addu.

Adducit postremò Barclaius aliud Bellarmini dictum in eodem lib. 2. de Pontif. cap. 2, Quod videlicet, iudicare, punire, deponere ad superiorem tantum pertinet. Quod quidem dictum verissimū est; sed tamen ex eo Barclaius secundum dialecticā suam hunc syllogismum texit.

*§ Subiecti non possunt iure iudicare, punire, deponere superiorem : At qui omnes Christiani erant subiecti Neroni, Diocletiano, & ceteris Imperatoribus, & Regibus Ethnicis : ergo non poterant eiusmodi Imperatores & Reges deponere. Propositio concessa est, itemq; subsumptio, & certissima veritate nutritur: conclusio autem ex antecedentibus consecutione pendet, atque ex diametro opponitur ei, quod dixit Bellarminus, Christianos olim iure potuisse deponere Neronem, Diocletianum, & c. sed quia viribus temporalibus deficiebantur, eo consilio abstinuisse : Falsum igitur illud est, & reprehensione dignum: siquidē aientia, & negātia simul vera esse nequeunt. Hinc etiā patet falsitas opinionis D. Thom. quam supra hoc capite refutauimus.]*

Respondeo . Magnus omninò Magister in arte Dialectica Barclaius est, qui vnico syllogismo, nō solūm Bellarminum prostrauit, sed S Thomam etiam, qui Doctoris Angelici cognomento obeximium sapientiæ splendorem merinò celebratur. Ad syllogismum eius in forma sic respondeo . Propositio illa, *Subiecti non possunt iure deponere superiores*; vera est, sed deberet esse vniuersalis, vt syllogismus legitimus esset: & præterea intelligi debet formaliter, id est, subiectus, vt subiectus, siue quam diu subiectus est, non potest deponere superiorem, vt superiorem, siue quam diu superior est.

Assum-

Assumptio autem illa, *omnes Christiani erant subiecti Neroni, Diocletiano, &c.* falsa est, quoniam Apostoli, eorumque successores, qui Principes erant spirituales, non erant iure subiecti Regibus terrenis. Deinde populus Christianus, etiam si aliqui subiectus esset Regibus, & Imperatoribus infidelibus, tamen in casu periculi amittendæ fidei diuinæ, poterat iure iustæ defensionis excutere iugum Principis infidelis: præsertim si Ecclesia per Summos Pontifices, ita faciendum esse censuisset. Ex his sequitur conclusionem Barclaij esse manifestè falsā, & doctrinam S. Thomæ, ac Bellarmini, qui S. Thomam sequutus est, esse verissimam.

**DEFENDITVR ALTERA CONFIRMATIO rationis tertiæ principalis.**

**CAPVT XXII.**

**I**N capite vicesimo secundo Barclaius oppugnat confirmationem secundam rationis tertiæ principalis, quam in meo libro posui ad probandam Summi Pontificis potestatem in temporalibus. Hæc autem erat confirmatio. *Tolerare Regem hæreticum, vel infidelem conantem pertrahere homines ad suam sectam, est exponere Religionem euidentissimo periculo. At non tenentur Christiani, imò nec debent cum euidenti periculo Religionis Regem infidelem tolerare: nam quando ius diuinum & humanum pugnant, debet seruari ius diuinum omisso humano: de iure autem diuino est seruare veram fidem & Religionem, quæ vna tantum est, non multæ: de iure autem humano est, quod hunc aut illum habeamus Regem.]*



Ad hanc confirmationem respondet primò Barclaius, argumentum non esse in forma syllogismi, sed hoc cauillari est: nam neq; ego volui, nec cogitavi redigere argumentum ad formam syllogismi, quod vel ex eo potest intelligi, quòd non expressè posui conclusionem, & multa inserui ex scriptura sacra, ex prophanis auctoribus, & ex experimentis veteribus & nouis, quæ Barclaius omisit. Deinde omissa cauillatione de forma syllogismi, vim ipsâ argumenti retundere conatur, dicens:

*§ Demus eum optima forma rationationem confecisse, & ad vim argumenti respondeamus. Dico igitur propositionem eius falsam esse, dico, inquam, non verum esse, quod tolerare Regem hæreticum, vel infidelem conantem pertrahere homines ad sectam suam, est exponere Religionem euidentissimo periculo, sed est tantùm pati Religionem versari in periculo, in quod incidit vitio Regis hæretici, aut infidelis, & cui iam sine culpa populi exposita est: cùm nullum eius liberanda iustum, & legitimum remedium, præter constantiam, & tolerantiam, populo supersit.]*

Respondeo. Quando non suppetunt vires Ecclesiæ excutiendi iugum infidelium Tyrannorum, ut verè temporibus Neronis, Diocletiani, Constantij, Iuliani, & Valentis non suppetebant: tùm verum est, tolerare Regem hæreticum, vel infidelem conantem pertrahere populum ad sectam suam, non esse Religionem exponere periculo, sed pati eam in periculo versari: sed quando vires suppetunt, & potest Ecclesia, si velit, per auctoritatem Vicarij Christi priuare Regem hæreticum, vel infidelem dominio, quod habet super fideles: tùm si non

dentissimo periculo, cùm nolit adhibere remedium quod in promptu habet, nisi fortè ratio suadeat, hoc remedium ad tempus differre, & alia leniora interim experiri.

Quod autem hic subiungit Barclaius, facillimū fuisse Christianis olim deponere Iulianum, Constantium, & Valentem; iam supra copiosè refutatum est cap. 6. 7. & 8. neque libet Barclaium imitari in iisdem rebus sæpius reperendis.

Pergit Barclaius, & ait, *§ Iam verò ad illud, quod deducit ex pugna iuris diuini, & humani, respondeo breuiter, illum valde falli in eo, quod putet esse ibi concursum, & conflictum diuini iuris, & humani: non sunt enim pugnantia, seruare veram fidem, & Religionem; & tolerare Regem hæreticum, vel infidelem: neque alterum de iure diuino est, alterum de iure humano, vt ille putat; sed sunt duo præcepta iuris diuini, colere Deum vera Religione, & seruire, atque obedire Regi, qua simul seruari, & expleri possunt, vt ipsimet Iesuitæ docent.]*

Respondeo. Non ignorabam, seruire, & obedire Regi esse iuris diuini; & ideò non hoc negaui in meo libro: sed dixi, iuris humani esse, vt hunc, aut illum habeamus Regem; iuris autem diuini seruare veram fidem, ac Religionem: quamuis enim iure diuino teneamur Regi parere, dum Rex est; non tamen iure diuino cauetur, vt Regi nullis de causis Regnum abrogari possit: alioqui quotquot ab exordio Mundi Regnis exuti sunt, omnes per iniuriam exuti fuissent: neque vlla esset Respublica, aut penè nulla iure instituta: Respublicæ siquidem vt plurimum exactis Regibus constituuntur. Hoc est igitur quod dicimus, vt ius diuinum seruetur de

con-

seruanda vera Religione, fas esse aliquando mutari ius humanum, & transferri Regnum ab infideli ad fidelem, quando vel non possit, aut vix possit alia ratione vera conseruari Religio.

At rursus excipit Barclaius. § *Id quidem, inquit, totum verum est, iure videlicet humano fieri, vt hic aut ille sit Rex. Sed caue lector, ne capiaris. Omisit Bellarminus, quod est praeipuum: addere enim debuit, At vbi hunc aut illum Regem semel habemus, de iure diuino est, vt illi in ciuilibus causis cum omni honore, & reuerentia pareamus. Hac adiectione, quam nemo Catholicus negare potest, illud eius argumentum prorsus eliditur.*]

Respondeo. Iam ante docui, Vbi hunc, vel illum Regem semel habemus, iure diuino illi parendum esse, dum in solio praesidet. Sed non esse de iure diuino, vt semper, dum vinit, in solio regali praesideat: nam fieri potest, vt vel ipse se abdicet potestate, vel ab alio Rege superatus cadat à Regno, vel haereticis causa deponatur, & quocunque modo Rex esse desinat, obedientia quoque ei debere definit.

At, inquit Barclaius. § *Ex Bellarmini sententia, lib. 2. de Pontif. cap. 29. non licet Concilio iudicare, punire, vel deponere Papam nitentem turbare, & destruere Ecclesiam Dei; sed tantum ei resistere non faciendo, quod iubet, & impediendo ne exequatur voluntatem suam. Cur non similiter, & potiore etiã ratione idem de Regibus etiam censeamus? cum & ipsi sint populis (teste eodem auctore, lib. 1. de Pontif. cap. 9. & lib. 3. ca. 19.) superiores, & Iudicẽ in terris nullũ habeant? cumq; praeterea nonnulli magni nominis Theologi visum sit, Conciliũ Oecumenicũ maiore supra Papã*

O 2

aucto-

*auctoritate præditum esse, quàm habeat populus in Principem?]*

Respondeo. Si Pontifex Maximus hæreticus fieret, & Ecclesiam destruere, abducendo eam à fide Catholica, nitèretur; sine dubio deponi, aut certè depositus declarari à Concilio posset, vt colligitur ex Can. *Si Papa*; dist. 40. & hoc neque Bellarminus, neque vllus Catholicus negat. quare ex hoc ipso potuisset Barclaius intelligere, non esse mirum, si Reges propter hæresim deponi possint, quâuis non habeât in temporalibus superiores, cùm Papa propter similem causam deponi possit, qui neque in temporalibus, neque in spiritualibus superiorem habet in terris. Quod autem scripsi in lib. 2. cap. 29. Pontificem non posse iudicari, aut deponi à Concilio, intelligitur extra causam hæresis, si vita solùm, & moribus Ecclesiam perturbare, atque destruere velle videretur. Est autem discrimen inter Pontificem, & Regem; quòd Pontifex nullum omninò in terris superiorem habet, cùm sit ille seruus principalis quem posuit Dominus super omnem familiã suam Luc. 12. de quo idem Dominus eodem loco dicit, quod si seruus ille malè se gesserit, & cœperit percutere seruos, & ancillas, manducare, & bibere cum ebriosis: veniet Dominus in die, qua non sperat, eumque seuerissimè puniet: proindè non vult Dominus, vt à familia, vel aliquo de familia puniatur; sed ipse Dominus iudicium de seruo illo sibi reseruat. Rex autem, qui non immediatè à Deo Regnum accepit; sed populus in eum potestatem suam transtulit: & præterea si Christianus est, aut fuit, Pontifici, vt ouis Pastori, subiectus est, & quamuis non habeat in temporalibus superiorem aliquem

tempo-

temporalem; habet tamen superiorem spiritua-  
lem, cuius potestas ad temporalia etiam se exten-  
dit: idè deponi à Summo Pontifice, vt Christi  
Vicario potest. Quod si aliqui viri docti senserunt,  
Concilium esse supra Papam, magis quàm Re-  
gnum supra Regem; non inultum de eorum sen-  
tentia laboramus, cùm ex scripturis, & concilio-  
rum etiam generalium decretis contrarium colli-  
gatur: de qua re satis multa scripsimus in secundo  
libro de concilijs.

Sed fortè quæret aliquis, *si Papa nullum omnino  
superiorem habet in terris: quo iure deponi potest à  
Cōcilio, vel Ecclesia propter hæresim?* Responso est in  
promptu, quoniam cùm propter alia crimina ei-  
ciantur homines per excommunicationem ab Ec-  
clesia, hæretici per se exeunt, & recedunt, & ipsi se  
quodam modo excommunicant; vt sanctus Hiero-  
nymus notauit explicans illa verba Apostoli ad Ti-  
tum cap. 3. hæreticum esse proprio iudicio cōdem-  
natum. Itaque si Pontifex, quod fieri non posse ar-  
bitror, hæreticus, vel infidelis, vel Apostata fieret,  
non tam deponendus, quàm declarandus depositus  
à concilio esset.

*DEFENDITVR TERTIA CON-  
firmatio tertiæ rationis prin-  
cipalis.*

CAPVT XXIII.

**I**N capite vicesimotertio Barclaius refellere ni-  
titur confirmationem tertiam rationis meæ  
tertiæ principalis: hæc autem est confirmatio:

*Denique cur non potest liberari populus fidelis à iugo Regis infidelis, & pertrahentis ad infidelitatem, si coniunx fidelis liber est ab obligatione manendi cum coniuge infideli, quando ille non vult manere cum coniuge Christiana sine iniuria fidei, vt apertè deducit ex Paulo. 1. Cor. 7. Innocentius III. in cap. Gaudemus, extra de diuortijs? non enim minor est potestas coniugis in coniugem, quam Regis in subditos, sed aliquanto etiam maior.*

Ad hanc confirmationem Barclaius ita respondet, vt videatur de industria intelligere noluisse, in quo vis rationis consistat: idq; ea de causa facit, vt occasionem habeat, multa scribendo, vel doctrinā suam ostentandi, vel librum suum locupletandi. Sed prudens lector facilè animaduertet eum extra rem vagari. Initio enim fingit me loqui de cōiugio inter fideles contracto, quorum alter postea in heresim labitur: quod matrimonium omninò insolubile est, & non rectè comparari potest cum vinculo, quod est inter Regem, & populum.

Sed mihi nunquam venit in mentem de matrimonio eiusmodi loqui. Igitur locutus sum de matrimonio contracto inter infideles, quorum alter cum ad fidem conuertitur, liber est à cohabitatio-  
ne, & à iugo coniugis infidelis. Quod autem de hoc matrimonio locutus sim, planum est ex Apostolo, & Innocentio, quos citaui: nō enim Apostolus, aut Innocentius liberum pronunciat à coniugio eum, qui contraxit post baptismum cum fidei, sed eum qui contraxerat ante baptismum cum infideli, & postea conuersus est ad fidem coniuge in infidelitate permanente.

*At, inquit Barclaius, tu non dixisti coniugem fidelem*

*delem liberum esse à iugo, aut vinculo, sed ab obligatione manendi cum coniuge infideli.*

Respondeo. Me dixisse, quod Apostolus dixit, & intellexisse, quod Apostolus intellexit. Apostoli verba hæc sunt: *Si quis frater habet uxorem infidelem, & hæc consentit habitare cum illo, non dimittat illam: & si qua mulier habet virum infidelem, & hic consentit habitare cum illa, non dimittat virum: quod si infidelis discedit, discedat: non enim seruituri subiectus est frater, aut soror in huiusmodi.* Vbi loquitur de obligatione cohabitandi, quemadmodum & ego loquutus sum; sed non intellexit Apostolus per libertatem ab obligatione cohabitandi, solam libertatem ab obligatione cohabitandi, manente vinculo, & iugo coniugij; sed plenam libertatem cum potestate ineundi aliud coniugium, soluto vinculo, & iugo coniugij prioris; & hoc eodem modo verba mea intelligi volui, quo modo verba Apostoli intelligunt omnes Theologi. Itaque poterat Barclaius omittere plus quam partem dimidiam huius capitis xxij.

Accedit deindè propius ad rem, sed vt argumentum soluat, implicat se grauissimo errori; sic enim loquitur.

*§ Quod si de posterioribus coniugibus argumentum intelligat, in promptu responsio est ex eadem Innocentij Epistola decretali: nimirum inter tales coniuges, non esse ratum matrimonium, quantum ad indissolubile coniunctionis vinculum attinet: & idè eiusmodi coniuges plenam dissoluendi matrimonij libertatem habent, vt vel mutuo consensu, & bona gratia, vel cum ira sui animi, & offensa discedant: & alter inuito altero, vbi ei libitū sit, nexū illū coniugij per repudium,*

dium, & diuortium dissoluat. & infra: Non mirum ergo si coniux ad fidem perductus à coniugis in infidelitate permanentis consortio, & potestate liber sit: cum etiam si ambo in infidelitate mansissent, aequè liberum alterutri eorum fuisset ab altero recedere, & matrimonium repudio dissoluere; quia nullum initio inter eos ratum, & firmum obligationis vinculum intercessit. & infra: Cum itaque nullum inter istos ratum coniugium existat: & subiectio politica, & regalis dominatio inter omnes gentes, & in omni lege, tam iure diuino, quàm humano rata, & probata sit: quid absurdius, aut ineptius dici potest, quàm illa inter se componere, & argumentum aliquod ab infidelium coniugum societate, & iugo, quod excuti pro arbitrio potest, ad Regalis imperij iugum repellendum deducere, & idem de utroque, quasi de planè similibus iudicare?]

Respondeo. Mirum est, cur tantus Iureconsultus ex vno verbo Innocentij malè intellecto in tantum errorem se precipitauerit, nam quod ait Innocentius in cap. *Quanto*, de diuort. matrimonium infidelium non esse ratum, non significat, esse solubile ad libitum; sed non esse insolubile omninò, vt matrimonium fidelium: solùm enim solubile est in casu Apostoli, ipso Apostolo declarante in ea re voluntatem Dei. Quod autem matrimonium infidelium legitimè contractum sit firmum, & insolubile, excepto illo casu, perspicuum est, primo ex ipso Innocentio in cap. *Quanto*, iam citato: Vbi dicit, Matrimonium infidelium esse verum: matrimonium autem verum definitur, *Coniunctio viri, & femina indiuiduam vitam consuetudinem retinēs*, cap. *Illud*, de præsumptionibus. Vbi Canonistæ cõmuniter eam definitionem approbāt, vt etiam Theologi apud



apud Magistrum in 4. sent. dist. 27. Secundò idem Innocentius in cap. *Gaudemus*, de Diuort. expressè docet, repudium etiam apud infideles non esse licitum; quod idem habetur in Can. *Si quis Iudaica* 28. q. 1. ubi dicitur apud infideles valere repudium lege fori, non lege poli. Tertiò Concilium Tridentinum sess. 24. in principio: *Matrimonij*, inquit, *perpetuum, insolubilemque nexum primus humani generis parens diuini spiritus instinctu pronuntiauit, cum dixit, Hoc nunc os ex ossibus meis, & caro de carne mea: quamobrem relinquet homo patrem, & matrem, & adhærebit uxori suæ, & erunt duo in carne vna.* Et certè Adam non de matrimonio tantum Christianorum, sed de matrimonio in genere locutus est: proinde omne verum matrimonium perpetuum insolubilemque nexum habet. Accedit quartò, cõmunis Doctorum sententia: siquidem magister sententiarum lib. 4. dist. 33. Et cum eo sanctus Bonaventura, Richardus, Dominicus à Soto, & alij plurimi docent, repudium permissum fuisse Iudæis à Deo per Mosem, vt minus malum, sed nunquã fuisse licitum neq; apud Iudæos, neque apud Gentiles. Alij verò non pauci, vt sanctus Thomas, Scotus, Durandus, Paludanus, docent quidem cum Iudæis ita dispensatum fuisse circa repudium ad duritiam cordis eorum, vt licitum eis esset repudium; sed tamen à Christo sublatam fuisse eam dispensationem, vt postea non fuerit amplius, neque Iudæis, neque gentibus licitum: sunt enim Christi verba satis aperta, Marci. 5. *Qui dimissam duxerit machatur.* & cap. 10. *Quicumque dimiserit uxorem suam, & aliam duxerit, adulterium commisit super eam: & si vxor dimiserit virum, & alij nupserit,*

*machatur*. Itaque excusari non potest Barclaius, qui Turcarum errorem sequutus, voluit licitum esse infidelibus pro arbitrio matrimonia separare. Tametsi enim Turcæ id faciunt, tamen cum errore manifesto faciunt. Ex quibus argumentum nostrum, quod frustra Barclaius soluere tentauit, omninò insolubile demonstratur. Nam si licet coniungi fideli propter fidem, & religionem disrumpere vinculum, alioqui insolubile, quo alligatus erat coniugi infideli ante conuersionem suam ad fidem: quantò magis licebit populo fideli disrumpere vinculum propter fidem, & religionem, quo alligatus erat Principi infideli, præsertim si is populum fidelem peruertere satagat? Debilius enim esse vinculum quo adstringitur populus Principi suo, quam sit illud, quo astringitur vxor viro suo, perspicuum est, cum vinculum populi ad Principem multis de causis solui potuerit, & adhuc possit; vinculum autem vxoris ad virum, apud Christianos in nullo casu solui possit, si ratum, & consummatum fuerit: apud infideles autem iure solui non possit, nisi per conuersionem alterius eorum ad fidem, altero perseverante in infidelitate.

**DEFENDITVR RATIO QVART-  
ta Bellarmini pro potestate Pontificis  
in temporalibus.**

**CAPVT XXIV.**

**I**N capite vicesimoquarto proponit Barclaius rationem quartam, qua ego vsus fuera ad stabiliendam potestatem Summi Pontificis in temporalibus vsque ad ipsos Principes in certis  
casu-

casibus abdicandos. Hæc est autem ratio. Quando Reges, & Principes ad Ecclesiam veniunt, vt Christiani fiant, recipiuntur cum pacto expresse, vel tacito, vt sceptrum suum subijciant Christo, & polliceantur, se Christi fidem seruaturus, & defensuros etiam sub pœna Regni perdendi: ergo quando fiunt heretici, aut Religioni obsunt, possunt ab Ecclesia iudicari, & etiam deponi à Principatu, nec vlla fiet eis iniuria si deponantur. Hucusque recitat Barclaius, quamuis in meo libro plura addantur ad confirmationem huius rationis.

Respondet autem admittendo antecedens, & negando consequentiã. § Nam, inquit, licet verum sit Principes ad Ecclesiam venientes se sceptrum suum Christo subijcere, & vel vtrò ea promissa seu tacite, seu expresse facere, quæ Bellarminus commemorat: nõ tamen verum est, nec inde sequitur, eos iudicari, & deponi posse ab Ecclesia, vel Summo Pontifice, si fidem fallant, & pactum, ac iusiurandum negligant: quia suprema illa Christi iurisdictio, & potestas temporalis in Reges omnes, & Mundum vniuersum, quam habet, vt Dei filius, non competit Ecclesie, vel Pontifici, sed tantum illa potestas, quam Christus sibi assumpsit, dum inter homines humano more versaretur: at Christus nullum temporale dominium, & potestatem usurpauit, dum in terris, vt homo inter homines ageret, ac proinde neq; Ecclesia, vt Ecclesia, neq; Papa, vt caput Ecclesie, & Vicarius Christi vllam temporalem potestatem, vt pluribus explicat, & probat idem vir doctissimus lib. 2. de Pontif. cap. 4.]

Respondeo. Argumentum Barclaij, quo mei argumenti consequentiã oppugnatur, malam habet consequentiã, & falsum antecedens; quare sine viribus

bus vllis solo strepitu verborum pugnat. Consequentia, inquam, eius argumenti mala est, quoniam etiam si Ecclesia, vel Papa non haberet ex se potestatem Principes hæreticos deponendi, haberet tamen ex ipsa promissione iurata, & ex pacto inito cum ipsis Principibus, quando ad Ecclesiam Christianam admissi sunt: id quod exemplo illustrari potest, quando enim Reges cum Romano Imperio societatem inibant, & fidelitatem illi iurabant; si postea Rex focius ad hostes Romanorum deficiebat, non existimabant Romani iniuriam se illi Regi facturos, si eum Regno priuarent: quoniam tamen si ante initam societatem, nullam haberent Romani potestatem in eum Regem: tamen fides data, & iuramento firmata potestatem illis dabat. Deinde falsum est antecedens argumenti Barclaiani, vt hucusque satis ostendimus disputatione tam prolixa, & ex ijs, quæ Barclaius hoc loco admittit, nullo negotio demonstrari potest. admittit enim habere Summum Pontificem, vt Christi Vicarium, eam potestatem, quam Christus habuit, dum vt homo inter homines vixit. Christus autem, quamuis noluerit vllum temporale Regnum eripere ijs, qui ea possidebant, idque vel sibi assumere, vel alijs tradere; tamen qui negat potuisse Christum id facere, Euangelium ipsum negat: quid enim est quod idem Christus dicit Ioan. 13. *Dedit ei omnia Pater in manus?* Si habuit omnia in manus, certè super omnia potestatem habuit: si super omnia potestatem habent, cur non potuit de temporalibus rebus omnium hominum disponere? Item Ioan. 17. Idem Dominus ait Patri, *Sicut dedisti ei potestatem omnis carnis.* Vbi per omnem carnem omnes homi-

homines intelliguntur. Habuit igitur Christus homo in terris potestatem super omnes homines, ac per hoc super Imperatores etiam, & Reges, potuitque eos, si voluisset, iudicare, punire, Regnis, Imperijsque priuare: cuius potestatis exemplum aliquod ostendit, cum dæmonibus concessit, vt in ingentem porcorum multitudinem irruerent, eosque omnes in mare suffocandos præcipitarent: neque timuit ne fortè iniuria afficeret eos, qui ex interitu tam numerosi gregis, qui ad duo millia ascendebat, teste S. Marco, cap. 5. non leuem iacturam patiebantur: Iudicauit enim Dominus expedire ad gloriam Dei, vt de re illa temporali disponderet etiam cum detrimento Dominorum, vt sciretur quanta multitudo spirituum immundorum hominem obsedisset, & quanta facilitate ipse tantum numerum dæmonum solo imperio eiecisset.

Quod addit Barclaius, me docuisse, Ecclesiam, vt Ecclesiam, vel Pontificem, vt caput Ecclesiæ, & Christi Vicarium, nullam temporalem potestatem habere posse: mera impostura est. Ego enim solum docui, Pontificis potestatem directè spiritualem esse, sed indirectè extendi ad temporalia, atque ad ipsam etiam Principum terrenorum depositionem. Et cur, obsecro, tantum laborat Barclaius in examinandis, & refellendis Bellarmini rationibus pro confirmanda Pontificia potestate in temporalibus, si Bellarminus cum Barclaio conuenit in abneganda Pontificia potestate in temporalibus? Sed libri sapius recusati extant, & facilè poterit Lector iudicare, vtrum ego in eodem libro mecum ipse pugnem, an potius Barclaius impostorem agat, ea sententia nobilis Poetæ fretus,

*Dolus, an virtus, quis in hoste requirat?* Addit

Addit postea Barclaius aliam responsionem; quoniam non erat tā stupidus, vt non videret priorem solutionem nullas vires habere. ait igitur: *S Quae omnia promittunt quidem Principes Christo, acceptante promissionem Ecclesia, tanquam eius Sponsa, in cuius sinu regenerantur, aut ipso Pontifice, non vt homine, sed vt Christi Dei ministro vicariam operam prabente; ac proinde ipsi Christo per Ecclesiam, vel Papam obligatio principaliter acquiritur. & infra: Si pactum conuentum postea neglexerint, aut prorsus contempserint, ab eo solo puniri possunt, in cuius verba iurarunt, quiq; omnium rerum temporalium Dominus est, & quem supra se Iudicem in temporalibus solum habent; non autem ab eo cui rerum tantummodo spiritualium, & recipienda promissionis cura commissae est.]*

Respondeo. Promissio, qua Principes infideles cū ad Ecclesiam veniunt, pollicentur se fideles futuros, & Ecclesiam defensuros; neque ab ea vnquam recessuros, aut eam oppugnaturus, sub poenā priuationis Regni: promissio, inquam, eiusmodi principaliter quidem ad Christum dirigitur: sed tamen transgressores non solus Christus immediate, & per se punire potest: sed potest etiam Christi Vicarius, qui auctoritate à Christo accepta Ecclesiam regit, transgressores pacti, & iuramenti punire: quemadmodum quotidie videmus, eos qui absenti Regi coram Prorege fidelitatem iurant: si fortē defectionem moliantur; ab ipso Prorege cōtinuò puniri: & Clericos, qui absēte Episcopo; coram eius Vicario generali obedientiam spondent; si fortē contumaces efficiantur, ab eodem Vicario carceribus mancipari, & plecti.

At, inquit Barclaius. *§ Raro Rex ipse fidelitatis iusiurandum acceptat, sed vt plurimum per Cancellarium id opus exequitur. Cancellarius itaque cum Magnates in verba Regis iurantes ad feuda, & dignitates admittit, eas in ciuili administratione, & iurisdictione temporali sub Rege partes obit, quas Pontifex in Christo in spirituali gubernatione Ecclesie, cum Principes ad eam venientes interposito fidelitatis, & pietatis erga Deum sacramento, recipit. Et vt ille quidem clienti semel recepto (licet postea fidem frangat, crimenque committat, quod feloniam vocant) ex nulla causa feudum auferre potest, quod solius Regis sit, minimeq; Cancellario concessum. Ita neq; hic receptos in Ecclesiam Principes, quantumuis grauiter postea delinquant, fideique desertiores fiant, Regnis, & dignitatibus priuare, aut alio modo temporaliter punire potest.]*

Respondeo. Hæc est tota ratio deceptionis Barclaij, quod Summum Pontificem Cancellario similem esse ducit, in quo nulla est iurisdictione. Quæ similitudo lôgissimè abest à veritate: siquidem Scripturæ diuinæ veram potestatem, & iurisdictionem, eamque amplissimam, & supremam Pontifici tribuunt: nam quod dicitur Matth. 16. *Quodcunque ligaueris, & quodcunque solueris*, non officium Cancellarij, sed officium Præsidis iurisdictionem habentis sonat. Et illud, *Pasce oues meas*, Ioan. vltim. non officium Cancellarij in Regno, sed potestatem illam Pontifici tribuit in Christianos, quàm habet Pastor in oues, qui eas vtique regere, & ligare, & baculo ferire, & ad omnem obedientiam cogere potest. Illud etiam quod Apostolus in Actis cap. 20. dicit, *Attendite vobis, & vniuerso gregi,*  
in quo

*in quo vos Spiritus sanctus posuit Episcopos regere Ecclesiam Dei: non officium Cancellarij, sed officium Rectoris, & Præpositi significat. Deniq; illud Mat. 24. Quis putat esse fidelis seruus, quem constituit Dominus super familiam suam? non officium Cancellarij nobis ostendit, sed officium Magistri domus, qui toti familiæ cum potestate præst. Quare Summus Pontifex non Cancellario, sed Proregi in Regno, vel Vicario in Episcopatu, vel Rectori in ciuitate, vel Præposito in familia, vel capiti in corpore comparari debuit: & hæc quidem à nobis dicta sunt, si admittenda esset sententia illa Barclaij, quod Principes cum ad Ecclesiam veniunt, soli Christo fidelitatem, & obedientiam spondeant: sed ea sententia falsa est, neque eam admittere vlla ratione possumus. Spondent enim Principes obedientiam, & fidelitatem expressè, vel tacitè, non Christo solù, sed etiam ijs, qui Christi locum in terris gerunt. Atque huc pertinet illa confirmatio argumenti, quam ego rationi meæ quartæ subieci, & quâ Barclaius in extremo capite vicesimoquarto refert, & quorsum pertineat ignorare se dicit, aut fingit.*

*§ Quod autem, inquit, huic quartæ rationi subiicit: (nam non est idoneus Sacramento Baptismi, qui non est paratus Christo seruire, & propter ipsum amittere quicquid habet: ait enim Dominus Luc. 14. Si quis venit ad me, & non odit patrem, & matrem, & uxorem, adhuc autem, & animam suam, non potest meus esse discipulus.) id quorsum spectet, non video: nemo certè hoc negat, sed quid inde? talis ratio non magis ad institutum pertinet, quam quod remotissimum est: vt nec illud, quod ibidem sequitur. (Præterea Ecclesia grauitè erraret, si admitteret aliquem Regem, qui vellet*



*vellet impunè fouere quamlibet sectam, & defendere hæreticos, & euertere Religionem.) est hoc verissimū, sed, vt dixi, nihil ad institutum pertinet: non enim de ea re hic quaestio est, sed de potestate temporali Ecclesiae, siue Summi Pontificis.]*

Respondeo. Quorsum ista pertineant, & quod ad rem propositam maximè faciant, ita ostendo. Fingamus Regem aliquem infidelem ad Ecclesiam venire, & à Barclaio institutum ita loqui, Ego ciuis Sanctorum per Baptismum effici cupio: & sanctè promitto, sceptrum meum Christo velle subijcere, Ecclesiam eius pro viribus defendere, & nunquam à sancto proposito deficere: protestor tamen, quod si fortè fidem fregero, si hæreticus, si Apostata, si paganus euasero, si Religionem Catholicam persequi, & funditus euertere conatus fuero: nolo ab Ecclesia, vel eius Præsidente, sed à solo Christo poena temporali puniri: & si fortè Præsides Ecclesiae per sententiam excommunicationis me de cœtupiorum expulerit; volo vt nihilominus fideles Ecclesiae filij mihi, vt Regi seruire, & obedire teneantur, neque ab huius obedientiae vinculo absolui vllò modo possint. Quæro nunc à Barclaio, an eiusmodi Rex ab Ecclesia, vt idoneus, ad Baptismum possit admitti? affirmabit opinor; sed à prudentibus irridebitur. Nam si quis ciuitate terrena donari vellet, & protestaretur, si proditor ciuitatis fieret, nolle se à Præsidente ciuitatis, sed à solo Rege in longinqua regione manente, immediatè posse puniri: quis non rideret? Certè qui paratus esse debet, iuxta Euangelium vitam propriam exponere pro Christi fide, nonne magis paratus esse debet Regnum terrenum amittere? ridiculum autem est, dicere,

paratus sum Regno priuari, si Fidem fregero; sed nolo priuari per sententiam hominum, volo per Angelos de coelo sententiam pronuntiari. Certè etiam Ecclesia valdè esset imprudens, si in gremium suum admitteret eum, qui vellet impunè grassari in Ecclesiæ membra, & nollet fidelem populum, posse per vllam hominum mortalium auctoritatē à sua tyrannide liberari.

*DEFENDITVR QVINTA RATIO  
Bellarmini pro potestate Summi Pontificis in temporalibus.*

CAPVT XXV.

**I**N capite vicesimo quinto Barclaius excutit rationem meam quintam, ac primum eam refert his verbis: *Quinta, & postrema ratio est ex cura, & officio pastoralis.* Cum Petro dictum est, inquit, *Pasce oues meas*, Ioan. vlt. *Data est illi facultas omnis, qua est Pastori necessaria ad gregem tuendum: at Pastori necessaria est potestas triplex, vna circa lupos, vt eos arceat omniratione, qua poterit: altera circa arietes, vt si quando cornibus ladant gregē, possit eos recludere: tertia circa oues reliquas, vt singulis tribuat conuenientia pabula; ergo hanc triplicē potestatem habet Summus Pontifex.*

His recitatis subiungit Barclaius: *§ Ex hoc principio, & fundamento tria, vt illi videtur, argumenta vrgentia deducuntur. Sed ne longius abeat, respondeo in primis ad istud ipsum fundamentum, totum verum esse, ac pro me stare, atque inde contrarium eius, quod ipse asserit bellissimè colligi.* ] hæc ille, qui post multa inania verba texit hunc syllogis-

*mum: Christus commendando suas oves Petro dedit omnem potestatem necessariam ad tuendum gregem: Atqui non dedit ei potestatem temporalem: Ergo potestas temporalis, non est necessaria ad tuendum gregem.]*

Respondeo: Si per potestatem temporalem intelligi velit Barclaius potestatem, quæ sit in se propriè, & formaliter temporalis; admitti potest argumentum: sed nego inde sequi, non esse necessariam Summo Pontifici potestatem, quæ licet sit in se spiritalis, tamen extendi possit ad temporalia, prout ad spiritualia referuntur, eisque subordinantur. Sin autem per potestatem temporalem intelligat potestatem disponendi de temporalibus in ordine ad spiritualia: tum dico, falsam esse assumptionem: & addo syllogismum Barclaij eo vitio laborare, quo nullum est in arte differendi notius. id enim assumit, & sibi concedi petit, quod vertitur in quæstionem. Assumit enim S. Petro non fuisse datam temporalem potestatem, quasi hoc ipsum non esset quod in toto libro suo probare contendit. Et certè si isto modo disputare liceret, possem ego quoque ita ratiocinari: *Christus Petro dedit eam solè potestatem, quæ necessaria est ad tuendum, & pascendum gregem: Atqui dedit potestatem spiritualem, quæ extenditur ad temporalia, ut ad spiritualia referuntur; ergo eiusmodi potestas necessaria est ad gregem tuendum, atq; pascendum.* Sed audiamus alium syllogismum Barclaij, priori non dissimilè.

*S Deinde, inquit, progredimur hoc modo, Absurdum est Summum Pontificem, quatenus successor est Beati Petri, habere plus potestatis, quàm habuit Petrus: At Petrus nullam habuit potestatem tempo-*

*ralem in Christianos: ergò nec Summus nunc Pontifex, quatenus successor eius est.]*

Ac ne hic quoque obijciatur, eum aflumere, quod erat probandum: probat assumptionem ex Bellarmino lib. 5. de Pontif. cap. 6. Vbi dicit, potestatem spiritualem, & temporalem esse similes spiritui, & carni: & quemadmodum spiritus, & caro possunt esse coniuncta, vt in homine: & separata, vt in Angelis, & Bestijs: sic etiam potestas spiritualis, & temporalis possunt esse coniunctæ, vt nunc sunt inter Christianos; & separata, vt erant tempore Apostolorum, quando nullus erat in Ecclesia Princeps politicus. Ex his ita colligit Barclaius.

*§ Si separatae erant hæ potestates tempore Apostolorum, vt erant reuera de iure, & de facto: consequitur necessario, D. Petrum nullam habuisse temporalem potestatem: alioqui falsum esset eas fuisse separatas.]*

Hoc argumentum tanti facit Barclaius, vt paulò infra dicat.

*§ Et verò hæ rationes apertiores sunt, quam quibus aliquis sine fraudè reniti, & repugnare possit; vt mirum sit homines eruditos, ceterosq; pios, ita zelo quodam inconsiderato occacari, vt dubia pro certis, pro perspicuis obscura, pro rectis contorta, pro expeditis denique inuoluta, & implicata multis controuersis, & contradictionibus amplecti, & sequi non dubitent:] hæc ille, qui vsque ad finem capitis pergit reuerentiam suam erga sedem Apostolicam prædicare, nostram cæcitatem redarguere, & multa ex ijs, quæ antea dixerat, more suo repetere.*

Respondeo. Verissimè dictum est à Bellarmino similitudinem esse potestatem spiritualem, siue Ecclesiasticam spiritui, & temporalem, siue politicam  
carni:

carni: quam similitudinem ante Bellarminum ad hanc rem explicandam adhibuerunt sanctus Gregorius Nazianzenus, Hugo de sancto Victore, sanctus Thomas, Alexander Alenfis, Thomas Vvaldēsis, & alij. Nec minus verè dictum est, eas potestates tempore Apostolorum fuisse separatas, quo modo spiritus Angelicus separatus est à carne: & caro brutorum separata est à spiritu: nunc autem coniunctas esse, quo modo spiritus, & caro coniunguntur in homine. Ex his autem rectè colligitur, sanctū Petrum habuisse potestatem Apostolicam, id est, spiritualem, & Ecclesiasticam, supremam, & amplissimam, & non habuisse potestatem Regiam, siue Imperatoriam, aliamve merè temporalem, atque politicam: sed non rectè colligitur, potestatem spiritualem sancti Petri non se potuisse extendere ad omnia temporalia, & ad ipsa Regna, & Imperia dirigenda, & corrigenda, si Reges, & Imperatores Christiani fierent. Itaque discrimen inter tempus Apostolicum, & nostrum, non est circa potestatem quæ semper eadem fuit in sancto Petro, & in successoribus; sed circa materiam subiectam, siue circa vsum potestatis: tunc enim potestas Apostolica nō exercebatur in Regibus dirigendis, quia nulli erāt Reges in Ecclesia Christiana, cuius Ecclesiæ Pastor, & Rector est Christi Vicarius: nunc autem eadem illa potestas exercetur in Regibus dirigendis, & corrigendis, quoniam non desunt in Ecclesia Reges, & Principes politici.

Ac ut exemplis rem illustremus, certè spiritus humani à corporibus separati, iidem sunt, qui antea erāt cum corpora animarent, & eandem ipsam potestatem habent, quàm antea habebant: & tamen

nunc separati non regunt corpora, vt antea regerant, & iterum post resurrectionem regent, sic etiam spiritus Angelici siue boni, siue mali, dū corpora nulla assumunt, non exercent potestatem in membra corporis: cū autem vel corpora aëria sibi adiungunt, vel in corpora humana ingrediuntur, corpora illa nutu mouent, eisq; imperant, & moderantur: nec tamen vllus erit tam imprudens, qui existimet Angelos acquirere potestatem nouam, cū corpora assumunt. Pari ratione cum in corpore humano membrum aliquod abscinditur, & à reliquo corpore separatur; non potest spiritus membrum illud mouere, eiq; dominari; non quod potestas spiritui desit, sed quia deest membrum, in quo mouendo spiritus exerceatur. Deniq; initio Ecclesiæ Christianæ antequam Apostoli Diaconos ordinarerent, non poterant Apostoli Diaconis vti, eisq; imperare: posteaquam autem ordinati sunt, ijs Apostoli utebantur, eisq; imperabant. Num igitur concedemus defuisse Apostolis aliquam potestatem Ecclesiasticam, antequam Diaconi esse coepissent in Ecclesia? concedemus omninò, si cum Barclaiio desipiamus, qui ex defectu materiæ defectum colligit potestatis. Ex his apparet, quàm leuia sint argumenta Barclaij, quæ ipsius iudicio demonstrationes indissolubiles videbantur.

**DEFENDITVR PRIMA PARS**  
*rationis quintæ pro potestate Summi*  
*Pontificis in temporalibus.*

**CAPVT XXVI.**

**I**N capite vicesimosexto aggreditur Barclaius refutare primam partem rationis meæ quintæ:  
erat

erat autem hæc ratiocinatio. *Pastori necessaria est potestas circa lupos, vt eos arceat omni ratione qua poterit ab ouili: lupi autem, qui Ecclesiam vastant sunt hæretici: Ergo si Princeps aliquis ex oue, aut ariete lupo fiat, id est, ex Christiano fiat hæreticus, poterit Pastor Ecclesiæ eum arcere per excommunicationem, & simul iubere populo ne eum sequatur: ac proinde priuare domino, quod habet in subditos.*

Ad hanc ratiocinationem Barclaius respondens admittit omnia, excepta illa extrema parte conclusionis, qua diximus, Possè Pastorem iubere populo, vt non sequatur amplius Regem suum: distinguit enim hanc partem, ac dicit. Possè quidem Pastorem iubere fidelibus, vt non sequantur Regem hæreticum in hæresibus, sed non possè iubere, vt non sequantur eum in rebus politicis.

Addit autem possè quidem Regem hæreticum priuari communione fidelium in rebus sacris, sed neque hoc esse faciendum, si periculum sit schismatis, & scandali, & grauiorum malorum, ex Aug. lib. 3. cap. 2. contra Epistolam Parmeniani: de qua re diximus, cap. 9. Vbi hæc eadem Barclaius fusius tractauit: iam enim admonui Barclaium in repetitione rerum earundem magnam partem libri sui consumere voluisse.

His igitur omiſſis, tota ratio ob quam negat Barclaius possè à summo Pastore prohiberi fidelibus, vt Regi hæretico obedientiam etiam in rebus politicis præstent, ea est, quoniam iure diuino debetur Regibus obedientia: & non potest vllus homo, ac ne ipse quidem Summus Pontifex dispensare in iure diuino; & ad hoc probandum adducit

rescriptum Innocentij III. qui ca. *Cum ad monasterium*, de statu Monach. dicit, Non posse dispensari cum Monacho, vt vxorē ducat, vel rerum proprietatē habeat: & hoc loco multa disputat de iure diuino, & humano, & de matrimonio Cōstantiæ Rogerij Regis filiæ, quæ cū esset sanctimonialis ex dispensatione Clemētis III. Pontificis, nupsisse dicitur Henrico VI. Imperatori.

At nos supra, rationem Barclaij nullius roboris esse demonstrauius: quoniam de iure diuino est, vt inferior obediāt superiori, quamdiu superior est, sed si desierit esse superior, desinet etiam præceptum de obedientia illi exhibenda. Id quod ostendimus ex multis similibus: siquidem iuris diuini est, non solum, vt populus obediāt Regi; sed etiā vt filij obediant Patri, serui Domino, vxores Maritis: & tamen si filius emancipetur, & seruus libertate donetur, & vxor per diuortium, aut repudium à marito separetur, non amplius tenentur lege illa diuina: quemadmodum etiam promissio iurata iure diuino seruanda est, & tamen si is, cui promissio facta est, eam relaxet, non tenebitur eam implere qui promisit. Restitutio iure diuino sancita est, & tamen si creditor debitum remittat, restitutionis obligatio nulla restat: atque exempla similia plurima possent adduci. Sic igitur, iure diuino tenetur populus Regi seruire, dum Rex est: sed si Rex desinat esse, quod multis modis fieri potest; nulla remanet obligatio seruitutis, aut obedientiæ. non est autem de iure diuino, vt Rex iustis de causis deponi non possit: multoque minus iuris diuini est, vt Summus Pontifex declarari non possit, Regem hæreticum non esse legitimum Regem, nullamque



Iamque ei deberi à fideli populo obedientiam.

Quod autem attinet ad cap. *Cum ad monasterium* de statu monachorum, res facilis est: id enim solùm Innocentius docet, non posse consistere matrimonio & proprietatē rerum cum statu Monachorum; cū ad essentiam vitæ monasticæ pertineant continentia, & paupertas. Itaque non poterit Summus Pontifex facere, ut idem Monachus sit, & coniugatus: idem Monachus, & diues opum in particulari. Aliud autem est, vtrum possit Summus Pontifex dispensare cum Monacho, ut transeat à vita monastica ad vitam secularem, & secularis effectus matrimonium inire possit, & opes proprias retinere, de hoc enim variè sentiunt Doctores. De Constantia verò Rogerij Regis filia fabulam esse existimamus, quod sanctimonialis, & vetula cū esset, dispensatione Clementis III. nupsit Henrico sexto. Nam Gotsfridus Viterbiensis, qui Henricum VI. in literis, & moribus instituebat, scribit, nuptias Henrici cum Constantia celebratas Mediolani anno salutis 1186. sedente in Apostolica Sede, Urbano tertio, & ipsa Constantia annum tricesimum agente, ex quo sequitur, ut falsum sit dispensasse cū ea in votis monasticis Clementem tertium, vel, ut alij dicunt, Celestinum tertium, vel, ut alij, Alexandrum tertium: nam hic iam obierat, illi nōdum sedere coeperant: falsum quoque sit, eam nupsisse cum esset vetula annorum supra quinquaginta: falsum denique fuisse antea sanctimonialem, cū id nullus scribat ex ijs, qui eo tempore

vixerunt. Vide Card. Baronium tomo 12.

annalium ad annum

1186.

P 1

VTRVM

*VTRVM VOTVM, AN IV-  
ramentum magis obliget.*

CAPVT XXVII.

**I**N capite vicesimoseptimo Barclaius, vt causa suæ vndique adiumenta conquirat, confert votum Monachorum cum iuramento illo, quo populi Regibus fidelitatem, & obedientiam pollicentur. Ac dicit, Pontificem ex aliquorum Doctorum sententia dispensare posse in votis Monachorum; sed etiam si hoc detur, non esse admittendum, vt dispensare possit in iuramento, quo populi ad Regis obedientiam se adstringunt. Videtur igitur sentire Barclaius maius vinculum iuramenti esse, quàm voti, cuius tamen contrarium disertè docet S. Thomas in 2.2. quæst. 89. art. 8. & omnis ferè schola Theologorum in 3. Sent. dist. 39. Votum enim est promissio facta Deo; iuramentum est confirmatio promissionis homini factæ: magis autem tenetur homo implere promissionem factam Deo, quàm homini. deinde qui votum violat, infidelis est Deo; qui iuramentum frangit, crimen irreuerentiæ in Deum committit: grauius autem crimen infidelitatis est, quàm irreuerentiæ; cùm fidelitas omnis erga superiorem irreuerentiam coniunctam habeat, non omnis irreuerentia infidelitatem. Igitur grauius peccat votifragus, quàm iuramenti violator; proinde magis obligat votum, quàm iuramentum. Denique votum res est absolutè bona; iuramentum bonum est necessitate cogente: alioqui Dominus Matth. 5. dicit, *Ego autem dico vobis non iurare*

*iurare omnino.* Et Iacobus in epistola sua cap. 5. *Ante omnia*, inquit, *fratres mei nolite iurare*: nusquam autem legimus, *nolite vouere*; sed contra, Rex & Propheta Dauid hortatur, dicens in Psalm. 75. *Vouete, & reddite Domino Deo vestro*. Igitur votum nobilius iuramento est, ac per hoc grauius peccat qui votum frangit, quàm qui iuramentum violat; proinde magis obligat votum, quàm iuramentum: quare si Summus Pontifex dispensare potest in votis, multò magis poterit in iuramento.

Sed Barclaius resistit hac ratione: § *Totus ordo monachalis, aliq̃q̃ in Ecclesia, vt quidam volunt, ab humanis constitutionibus, & iure positiuo profecti sunt, in quos idcirco plena & omnimoda potestas Pontifici est, vt i superius paulò diximus: at submissio, & obedientia Regibus, ac Principibus, atque omnibus omnino Præpositis, & superioribus debita, est iuris naturalis, & diuini vtroque testamento confirmata. Nā licet de humano iure sit, vt hac, aut illa Reip. formæ vtamur, vel hunc, aut illum Principem habeamus; tamen vt eum, quem semel accepimus, reueremur, eiq̃q̃ in omnibus, quæ Dei mandatis non repugnant, submissæ parcamus, non humana solum, sed naturalis, & diuina est ordinationis.]*

Respondeo. Hoc argumentum ab omni parte nutat: nihil enim solidi, nihil firmi habet. Nam quod totus ordo monachalis ab humanis constitutionibus, & iure positiuo profectus sit, non modo falsum, sed etiam hæreticum est. siquidem consilia Euangelica, in quibus ordo monasticus fundatur, non ex humana constitutione, sed ex ipso ore Domini, ac Dei nostri Iesu Christi profecta sūt: de qua re fusè tractauī in lib. de Monachis, neque id vllus Catholicus

Catholicus negat. Deinde vota ipsa monastica, in quibus essentia Monastica vitæ consistit, iuris esse diuini, non modò Catholici omnes docent, sed & ipse Barclaius paulò ante confessus est. Vnde ergo nunc totum ordinem Monasticum ab humanis constitutionibus, & iure positiuo profectum esse dicit? Præterea si, vt ipse in hoc suo argumento assumit, submissio Regibus, ac Principibus, atque omnibus, Præpositis, & superioribus debita, est iuris naturalis, & diuini in vtroque testamento confirmata; ergo submissio Monachorum suis Præpositis, & superioribus debita, est iuris naturalis, & diuini, in vtroque testamento confirmata. Vnde igitur Barclaius colligit, posse Pontificem dispensare in obedientia, & submissione Monachorum erga suos Præpositos, & superiores; & non posse in obedientia, & submissione populorum erga Reges, & Principes, cum vtraque sit iuris naturalis, & diuini in vtroque testamento confirmata? quin etiam cum obedientia Monachorum habeat votum, idque solemne adiunctum; & obedientia populorum simplici iuramento confirmata sit; videtur omninò facilius posse dispensari per summum Pontificem, in obedientia populorum, quàm Monachorum, cum voti vinculum maius sit, quàm iuramenti, vt Theologi docent. Denique quemadmodum Barclaius teste iuris humani est, qua forma Reip. vtamur, & hunc aut illum Principem habeamus; sed posteaquam aliquem accepimus in Principem vt ei pareamus, iuris diuini est: sic etiam iuris humani est quo ritu, & forma viuendi Monachi vtantur, & hunc aut illum Præpositum habeant; & tamen vt ei, quem in Præpositum semel susceperunt, submissè pareant, iuris diuini

diuini est. Ergo omnia paria sunt, neque vlla est ratio cur possit Summus Pontifex in vno dispensare, & non in altero, id est, cur possit Monachos à vinculo obedientiæ Præposito suo promissæ absoluerè, & nō possit absoluerè subditum à vinculo obedientiæ Regi suo promissæ.

Pergit Barclaius, & aliud argumentum texit ex natura voti, & iuramenti: quod argumentum, quia non multum ad rem facit, & tamen verbosissimè ab ipso proponitur, ego in pauca contraham, vt vis argumenti quanta sit appareat: sic igitur ille ratiocinatur, *Votum est promissio facta Deo, & Ecclesiæ, proinde creditor principalis est Deus: potest autem Pontifex, qui Vicarius Dei est, & caput Ecclesiæ loco Christi, declarare non displicere Deo, & Ecclesiæ, vt promissio illa ob iustam aliquam causam, & magis Deo gratam, quàm sit promissionis illius ad impletio, remittatur, & condonetur ei, qui vouerat: At iuramentum quo pactum aliquod, vel sponsio obsignatur, non facit Deum propriè creditorem, sed hominem, cum quo pactum initum, & cui promissio iurata facta est: quod ex eo perspicuum est, quod homo creditor potest etiam sine vlla causa liberare debitorem, & iuramento soluere; si illi promissionem sibi factam liberè remittere velit: neque hic habet locum interpretatio, aut declaratio summi Pontificis, cum homo ipse creditor per se loquatur. Ergo non potest summus Pontifex homines à iuramento soluere, quoniam priuaret creditorem inuitum obligatione sibi optimo iure quasita, & omni iure diuino, & humano licita.]*

Respondeo. Quando summus Pontifex soluit homines iuramento, non tollit ius quæsitum ex iusta, & licita obligatione: sed vel declarat obligationem,

tionem, & promissionem fuisse, vel factam esse illicitam, vt cū absoluit populos à iuramento fidelitatis præstito Principi hæretico, vel qui postea in hæresim lapsus est: aut tollit vinculum iuramenti, relicta promissione in suo vigore, ad eum finem tantum, vt possit, qui promiserat, sine periculo sacrilegij prosequi ius suū corā legitimis iudicibus.

Sed hæc Barclaio non erant incognita, vt qui iuris prudentiam præcipuè profiteretur: ideo subiungit: *§ Sed esto auferre ex causa possit, & promissionem iurisiurandi vinculo liberare (ne de hac re amplius cum Canonistis hic contendam) auferat igitur; quid ei deinde facta consequens in nostro hoc negotio videtur? liberum fore populum, dices, ab Imperio, & subiectione Principis, statim atque iurisiurandi nexu solutus est. Ita ne verò? an non perspicis, iusiurandum hoc non esse nisi accessionem tantum confirmatricem illius obligationis; qua fides, & obedientia Principi promissa est? an ignoras accessiones tolli, & liberari posse sine interitu principalis obligationis? Manet ergo adhuc obligatio, cui iusiurandum accesserat: quæ quoniam iuris naturalis, & diuini est, non minus tenet hominum mentes, & conscientias apud Deum, quam si esset iuramento sustentata.]*

Respondeo. Potest quidem, vt supra dixi, tolli vinculum iuramenti, etiā si non tollatur promissionis obligatio. Sed quando summus Pōtifex propter hæresim, aut aliam iustam causam, soluit populos à iuramento fidelitatis, simul etiā soluere solet à vinculo promissionis, ac iubere, vt populi nō amplius obediunt ei, cui promissionem obedientiæ fecerant: posse autem id Pontificem, vt Christi Vicarium, præstare, nos supra ex Doctoribus, & concilijs,

lijs, & ex ipsis etiam diuinis literis ostendimus, & ante multos annos id ipsum quinq; rationibus Theologicis ostendimus: neque Barclaius omnibus suis argumentis, & caullationibus eas rationes refellere potuit. Nam quod hoc loco iterum repetit, & inculcat, obligationem parendi Regibus esse iuris naturalis, & diuini: non semel à nobis explicatum est, id esse intelligendum de obligatione parendi Regibus, dum Reges sunt: non esse autem iuris naturalis, & diuini, vt Rex non possit Regno priuari, si hæreticus efficiatur, & ratio manifesta, & v-sus frequens apertissimè demonstrauit.

At, inquit Barclaius. *§ hoc axioma Bellarminus precipuè nititur, dum vult ostendere, Papam non posse subijcere se ipsum sententiæ coactiuæ conciliorum: quoniam (inquit lib. 2. de Concilijs, cap. 18.) Papa potestas super omnes est de iure diuino: non autem potest Papa dispensare in iure diuino.*]

Répondeo. Si Papa se ipse subijceret sententiæ coactiuæ Conciliorum, aut Principum quorumcunque, verè subijceret superiorem inferioribus, ac per hoc cum diuino, & naturali iure pugnaret: nam iure diuino Papa est Pastor, & Pater, & Præpositus omnium Christianorum, ac per hoc superior omnibus, qui oues, & filij, & subditi ipsius sunt: & iure etiã diuino superior ab inferiore iudicari non potest iudicio saltè coactiuo. At verò cùm Papa iudicat Regem, vel etiam deponit, nihil agit contra ius diuinum, quoniam superior inferiorè iudicat, Pastor ouem, Pater filium, Præpositus subditum, quod est iuri diuino, & naturali rationi maxime consentaneū. Quâuis enim Reges in temporalibus non agnoscant superiorem temporalem, vel etiam  
nullum

nullum agnoscant directè nisi Deum: tamen agnoscere debent superiorem spirituales, cuius potestas ad temporalia se extendit, quatenus ea spiritualibus subordinantur, vt supra non semel dictum est.

Ad extremum sic loquitur Barclaius. *§ Ne quaeremus, tenendum est, Apostolicæ potestatis plenitudinem eam tantum potestatem complecti, quam Dominus Iesus Dei filius, cum in hoc mundo versaretur, vt homo inter homines habere voluit: & eatenus Papam nobis Christum referre, & eius esse Vicarium; non autem potestatem illam, quam vt Dei filius, Deus ipse Patri æqualis ab æterno habuit, & diuinitatis suæ omnipotentia reseruauit, de qua ait, Data est mihi omnis potestas in cælo, & in terra.]*

Respondeo. Non admitto solùm, quod Barclaius hic postulat, plenitudinem Apostolicæ potestatis, non esse parem omnipotentia diuinitatis Christi: sed addo etiam, non esse omninò æqualem illi potestati, quam in terris habere voluit, & habuit Christus, vt homo. Christus enim etiam dum mortalis cum mortalibus versaretur, habuit potestatem, quam Theologi vocant *excellentiæ*, per quam sacramenta instituere poterat, & sine sacramentis peccata remittere, & alia id genus, ad quæ plenitudo potestatis Pontificiæ non pertingit. Itaque non sum de numero eorum de quibus ais, Io. de Turrecremata scripsisse, in Can. *Coniunctiones* 35. q. 2. *Mirum est, quod summi Pontifices loquantur moderatè de potestate eis data, & quidam Doctorculi sine aliquo vero fundamento volūt adulando eos quasi æquiparare Deo.* Nihilominus tamen securus affirmo, potuisse Dominum nostrum Iesum Christum tem-

pore



pore mortalitatis suæ, disponere de temporalibus omnibus, & Reges, ac Principes Regnis dominijſq; priuare; & hanc potestatem Vicario suo sine dubio concessisse, vt ea vtatur, quando necessarium iudicauerit ad animarum salutem, quæ illi præcipuè curæ esse debet.

## DIGRESSIO CIRCA SENTENTIAM

*cap. Inter corporalia, de translatione  
Episcopi.*

## CAPVT XXVIII.

**I**N capite vicesimo octauo inuehitur Barclaius in Canonistas, quos dicit potestatem omnem diuinam, & humanam Pontifici attribuere, ex ignoratione veræ sententiæ verborum Innocentij III. Pontificis, quæ habentur *cap. inter corporalia, & de translatione Episcopi*. Ibi enim Innocentius dicit, fortius esse vinculum coniugij spiritualis, quod est inter Episcopum, & Ecclesiam, quam sit vinculum coniugij carnalis inter virum, & mulierem. Et quoniam vinculum cōiugij carnalis homo soluere non potest, iuxta illud Matth. 19. *Quos Deus coniunxit homo non separet*: vinculum autem coniugij spiritualis non rarò Papa dissoluit: videtur sequi, vt, aut falsum scripserit Innocentius, aut Papā Deo æquare voluerit.

Sed quoniam nec disputo ad institutum nostrum non pertinet, & Barclaius, ideo solū hanc digressionem libro suo in seruit, vt occasionem haberet Canonistas carpendi: nam & in hoc capite audacter scribit, nihil esse meris Canonistis imperitius; & in capite sequenti non veretur dicere, Innocen-

Q

tium

tium quartum, & Ioannem Andream Canonistarū facile Principes ineptissimè hunc locum Innocentij III. explicauisse: propterea non ero in hoc capite confutando prolixior. Nam neque Canonistæ, inter quos multi viri doctissimi inueniuntur, defensione mea indigent; neq; ego scientiam Canonistæ ita calleo, vt audeam me patronum Canonistarum profiteri. Illud vnum annotare placuit, Barclaium calumniatorem videri, dum dicit Canonistas summo Pontifici diuinam auctoritatem ex verbis Innocentij perperā intellectis, tribuere. Id enim tantum abest à vero, vt contra potius nonnulli eorum propter istum canonem Pontifici detrahere, aut illum corrigere, non vereantur. Glossa certè, vbi Innocentius dicit, fortius esse vinculum spirituale, corrigit, dicens, *dignius, non fortius*: & Ostiensis in Summa, de Elect. num. 21. vt ipse hoc loco Barclaius refert, *Illa, inquit, ratio nō est sufficiens, salua auctoritate, & reuerentia reddentis*. Denique neque Innocentius III. neque Io. Andreas, neque Abbas Panormitanus, neque Ancharanus, neq; vllus alius ex ijs quos videre potui, ex verbis Innocentij III. diuinam potestatem summo Pontifici tribuunt, vt Barclaius calumniatur.

**DE VERO SENSU CAP. INTER corporalia, de translatione Episcopi.**

**CAPVT XXIX.**

**I**N capite vicesimo nono Barclaius reiectis aliorum explicationibus, profert sententiam suam

suam de vero sensu cap. *Inter corporalia*, de translatione Episcopi: & in summa dicit, verba huius capituli pugnare cum mente legislatoris: ut aliud Pontifex senserit, aliud scripserit. Hoc autem, quid aliud est, nisi Pontificem facere vel ignorantem, qui nescierit mentem suam explicare, vel malignum, qui voluerit mentiendo Lectores decipere? At fuit Innocentius omnium consensu Pontifex optimus, & sapientissimus, ut procul ab eo abfuerit tum ignorantia, tum malignitas. Dicam igitur quid mihi videatur Pontifex in hoc obscuro capitulo docere voluisse; & nisi fallor, ostendam, verba capituli non tantum in se esse verissima, sed etiam ad mentem Pontificis explicandam aptissima. Fortius esse dicit Pontifex vinculum coniugij spiritualis, quam carnalis. id esse verum probatur hac ratione, quoniam vinculum coniugij spiritualis non potest in totum solui, ne per mortem quidem. semper enim manet impressus character Episcopalis, qui nulla vi deleri potest: vinculum autem coniugij carnalis per mortem ita soluitur, ut si maritus defunctus ad vitam rediret, non posset uxorem repetere, quam viuens duxerat. Doctrina est Apostoli ad Roman. 7. Deinde vinculum coniugij spiritualis à solo Pontifice Maximo solui potest, non quidem omnino, ut diximus, sed in ordine ad Ecclesiam particularem cui iunctus erat. Solus enim Christi Vicarius Episcopos transferendo, vel deponendo, vel facultatem renunciandi tribuendo, soluit à vinculo, quo Ecclesie suae tenebantur obstricti: vinculum autem coniugij carnalis non solus Papa, sed ipsi etiam contrahentes aliquando licite, libere-

que dissolunt . Siquidem matrimonium ratum, non consummatum potest aliter coniugum iure soluere, si ordinem religiosum profiteri velit ex Concil. Trid. sess. 24. can. 7. neque in hac re ullam à Summo Pontifice facultatem petere debet . Item matrimonium inter fideles contractum, & cōsummatum, quod vtrique verum matrimonium est, potest dissolvere alter coniugum, si ad fidem Christianam conuertatur altero coniuge in infidelitate remanente, ex Apostolo 1. Cor. 7. Item in testamento veteri, matrimonia etiam consummata passim ipsi coniuges per libellum repudij dissoluebant, neque Pontificis auctoritatem expectabant, ex Deuteron. cap. 24. Denique matrimonia rata, & consummata fidelium solui possunt quoad thorum, & cohabitationem certis de causis ab Episcopis particularibus: matrimonium spirituale, ne quoad cohabitationem quidem ab alio, quam à summo Pontifice solui potest. Ex his igitur manifestè colligitur vinculum spiritualis coniugij, quod à solo Pontifice solui potest, firmitus ac fortius esse, quam vinculum coniugij carnalis, quod ab ipsis coniugibus, vel ab inferioribus Sacerdotibus soluitur . Atque huc respexisse videtur Innocentius Pontifex, cuius propositum in eo capitulo erat docere, translationes Episcoporum sine Pontificis Maximi consensu fieri non posse.

*RESPONDETUR AD OBJECTIONES  
contra primam partem rationis quin-  
tae pro potestate Summi Pontificis  
in temporalibus.*

## CAPVT XXX.

**I**N capite tricesimo Barclaius post longas digres-  
siones reuertitur ad primam partem rationis  
quintae Bellarmini, quam in capite vicesimo-  
quinto sibi refutandam susceperat. Ait igitur.

§ Admittimus quidem eius propositionem, Pastori  
scilicet necessariam esse potestatem circa lupos, ut  
eos arceat omniratione qua potest. Admittimus &  
assumptionem, lupos videlicet, qui Ecclesiam Dei va-  
stent, esse haereticos. Ex quibus concludit hoc modo,  
Ergo si Princeps aliquis ex oue, aut ariete fiat lupo,  
id est, ex Christiano fiat haereticus, poterit Pastor Ec-  
clesiae eum arcere per excommunicationem, & simul  
iubere populo ne eum sequatur, ac proinde priuare eum  
dominio in subditos. Vitiosa collectio, cuius loco in bo-  
na dialectica reponendum est. Ergo si Princeps aliquis  
ex oue, aut ariete fiat lupo, poterit Princeps Ecclesiae  
eum arcere omniratione qua potest.]

Respondeo. Nullum hic est vitium, sed compen-  
dio dictum est, quod longiori circuitu dici potuis-  
set: nam ratio, qua potest, & solet Pastor Ecclesiae  
haereticos, quasi lupos ab ouili suo arcere illa est,  
ut per sententiam excommunicationis eos remoueat à  
commercio Catholicorum, & per absolutionem à  
vinculo subiectionis efficiat, ne populus Catholi-

cus Principem hæreticum deinceps sequatur. Neque propositum mihi fuit in libris scribendis, syllogismos propriè formare secundum figuras & modos, vt in scholis faciunt, qui de proposita quaestione, exercendi ingenij gratia disputant: sed vim rationum explicare, atque ostendere, vt alij faciūt, qui libros Theologicos scribunt.

At, inquit Barclaius, *§ Potest quidem Pastor Ecclesiæ iure suo excommunicare Regem hæreticum: sed absolvere populum à iuramento fidelitatis, aut iubere ne populus Catholicus Regem hæreticum in rebus politicis sequatur, iure non potest, cum hoc iuri diuino, & naturali repugnet.*]

Ac ne illi fortassè obijciamus, quod non seruauerit formam argumentandi, format hunc syllogismum.

*§ Summus Pontifex nihil precipere, vel dispensare potest cōtra ius naturale, & diuinum: At qui subiectio, et obedientia Principibus, & superioribus debita, est de iure naturali, & diuino: Ergo Sūmus Pōtifex nihil cōtra eam precipere, vel dispensare potest: & per consequens non potest precipere subditis, ne Principi suo tēporali obediāt in eo, in quo Princeps est, & superior: & si de facto praeceperit, licebit subditis, tanquam extra territorium ius dicenti, impune non parere. Vtrunque propositum est certo certius, ex quibus conclusio necessaria consecutione inducitur: Qui huius argumēti vim eneruauerit, is magnam mecum gratiā inibit. Ego mehercle, vt ingenij mei tenuitatem ingenuè fatear, non satis perspicio, qua possit solida ratione elidi.*

Respondeo. Hæc sunt omnia refutata in capite vicesimo sexto, neq; aliquid noui Barclaius attulit hoc loco, sed alijs, & alijs verbis more suo eadem repe-

repetiuit. Sed ne queratur nihil nos ad insolubilem eius demonstrationem in forma respōdisse, distinguo assumptionem: nam cū assumit, *Atqui subiectio, & obedientia Principibus, & superioribus, debita est de iure naturali, & diuino*; si intelligat de Principibus, & superioribus, pro tēpore quo Principes, & superiores legitimi sunt; verum assumit, sed nihil inde concludere potest: nam Principes hæretici post sententiam Summi Pontificis declarantis illos excommunicatos, & depositos, non sūt amplius legitimi Principes, vel superiores: sin aut intelligat de Principibus, & superiorib<sup>9</sup>, pro quocumq; tempore, etiam post abrogatum illis imperium falsum assumit, neq; de hac re vllum esse dubium potest. Nam iure diuino tenentur subditi non solum obedire Regi tamquam præcellenti, sed etiam Ducibus, tamquam ab eo missis, vt scribit S. Petrus in priore epist. cap. 2. & tamen posteaquam Rex abrogauit Duci potestatem, non tenentur amplius illi obedire, quemadmodum neque ipsi Regi obedire tenentur, quando iure à Regni folio deiectus est. Quare Barclaius si aliquid solidi adferre voluisset, debuisset probare, Principes terræ cū semel Principatum adepti sunt, iure diuino in Principatu ita stabilitos esse, vt nulla vi, nulloque iure deijci possint à Principatu. hoc autem in quo totius vertitur cardo quæstionis, nunquam probare potuit.

Sed dicet, *esto Principes deponi possint, non tamen deponi possunt, nisi à superiore.*

Respondeo, Papam omninò superiorem esse cū sit Vicarius Iesu Christi, non puri hominis, sed Dei & hominis, ac per hoc sit vice Christi Pastor,

& Pater, & Rector, & Caput omnium Christianorum, etiam Principum, Regum, & Imperatorum ut sæpè dictum est, & ex ipsis diuinis literis manifestè deducitur.

*At, inquit Barclaius, Papa quidem superior est, sed non in eadem specie superioritatis: superior enim est Regibus, & Principibus in rebus diuinis, & spiritualibus: in temporalibus autem fatentur ipsi Pontifices, se Regibus superiores non esse, ut notum est ex cap. Per Venerabilem, Qui filij sint legitimi, Vbi Pontifex dicit, Regem non habere superiorem in temporalibus.]*

Respondeo. Iā hæc omnia supra esse tractata, & discussa: ostendimus enim, Pontificem superiorem esse Regibus etiam in tēporalibus, quando propter spiritualia necesse est diponere de tēporalibus, quæ spiritualibus subordinata esse debent: idq; ostēdimus ex cōmuni sententia Doctorū, allatis testimonijs supra septuaginta; itē ex cōcilijs Ecclesię generalibus non paucis, denique ex ratione diuinis literis fundata; aduersus quæ nihil attulit Barclaius, nisi clamores tragicos, & verba turgida, sed inania. Quod autem Innocentius scribit, Reges non habere superiorem in temporalibus, verissimum est in eo sensu, in quo id Innocentius dicit, quod videlicet sint Reges, supremi Principes temporales, neque habeant super se alios Reges, vel Imperatores, excepto Deo, qui est *Rex Regum, & Dominus Dominantium*: sed hoc nō prohibet, quo minus habeant Reges superiorem spiritualemente tanta præditum potestate, ut possit temporalia dirigere ad spiritualia, cū ordinis ratio postulet, ut potestas temporalis subiecta sit spirituali, quando in v. num



num conueniunt, & vnā Ecclesiam faciunt, quomodo corpus in homine subiicitur spiritui, & ab eo regitur, &, vbi opus est, corrigitur & castigatur.

Subiungit postea Barclaius longissimam apostrophem populorum ad Pontificem, in qua quod ipse millies repetiuit, iterum repetendo tribuit populis; quæ imperitos, & leues; permouere forsità possint: sed homines cordati, & prudentes facillè intelligent, hæc esse refugia miserorum, qui quod viribus obtinere non valent, ea gemitibus, & importunitate extorquere conantur. Veruntamen, ne lector existimet, nos laborem respondendi subterfugere velle, aut quæ Barclaius in persona populi dicit, maiora esse, quàm re vera sint, institutā responsionem per modum dialogi, & populum verbis Barclaij loquentem, & Pontificem verbis meis respondentem inducam.

**DILOGISMVS INTER POPV-**  
*lum nimis addictum Regi terreno, &*  
*Pontificem Populo salubriter*  
*consulentem.*

CAPVT XXXI.

**P**OP. Pater sancte, nequaquam es Rege nostro in temporalibus superior: eoq̃, non potes obsequiū temporale, quod illi præstamus, impedire.

PONT. Quando salus tua æterna in periculum adducitur propter obsequium temporale, quod Regi præstas; tunc omninò superior sum Rege tuo

etiam in temporalibus: nam & illum, & te ad vitā æternam dirigere debeo; & omnia impedimenta de medio tollere, quæ hoc iter impediunt.

POP. *Cur nos facere prohibes, quod Deus nos facere imperat?*

PONT. Absit; non hoc prohibeo, sed contra potius impero, ne facias, quod Deus te facere prohibet. Ego Pastor sum à Christo, qui Dominus gregis est constitutus. Vos populi, ouiculæ estis, Reges vestri arietes sunt. Itaque dum Reges vestri arietes esse perseverant, sino vt vos regant, & ducant: sed si verantur in lupos; æquumne erit, vt patiar duci oues Domini mei à lupis? Itaque iure veto, ne illos sequamini: nam & hoc Dominus vetat, quoniam cùm nimis grandi periculo ouiculæ reguntur à lupis.

POP. *An quia tuum est, voluntatem Dei in lege diuina, & scripturis comprehensam interpretari?*

PONT. Tu dixisti.

POP. *At non est tamen illa interpretatio adhibēda, qua legem penitus euacuet, & mandatum omninò destruat, ac dissoluat.*

PONT. Quam legem Dei interpretando destruximus, aut dissoluimus vnquam, vel prædecessores mei, vel ego?

POP. *Si quid dubij, aut obscuri est in lege diuina, ad sedem Petri, id est, ad sedem quam tu nunc tenes, interpretationis veritatem accepturi confugimus: quod autem per se clarum est, & perspicuum, id nulla interpretationis luce indiget.*

PONT. Quid tum?

POP. *Cùm Dominus, & Saluator noster iubeat, nos reddere Cæsari, quæ sunt Cæsaris, & quæ sunt Dei Deo:*

*Deo: & deinde per Apostolum Principibus, & potestatibus subditos esse, & dicto obedire: tuum est nobis declarare, quæ sunt Cæsaris, id est, quæ à nobis Regno nostro debentur, & quæ sunt Dei, ut sua utrique reddamus: & in ea distinctione vocem tuam libenter audiemus. At cum dicis, nolite quidquam Cæsari, siue Principi vestro reddere, contradicis Christo, ac proinde vocem tuam non audimus.*

PONT. Quando Dominus dixit, *Reddite quæ sunt Cæsaris, Cæsari*, iussit censum dari ei, qui tunc imperabat, neque Iudæos ad idololatriam coge-  
bat, neque adhuc erat ab vlla legitima potestate depositus: quod idem iussit multò antea per Hieremiam Prophetam Deus fieri erga Nabuchodonosor Regem Babylonis propter eandem causam. sed cum tempore Machabæorum Antiochus Rex populum auertebat à fide, & Religione diuina, non iussit Deus, ut eum pro Rege habere pergerent, sed inspirauit Matathiæ, & filijs eius, viris fortissimis, & religiosissimis, ut exercitu congregato bellum cum Antiocho tamquam cum hoste gererent, & populum in libertatem vindicarent. Sic igitur & tu popule Christiane Regi legitimo, & qui à lege Dei, & Catholica Religione te non auerti, quique propterea à me Christi Vicario amatur, ut filius: reddes obedientiam debitam, in ijs quæ contra legem Dei, & fidem Catholicam nõ iubebit. Regem autem, qui te siue minis, siue blanditijs, siue alio modo à via, quæ ducit ad vitam, reuocare conatur, & per sententiam meam à coetu piorum eiectus, & Regno priuatus est, pro Rege nõ habebis; sed obedientiam ciuilem Regi debitam alteri exhibebis, qui in eius locum legitimè successerit.

Porro

Porro Deo, quæ Dei sunt reddes, quando fide, spe, & charitate Deum coles, neque ullius hominis timore, vel amore à Dei timore, vel amore separari te sines. Itaque nunquam ex me audies, nolite quidquam Cæsari, aut Principi vestro reddere; sed hoc audies, nolite seduci, ut etiam pro Cæsare, aut Principe vestro habeatis, qui re vera Cæsar & Princeps esse desijt.

POP. Fatemur quidem, & profitemur sanctitatis tuæ expositioni atque interpretationi in legis diuinæ obseruatione locum esse: sed eam non admitti asserimus, quæ facit ut ius naturale, & diuinum sit ludibrio, & penitus contemnatur, veluti ne à re, qua de agitur, aberremus: iubemur Principibus, & potestatibus obedire: tuas in huius mandati obseruatione explicationes, & restrictiones, quæ modo mandatum ipsum non extinguunt, tamquam filij obedientes libenter amplectimur: veluti cum nullam inde obligationem parendi Regibus oriri dicas, nisi in ijs, quæ ad temporalem ipsorum iurisdictionem pertinent: spiritualia omnia Vicario Christi, atque Ecclesiæ reseruanda esse. Item cum admones non esse Regi obediendum in eo, quod contra ius diuinum, vel naturale imperat, aut quod alioqui bonis moribus aduersatur. At quando simpliciter, & absolutè præcipis, ne Principi nostro legitimo, eiusve monitis, mandatis, & legibus vlllo modo obediamus: præcepto tuo parere non possumus, quia hoc non est mandata Dei interpretari, quod sanctitati tuæ conceditur: sed penitus antiquare, & abrogare, quod nullo modo potes.

PONT. In multiloquio non deerit peccatum: videris enim ex Barclaij alicuius schola prodijisse, dū tot verba sine ratione multiplicas: grauius au-

tem peccas dum doctorem tuum docere, & legislatori legē dare præsumis: sed grauissimè delinquis, & erras, dum Christi Vicario imponis, quod faciat ius naturale, & diuinum ludibrio haberi, quodque mandatum Dei de obedientia Principibus debita antiquare & abrogare velit. nusquam enim ego, aut prædecessores mei simpliciter, & absolutè ( vt tu loqueris) præcepimus, ne Principi legitimo, eiusue monitis, mandatis, & legibus vlllo modo obediat. Ista calumniæ, & imposturæ sunt Doctoris tui Barclaij: quod enim dicimus, & docemus hoc est, vt Principi ab Ecclesia, publica auctoritate excommunicato, & deposito, qui proinde legitimus Princeps esse desijt, nulla deinceps obedientia debeatur. Id verò cum nullo diuino mandato pugnat: diuinum enim mandatum non hoc habet, vt ei, qui Princeps legitimus esse desijt, obedientia deferatur. Tu verò diligenter attende, & expende vtrum maiorem fidem habere debeas Patri tuo, Christi Vicario, & Matri tuæ, Ecclesiæ; an vni falso fratri, qui te seducit, ac facit, vt contra mandatum Dei, Patri, & Matri non obedias, dum obedientiæ Regiæ zelum sine scientia vis habere.

POP. *Christus cum clauēs Regni cælestis Petro tradidit, non dedit ei potestatem faciendi de peccato non peccatum.*

PONT. Nescis quid loquaris: siquidem in bono sensu dedit Christus Petro potestatem faciendi de peccato non peccatum, & de non peccato peccatū. peccatum est inire matrimonium in gradu prohibito, non ieiunare in quadragesimā, die festo laborare seruiliter: & tamen hæc omnia, & alia id genus plurima, dispensante Petro auctoritate clauū sibi

sibi datarum peccata esse desinunt. contra verò potest Petrus addere nouum gradum consanguinitatis, & affinitatis, addere nouum diem ieiunij, addere nouum diem festum, & hinc fient peccata, si quis in gradu illo addito coniugium contrahat, aut diebus additis non ieiunet, aut ab opere seruili non se abstineat, quæ tamen antea peccata non fuissent. Sic igitur peccatum fuisset Regi tali, vel tali non obedire; & tamen si per clauces Petri ille talis Rex, hæreticus declaretur, excommunicetur, & deponatur, iam non erit peccatum illi non obedire. Verum est tamen clauces Petri ad id non se extendere, vt possit summus Pontifex declarare, non esse peccatum, quod est peccatum, aut esse peccatum, quod peccatum non est: id enim esset dicere malum bonum, & bonum malum: quod longissimè abest, & semper abfuit, & aberit à doctrina illius, qui Ecclesiæ præest, quæ est columna, & firmamentum veritatis.

POP. Nos igitur communem Canonistarum doctrinam in hac parte sequemur, qui tradunt, mandato Papa non esse parendum, si vel iniustum sit, vel ex eo multa mala seu scandala verisimiliter est futurum, aut turbatio status Ecclesiæ & Reip. Christianæ oritura: & ideo si Papa mandaret Religiosis aliquid, quod esset contra substantiam ordinis, id est, quod repugnaret regulæ ab ijs professæ, vt interpretatur Felinus, in cap. Accepimus, de sid. instrum. & cap. Si quando, de rescrip. non tenentur ei obedire; vt idem Innoc. docet in cap. Ne Dei, de Simonia, quem refert, & sequitur Martinus de Cora-zijs, in tract. de Principibus q. 408. & Felinus dicto c. Si quando, & dicto cap. Accepimus: quanto igitur minus debent Regum subditi Pontificem, eos ab obediencia

*ria iure diuino, & naturali Regi suo debita, & artificissimo iurisiurandi fœdere sancita, retrahere conantem audire?*

PONT. Quæ sit communis sententia non solum Canonistarum, sed etiam Theologorum, & iuris ciuilis peritorum, imò & ipsorum sacrorum Conciliorum, discere poteris ex prolegomenis huius libri, vbi communi consensu affirmatur, iure posse à summo Pontifice iustis de causis Regem excommunicari, & deponi, & subditos ab omni obedientia, & fidelitatis vinculo liberari. Nō est autem credibile, Canonistas omnes secum ipsos pugnare. Cū ergo dicunt aliqui Canonistarum non esse obediendum Pontifici, quando mandatum ipsius iniustum est, aut scandalorum, & perturbationis causa; primum: non loquuntur de Pontifice ex Cathedra docente Ecclesiam vniuersam: deinde non loquuntur absolutè, sed conditionaliter. i. si id fieret, si fortè contingeret, vt Pontifex alicui particulari homini mandaret aliquid contra legem Dei: tunc enim nota est S. Petri doctrina, Act. 5. *Obediendum est Deo magis quam hominibus.* Sed quando Pontifices prædecessores mei, vt Greg. VII. Innocentius IV. & alij Principes magnos excommunicare ac deponere, & subditos eorum ab obedientia liberare voluerunt: id fecerunt ex Cathedra, in Concilio, publica cerimonia, ex auctoritate Dei, & SS. Apost. Petri, & Pauli sibi diuinitus communicata: proinde, qui dicit, non esse obediendum Vicario Christi, ita præcipienti, is vniuersam condemnat Ecclesiam, & non tam Canonista, quàm Canonum deprauator dici debet. & quamquam nō existimamus vllū bonum Canonistam in hunc errorem incidisse: tamen

tamen si quis esset, securè posset fidelis Christianus & prudens vni, vel alteri Canonistæ conditores Canonum anteponeere. quod autem dicis, iure diuino, & naturali deberi obedientiam Regibus; verū est de Regibus legitimis, & nondum per sententiā Iudicis depositis: & quoniam ab horum, non ab illorum obedientia te retrahimus; propterea vel falsum nobis imponis, vel frustra de nobis quereris.

**P O P.** *Si ob eam causam nos iubes Regis nostri iugum abijcere, quod per obedientiam illi exhibitam, spirituale bonum impediatur: respondemus, id quicquid est mali, ex quodam accedente euenire, siue per accidens fieri: malum enim ex bono, aut bonum ex malo per se oriri non potest: accidens autem illud dolenter ferimus, sed impedire non possumus. Nos officiū Regi debitum Dei iussu persoluimus, & secundum patientiam boni operis gloriam, honorem, & incorruptionem querimus. Ille si debito sibi obsequio, & tanto Dei beneficio abutatur, Deum supra se Iudicem, & vindicem acerrimum sentiet: nobis non licet officium deserere, & Dei mandatum praterire: vt bonum inde, quantumuis magnum consequatur, ne eam, quam Apostolus nunciat, damnationem nobis ipsis acquiramus.*

**P O N T.** Videtur tibi satis aptè conuenire, quod Spiritus sanctus per os David Prophetæ, & Regis, ait, *Noluit intelligere vt benè ageret*: siquidem detrimentum spirituale, id est, periculum subuersionis animarum, quod est annexum obedientiæ ad Regem hæreticum, præsertim quando is Rex fidem Catholicam molitur euertere, sufficiens causa est Vicario Christi, qui super totam Christi familiam constitutus est, vt Regem illum excômmunicationis senten-



sententia feriat, & dominio illo priuet, quod super fideles habebat. Vbi verò Rex, alioqui legitimus; ob detrimentum spirituale Regno priuatus est, per sententiam eius, qui Ecclesiam vniuersam regit, nō solum non tenetur populus illi parere, sed tenetur non parere; ac per hoc cū illi iure deposito obedientiam præbet, non per accidens, sed per se causa est mali, & inobedientiæ peccatum incurrit, vt inobedientiæ peccatum euitet. Neque officium Regi debitum Dei iussu persoluit; sed officium Regi indebitum Deo prohibente persoluit. qui verò Regi, vt dictum est, iure deposito obedientiam denegat, non facit malum, vt bonum inde sequatur: sed facit bonum, vt malum grauissimum euitetur: neque damnationem sibi ipse acquirit, sed à damnatione, quam alioqui incurreret liberatur. Quod si hæc non intelligis popule stulte, & insipiens; cur non audis me Pastorem tuum? cur iudicio tuo fidis? cur seduceris ab alieno? Oues certè Pastorem proprium sequuntur, quia sciunt vocem eius: alienum autem non sequuntur, sed fugiunt ab eo, quia non nouerunt vocem alienorum, inquit Veritas, Ioan. 10.

POP. *Qui iubet nos Regibus obedire, & reddere Casari quæ sunt Caesaris, nullam bonos inter & malos Principes distinctionem facit, ac per hoc nec nos distinguere debemus.*

PONT. Addo etiam cum Apostolo Petro, obediendum esse non tantū bonis, & modestis, sed etiam dyscolis. 1. Petr. 2. Itaque non distinguimus inter bonos & malos, dum superiores sunt: sed quæstio nostra est, An sit obediendum Regi per sententiam reiecto, ac deposito; huic enim obedientiam exhiberi

Christus non iubet, & Vicarius Christi prohibet, vel potius Vicarium suum Christus ipse prohibet: proinde qui obedientiam illi exhibet, Christo non obsequitur, & Vicarium Christi lædit.

POP. Si, vt docet B. Augustinus, is qui continentia Deo vouerit, nullo modo debet ista compensatione peccare, vt ideò credat vxorem sibi esse ducendam, quia promisit quæ nuptias eius appetit, futuram se esse Christianam: atque ita acquirat Christo animam in morte infidelitatis posita femina, quæ parata est, si huic nupserit, fieri Christiana: qua nos apud Deum excusatione vtemur, si vt speratum aliquod bonum eueniat, iurisiurandi religionem, & fidem violemus Deo, Regi, nostro datam? nihil enim anima preciosius, pro qua Dominus, & Saluator mori dignatus est: si ergo vt eam Christo lucremur, peccare non liceret, eccuius re causa peccandum?

PONT. Non sunt facienda mala, vt veniant bona. hæc doctrina Apostolica est, ac per hoc & nostra: hinc non licet votum castitatis violare, vt animas Christo lucremur: neque licet contra iurisiurandi religionem aliquid facere, vt Mundum vniuersum saluum faciamus: sed non ideò non licet mihi, cui Christus dixit in persona S. Petri, *Quodcumque solueris super terram, erit solutum & in cælis*, & in votis dispensare, & à iuramenti vinculo soluere, qui autem Apostolica auctoritate, vel voto, vel iuramento solutus est, iam non peccat contra votum, vel iuramentum, si ea faciat, quæ antea ligatus voto, vel iuramento facere non poterat: quæadmodum enim inter homines, qui debet alteri pecunias, peccat, si non restituat: sed si creditor soluerit debitorem obligatione reddendi, iam non pec-

peccabit etiam si nunquam restituat: sic etiam dum votum, aut iuramentum viget, & ligat; peccat qui illa non seruat; sed si Vicarius Dei, accepta à Deo auctoritate, & ipsius Dei nomine relaxat obligationem voti, vel iuramenti, iam non peccat qui ea non seruat. Stulta igitur est illa interrogatio tua, *eccuius gratia peccandum?* quasi hoc à populo Sacerdos discere opus habeat.

POP. *Quod autem præterea dicis, te nos ab huius officij vinculo absolvere, atque absolutos declarare: id non omnem conscientijs nostris scrupulum adimit; sed animo pendere, ac dubitare magis de tua potestate facit: quòd sciamus præceptum, cuius tu nobis gratiam te facturum promittis, Dei & naturalis lege esse sancitum: sanctitatem verò tuam non posse, ne quidem de plenitudine potestatis, legis naturalis, & diuine gratiam cuiquam facere.*

PONT. Iam indocilem omninò te præbes, cū ad eadē semper reuolueris. Non ego tibi gratiā facio præcepti naturalis, vel diuini, cū ab obedientiæ vinculo te absoluo. non enim perni- i to vt Regi non pareas, quod esset contra ius diuinum; sed facio, vt ille qui tibi Rex erat, non sit tibi deinceps Rex: quemadmodum, qui donat seruum libertate, non concedit, vt seruus non teneatur obedire Domino, quod esset etiam contra ius diuinum: sed facit vt Dominum non habeat, cui obediat, & qui filium emancipando eximit à potestate patria, non docet liberum esse filijs, parentibus non obedire, sed facit vt ille, qui filius erat, iam non censeatur filius. Et qui votū, aut iuramentū relaxat, non dat facultatem violandi vota, vel iuramenta, sed facit, vt non habeat votum, vel iuramentum.

**P O P.** *Tibi igitur in spiritualibus, Regi in temporalibus obsequemur: utrumque Deus iubet, utrumque præstabimus.*

**P O N T.** Si (vt paulò ante dicebas) pendebas animi, & dubitabas; cur in re dubia te ipse Iudicem constituisti; & tam audacter conclusisti? Deus certè in Deuter. cap. 17. in rebus dubijs, & obscuris remittit homines ad Sacerdotem, nec vult vt vnusquisque sit iudex. Et tu ipse paulò ante dixisti, in rebus dubijs ad Sedem Petri esse confugiendum; cur igitur in dubitatione tam graui, ad locum què elegit Dominus, id est, ad Sedem Petri non confugisti? Ac vt intelligas te tua conclusione nihil effecisse: attende primùm, Deum quidè iubere, vt Pontifici obedias in spiritualibus, sed non iubere vt in spiritualibus tantùm; imò iubere, vt consequenter etiam obedias in temporalibus; sed Regi qui legitime regnat, non Regi, qui ob hæresim, vel alia iusta de causa Regno priuatus est: nam & ipsi Pontifici obedire non deberes in spiritualibus, si fortè (quod fieri non posse piè credimus) in hæresim lapsus ab Ecclesia Pontificatu priuatus esse denunciaretur. Attende postremò, dubitationem de potestate Papæ, an ad temporalia se extendat non esse dubitationem de re temporali, sed de re spirituali, & supernaturali, quæque non ab arbitrio, vel iudicio hominum; sed ab intelligentia Scripturarum, & interpretatione voluntatis diuinæ dependet. quare non tuo iudicio, sed Ecclesiæ in tam graui dubitatione stare debuisti. Ecclesiæ verò, & per caput suū Christi Vicarium, & per Concilia, id est, per principalia membra sua, & per Doctores Theologos, & Canonistas, id est, per linguas suas, non obscure docuit,

docuit, Potestati spirituali subiectam esse potestatem temporalem, vt corpus animę, & ideò potestatem temporalem etiam Regiam, à potestate spirituali, quę plenissimè reperitur in Papa, dirigi, & corrigi, iudicari, & mutari posse, cùm deuiat.

POP. *Minas denique, quas mandato inferis miramur quidem, & ex parte metuimus: sed non ita sumus meticulosi tamen, vt plus eas, quàm oportet timeamus; aut ijs ita terreamur, vt metu iniusta excommunicationis, iustum, ac iure debitum obsequium Regi nostro denegemus. Licet enim vulgo iactetur, omni excommunicationem esse timendam: scire tamen oportet iniustam excommunicationem, nō ledere eum in quem fertur, sed eum potius à quo fertur: si ideò nos anathematis mucrone ferias, quia nolumus mandatū Dei, te iubente, pratergredi, & malum facere: maledictio vertetur in benedictionem, vt quamuis ligati exterius videamur, interius soluti, atque innocentes maneamus.*

PONT. Hoc nimirum est quod Sapiens dicit, *Impius cū in profundum venerit, contemnit.* In hac te foueam præcipitem egit superbia, quia te ipse Iudicem rerum diuinarum, & cœlestium constituisti: & in huius foueę profundum demersus iudicium non solum Vicarij Christi, sed ipsius etiam Christi contemnis. Nam etiam si timere te dicas minas censurarum Ecclesię; tamen cū audacter pronuncias, eis te non paritutum, non solum timorem excludis, sed addis manifestè contemptum: qui enim verè timet, saltem ex timore mandatum obseruat. Quod autem dicis, iniustam sententiam non ledere eum, in quem fertur: verum est quando is, in quem fertur, eam humiliter tolerat, & ob-

seruat, donec iniustitia, vel potius nullitas eius manifestè se prodat. Sed cùm is, in què fertur, eam superbè contemnit, & audacter mandata transgreditur, si non lædit eum excommunicatio iniusta, vel nulla, lædit tamen superbia, & tumor, quo Pastoris mandata contemnit. Sed hæc dicenda essent, si censura, & mandata, de quibus nunc loquitur, aliquam iniustitiæ, vel nullitatis speciem præseferrent. At cùm Vicarius Christi sub excommunicationis poena populis iubet, vt Regi hæretico, vel alias iustè excommunicatio, atque deposito, non obediant: quæ suspicio iniustitiæ suboriri potest? nõ enim vt tu falsò affirmas, Pontifex anathematis mucrone te ferit, quia non vis mandatum Dei, ipso iubente prætergredi, & malum facere: sed contra potius, quia mandatum Dei, Pontifice prohibente, vis transgredi, & malum inobedientiæ facere. Nusquam enim mandauit Deus, vt Regi hæretico, & excommunicato, ac deposito, populus obsequiũ præstet: sed mandauit, vt hæreticos vitet, & ne *Aue* quidem illis dicat, vt Pastori suo obediat, & vocem eius audiat.

Atque hæc sunt, quæ Barclaio in persona populi dicere placuit; ad quæ non sine stomacho respondendi, cùm valdè me pigeat eadem toties replicando tempus, & operam perdere: & tamen hæc puerili apostrophe tandem finita, iactat Barclaius firmissimis demonstrationibus, & ineluctabilibus argumentis rem totam esse conclusam.

## REFVTANTVR FALSA

*quadam pronunciata Barclay,*  
*qua digrediendo effu-*  
*ijt.*

## CAPVT XXXII.

**I**N capite tricesimoprimo Barclaius multa repetit, quæ supra dixerat de maioribus nostris, qui Principes infideles, cùm facilè possent eos opprimere, patienter tolerarunt: item de turbis excitatis in Ecclesia occasione Gregorij VII. & Bonifacij VIII. qui Principes Christianos, vel re ipsa deposuerunt, vel deponere tentarunt. Addit verò reprehensionem Clementis Septimi, & Pauli Tertij in hæc verba.

*§ De postremis duobus Pontificibus ausim affirmare (est enim orbi notissimum) in causa eos fuisse perdenda Religionis in Anglia, quòd istam tam inuidiosam, & late patentem potestatem in Regni illius Principem, & populum sibi assumere, & exercere conati sint.*

Hæc verò falsitas & calumnia tam est manifesta, & notoria, vt mirum sit ab homine, qui se in historijs versatum profitetur, proficisci potuisse. Sed odium in Pontifices, & maledicendi libido, non solùm mentem excæcat, sed etiam memoriā perdit. Quis enim ignorat Clementem Septimum optasse modis omnibus Henrico VIII. Angliæ Regi sibi amicissimo gratificari, modo iustitia, & Religio id paterentur? At Henricum anathemate ferijt; & extat sententia Clementis in Henricū apud Nicolau

*Sanderum lib. i. de Schismate Anglicano.* Verum est, sed coactus fuit, & causa anathematis adeò iusta fuit, vt ne Barclaius quidem eam reprehendere possit, quamuis maximè vellet; nimirum Henricus contra omnia iura, cum maximo totius orbis terrarum scandalo, lite pendente ad tribunal Summi Pontificis, & ipso Summo Pontifice palam prohibente, & censuras Ecclesiæ comminante, Catharinam legitimam coniugem à se abdicauit, & Annam Bolenam sibi multis modis affinem matrimonio iunxit; ita separauit quod Deus coniunxit, & coniunxit quæ Deus separari mandauit. Quæro igitur à Barclao an potuerit Clemens Pontifex, salua pietate, aliud agere quam quod egit? certè peccare non licet vllius boni acquirendi gratia: quomodo autem Pontifex nõ peccasset, si matrimonium Regis cum Catharina iure contractũ diremisset; & matrimoniũ eiusdẽ Regis cum Anna, quæ ipsius Regis soror & filia ex affinitate erat, approbasset? id enim ita se habere, ex confessione ipsius Regis, Nicolaus Sanderus demonstrat. li. i. de schismate Anglicano. Ergo causa perditionis Angliæ, nõ Pontificis iustitia, sed Regis impotens libido fuit. Paulus verò tertius seueriorem quidem sententiã in Henricũ protulit, sed quando iã Rex à Catholica Fide defecerat, seq; per nouã & inauditã hæresim caput Ecclesiæ cõstituerat, & Regnum suum à cõmunionẽ corporis Christi mystici separauerat, Quare non potuit esse causa Paulus Pontifex perditionis Angliæ, quæ iã perierat; neq; aliud propositũ fuit Pontifici, nisi vt gregẽ, & Regẽ perditũ, si quo modo posset, inueneret, atque ad viam veritatis errantem reduceret, & mortuũ in peccatis ad vitã gratiæ reuocaret; vt de



eo dicere posset, *Filius meus mortuus erat, & renixit, perierat, & inuentus est.* Vide apud Sanderum loco citato, defectionem Regis, & Regni anno 1534. & sententiam Pontificis Pauli III. anno 1535. quam etiam sententiam idem Pontifex ob spem aliquam conuersionis Regis ostensam, vt in eodem loco Sanderus notat, executioni mandari noluit.

Subiungit postea falsitatem aliam, non in historia, sed quod grauius est in Fide, & Religione Catholica: § *Reges, inquit, non in eadem causa sunt, sed supra omnes leges humanas, omneq; ius positium, soli Deo administrationem reddituri, & quanto tardius, tanto seuerius puniendi. Aduersus priuatos executio parata est, quam nequeunt nisi ex indulgentia Principis euitare. Aduersus Principes qua potest fieri executio, cum nullis humanarum legum sanctionibus teneantur, nullisque ad pœnam vocentur legibus, tuti imperij potestate? Nam quod in iure expressum est, Principem legibus esse solutum, cum de omnibus legibus, tum maxime de pœnarijs intelligunt, vt ijs Princeps, etiam si delinquat, non coerceatur.]*

Hæc verò Barclaij sententia primùm secum ipsa pugnat: nam si legibus omnibus humanis Reges soluti sunt, certè non delinquant, cum secundum eas non operantur. *Vbi enim non est lex, nec prauaricatio, inquit Apostolus ad Rom. 4.* quomodo ergò Barclaius in vltimis verbis dixit, Principes non puniri, etiam si delinquant? admittit enim eos delinquere, cum leges humanas non seruant, & tamen affirmat eos legibus non teneri: qui autem legibus non tenentur, vtique non delinquant, si eas non seruent. Respondebit fortasse, Principes non teneri

legibus, quantum ad coactionem; teneri autem quantum ad directionem. Quamuis autem videantur verba eius Principes ab omni legum humanarum obligatione liberare; tamen admissa responsione paulò antè allata, iterum quæro, velit ne Barclaius Principes solutos vi coactiua legum humanarum omnium tum ciuiliū tum Ecclesiasticarum, an ciuiliū tantum: nam si dixerit, eos solutos esse vi legum ciuiliū tantum; certè aliter sentit, aliter loquitur. disertis enim vèrbis dicit, Principes esse super omnes leges humanas, omneque ius positium & nullis humanarum legū sanctionibus teneri: leges autem Ecclesiasticas, quæ à summis Pontificibus, concilijsve Episcoporum conduntur, humanas esse, & ad ius positium pertinere dubitari non potest. Sin autem, vt verba sonāt, solutos vult esse Barclai? Principes legibus Ecclesiasticis Pontificum, & Cōciliorum, errat in doctrina fidei manifestè, & repugnat ijs, quæ supra nō semel repetiuit, Principes Christianos omnes subiectos esse spirituali potestati Summi Pontificis, vt omnes baculo pastoris, & posse censuris Ecclesiasticis, & ipsa etiam excommunicatione coerceri. & cap. 32. addit, Posse Principes per summum Pontificem priuari omnibus cōmodis regenerationis in Christo, item tradi Satanæ vsque ad legitimam errati, & contumaciæ satisfactionem. Et quoniam priuari tot commodis, & Satanæ tradi, grauissima pœna est omnium consensu, fateri debet, paratam esse aduersus Principes executionem, & eos quoque ad pœnā legibus vocari: quæ sunt omninò contraria ijs, quæ hoc loco scripsit. sed veniamus ad ea, quæ ad institutum nostrum propriè pertinent.

DEFEN-

DEFENDITVR PARS SECVN-  
da rationis quinta principalis pro po-  
testate summi Pontificis in tem-  
poralibus.

## CAPVT XXXIII.

**I**N capite tricesimo secundo Barclaius ex longa digressionē domum rediens, proponit, ac discutit, & refellere nititur secundam partem rationis mex principalis, quæ hac ratiocinatione continebatur, *Potest Pastor arietes furiosos destruentes ouile separare, & recludere: Princeps autem est aries furiosus destruens ouile, quando est Catholicus fide, sed adeo malus, ut multum obsit Religioni, & Ecclesie, ut si Episcopatus vendat, Ecclesias diripiat, &c. Ergo poterit Pastor Ecclesie eum recludere, vel redigere in ordinem ouium.*

Hanc ratiocinationem Barclaius impugnaturus incipit à censura vocabulorum, ac dicit, *excludere* dicendum erat, non *recludere*: recludere enim aperire est. At ego per recludere, non excludere, sed includere significare volui: solent enim Pastores Arietes furiosos includere in aliquem locum, ut non possint cornibus ouiculas petere, vel pedibus conculcare. *Sed recludere*, inquit ille, *aperire est, non claudere.* Verum est id quidem, cum dicimus, recludere fores, aut domum, aut carcerem; sed cum dicimus, recludere aliquid intra fores, aut hominem in domo, vel carcere recludere; tum recludere, accipitur pro eo quod est claudere, vel includere: & hoc posteriori modo significare volui, Arietem à pastore recludi in loco aliquo angusto, & muni-

& munito, vnde non facilè possit egredi. Ac ne putet Barclaius, me sine auctore esse loquutum, legat Hincmarum in vita S. Remigij, luonem in Epist. 49. Aimoinum, in lib. 4. historiæ cap. 57. & inueniet passim *recludere* ab Auctoribus non malis vsurpâri pro *includere*, quo modo religare, non est solvere, sed iterum, vel arctius ligare. Ac vt os Barclaij penitus obstruamus, audiat sanctum Hieronymum, auctorem primæ classis, in libro aduersus Vigilantium, sic loquentem: *Ais vel in Sinu Abrahae, vel in loco refrigerij, vel subter aram Dei animas Apostolorum, & Martyrum consedissee, nec posse suis tumulis, & vbi voluerint adesse praesentes: Senatoria videlicet dignitatis sunt, & non inter homicidas teterrimo carcere, sed in libera, honestaq; custodia, in Fortunatorum Insulis, & in campis Elysijs recluduntur*: hæc sanctus Hieronymus, cui non audebit, opinor, Barclaius dicere, recludere aperire est, proinde includuntur dicendum erat, non recluduntur. Ac vt ex eodem sancto Hieronymo referamus Barclaio gratiam fraternæ correptionis: meminerit se capite tricesimo iurasse per Herculem, cum ait, *Ego me Hercle*, &c. & audiat sanctum Hieronymum in Epistola ad Damasum, de filio prodigo dicentem, *Absit vt de ore Christiano sonet, me Hercule, & me Castor, & cetera magis portentosa, quam numina*. Sed his omissis, veniamus ad seria.

Admittit Barclaius ratiocinationem meam totam, & omnia, quæ inde per bonam consecutionem deducuntur. Sed negat inde aliud effici posse, nisi vt Pastor, id est Papa, Arietem furiosum, id est Regem deterrimum possit per excommunicationem ab ouili excludere, & priuare spiritualibus beneficijs

ficijs Sacramentorum, & suffragiorum: sed non vltra procedere ad vllam pœnam temporalem, qualis in primis est priuatio temporalis iurisdictionis, aut dominiij.

Sed Barclaius non percepit vim argumenti ex proposita similitudine, quam admisit, vt aptam atque idoneam ad hanc rem explicandam, & probandam. Neque enim Pastor arietem furiosum solùm excludit à grege; sed alligat, & recludit, siue includit in aliquo angulo, vt non possit amplius Dux esse gregis. Et ad huius pastoris similitudinem successor sancti Petri, & Vicarius Christi Principē Christianum destruētem Ecclesiam, alligat vinculis excommunicationis, & quodam modo includit in angulum, dum non finit, vt regat amplius populos Christianos.

Quod autem Barclaius dicit, Posse Principem excommunicari, sed non posse priuari nisi spiritalibus bonis, ac per hoc non posse priuari auctoritate, vel iurisdictione, vel dominio temporali, neque posse subditos eius absolui à fidelitate, & obedientia, quam illi debebant: mirum est, cum sacri Canones, quorum scientiam ipse profitetur, inter excommunicationis effectus ponant, non solùm priuationem Sacramentorum, & suffragiorum; sed etiam commercij ciuilis, ac præcipuè forensis, vt nō possit excommunicatus pro tribunali sedere, & iudicare, neque subditi comparere in iudicio coram excommunicato, vt est communis sententia, ex ca. *Ad probandum*, de sent. & re iudic. & ex cap. *Decernimus*, de sent. excommunic. in 6. Item priuationem vel suspensionem iurisdictionis, & absolutionem subditorum à fidelitate: de qua re apud Gratianum

15. q. 6. Can. penultimo sic legimus, *Nos sanctorum prædecessorum nostrorum statuta tenentes, eos qui excommunicatis fidelitate, aut sacramento constricti sunt, Apostolica auctoritate à iuramento absoluiamus, & ne sibi fidelitatem obseruent, omnibus modis prohibemus, quousque ipsi ad satisfactionem veniant.* & Can. vl. *Iuratos milites Hugoni Comiti, ne ipsi quādiu excommunicatus est, seruiant prohibeto, qui si sacramenta præterderint, moneātur, oportere Deo magis seruire, quàm hominibus.* Denique in casu hæresis priuari etiam dominio docet sanctus Thomas in 2. 2. q. 12. art. 2. his verbis, *Quam citò aliquis per sententiam denunciatur excommunicatus propter apostasiam à fide, ipso facto subditi absoluti sunt à dominio eius, & à fidelitatis iuramento, quo ei tenebantur.* Et quamuis extra casum hæresis ex vi sententiæ excommunicationis non sequatur priuatio dominij temporalis, siue rerum particularium, siue Regnorum, & Principatuum; tamen posse per Summum Pōtificem priuari Reges, aliosq; Principes iustis de causis Regno, vel Principatu, probatum est supra testimonijs, & rationibus multis, neq; ea potuit Baaclaus cauillationibus suis vllō modo conuellere.

At, inquit, bona temporalia, quæ ciuili, & humana potestate possidentur, de manu Principis politici accipiuntur: ergo non possunt auferri per excommunicationem, quæ est sententia Iudicis spiritualis: quemadmodum spiritualia, non possunt tolli per sententiam Iudicis temporalis.

Respondeo. Bona temporalia, quamuis humana, & ciuili potestate possideantur, tamen bonis spiritualibus subordinantur, & potestas ipsa temporalis potestati spirituali subiicitur. Ideo verū quidem

dem est, non posse spiritualia tolli per sententiam Iudicis temporalis, quoniam spiritualia non subordinantur temporalibus, neque potestas spiritualis temporali subiicitur: sed non est verum, non posse temporalia aliqua tolli per excommunicationem, quæ est sententia Iudicis spiritualis. Neque hoc in dubium reuocari potest, cum satis constet commercium ciuile, & actiones forenses, bona esse temporalia, & ciuilia: & tamen istis bonis temporalibus priuari excommunicatos, præsertim post publicam denuntiationem, vel declarationem.

*REFVTATVR ERROR BARCLAI  
de exemptione Clericorum.*

CAPVT XXXIV.

**T**Ransit deinde Barclaius ad exemptionem Clericorum, sumpta occasione ex eo quod dixerat, bona temporalia non posse dari, nec auferri, nisi à Principe temporali, & neminem posse iudiciū Principis in temporalibus declinare. Et quia poterat aliquis obijcere Clericos exemptos esse à potestate Principum, ac per hoc etiam in temporalibus posse eorum iudicium declinare: respondet, Clericos priuilegio Principum exemptos esse, cum alioqui iure communi subditi essent, sicut ceteri. Digreditur igitur in hoc ca. & sequenti ad exemptionem Clericorum, & multa dicit, quæ non solum à veritate, sed etiam à communi scriptorum sententia abhorrent.

Primum dicit, antequam Clerici beneficio Principū eximerentur, iure communi subiectos fuisse iudi-

iudicio Magistratum temporalium. Id probat duplici ratione: primum ex eo, quod Clerici, non solum Clerici sunt, sed etiam ciues Reipublicæ politicæ; & citat librum meum de Clericis cap. 28. Deinde ex eo quod olim sub optimis, & pijs Principibus causæ Clericorum tam ciuiles, quam criminales, exceptis causis Ecclesiasticis, apud politicos, & temporales Iudices agitabantur, & citat caput quintumdecimum huius libri, vbi hoc demonstrasse se putat.

Ad hoc respondeo, Clericos non solo priuilegio Principum, sed etiam decretis Summorum Pontificum, & quod maius est, diuino iure exemptos fuisse, ac per hoc exemptos fuisse, atque tam Principum priuilegio eximerentur. Quod autem Clerici sint ciues, & pars quædam Reip. politicæ, probat, eos teneri ad obseruandas leges ciuiles vi rationis, non vi legis. atque ad hoc probandum ego rationem illam adduxi, qua nunc abutitur Barclaius ad probandum iure communi subiectos fuisse Clericos ciuili magistratui: quod tamen inde non rectè probatur. Quod verò sub pijs Principibus ante Iustiniani tempora causæ ciuiles, & criminales Clericorum apud Magistratus politicos aliquando agitentur: dico, inueniri quidem leges Principum in Codice, tit. *de Episcopis, & Clericis*, quod disponunt de causis Clericorum apud seculares Iudices terminandis: sed inueniri etiam Cánones Conciliorum eiusdem ætatis, vt Carthaginensis tertij can. 9. Mileuitani can. 19. Calcedonensis can. 9. & aliorum, quibus prohibetur Clericis accessus ad iudicia secularia. Itaque pijs Principibus nondum satis nota, & explicata erat exemptio,



ptio, quam iure diuino Clerici habebant: & Sancti Patres paulatim eam explicare, atque introducere nitebantur.

Secundò, Barclaius dicit, mirari se, Bellarminum asserere, Papam potuisse eximere simpliciter Clericos, propria auctoritate per legem canonicam, à subiectione temporalium Principum. *§ Id enim, inquit, pace tanti viri dicam, est falsò falsius: quia lex Christi neminè priuat iure, dominioq; suo: priuaret autè, si per eam ius, & dominium temporale, quod Principes antequam fierent Christiani in Clericis habebant, ipsis inuitis auferret.*] hæc ille.

Sed vt magis Barclaius miretur, non solus Bellarminus, neque soli illi, qui inter Theologos, & iureconsultos maximè fauere videntur exemptioni Clericorum; sed illi etiam, qui parum fauere existimati sunt, idem prorsus dicunt. hæc enim sunt verba Dominici à Soto, in 4 sent. dist. 25. q. 2. art. 2. conclus. 6. *Papa potuit etiam inconsultis Principibus, & debuit Clericos ab eorum exactionibus, & foro excipere: cui quidem exemptioni Principes contraherere nequeunt.* Atque hoc idem docet Didacus Couaruias Iureconsultus nobilis Sotum sequutus in practicis quæst. q. 31. concl. 3. his verbis, *Potuit Summus Pontifex Clericos, & eorum res à iurisdictione seculari eximere: idq; conueniens fuit, & est Christiana Reip. non tantum in spiritualibus, quod iure diuino iam erat institutum, sed etiam in temporalibus.* & concl. 4. *Quamuis exēptio Clericorum à iurisdictione seculari iure tantū humano sit introducta, Princeps tamē secularis, vt cunq; summus sit, non potest huic immunitati, aut exēptioni proprijs legibus, propriæ auctoritate derogare.* Desinat ergò iā Barclaius mirari, si

Bellar. dicit, quod ferè omnes dicunt, & nolit ipse, quasi solus sapiat, id negare, quod ferè nullus negat.

*At, inquit, lex Christi neminem priuat iure, dominioque suo.* Verùm est per se, ac propriè; quasi hoc ipsum intendat, nisi aliquis culpa sua priuari mereatur. Sed tamen dum euehit laicos ad ordinem altiorum, id est, Clericorum, non est mirum, si consequenter priuet Principes iure, quod in eos habebat, dum essent in gradu inferiore: neque defunt exempla in alijs rebus, tam prophanis, quam sacris. Euehit Rex priuatum hominem, qui subiectus erat Comiti, ad Principatum; consequenter priuat Comitem iure quod in illo habebat, & fortasse Comitem eundem subijcit illi Principi iam effecto, cui idem Comes antea iam præerat. Euehit Papa simplicem Presbyterum, subiectum alias Episcopo in Metropolitanum, ac per hoc sine vllius iniuria facit, vt qui antea subiectus erat Episcopo, incipiat tamquam Metropolitanus Episcopo præesse, cui paulò ante subiectus erat. Ius habebat Maritus infidelis in coniugem infidelem; conuertitur mulier ad fidem, & consequenter liberatur à subiectione viri infidelis, & sine iniuria vlla lex Christi priuat virum infidelem iure, quod in vxorem suam habebat. pari ratione per matrimonium, per verba de præsentì contractum, acquirit vir Christianus ius in vxorem Christianam, & tamen si intra tempus à iure præscriptum, velit illa ad professionem vitæ altioris ascendere, & sanctimonialis fieri, lex Christi priuat virum iure, quod acquisierat, non per se, sed consequenter: non enim intendit lex Christi virum illum iure suo priuare, sed feminam ad altiorem gradum euectam honorare. Denique euehi-

cur

fur filiusfamilias in Episcopum, priuatur Pater ipsius potestate patria, non vt ipse afficiatur iniuria, sed quia non decet patrem spiritualem subijci potestati parentis carnalis.

At rursus obijcit Barclaius dicens: § Deinde cum ipsemet Papa exemptionem suam, non alio iure, quàm Principum largitate, & beneficio nactus sit, (nam vt aduersarij fatentur subiectus erat de iure, & de facto Ethnicis Principibus, sicut alij Ciues) absurdum est dicere, eū potuisse liberare alios ab illa subiectione: alioqui id in eum conueniret, alios saluos fecit: seipsum nō potuit saluum facere.

Respondeo. Argumentum Barclaij duplici vitio laborat: nam & antecedens habet falsum, & consecutionem vitiosam. Falsum in primis est, Pontificē non alio iure, quā Principum largitate, & beneficio, exemptionem suam nactum esse: qui enim Vicarium suum in terris eum instituit, is hoc ipso exēmit eum ab omni potestate Principum terræ: sed etiā si subiectus iure fuisset Regibus, vel Imperatoribus Ethnicis: non tamen sequeretur, eum subiectum quoque esse debere Regibus, vel Imperatoribus Christianis, nisi ipsorum largitate & beneficio eximeretur. Nam cum sit ipse super omnem familiam constitutus, & Reges, atque Imperatores ab eo in eandem familiam coaptentur, vt ab ipso regantur, & dirigantur, certē nulla ratio patitur, vt ipse illis subijciatur, quibus iure diuino præsidet. Sed benè habet, quod Barclaius ita irridendum putauit Vicarium Christi, quo modo perfidi Iudæi Christum irridebant: qui tamen vel inuicti confitebantur, multos à Christo ab ipsa morte saluos factos fuisse, & sacrilegē mentiebantur, eū non

potuisse seipsum ab interitu saluum facere.

Tertiò. Barclaius dicit, non esse verū quod multi dicunt, à veteribus Concilijs fuisse Clericos à potestate, & iurisdictione Magistratuum ciuiliū exemptos; qui etiam addit, Patres, qui in Concilijs interfuerunt, vetuisse quidem, ne Clerici adirent tribunalia Iudicum secularium: sed non vetuisse, ne vocati responderent: neq; vllō modo prohibuisse temporalibus Iudicibus, ne causas Clericorum audirent: sed nec prohibere vlla ratione potuisse. Ac primū id ostendere conatur ex Concilio iij. Carthaginensi, Can. 9. vbi sic legitur: *Item placuit, vt quisquis Episcoporum, Presbyterorum, Diaconorum, siue Clericorum, cū in Ecclesia ei crimen fuerit intentatum, vel ciuiliū causa fuerit commota, si relicto Ecclesiastico iudicio, publicis iudicijs purgari voluerit, etiam si pro ipso fuerit prolata sententia, locum suum amittat, & hoc in criminali iudicio: in ciuili verò perdat, quod euicit, si locum suum obtinere voluerit. Cui enim ad eligendos Iudices vndique patet auctoritas, ipse se indignum fraterno cōsortio indicat, qui de vniuersa Ecclesia malè sentiendo, de iudicio seculari postit auxilium: cū priuatorum Christianorum causas Apostolus ad Ecclesiam deferri, atque ibi determinari præcipiat.* Hactenus verba Concilij, in quibus nihil videre potuit Barclaius, pro Clericorum exemptione: sed tantū id ait egisse Patres, vt eorum Clericorum leuitatem, & procacitatē coercerent, qui post causam in Ecclesia tractari cōptā, spretis, & relictis Iudicibus Ecclesiasticis, laico se arbitrio, iudicioque committunt.

At nos multa videmus in huius concilij verbis pro exemptione Clericorum. Primū enim apertē damnant

damnant Patres recursum ad iudicia secularium Magistratum: quod certè non facerent, si seculares Magistratus omni ex parte legitimi Iudices Ecclesiasticorum fuissent. quæ enim culpa erat appellare à iudicio Episcopi ad iudicium Præsidis provinciae, vel ipsius Principis, si Præses vel Princeps legitimus iudex erat, non solum Clerici, sed etiã Episcopi? Deinde Concilium rescindit sententiam Iudicis secularis contra Clericum latam, dum iudicat, ut in criminali iudicio Clericus à seculari iudice absolutus amittat locum suum; & in iudicio civili, perdat quod eiecit, id est, neutri profuit sententia in fauorem eius à Iudice seculari pronuntiata: quamuis autem hæc loco poenæ decernantur; tamè iniusta fuisset poena, si crimen nõ fuisset Clericoulare iudicium agnoscere. Denique quia Barclaius dicit, Concilium reprehendere solum eos Clericos, qui post inchoatam causam in iudicio Ecclesiastico, eam transferunt ad iudicium secularium potestatum, quod iniuriosum videri potest Ecclesiasticis Iudicibus: audiat Mileuitanum Concilium eiusdem ætatis, & in eadem Africa celebratum: sic enim loquitur, Can. 19. *Placuit, ut quicumque ab Imperatore cognitionem iudiciorum publicorum petierit, honore proprio priuetur; si autem Episcopale iudicium ab Imperatore postulauerit, nihil ei obfit.* Vbi videmus non agi de iudicio inchoato, sed absolutè, & sub pœna grauissima prohiberi Clericis ne confugiant ad Imperatorem pro seculari iudicio obtinendo: concedi aut in Episcopale iudicium ab Imperatore petatur, ad euitandum videlicet seculare iudicium.

Transit deinde Barclaius ad Concilium Chalcedonense,

donense, in quo sic statuitur, Can. 9. *Si quis Clericum aduersus Clericum habeat negotium, non derelinquat proprium Episcopum, & ad secularia percurrat iudicia: sed prius actio ventiletur apud proprium Episcopum, vel certè consilio eiusdem Episcopi apud quos utraque partes voluerint, iudicium obtinebunt: si quis præter hæc fecerit, Canonicis correptionibus subiacebit.* ] Ex hoc Canone dicit Barclai<sup>9</sup> nihil colligi, nisi vt in prima instantia apud Episcopū causa ventiletur: deinde, si opus fuerit, ad secularis iudicis examen deferatur. Sed ista glossa destruit textum: nusquam enim in toto Canone, vel apertè, vel obscure mentio fit iudicij secularis; & expressè in hoc canone dicitur, vt Clerici ad secularia iudicia non recurrant. Præterea in eodem loco Concilium addit, *Quod si Clericus causam habeat aduersus Episcopum proprium, vel aduersus alterum, apud Synodum provincie iudicetur. Quod si aduersus eiusdem provincie Metropolitanum Episcopus, vel Clericus habet querelā, petat aut Primate dioceseos, aut Sedē Urbis Regia Constantinopolitana, & apud ipsam iudicetur.* ] Vbi cum optima esset occasio nominādi Præsidentem provincie, aut ipsum Imperatorem: nulla tamen eorū mentio facta est. Quid igitur (quærit Barclaius) sibi vult illud, *sed prius actio ventiletur apud Episcopum?* prius enim refertur ad posterius: & cum non sit in Concilio explicatum, quid posterius faciendum sit, ratio postulat, vt intelligamus, posterius recurrendum esse ad iudiciumulare, vt constituit postea Iustinianus Nouella constitutione, 83.

Respondeo. Prius causa Clerici ventilanda est apud Episcopum proprium: quod si ibi terminata non fuerit, recurrendum est ad superiores media-

tos, Metropolitanum videlicet, Patriarcham, & Papam: sed id non expreffit concilium; quia notum erat, tum ex vſu aliorum tribunalium, vbi ſemper à minore Iudice appellatur ad maiorem: tum ex cōcilio Sardicenſi generali Ca. 4, & 7. vbi vltima pro-  
*uocatio Eccleſiaſticorum, declaratur eſſe ad Epiſcopum Romanum, ad quos canones reſpiciens Gelafius Papa primus in Epiftola ad Fauſtum ſcribit, Ipi ſunt canones, qui appellationes totius Eccleſie ad huius ſedis examen voluere deferri: ab ipſa verò nuſquam prorsus appellari debere ſanxerunt. & in Epift. ad Epiſcopos Dardaniæ, Ad illam, inquit, de qualibet Mundi parte canones appellari voluerunt: ab illa aut nemo eſt appellare permiſſus. Neque oportuit cano-  
 nes Eccleſiæ per Nouellas Iuſtiniani exponere, cū poſſumus per alios canones, aut per vſum Eccleſiæ illos explicare.*

Adducit poſtea contra ſe Barclaius concilium Agathenſe, vbi Can. 3. ſtatuitur, ne clericus quem-  
 quam præſumat apud ſecularem Iudicem, Epiſcopo non permittente pulſare: & queritur corrup-  
 tum eſſe hunc canonem à Gratiano, qui in ſua col-  
 lectione, 11. q. 1. Can. *Clericum*, ita poſuit, *Clericum nullus præſumat apud ſecularem Iudicem Epiſcopo non permittente pulſare*: miratur etiam cur Bel-  
 larminus maluerit in huius canonis citatione ſe-  
 qui potius Gratiani corruptionem, quam Concilij veritatem.

Reſpondeo. Non eſt vlllo modo credibile, Gra-  
 tianum, virum probum, & Chriſtianæ perfectionis  
 ſtudioſum, voluiſſe textum concilij deprauare: ſed  
 potius credendum eſt, habuiſſe Gratianum aliam  
 lectionem illius canonis, quam nos habeamus. Sed

vt vt res se habeat, vtraque lectio exemptionem clericorum satis apertè demonstrat. Nam in ipso concilio etiam si verba illa prima, *clericus nec quemquam præsumat apud secularem Iudicem pulsare*, non multum pro exemptione facere videantur: tamen sequentia verba, *Sed si pulsatus fuerit, non respondeat*: multum omninò faciunt pro exemptione. mandatur enim clerico, vt in iudicium corā seculari Iudice vocatus, non compareat. quo nihil apertius dici potuit: & in eundē sensum recidit quod est apud Gratianum, *Clericum nullus præsumat apud secularē Iudicem pulsare*. Nam si non licet clerico respondere in iudicio seculari: neq. licebit clerico, vel laico clericum ad iudicium seculare vocare.

Quod autem notat Barclaius in secūda parte canonis, puniri laicum grauissima pœna, qui per calumniam clericum, vel Ecclesiam fatigare tentaue-rit: non significat licitum fuisse laicis trahere clericum, vel causam Ecclesiæ ad forum seculare, modo id sine calumnia fieret: sed significat crimen lōgè grauius esse, & pœna grauissima puniendum, si addatur calumnia, quam si absque calumnia id fiat. Sed neque certum est, concilium loqui de foro seculari: potest enim fieri, vt laicus clericum accuset quidem ad suum forum, id est, Ecclesiasticum, & tamen cum per calumniam iniustè fatiget.

Addit deinde Barclaius Canonem octauum Cōcilij primi Matisconensis, vbi sic legitur, *Vt nullus clericus ad iudicem secularem quemcumque alium fratrem de clericis accusare, aut ad causam dicendam trahere quocunque loco præsumat: sed omne negotium clericorum, aut in Episcopi sui, aut Presbyteri, aut Archidiaconi præsentia finiatur*:

Addit



Addit denique canonem tertiumdecimum concilij tertij Toletani, in hæc verba, *Diuturna indisciplinatio, & licentia inolita præsumptio vsque adeò illicitis ausibus aditum patefecit, vt clerici con clericos suos, relicto Pontifice suo, adiudicia publica pertrahant: proinde statuimus hoc de cætero non præsumi: si quis hoc præsumpserit facere, & causam perdat, & à communione efficiatur extraneus.*

His testimonijs conciliorum allatis, subiungit Barclaius. *¶ Hac illa sunt solemnia, & ferè sola sacrorum canonum decreta, in quibus errorem suum fundant, qui falsò putant, concilia potuisse eximere, & de facto exemisse clericos de potestate laicorum, quos tamen ipsimet canones adeo perspicuè redarguunt, vt nihil necesse sit alia ad eam opinionem conuellendam aliundè accersere.]*

Respondeo. Primum non sunt hæc sola concilia, quæ exemptionem clericorum declarant, sed multa alia, ex quibus hæc breuiter commemoranda censui. In concilio Lateranensi sub Innocentio III. cap. 43. sic legitur, *Nimis de iure diuino quidam laici vsurpare conantur, cum viros Ecclesiasticos, nihil temporale obtinentes ab eis, ad præstanda sibi fidelitatis iuramenta compellunt.* In concilio Constantiensi, Sess. 31. habentur hæc verba: *Laici nullam in clericos iurisdictionem, aut potestatem habent.*

In concilio Lateranensi sub Leone X. Sess. 9. *Cum à iure tam diuino, quàm humano laicis potestas nulli, in Ecclesiasticas personas attributa sit, innouamus omnes, & singulas constitutiones, &c.* In concilio Tridentino Sess. 25. cap. 20. de reformatione: *Ecclesie, & personarum Ecclesiasticarum immunitas, Dei ordinatione, & canonicis sanctionibus instituta est.*

Ad hæc, & similia, quæ nimis apertè loquuntur nihil Barclaius respondit, sed ea, quasi nunquam legisset, omisit.

Deindè nos non dicimus à concilijs propriè clericos fuisse exemptos, sed eorum exemptionem declaratam, & pœnis additis confirmatam.

Denique mirum est, cur Barclaius dicere audeat, ex canonibus allegatis redargui, & conuelli opinionem exemptionis, cùm ea multis modis confirmetur, & roboretur. Nam si laici Magistratus legitimi Iudices clericorum essent; quo iure Matilconense concilium supra citatum, omnia negotia clericorum in Episcopi, aut Presbyteri, aut Archidiaconi præsentia finienda esse decerneret? Et cur concilium Toletanum etiam citatum, tanta verborum asperitate vocaret præsumptionem, & illicitos ausus, recursum ad seculare Iudicium? Et quomodo denique idem concilium auderet sententiam Iudicis secularis irritare, & recurrentem clericum ad forum secularis Iudicis excommunicare? id enim significant illa verba, *Causam perdat, & à communione efficiatur extraneus.*

## REFUTATVR GRANDE

*verbum Barclaij, quo exemptio  
Clericorum funditus  
tollitur.*

## CAPVT XXXV.

**I**N capite tricesimo tertio Barclaius omni timore, vel pudore deposito, ita pronunciat. *Amplius dicam, & veritatem dicam, licet odium foras mihi parituras ab ijs, quibus omnia sunt inuidiosa,*

*diſa, qua ſuo ſtudio, & deſiderio vel minimum aduerſantur. Dicam ergo, & grande verbum proloquar, cuius forte, aut nondum meminit quiſquam, aut ſi meminit, ſaltem eos quorum intererat id ſcire, non vt debuit commonefecit, Clericos ſcilicet per totum orbē, quocunque ordine, vel gradu ſint, non eſſe adhuc vllō modo exemptos, & liberatos à poteſtate temporalī Principum ſecularium, in quorum Regnis, & regionibus vitam degunt; ſed perindē, ac ceteri ciues, ijs ſubiectos eſſe in omnibus; qua ad politicam, & temporalem adminiſtrationem, & iuriſdictionem pertinent, inq; eos ius vitæ, ac necis, ſicut in ceteros ſubditos ad eiufmodi Principes pertinere.]*

Hoc grande verbum Barclaij, nihil eſt aliud, niſi grandis temeritas, & intolerabilis error hominis vnus, qui vt Regibus aduletur, non veretur oppo-  
nere ſe veritati, & ſcriptoribus omnibus Theologis, & Canoniſtis, quorum duos paulò ante citauimus Sotum videlicet, & Couarruiam; quibus addere potuiſſemus ſcriptores alios innumerabiles, & quod maius eſt, concilia quatuor generalia paulò ante citata, Lateranenſia videlicet duo, Cōſtantiēſe, & Tridentinum, in quibus generatim affirmatur, non habere laicos vllam in clericos poteſtatem; neque excipiuntur Imperatores vel Reges. Neque eſt quod laboremus in demonſtranda huius doctrinę nouitate. nā ipſe fatetur, ſe verbū grande prolocuturū, cuius forte nondū meminit quiſquā.

Sed videamus, quibus argumentis, tam grande, & adhuc inauditum verbum Barclaius perſuadere orbi terrarum nitatur. contraham autem in breue compendium totam eius ratiocinationem, vt quam vim habeat, facilius percipiatur. ſic igitur ille:

*Cbri-*

Christiani tùm clerici, tum laici subiecti erant Principibus infidelibus, atque ab eis iudicari poterant: ergo subiecti sunt etiam Principibus fidelibus, & ab eis iudicari possunt: quia Christi lex neminem priuat iure dominioq, suo. Rursus, Principes fideles exemerunt quidem priuilegijs suis clericos à potestate Magistratum inferiorum; sed non exemerunt à potestate sua: nusquam enim memoria proditum est ab vlllo scriptore, Principes, qui istis clericos priuilegijs donarunt, ita eos à se liberos dimisisse, vt sibi amplius non subessent. Imò nec potuerunt Principes, nec adhuc possunt clericos in suis Regnis constitutos ea libertate donare, ne ipsis potestate temporali subsint; neve delinquentes ab ijs iudicare, & puniri possint, nisi eadem opera sese Principatu abdicent. Nam proprium est Principis posse animaduertere in ciues, & membra sua Reipublica; sunt autem clerici quod ad temporalia attinet ciues, & membra Reipublica politica, cuius caput, & Rector est Princeps. Quare Carolus V. Imperator Hermannum Archiepiscopum Colonensem in ius ad se vocari iussit, vt de criminibus à Clero, & vniuersitate ei obiectis se purgaret, teste Surio in Comment. anni 1545. Et multi Principes sibi quaedam clericorum delicta specialiter vindicanda reseruarunt, eaq, suis Magistratibus iudicanda committunt: vt sunt illa crimina, quæ in Gallia priuilegiata vocantur, veluti Maiestatis, gestationis armorum, ad alterinæ monetæ, & similia: ] hæc ille, Ex quibus omnibus sequitur, clericos non esse exemptos à potestate, & iurisdictione Principum temporalium.

Respondebo nunc ordine ad singulas propositiones, Ad primam illam de subiectione clericorū Principibus infidelibus dux sententiæ sunt, vt supra

pra diximus : & neutra fauet Barclaio. Vera sententia est, clericos *iure* fuisse exemptos etiam à potestate Principum infidelium , quamvis *de facto* subiecti essent : exemit autem eos , tamquam proprios suos Ministros ille, qui Apoc. i. Verè dicitur *Princeps Regni terra*. Itaque iuxta hanc sententiã neganda est propositio prima Barclaij, quam neque ille vsquam probauit, neque hoc loco probat, sed assumit, vt concessam; quam tamen grauiores scriptores non concedunt, videlicet omnes illi, qui exemptionem istam de iure diuino esse docent. Sed etiamsi concederetur, nihil indè Barclaius colligeret, quoniam negaretur illa consecutio, *Ergo subiecti sunt clerici indicio, & potestati Principum fidelium*: hanc enim propositionem , quæ est secunda apud Barclaium, negât omnes Catholici scriptores, tam Theologi, quàm Canonistæ: negatur autem illa cõsecutio, quoniam summus Pontifex clericos absolutè exemit à potestate Principum fidelium, qui eius potestatem agnoscunt: à potestate autem Principum infidelium, qui eius potestatem non agnoscunt, non ita absolutè exemit; cùm eos censuris Ecclesiasticis coercere non possit: ipsi etiam Christiani Principes Clericos exemerunt , intelligentes, quanta sit dignitas clericorum , quod Principes infideles non fecerunt , cùm eis spiritualis illa dignitas nota non esset. Ad illam tertiam propositionem, *lex Christi neminem priuat iure, dominoq; suo*: iam supra respondi capite superiore, vbi ostēdi, per exemptionem Clericorū non priuari Principes iure, quod habebant in eosdem , antequam Clerici essent, per se, & propriè; sed consequenter, & quasi per accidens! quemadmodum, cùm filius fami-

familias euehitur ad Episcopale fastigium, eximitur à patria potestate; nec tamen fit iniuria patri, quoniam non priuatur pater iure suo per se, sed consequenter: non enim intendit Ecclesia priuare patrem iure patriæ potestatis, sed euehere personam illam ad gradum, quo dignus est, quamuis inde sequatur illa priuatio patriæ potestatis. Vide multa alia exempla capite superiore.

Ad quartam propositionem, quæ erat, à nullo scriptore memoria proditum esse, quod Principes exemerint Clericos à potestate sua; sed solum quod exemerint à potestate Magistratuum inferiorum.

Respondeo. Videtur qui hoc dicit, aut nihi legisse, aut lectores fallere voluisse. Scribit enim Ruffinus lib. 10. hist. cap. 2. Constantinum Imperatorem disertis verbis pronunciasse, sibi non esse licitum iudicare Sacerdotes, sed ab illis potius se esse iudicandum. Vbi satis apertè declarauit, Sacerdotes exemptos esse non solum à potestate iudicum inferiorum, sed etiam ab ipsius supremi Principis imperio. Cui declarationi consentanea est lex eiusdem Constantini septima in Codice Theodosiano, de Episc. & Clericis. *Lectores, inquit, diuinorum apicū, & hypodiaconi, & ceteri Clerici, qui per iniuriā hereticorum ad curiam deuoti sunt, absoluantur; & de cetero ad similitudinem Orientis minimè ad curias deuocentur, sed immunitate plenissima potiuntur.* hæc ille, qui cum absolute prohibeat Clericos ad curias deuocari, & velit plenissima immunitate potiri, & nihil omnino excipiat, manifestum est, eum velle, vt neq; ad ipsius Principis curiam deuocentur: nō enim esset plenissima immunitas, si principali potestati esset obnoxij. Similis est lex Theodosij.

dosij, & Valētiniani Cod. Theod. lect. vlt. de Episc. & Clericis, vbi sic legimus, *Clericos, quos indiscretim ad seculares Iudices debere deduci infausus præsumpstor dixerat, Episcopali audientia reseruamus. Fas enim non est, vt diuini muneris Ministri temporalium potestatum subdantur arbitrio.* In qua legedum nihil excipitur, omnia comprehendi videntur, nisi fortè Principis potestas, temporalis dici non debeat. Ipse quoque Iustinianus Nouella octogesima tertia, quæ sæpè ab Aduersarijs citatur, quasi in ea Clerici in criminalibus exempti non videntur à foro seculari: habet hæc verba, *Præ hunc spoliari à Deo amabili Episcopo sacerdotali dignitate, & ita sub legum fieri manu.* Vbi videmus, Clericos, dum Clerici permanent, non esse sub potestate legum, sed solum posteaquam Clericali honore per Episcopos priuati sunt: ac per hoc non solum exemptos esse, dū Clerici sunt, à potestate Iudicū inferiorū, sed ab ipsis Principum legibus, quod ad coactionem attinet: atque hoc est quod Conciliū Cōstantiense sess. 31. dixit, Laicos nullam in Clericos iurisdictionē, vel potestatē habere. Et certè nomine *Laicorū* Principes etiā supremos cōprehendit, cū & ipsi Laici sint. Deniq; vt alia multa præteream, Imperator Fridericus Secundus in prima sua Constitutione generaliter loquitur, dum ait, *Item statuimus, vt nullus Ecclesiasticam personam in criminali questione, vel civili trahere ad iudiciū seculare præsumat, cōtra Constitutiones Imperiales, & Canonicas sanctiones.* hæc ibi. Per seculare autem iudiciū non intelliguntur iudicia solum Iudicū inferiorum, sed etiam supremorum, cū omnia sint æquē secularia. Atque re ipsa sic obseruari videmus,

mus, vbi sacrorum Canonum reuerentia vigeat.

Ad quintam propositionem, quæ erat, *non potuisse Principes supremos eximere Clericos à sua Regia potestate*; respondemus, id manifestè falsum esse. Nam etiam si non possit summus Princeps, omnes qui in Regno suo degunt ab omni potestate sua eximere, nisi principatu se abdicet, tamen potest aliquam partem populi sui ab aliqua parte potestatis suæ, vel etiam à tota eximere, & simul verè Princeps dici, & esse. Proprium enim summi Principis est, tributum à populo sibi subiecto exigere, vt Apostolus docet ad Rom. 13. *Ideo enim, inquit, & tributa præstatis: ministri enim Dei sunt, in hoc ipsi seruientes*: & potest tamen Rex, quos vult in suo Regno immunes à tributis facere. Dicitur enim li. 1. Reg. cap. 17. *Qui percusserit Philistæum, ditabit eum Rex diuitijs magnis, & domum patris eius faciet absq; tributo in Israel*. Sic etiam si magnus aliquis Rex in medio Regno suo ciuitatem vnã, vel liberam faciat, vel alicui absolutè donet, non ideò Rex dici non poterit totius Regni sui, præsertim si ciuitatē illam protegat, & defendat; & ciues illi leges Regni sponte seruent: sic igitur potuerunt Reges, Clericos in suo Regno degentes eximere à potestate sua regia, & Reges tamen dici, & esse non solum laicorum, sed etiam Clericorum, qui leges eius politicas liberè seruant; & causas quas cum laicis habent, cùm actores sunt ad tribunal ipsius deferunt: & iudicio, ac sententia eius in eiusmodi causis acquiescunt. Et quoniam Rex pro defensione non solum laicorum, sed etiam Clericorum laborat, & vigilat, ideò non solum laici, sed etiam Clerici honorem ei deferunt, qui Regibus debetur, iuxta præce-



præceptum Apostoli Petri, *Deum timete, Regem honorificate.* 1. Pet. 2. Denique pro Rege Deum orant, vt Apostolus monet 1. Timoth. 2. dicens, *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, & pro omnibus, qui in sublimitate sunt: nec solum pro Regibus generatim preces ad Deum fundunt, sed in specie dicunt, pro Rege nostro N. vel pro Imperatore nostro N.*

§ At, inquit Barclaius, omnia membra debent subesse capiti, & omnes ciues Rectori ciuitatis, ita vt caput, & rector in omnia membra, & ciues animaduertere possit: sunt autem Clerici membra corporis politici, & ciues terrena ciuitatis, quoad temporalia.

Respondeo. In corpore naturali necesse est, vt omnia membra capiti subsint; quoniam in eiusmodi corpore locum non habet exemptio. Sed in corpore politico, in quo locum habet exemptio, non est necesse, vt omnia membra, id est, omnes ciues propriè subsint potestati capitis, id est, Rectoris; ac per hoc non est necesse, vt Principes in omnes ciues animaduertere possint, sicut non est necesse, vt omnes ciues soluant tributa, neque vt omnes armis Rempublicam defendant; sed satis est, si consilio, vel adhortatione, aut precibus apud Deū Rempublicam temporalem iuuent. *At perturbabitur Respublica, si Clerici leges Principū impunè transgrediantur.* Respondeo. Non impunè transgredientur; quoniam ab Episcopo suo, vel Pontifice Summo coercebuntur. *At Carolus V. vocauit ad tribunal suū Hermannum Archiepiscopum Coloniensem.* Verum est, sed vocauit vt Principem Imperij. Eundē enim ad suum tribunal vocauit Paulus III. Pontifex, vt

Archiepiscopū, eodem teste Surio, in eodem loco, qui Surius postea scribit, anno 1547. iussu Summi Pontificis, & Imperatoris Hermannum loco motū fuisse. Sententia verò depositionis à Pontifice lata est. quàm autem fuerit Carolus V. diligens obseruator Ecclesiasticæ immunitatis, ex eo potest intelligi, quòd anno salutis 1520. detecta atroci conspiratione aduersus eundem Carolum, in qua Ecclesiastici nonnulli intermisti erant: Carolus in laicos animaduertit, Ecclesiasticos, superioribus Ecclesiasticis puniendos remisit. testis Molin. lib. 4. c. 21. de Hisp. primog.

Addebat Barclaius, esse quædam delicta graua, quæ priuilegiata dicuntur in Gallia, summis Principibus reseruata. Sed hoc argumentum in ipsam auctorem retorqueri potest: illa enim non dicuntur priuilegiata, quia Princeps ipse sibi reseruauerit, quando priuilegium exemptionis Clericis concessit, vt Barclaius existimat: sed dicuntur priuilegiata, quia priuilegio Sedis Apostolicæ indultū est Regibus Francorum, vt ea delicta cognoscere possint: id quod explicat Clarus q. 36. §. fin. versic. *ulterius quæro.* & Aufrerius in Clementina, *Vt Clericorum*, de offic. Iudic. ordin. limit. 13.

Ad vltimam propositionem, quam colligit Barclaius ex supradictis, quod videlicet, Exemptio Clericorum à potestate Principum nulla sit.

Respondeo. Eam propositionem ex dictis perperam colligi; tū quia demonstratū est, summos Principes potuisse, & voluisse Clericos à sua potestate eximere: tum quia licet ipsi non voluissent, aut nō potuissent, potuit, & voluit Summus Pontifex illos eximere, aut iure diuino exemptos declarare: neq; possunt

possunt Principes etiam supremi hanc exemptionem impedire. Atq; hæc est communis Doctorum Theologorum, & Canonistarum sententia, cui hactenus nonnisi hæretici restiterunt. Et quidē quod hoc sentiant illi, qui exemptionem volunt esse de iure diuino, ne Barclaius quidē dubitat. & expressè docet Nauarrus in cap. *Nouit*, de Iudicijs, notab. 6. num. 30. Quod autem idem etiam fateantur, & doceant illi, qui exemptionem arbitrantur non esse de iure diuino; perspicuum est ex Francisco Victoria, Relect. de potestate Eccles. q. 6. propos. 5. ex Dominico à Soto, in 4. dist. 25. q. 2. art. 2. ex Martino Ledesmio in quartum, partē 2. q. 20. art. 4. ex Dominico Bannes in 22. q. 67. ar. 1. & ex Didaco Couarruua pract. q. ca. 31. concl. 3. & 4. cuius verba, vt etiam Soti, capite superiore adduximus. Hinc soluitur questio, quam Barclaius in extremo capite insolutam reliquit, *liceat ne Principi priuilegium exemptionis Clericorum reuocare*. Respondent enim Doctores allegati, nullo modo licere.

*DEFENDITVR SECUNDA, ET  
tertia pars rationis quintæ principalis  
pro potestate Pontificis Maxi-  
mi in temporalibus.*

CAPVT XXXVI.

**I**N capite tricesimo quarto Barclaius post longam digressionem de exemptione Clericorum, redit ad oppugnandam secundā partem rationis meę principalis, q̄ proposuerat initio capitis tricesimi secundi. Argumentū meū hoc erat, *Pastoris*

*munus est Arietes furiosos, atque ouile destruentes separare, & recludere: Princeps autem est Aries furiosus, atque ouile destruens, quando est Catholicus fide, sed adeò malus, vt multum obsit Ecclesie, & Religioni, vt si Episcopatus vendat, Ecclesias diripiat, &c. Ergo poterit Pastor Ecclesie eum recludere, & in ordinem redigere.*

Ad hoc argumentum respondit in illo capite tricesimosecundo Barclaius, totum argumentum posse concedi, quoniam ex eo nihil aliud efficitur, nisi posse Principem malum, & Ecclesie noxium separari à gregis consortio per sententiam excommunicationis. Nos verò eam responsionem in capite xxxij. refutauimus, ad quam Lectorem remittimus. Nunc igitur in capite tricesimoquarto Barclaius hæc addit:

*§ Ad argumentum, inquit, nunc reuertor, quod capitis tricesimi secundi initio propositum est, & respondeo, nihil illud ad bonorum quorumlibet temporalium, nedum ad Regni ademptionem pertinere. Certum enim est, & certo certius, excommunicationem, qua sola separantur, & excluduntur peruersi Christiani à consortio fidelium, & communione Ecclesie, nemini patrimonium, & bona temporalia auferre.] hæc ille, qui post multa verba in hac re explicanda consumpta concludit, si non possit Papa per excommunicationem adimere patrimonia priuatis hominibus, multò minus posse per eandem censuram priuare Reges, ac Principes Imperijs, atque Regnis.*

*§ Nunquid, inquit, plus ei potestatis in Principes, quam in priuatos, Dei lege, tributum esse constat? aut nunquid Principibus, quam priuatis duriore, & deteriore conditione est viuendum, vt quod Ecclesia in*  
*priua-*

*priuatum nequeat, id in Principem possit exercere?]*

Respondeo. Cùm dixi, Arietem furiosum posse per Pastorem separari, & recludi, non intellexi per separationem, & reclusionem solam excommunicationem, sed excommunicationē, & depositionem: quemadmodum enim Pastor non solum separat Arietem à grege, sed etiam recludit quasi in carcere, vt non amplius gregem ducat: sic Pontifex summus Regem destruentem Ecclesiam, non solum separat per excommunicationē à communionē fidelium, sed etiam deponit, & in ordinem redigit, vt non amplius populos regat. Itaq; tota illa longissima disputatio, qua Barclaius probat, per excommunicationem non priuari homines proprio patrimonio superuacanea est; neq; vim argumenti nostri Barclaius affecutus est: quemadmodū etiam vocem, *recludere*, exposuit per vocē, *excludere*, cū exponenda esset per vocem, *includere*, vt cap. 33. docuimus.

Addo præterea magnum esse discrimen inter priuatas opes, & publicam iurisdictionem; vt etiā inter substantiam, siue diuitias, & potestatem, siue auctoritatem: potest enim homo aliquis pauperri- mus esse priuatis opibus, & iurisdictionem publicam atq; amplissimam habere: & potest contra ditissimus esse auro, atq; argento, agris, & vineis, & armentis: & nullam habere in alios homines politicam potestatem. Ex quo discrimine fit, vt quamuis excommunicatio non priuet patrimonio proprio, & opibus, & diuitijs; priuet tamen iure, & potestate commercij humani, electionum, & contractuum, & similium; & simul impediat publicam forensem iurisdictionem: neq; enim licet excom-

municatis forensia iudicia exercere, audire causas, sententiã ferre, in fontes animaduvertere, vt supra probauim<sup>9</sup>, ex ca. *Ad probandũ*, de sen. & re iud.

Quamuis autẽ ex vi solius excommunicationis, nisi in casu hęresis, & apostasię, non sequatur amissio Regni, vel Imperij: tamen summus Pontifex, qui potest excommunicando suspendere iurisdictionem, vt diximus, potest etiam deponendo priuare omni iurisdictione, & potestate Regia: quæ vt in prolegomenis ostendimus, communis est Doctorum, & Ecclesię ipsius sententia. Nec tamen hinc sequitur, plus habere potestatis Pontificem in Principes, quam in priuatos: nam priuati non possunt deponi à Regno, quia Regnum non habent, nõ quia minus obnoxij sint potestati summi Pastoris: & tamen possunt etiam ipsi priuari rebus, quas habent; quòd fit cùm poena pecuniaria, aut exilij, aut carceris, aut alia corporali poena mulctantur: falsum enim est, quod Barclaius nimium sæpè repetit, corporalem penam in solius politici magistratus potestate positam esse: cuius contrarium praxis ostendit, præsertim in tribunali sancti officij.

Addit postea Barclaius aliam rationẽ, quã in forma syllogisticę ratiocinationis hoc modo disponit.

*Summus Pontifex non habet nunc maius imperium in Principes temporales, quam habuit antequam ipse esset Princeps temporalis:*

*At qui antequam esset Princeps temporalis, nullum in eos temporale imperium vllò modo habuit:*

*Ergo nullum nunc quoque in eos vllò modo habet.*

Et quoniam propositio manifesta videtur, probat assumptionem hoc modo.

*Nemo inferior, & subiectus habet imperium in suum superio-*

*superiorem, & dominum, vt possit eum iudicare in eo ipso in quo est ei subiectus:*

*Papa autem, antequam fieret Princeps temporalis, erat Regibus, & Imperatoribus, quantum ad temporalia inferior, & subiectus:*

*Ergo non habet in eos temporale imperium, vt possit eos in temporalibus iudicare.*

Respondeo. Assumptio prioris syllogismi falsa est, proindè etiam falsa conclusio est: Siquidem summus Pontifex ius quod habet in temporalibus supra Reges, & Principes Christianos, non acquisiuit ex Principatu temporali, quem nunc possidet, sed habuit à Christo, quando ab eo accepit potestatem Apostolicam, & supremam supra omnem Ecclesiam, vt esset ipsius Vicarius generalis, Caput, & Rector, & Pastor, & Princeps omnium fidelium: quamuis enim, vt sæpè dictum est, ea potestas in se spiritualis sit, tamen extenditur ad temporalia eo modo, quo spiritus humanus, quamuis verè, & propriè spiritus sit, non corpus, vel corporalis; tamen regit membra corporis, qui præsidet, & ea castigat, & punit, prout ad salutem expedire cognoscit. Quare probatio assumptionis in posteriore syllogismo, nullas vires habet; nam assumptio quoque syllogismi posterioris est falsa, ac per hoc est etiam totius syllogismi falsa conclusio: siquidem falsum est, summum Pontificem fuisse vnquam Regibus, & Imperatoribus iure subiectum: neque id probauit Barclaius, quod vt probatum assumit.

*At, inquit, aduersarij dicunt, exemptionem personarum Ecclesiasticarum iure humano introductã esse.*

Respondeo. Bellarminus, qui citatur in margine, non dicit iure humano solum, sed iure humano,

*Barclaius*

T. 4

„ & di-

& diuino. Deindè illi ipsi, qui exemptionem Clericorum dicunt esse de iure humano, addunt eam, quo ad personas, esse valdè conformem iuri naturali, & diuino, vt perspicuum est ex Dominico de Soto in 4. dist. 25. q. 2. art. 2. concl. 5. Præterea iidem auctores, qui negant exemptionem Clericorum esse de iure diuino disertè affirmant, summum Pontificem potuisse, & debuisse eximere Clericos, etiã Principibus temporalibus inconsultis: neq; posse temporales Principes contrarium suis legibus cõstituere, vt supra notauimus, ex Victoria, Soto, Ledesinio, Bannesio, & Couarruua: falsum est igitur quod tot verbis inanibus hoc loco Barclaius repetit de exemptione solo Principum priuilegio, & munere Clericis concessa.

Transit postea Barclaius ad tertiam partem rationis quintæ principalis pro potestate summi Pontificis in temporalibus, omitto enim quæ ipse repetit ex cap. xv. qua ibidem refutata sunt. sic autem loquitur. *Superest supremum Bellarmini argumentum, in quo refutando non multa opera opus est. Tertium, inquit, argumentum est: Poteſt Paſtor, ac debet omnes oues ita paſcere, vt eis conuenit: ergo poteſt Pontifex Chriſtianis ea iubere, atq; ad ea cogere ad quæ quilibet eorum ſecundum ſtatum ſuum tenetur; id eſt, ſingulos cogere, vt eo modo Deo ſeruiant, quo ſecundum ſtatum ſuum debent: debent autem Reges Deo ſeruire defendendo Eccleſiam, puniendoq; hæreticos, & ſchiſmaticos: ergo poteſt, ac debet Regibus, iubere vt hoc faciãt, & niſi fecerint, etiam cogere per excommunicationem, aliasq; commodas rationes.*

Ad hoc argumentum Barclaius respondet, si agatur de pastu, & poenis spiritualibus, totum argumentum



mentum concedi posse: tenetur enim Summus Pontifex pascere omnes Christianos pastu spirituali: nam ad pascendum pastu corporali, facultates eius quantumuis amplæ sint, nullo modo sufficerent: sic etiam tenetur cogere omnes ad officium suum pœnis spiritualibus, quarum grauissima excommunication est; sed vltcrius progredi non potest: & allegat ad hoc probandum Ioannem Driedonem in lib. 2. de libertate Christiana cap. 4.

Sed hæc Barclaij respōsio supra refutata est multis in locis. & nunc ex ipso Driedone, quem ipse citat, refutari potest: scribit enim Barclaius à Driedone nullam aliam iudicij, & correctionis Papalis in Imperatores delinquentes pœnam, nisi solam excommunicationem poni. At Io. Driedo repugnat Barclaio, eumque his verbis confutat, lib. 2. de libertate Christiana, cap. 14. *Verum hoc non est silentio praterendum, quod Papa ex plenitudine potestatis super vniuersos Principes Christianos, potest Reges, ac Principes propter hæresis crimen priuare suis Regnis, atq; Imperijs, & in temporalibus prorsus eximere plebem Christianam ab obedientia, & subiectione eorum.* hæc Driedo, quem in Patronum sententiæ suæ allegauit Barclaius; qui certè insignis Doctor Ioannes Driedo non poterat clarius mendacium, & imposturam Barclaij redarguere. Quod ergò nos dixim⁹, & docent omnes Catholici, posse Pastorem summum Christianorum cogere omnes ad officium suum præstandum in obsequium Dei; non intelligitur de sola coactione per excommunicationem, sed etiam per priuationem Regnorum, & Principatuum, si ad salutem gregis idem Pastor expedire iudicauerit.

**DEFENDITVR PRIMVM EX-**  
*emplum allatum propotestate Summi*  
*Pontificis in temporalibus.*

**CAPVT XXXVII.**

**I**N capite tricesimo quinto, & tricesimo sexto refert, & refellit Barclaius argumenta quædam Nicolai Sanderi. quam totam disputationem omittendam hoc loco esse censui, quoniam non suscepimus onus probandi omnia argumenta, quæ à Catholicis scriptoribus proponuntur, esse insolubiles demonstrationes. Scio multa interdum probabilia admisceri argumentis solidioribus, quæ quamuis per se, ac sola, vim persuadendi non habeant, tamen addita firmitioribus argumentis, non parum iuant ad rem, de qua agitur, confirmandam. Itaque conclusionem Sanderi quæ communis est inter omnes Catholicos scriptores aduersus Barclaium, cuius manus sunt contra omnes, vt scriptura de Ismaele loquitur, defendendam mihi desumpsi, & simul ad ea, quæ propriè aduersus mea scripta Barclaius obiecit, respondendum mihi esse iudicaui. Igitur in capite tricesimo septimo refert argumentum meum primum ab exemplo, & figura veteris testamenti ductum. hæc autem est argumenti summa. *Ozias Rex in lib. 1. Paralip. cap. 26. cum Sacerdotum officium vsurparet, & à Sacerdotibus repulsus non acquiesceret, continuò lepra diuinitus percussus fuit, atque iudicio Sacerdotum separatus à cætu populi, seorsim in domo solitaria habitauit vsq; ad obitum: ex quo factum est, vt Regni administratione priuatus fuerit*

*fuerit, & filius ipsius in ciuitate populum iudicauerit. Hinc argumentum eiusmodi conficitur, Si ob lepram corporalem poterat Sacerdos olim Regem iudicare, & Regno priuare: quare id non poterit nunc propter lepram spiritualem, id est, propter hæresim, quæ per lepram figurabatur, vt S. Augustinus docet lib. 2. quæst. Euang. quæst. 40. præsertim cum 1. Cor. 10. Paulus dicat, contigisse Iudæis omnia in figuram?*

Ad hoc argumentum respondet Barclaius, iudicio Sacerdotum fuisse Regem Oziam propter lepram separatam à reliquo populo; & eodem modo posse nunc Regem iudicio summi Pontificis propter hæresim separari per excommunicationem à cætu fidelium: negat autem fuisse Regem Oziam Regno priuatum, & propterea etiam negat, posse Regem à Pontifice propter hæresim Regno priuari. Quod autem non fuerit Ozias Regno priuatus, probat ex eo quod scriptura testatur anno ætatis sextodecimo regnare coepisse, & quinquaginta duobus annis regnasse. 4. Reg. 15. & 2. Paralip. 26. proinde regnasse ab anno sextodecimo vsque ad mortem. Idem etiã probat ex eo quod eadem scriptura dicit, *Ioatham filius Regis gubernabat palatium, & rexit domum Regis, & iudicabat populum terra:* hinc enim colligitur, filium Regis non auctoritate propria, sed nomine Patris sui ægrotantis Regnum administrasse: hæc Barclaius.

Respondeo. Ozias lepra percussus retinuit quidem nomen Regium, sed inane: filius verò eius sine Regio nomine Regnum cum plena potestate administrauit. id verbis disertis testatur Iosephus libro 9. Antiquitatum, cap. 11. vbi dicit, Oziam priuatum vixisse in domo solitaria, & filium eius Rempub-

licam

licam administrasse. quod idem satis apertè indicat scriptura, cùm ait, *Filius Regis iudicabat populum terra*: neque addit, id eum fecisse iussu Patris, aut Patris nomine; neque toto eo tempore quo Rex percussus lepra mansit in domo solitaria, vllam partem regiminis ad eum vllò modo pertinuisse. Atq; hoc intellexi, cùm in argumento dixi, coactum fuisse Oziam filio Regnum renuñciare: per Regnum enim non vocabulum Regis, sed auctoritatem significauì: quam auctoritatem Pater non retinuit, sed priuatus vixit, vt Iosephus loquitur. In hoc igitur vis argumenti ab exemplo ducti posita est, quod quemadmodum Rex Ozias lepra percussus iudicio sacerdotum coactus est habitare in domo solitaria, & Regni administratione dimissa priuatus viuere; sic etiam Rex hæreticus, iudicio summi Sacerdotis per excommunicationem separari possit à coetu piorum, non solùm quoad Sacramentorum, & precum communicationem, vt Barclaius admittit, sed etiam quo ad forense iudicium, & Regni administrationem, quod Barclaius negat. *At Ozia relictū est nomen Regium.* Verum id quidem, sed non ided nomen Regium relinqui debet homini propter hæresim excommunicato, atque deposito: nam lepra spiritalis deterior est lepra corporali: & sacerdos Christianus præstantior est Sacerdote Leuitico, & res figurata perfectior est, quam sit ipsa figura. sic enim Agnus Paschalis par non erat Christo crucifixo, & manna inferius est Eucharistia, & Circūcisio baptismum non æquat.

Quod autem Barclaius disputat de differentia auctoritatis regnandi, & administrationis Regni, non facit ad rem, cum quia Ozias non sola admini-  
stra-

stratione, sed etiam auctoritate priuatus fuisse dicendus est, cum Iosephus dicat, eum priuatum in magno mœrore vixisse post acceptam plagam lepræ: tum etiam quia Barclaius non concedit, Regē hæreticum posse priuari administratione Regni. sic enim ipse loquitur pag. 312. *§ Quod autem dixi, Papā posse separari Regem hæreticum à communione fidelium per excommunicationem, de separatione spiritali animorum, non corporum intelligendum est, subditi enim Regi excommunicato obsequium denegare non debent:* Hæc ille, qui sine dubio, vt etiam supra docuit, non permittit posse per Pontificem interdicti Regi hæretico administrationem Regni, & curatorem illi dari, vt ipse fatetur, datum esse Regi Ozīæ filium Curatorē. Quare falsò postea dicit, figurā Ozīæ lepræ, separationis, bellissimè conuenire cum Rege, hæresi, & excommunicatione: & ex hac figura temporalem Pontificis potestatem omninò fictitiam, vsurpatam, atque à iure diuino alienam ostendi. Quo modo enim figura cum re figurata concordat, si in figura ponitur Rex coactus habitare in domo solitaria, & negotia Regni nulla tractare: in re figurata ponitur Rex liberè in Vrbe Regia residere, & ius dicere, vt antea faciebat? Et si veritas figuræ requirit, vt nihil minus, sed potius aliquid amplius in re figurata reperiatur, quàm in ipsa figurā. & idèò necesse est, vt Rex hæreticus per sententiam Pontificis administratione Regni, & ipsa quoque auctoritate priuatur, quo modo ex hac figura temporalis potestas Papæ fictitia, & vsurpata, & à iure diuino aliena monstratur? Maneat ergo argumentum nostrum ab exemplo appositè ductum esse: neque à Barclaio potuisse conuelli.

**DEFENDITVR SECVNDVM EX-**  
*emplum pro potestate Pontificis in*  
*temporalibus.*

**CAPVT XXXVIII.**

**P**roponit deinde Barclaius in capite tricesimo octauo secundum exemplum à nobis adductum ex lib. 2. Paralip. ca. 23. Vbi narratur, Athaliam Reginam fauentem superstitioni, & idololatriæ Baal à Pontifice Ioiada Regno, & vita fuisse priuatam, & Ioas Regem in eius locum institutum.

Ad hoc exempli refutandum sternit sibi Barclaius viâ digressiuncula quadam, ex confictis rumoribus, & solita maledicentia in pontifices. Scribit enim hoc exemplum à me allatum, ne indiligentiæ, aut præuagationis apud Sixtum V. Pontificem accusarer, si illud ab alijs antea notatum omissem. At ego multò antea quàm Sixtus V. Pontifex crearetur, hæc scripseram, & in scholis dictauesam: deinde, si tam multa alia exempla prætermisi, quæ in Sanderò legeram, vt Barclaius ipse testatur, cur timere debui offensionem Pontificis, si istud vnum prætermittere? Quod verò addit Barclaius, Sixtum V. in animo habuisse ordinem Iesuitarum ad arctiorem formam viuendi, atq; ad certū vestimenti genus cogere; fabulæ sunt hominum ociosorum: & mirum est Barclaium in his etiam nugis referendis voluisse tempus consumere. Quod verò adiungit, Bullam eiusdem Sixti V. qua Pontifissianæ Academiæ perpetuus Rectoratus Iesuitis adducitur, supposititiam, vel obreptitiam videri, & quamuis verè sit à Sixto concessa, valere tamen

non debere, quia statim ab eius creatione fuerit impetrata: non iam ad fabulas, vel nugas, sed ad calūnias, & maledicentiam pertinet: quasi non potuerit idem Pontifex toto illo quinquennio, quo Pontificatum gessit, eam bullam reuocare, si supposititiā, aut obreptitiā, aut fraude extortam didicisset.

Sed his omiſſis, ad exemplum Ioiadæ Pontificis Athalia Reginam exauctorantis, respondet Barclaius, exemplum illud ad rem non facere; quod Athalia nullo iure regnaret, sed immani tyrannide per vim, & scelus Regnum occupasset.

At verum quidem est, initium Regni Athaliæ tyrannicum, & violentum fuisse: sed cum annis sex quietè regnauerit, credibile est, populum consensu suo Regnum eius approbasse, præsertim cū ignoraretur superesse adhuc vnū ex filiis Regis defuncti, & fama esset, oēs omninò interiisse. Neque nouum, aut insolitum est, vt initia Regnorum sint violenta, & tyrannica, & tamen paulò post consentiente populo Reges legitimi habeantur. Ipse certè Augustus, qui Imperator optimus habitus est, Rempublicam iniuste initio oppressit, & Principatum sibi armis violenter vsurpauit. Otho Galbam occidit: Vitellius Othonem eiecit: Vespasianus Vitellium; & omnes tamen Imperatores à Senatu, populoque Romano salutati sunt. Quid atrocius, quàm quod Philippus gessit, cū Gordianum Imperatorē legitimum sustulit, & Imperium eius inuasit? & tamen ipse quoque legitimus Imperator habitus est. Mitto Odoacrem Herulū, Gothos, & Longobardos inuasores Italiæ; & alios propè innumerabiles, qui per vim Regna occuparūt, & postea tamē accedente consensu populorū Reges legitimi habiti sunt.

At, inquit Barclaius, *Sacerdos Ioiada, non auctoritate propria Athalam deposuit, sed hortatus est Centuriones, & milites, & cum illis in Athalam conspirauit: sic enim Scriptura loquitur, Misit Ioiada Pontifex, & assumens Centuriones, & milites introduxit in templum Domini, pepigitque cum eis fœdus.*

Et hoc verum est, sed non impedit quominus Ioiadæ auctoritate Regina deposita fuerit. Sacerdos enim non poterat solus implere quod proposuerat; ideo Centurionibus, & militibus ad se accersitis, exposuit illis propositum suum deturbandæ Reginæ de solio, tum ob alia crimina, tum quod falsam religionem Baal foueret: neque simplici promissione militum contentus esse voluit, sed fœdus cum eis iniit, & adiurauit eos, vt fortiter proposito suo cooperarentur. Denique ipse armauit milites tradens eis hastas, & reliqua arma Regis Dauid, quæ erant in domo Domini; ipse iussit interfici Reginam; ipse nouum Regem coronauit; ipso auctore totus populus templum Baal euerit, & aras Idolorum destruxit, & sacerdotem Baal aram ante ipsam occidit.

*DEFENDITVR TERTIVM EX-  
emplum allatum propotestate Summi  
Pontificis in temporalibus.*

### CAPVT XXXIX.

**T**ertium exemplum attuleram ex S. Ambrosio, qui Theodosium Imperatorem excommunicauit propter eadem, quam Thessalonicè nimis crudeliter fecerat: deinde coegit eum, vt legem



legem ferret, ne sententiæ latæ de cæde, aut publicatione bonorum ratæ essent, nisi post triginta dies à pronuntiatione sententiæ, nimirum vt si quid per iracundiam præcipitanter dictasset, intra spatium illud sedato pectore reuocaret. Ex quo exemplo collegeram ab Episcopo Mediolanense potuisse iudicari Imperatorem, qui apud Mediolanum sedem habebat. Ex quo rursus deduxeram, si hoc potuit Episcopus, quantò magis Princeps Episcoporum Papa?

Ad hoc exemplum ita responderet Barclaius, vt primùm admittat, Episcopum posse cognoscere de crimine Principis in foro externo Ecclesiastico, & illud punire pœna Ecclesiastica, qualis in primis excommunicatio est: & hoc modo cognouisse Ambrosium causam Theodosij de cæde, vt peccatum erat, & eundem Theodosium reum factum excômunicasse: deinde concedit, ab Episcopo Ambrosio imperatum fuisse, vt Theodosius legem illam ferret in pœnitentiam peccati commissi, sine quo pœnitentiæ fructu vel signo, eum ab anathematis vinculo non soluisset. Ex his verò colligit, S. Ambrosium habuisse in Theodosium spirituale iurisdictionē, non autem temporalem, aut politicam.

At ego exemplum illud, quod attinet ad excommunicationem, non attuli aduersus Barclaium, qui nondum orbi terrarum innotuerat: sed aduersus alios, præsertim Anglos Calvinistas, qui negāt Principem supremum excommunicari posse à Summo Pontifice, vel Summum Pontificem vitium habere in supremos Principes iurisdictionem vel potestatem. Quod verò attinet ad legem politicam, quam Theodosius ex Ambrosij præcepto tulit, non vti-

utrique negamus, eam ad fructum pœnitentiæ pertinere, & à spirituali potestate Episcopi fuisse imperatam: sed ostendere volumus, posse Principes Ecclesiasticos, non solum in foro interno conscientia, sed etiam in foro externo Ecclesiastico dispo-  
nere de temporalibus, vt ad spiritualia ordinem habent. Certè enim qua potestate S. Ambrosius potuit Theodosium cogere, si à vinculo anathematis solui vellet, ad legem illam politicam ferendam: eadem potuit eundem cogere ad aliam legem politicam salutis animarum necessariam, ferendam, nisi vellet anathematis vinculo alligari. Ex quo manifestè colligitur, multò maiore ratione potuisse Pontificè Maximum, Ecclesiæ vniuersæ præsidem, imperare Principibus temporalibus sub anathematis pœna, vel leges politicas spirituali bono necessarias ferant, & contra, vt eas abrogent, quæ spirituale bonum impediunt: atque hoc modo spirituali potestati, temporalem potestatem esse subiectam.

## DEFENDITVR EXEMPLVM quartum.

### CAPVT XL.

**Q**uartum exemplum desumptum fuit ex priuilegio S. Gregorij monasterio S. Medardi concesso, quod habetur lib. 12. Epistolarum extremo, in quo leguntur hæc verba, *Si quis Regum, Antistitum, Iudicum, vel quarumcunque secularium personarum huius Apostolica, & nostra præceptionis decreta violauerit, cuiuscunque dignitatis, vel subli-*  
*mitatis*

mitatis sit, honore suo priuetur, &c. Et similia habentur in alio priuilegio eiusdem S. Gregorij lib. ii. ep. 10. ad Senatorem Abbatem.

De hoc exemplo sic loquitur Barclaius. § Si uideret hodie B. Gregorius, & superiora verba eo sensu accipi intelligeret, quasi ipse potestatem habuisset priuandi Reges suo honore, & dignitate: exclamaret profecto calumniosam esse interpretationem, & se nunquam tale quid, vel per somnium cogitasse: ea uero quæ alibi scripta ab eo sunt, fidem abrogant huic expositioni. sunt igitur ista, non imperantis, sed imprecantis uerba, quibus admonet, & adiurat omne genus hominum, ne priuilegium à se datum violent: quod si violauerint, Deum vindicem fore, qui eos suo honore priuet. quod genus admonitionis & imprecationis nunc semper addi solet extremis Bullarum, & constitutionum Pontificiarum, hoc modo, Nulli ergò hominum liceat hanc paginam, &c. si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius incurrat, siue, quod idem est, se nouerit incursum.

Respondeo. Interpretatio uerborum S. Gregorij, non mea est, sed alterius S. Gregorij dignitate paris, & sanctitate non multum inferioris. Sanctus, inquam, Gregorius VII. Papa in Epistola ad Episcopum Metensem, quæ est uicesima prima libri octauui, hunc locum S. Gregorij adducit ad probandum iure à se fuisse depositum Henricum Imperatorem: B. Gregorius, inquit, Papa Reges à sua dignitate cadere statuit, qui Apostolica Sedis decreta violare præsumpserint, scribens ad quendam Senatorem Abbatem his uerbis. Si quis uero Regum, &c. Quod  
V 2 si B.

*fi. B. Gregorius, Doctor utique mitissimus, Reges, qui statuta violarent, non modo depaui, sed etiam excommunicari, atq; in aeterno examine damnari decreuit: quis nos Henricum non solum Apostolicorum iudiciorum contemptorem, verum etiam ipsius Matris Ecclesiae, quantum in ipso est conculcatorem, totiusque Regni, & Ecclesiarum improbissimum predonem, & atrocissimum destructorem deposuisse, & excommunicasse reprehendat, nisi forte similis eius? hæc ille, cui Barclaius si cedere noluerit in interpretatione verborum S. Gregorij, nimis temerarius erit: si autem cesserit, fateri debet, S. Gregorium primum non ignorasse, potestatem sibi diuinitus datam extendi vsque ad Regum, & Principum depositionem. Sed addamus & alium interpretem verborum S. Gregorij, ut in ore duorum testium stet omne verbum. Thomas Valdensis, vir doctissimus in lib. 2. doctrinalis fidei antiquæ art. 3. cap. 75. Profectò, inquit, nec Beatus Gregorius eminentiæ suæ status super statum imperialem præiudicauit in aliquo, cum Regem sibi verbo tenus praposuit, negotio, quod tunc tractabatur attento. quod tunc aptè videbimus, si posteriora eius facta, & scripta quæramus. Vide an se Magistrum & Imperatorum & Regum non arbitrabatur, cum post priuilegia quadam Senatori Presbytero, & Abbati Xenodochij Francorum directæ sub interminatione dignitatis, & honoris omni eius violatori conclusit, Si quis Regum, &c. En quam benè Doctor iste Barclaium nondum natum confutauit. Barclaius dicit ex alijs scriptis S. Gregorij colligi, S. Gregorium non existimasse habere se potestatem super Reges seculi, quamuis eius verba id significare videantur: Thomas Valdensis contradi-*

est, ex alijs S. Gregorij scriptis colligi. Săctum Gregorium verbo tenus se Imperatori subiecisse, re autem vera non ignorasse eminentiam sui status super statum Imperialem. Barclaius dicit, Verba sancti Gregorij sonare imprecationem, quam etiam quilibet priuatus adiungere potest literis suis: Thomas Valdensis contra dicit, Verba S. Gregorij sonare interminationem honoris, & dignitatis, quam literis suis adiungere non potest, nisi Princeps supremus. Vtrum autem maior fides habenda sit vni Barclaio, quam duobus viris tantæ eminentiæ, atque doctrinæ, stultum est quærere. Sed etiam si id quæratur ex verbis ipsius S. Gregorij, tota quæstio nullo negotio dissoluetur. Siquidem S. Gregorius tria simul coniungit, videlicet, *honore suo priuetur, à communione fidelium segregetur in diuino examine ad pœnas æternas damnetur*. At duo posteriora non continent imprecationem, sed decretum, siue declarationem: non enim Prælati, qui dicit, *qui hoc fecerit, excommunicetur*, imprecatur excommunicationem, sed iubet excommunicari: & qui dicit, *qui hoc fecerit, in diuino iudicio ad pœnas æternas damnetur*, non imprecatur damnationem æternam (quis enim tam crudelis inuenitur, qui hoc imprecetur?) sed declarat, qui hoc fecerit, eum grauissimè peccaturum, & pœnas æternas diuino examine promeriturum. Igitur eodem modo illud, *Honore suo priuetur*, non est imprecatio, sed decretum, vt ab honore suo decidat, & declaratio, vt liceat populo non obedire eiusmodi Regi, tanquam honore suo ac dignitate priuato. Quemadmodum etiam verba extrema Constitutionum Apostolicarum non significant imprecationem, vt perperam

claius exponit. (neque enim Summus Pastor & Vicarius boni illius Pastoris, qui animam suam pro ouibus suis posuit, imprecaretur ouibus suis indignationem omnipotentis Dei) sed declarationem, & denunciationem continent grauissimæ poenæ, quæ contemptores Apostolicorum præceptorum sine dubio consequetur. Hoc enim manifestè significant illa verba, *Indignationem omnipotentis Dei, & Beatorum Petri & Pauli se nouerit incursum.* Quare si S. Gregorius nunc in terris viueret, haud dubio exclamaret, calumniosam esse interpretationem Barclaij, & se nihil tale vnquam vel per somnium cogitasse.

*DEFENDITVR EXEMPLUM quintum.*

CAPVT XLI.

**Q**Vintum exemplum est Gregorij II. qui Leoni Imperatori à se excommunicato prohibuit vectigalia solui ab Italis, ac proinde eū Imperij parte multauit.

Ad huius, & sequentium exemplorum refutationem, præmittit Barclaius satis prolixam admonitionem aduersus argumenta, quæ petuntur ab exemplis, immemor argumentorum, quæ ipse duxit ab exemplis veterum Pontificū, & Imperatorum, ex quibus plenissimè constare duxit, nullā esse in Pontifice potestatem disponendi de temporalibus. Sed quoniam isti sunt loci communes, qui ad omnē disputationem accommodari possunt, ijs omisissis ad rem propositam accedam. Igitur Barclaius præcisè negat, verum esse quod historici tradunt, à Grego-

rio II. Pontifice prohibitos fuisse Italos Imperatori hæretico, & excommunicato vectigalia pendere: tota verò eius ratio est, quia Platina in vita Gregorij II. scribit, volentibus populis deficere ab Imperatore hæretico, restitisse Gregorium, & auctoritate sua, eos in fide, & obedientia Imperatoris tenuisse. Cur autem vni Platinæ maior fides habenda sit, quàm cæteris historicis antiquioribus, & pluribus; eam causam reddit, tum quia Platina scripsit historias Pontificum iussu Sixti IV. & habuit Romæ multa vetera monimenta: tum etiam quia Gregorius Pontifex optimus & iustissimus cum esset, nunquā iussisset contra Euangelium negari censum Cæsari, qui vsque ad obitum Cæsar, & Imperator Augustus permansit.

At hæc Barclaij disputatio, tam est infirma, ac debilis, vt mirum non sit, quod paulò antè tam longa præfatione exemplorum auctoritatem extenuare conatus sit. Videbat enim nihil firmum adferre se posse ad exemplum tam vetustum, & tam euidentis refutandum. Primum igitur aio Platinam non esse contrarium historicis cæteris, si tempora distinguantur. Verum est enim per multos annos Gregorium restitisse populis Italicis cupientibus ab Imperatore deficere. Sperabat enim assiduus cohortationibus suis aliquandò cessurum Imperatorem, & ad meliorem mentem, ac saniora consilia rediturum: atque hoc est quod Platina verè narrat. Sed vbi vidit Pontifex, se operam perdere, & Imperatorem quotidie deteriorem fieri: securim ad radicem misit, & Imperatorem cætu piorum eiecit, ac iussit, vt ei tamquā impio Italici populi non parerent, neque vectigalia deinceps penderent. Id

verò Platina nō negat, & historici plurimi Græci, & Latini affirmant, quos in libro meo citavi. Vide de hac tota causa Cardinalem Baronium Tom. 9. Annalium, ad annum salutis 726. & 730.

Aio secundò, si Platina contrarium dicat, magis credendum esse historicis cæteris, quam ipsi: nam & multi sunt, & antiquiores, & diligentiores, & historias temporum scribunt, non vitam vnius Pontificis, ut Platina facit: quam autem Platina parum diligens fuerit in perscrutandis monimētis Romanorū Archiuiorum, vel ex eo potest intelligi, quod Onuphrius Panuinius in additionibus ad Platinam multa eiusdem Platinæ vel omissa, vel errata demonstrat: & in additione præmissa vitæ Gregorij secundi, admonet, Leoni tertio Imperatori hæretico iure creptum fuisse Imperium, quod in Italia habebat, à Gregorio secundo Romano Pontifice.

Aio tertio Gregorium virum sanctissimum non peccasse in Euangelium, quando populos Italiæ prohibuit vectigalia pendere Imperatori hæretico. Quod enim Dominus ait, *Reddite quæ sunt Cæsaris Cæsari*, intelligitur de Cæsare legitimè imperante.

Leo verò ille qui ob crimen hæreseos à Summo Pontifice publicè excommunicatus fuerat, & ab Imperio depositus, non erat verè, & iure Cæsar, sed Tyrannus, & persecutor sub titulo Cæsaris.

At, inquit Barclaius, *vsq; ad mortem Leo permansit in Imperio.*

Respondeo. Apud Græcos, præsertim hæreticos, Imperator *de facto*, non *de iure* permansit: apud Latinos, ac præsertim Italos, neque *de iure*, neque *de facto*.



DEFENDITVR EXEM-  
plum sextum.

## CAPVT XLII.

**S**extum exemplum est Zachariæ Pontificis, qui Childericum Regem Francorum deposuit, & Pipinum substituit.

Ad hoc exemplum Barclaius opponit multa, quæ per partes singulatim refellenda sunt.

Primum contendit, Childericum fuisse solo nomine Regē, qualis est, vt ipse loquitur, Rex Schacorum.

Respondeo. Negari non potest, quin Childericus nihil omninò in Regno per se gereret, sed Regnum, & Regni negocia per Principes, ac potissimum per Præfectum Palatij administraret, vt Aimoinus tradit lib. 4. cap. 61. cæterum verum non est, eum solo nomine Regem fuisse, fuit enim Rex iure successionis, & tanquam verus, ac legitimus Rex inunctus, & coronatus erat, & à populis iuramentum fidelitatis acceperat. Neque hoc negare Barclaius potest, nisi ipse sibi repugnare velit: nam paulò post scribit, grauissimam iniuriam Childerico factam esse à Zacharia Pontifice, & à Pipino Principe cum Regno deiectus est. At quæ iniuria fieri poterat ei, si absque vllò iure falsum Regis nomen gerebat? & cur Pipinus in spem Regni exarserat, & Regium nomen non dissimulanter affectabat (vt paulò infra Barclaius loquitur) si Childericus nihil præter inanæ nomen habebat?

Secundo Barclaius dicit, Childericum iniuste

depositum fuisse; in qua re socium habet Ioannem Caluinum, lib. 4. instit. cap. 7. & Illyricum in historia Magdeburgensi Centuria 8. cap. 10.

Sed nos iustè fuisse depositum probamus primo ex testimonijs omnium scriptorum: omnes enim cum laude hanc historiam narrant. Vide Cedrenū in vita Leonis Isaurici, Paulum Diaconum lib. 6. cap. 5. de gestis Longobardorum, Eginarthum in vita Caroli Magni, Reginonem lib. 2. Chronic. Marianum Scotum lib. 3. Chron. Othonem Frisingensem lib. 5. historię ca. 55. Adonem Viennensem, in Chron. Aimoinū lib. 4. cap. 61. Abbatē Ursperg. & Siebertum in Chron. Blondum lib. 10. Decadis primæ, Paulum Aemilium lib. 1. & 2. de gestis Frācorum, Robertum Gaguinum, Papirium Massoniū, & alios omnes, hæreticis exceptis.

Secundo ex causa: nam non solū Childericus, & aliquot eius prædecessores nulla Regni negocia curabant, sed etiam ob eorum socordiam Christiana Religio in eo Regno maximè laborabat, vt scribit S. Bonifacius Episcopus Moguntinus in Epistola ad Zachariam Pontificem.

Tertio ex virtute auctoris, & executoris: nam Zacharias, cuius auctoritate hæc res gesta est, omnium consensu vir sanctissimus & sapientissimus fuit. Sanctus verò Bonifacius, qui iussu Pontificis Pipinum vnxit, & coronauit, non solū Doctor eximius, sed etiam Martyr gloriosissimus fuit. Deniq; ab euentu, nam translatio ista Regni Francorū à Childerico ad Pipinū Deo benedicente faustissima, & Regno, atque Ecclesiæ vtilissima fuit.

*At, inquit Barclaius, nullo casu licet malum facere, vt bonum inde quantum magnum consequatur: depo-*

*deponi autem Regem legitimum à proprijs subditis, aut deponentibus consentire, cum ille solum Deum supra se habeat, cui soli gestorum suorum rationem reddere tenetur, per se & simpliciter malum esse iam supra ostendimus.*

Respondeo. Childericum non subditi eius, sed Pontifex, qui superior erat, iure deposuit: non enim Zacharias solum assensum præbuit in depositione Childerici, sed ex auctoritate eum deposuit, ut mox ostendemus. Neque villo solido argumento supra Barclaius probauit, Reges non habere supra se nisi Deum, cui soli gestorum suorum rationem reddere teneantur. Videat lector, quæ supra dicta sunt, & iudicet.

Tertio Barclaius ridet argumentum illud, quod ab euentu felici duxi, ut probarem, iuste Childericum fuisse depositum: ac dicit, plebeium, & puerile argumentum esse, & allegat Poëtam dicentem:

*Careat successibus opto,*

*Quisquis ab euentu facta nos anda putet.*

Addit etiam, eundem felicem euentum habuisse translationem Regni Francorum à Carolouingis ad Capeuingos; & tamen constat Hugonem Capetum per summum scelus exuisse Carolouingos Regno, & illud ad Capeuingos suos transtulisse.

Respondeo. Argumentum à solo euentu fortuito sine dubio parum valet, ut si quis damnaret prudentiam, vel peritiam Imperatoris ex eo solum, quod victor in prælio non fuisset: sæpè enim aliundè accidit amissio victoriæ, quam ex imprudentia, vel imperitia Imperatoris: argumentum tamè à felici euentu ex prouidentia Dei, non parum valet, præsertim cum adiungitur alijs argumētis. solet. n.

*Deus*

Deus iustitiæ fauere, nisi ob aliquam causam sapientiæ ipsius videatur aliter esse faciendum.

Quod autem Barclaius reprehendit Hugonem Capetum summi sceleris, & Regni vsurpati; & Gaguinum auctorem adducit: nos ei Cardinalem Baroniū opponimus, qui tomo Annalium decimo ad annum Domini 987. multis argumentis probat, Hugonem fuisse legitimum Regem, & in eo non defecisse, sed propagatam esse Caroli Magni stirpē. Nec desunt alij, qui Hugonem istum defendunt, vt Papirius Massonus, & alij: & Gaguinus non dicit *per summum scelus* id ab Hugone factum fuisse. Et certē magnum argumentum huius rei esse potest, quod Robertus Pius, qui vnā cum Patre Hugone, & post eum regnauit, vir pijsimus, & sanctissimus fuerit: neque enim tanta pietas cum iniusta vsurpatione alieni Regni cohærere potuisset.

Quarto dicit Barclaius, S. Bonifacium non peccasse exequendo mandatum Zachariæ Pontificis, quamuis Zacharias mandando peccauerit: reddit aēt rationem, *quia tenebatur*, inquit, *Papæ sententiam exequi, licet sciuisset illā esse iniustā, & ideo licet fecisset Zachariā reū iniquitatis imperandi, innocentē esse ostendisset Bonifaciū crdo seruiendi, & necessitas parēdi.* & allegat ca. *Pastoralis*. §. qui verò, de of. Iud. de leg. & Cā. *Quid culpatur.* 13. q. 1. & Cā. *miles.* 23. q. 5.

Respondeo. Hoc dictum non plebeium, aut puerile, sed planē hæreticum est; pugnat enim cum expresso verbo Dei, Oportet obedire magis Deo, quā hominibus, Act. 5. quod ipsum declarauit S. Augustinus, & alij Patres, qui citantur. 11. q. 3. Can. *Iulianus*, & alijs multis Canonibus eiusdem quæstionis. In illo verò cap. *Pastoralis*. §. *quia verò*, vbi dicitur, *senten-*

sententiã iniustam ab inferiore exequutioni mandandam esse; glossa rectè docet, quæ ibi dicitur sententia iniusta, absolutè iustam esse, quia iustè à lege inductum est, vt is qui in tempore præscripto non appellauit, aduersus eum sententia proferatur, etiamsi alioqui iustam causam habuisset, & ibidem rectissimè eadem glossa declarat, nō esse obediendum mandato superioris euidenter iniusto. Et Can. *Quid culpatur.* 23. q. 1. S. Augustinus contra Barclaium loquitur, cū dicit, esse obediendum superiori, quando vel certum est iustum esse, vel non est certum esse iniustum quod iubetur. ex quo sequitur, vt quando certum est esse iniustum, non sit vllō modo parendum. denique in Can. *Miles.* 28. q. 1. non agitur de iustitia, vel iniustitia mandati, atque id solū definitur, priuata auctoritate hominem interficere peccatum esse, secus autem si publica auctoritate id fiat. Quare Barclaius sententiæ suæ amore cæcatus, vel noluit iura intelligere, vel non potuit.

Quinto dicit Zachariam Pontificem consensisse Francis volētibus Childericum deponere, & Pipinum Regem creare; non autem potestate, vel auctoritate sua, vel Childericum à Regno deposuisse, vel in Pipinum Regnum transtulisse; & propterea nihil ex hoc exemplo trahi posse ad ostendendam Romani Pontificis auctoritatem in Regibus vel deponendis, vel creandis.

Sed hæc nimia temeritas est, cū testimonijs historicorum omnium contrarium manifestè probetur.

I Annales Francorum vetustissimi sic habent,  
*Data auctoritate sua (Zacharias) iussit Pipinum Regem*

*gem constitui.*

2 Eginarthus in vita Caroli Magni: *Pipinus, inquit, per auctoritatem Rom. Pontificis, ex Praefecto Palatii Rex constitutus est.*

3 Aimoinus lib. 4. cap. 61. de gestis Francorum: *Pontifex, inquit, data auctoritate sua, iussit Pipinum Regem institui.*

4 Regino lib. 2. Chronici: *Zacharias, inquit, per auctoritatem Apostolicam iussit Pipinum Regem creari, & sancta unctionis oleo inungi.*

5 Lambertus Schaphnaburgensis, in hist. *Pipinus, inquit, decreto Zachariae Papae per unctionem sancti Bonifacii Rex appellatus est.*

6 Sigebertus in Chronico, Anno, inquit, 750. *Pipinus Princeps auctoritate Apostolica, & Francorum electione à S. Bonifacio in Regem cōsecratur. & anno 752. iterum inungitur in Regem à Stephano Papa.*

7 Herimannus Contractus, in Chronico, Anno, inquit, 752. *Pipinus auctoritate Stephani Papae deponso, ac deposito Rege Childerico Rex Frācorū factus est.*

8 Marianus Scotus lib. 3. Chronici, *Zacharias, inquit, Papa ex auctoritate S. Petri Apostoli mandat populo Francorum, vt Pipinus, qui potestate Regia utebatur, etiam nominis dignitate frueretur. Ita Childericus Rex qui vltimus Merouingorum Francis imperabat, depositus, & in monasterium missus est.*

9 Abbas Urspergensis in Chronico, Anno, inquit, 750. *Pipinus per auctoritatē Zachariae Papae more Francorū electus ad Regnū per manus S. Bonifacii eleuatus est in Regni solium. & infra, Stephanus Papa Pipinum sacra unctione in Regiae dignitatis honore confirmauit.*

10 Otho Frisingensis lib. 5. hist. cap. 22. *Auctoritate, in-*

te, inquit, *Zacharia Papa Pipinus ad Regnū oligitur.*

11 Albertus Krantzius lib.1. Metropolis cap. 14. *Merito, inquit, Summus Pontifex, & Gallorum Rex mutuis se attollunt fauoribus: quando ab initio hac Sedes domui Caroli hoc præstitit, vt Regiam haberet dignitatem.*

12 Paulus Aemilius in Childerico, *Zacharias,* inquit, *Francos sacramenti Regi Childerico dicto soluit: hiq; conuentu habito Regem Pipinū salutauerūt.*

Habemus duodecim testes, quorum aliqui auctoritate Pontificis, alij auctoritate Apostolica, alij auctoritate S. Petri, alij decreto Papæ Childericū depositū, & Pipinum exaltatum testantur, postremus scribit, non ausos Francos Pipinum Regē salutare, nisi prius sacramento per Pontificē soluerentur, quo Regi Childerico tenebantur: & tamē Barclaius solita temeritate negat, *auctoritate*, vel *decreto* Pontificis id esse factum. Hoc solum supererat, vt cum Matthia Illyrico, nostri temporis hæretico notissimo, & historico mendacissimo diceret, mendacium, ac figmentū esse, quod nostri affirmāt, à Zacharia Pontifice Regnum Francorum à Childerico in Pipinum esse translatum. Vide Illyricum initio libri, de translatione Imperij.

#### EPILOGVS.

**C**Um exempla sex Barclaius frustra refutare tentasset; reliqua sex, quæ supererāt, aut volens prætermisit, quòd ea clariora esse intelligeret, quā vt cauillationū suarū tenebris obscurari possent: aut morte præuentus inchoatū opus dimittere coactus est inuitus. Vt cumq; sit defunctus opere, & vita apud eū Iudicē cōstitutus est, quē nemo potest fallere; & apud quē Principū gratia neminē iuuat.

Ego

Ego verò, qui ad tribunal eiusdem supremi Iudicis breui sistendus sum, hoc bona conscientia testari me posse confido, nihil à me scriptum in gratiam, nihil in odium. Scripsi quod verum existimaui, quod ab Ecclesia didici, quod ante me plurimi non solum docti, sed etiam Sancti scripserunt. Neque vltro in hanc arenam descendi, sed laceffitus ab homine mihi ignoto, coactus sum defendere senex, quod scripsi iuuenis. Quod si Pontificiam potestatem, & scripta mea ita defendi, vt oportebat, quod efficere vehementer optaui; Deo in cuius manu sumus nos, & sermones nostri, gratias humillimas ago: sin contra accidit, & in aliquo, aut in multis, pro humana imbecillitate defeci, ab illo veniam peto, qui suavis, & mitis est, & multus in misericordia omnibus inuocantibus eum. Ecclesiæ quoque, & ipsius Summi Pontificis, Christi Vicarij censuræ non solum præsens opusculum, sed omnia scripta mea libens, & volens submitto.

**F I N I S.**



# INDEX CAPITVM HVIVS OPERIS.

<b>P</b> <i>Rafatio.</i>	<i>pag. 3.</i>
<i>Sententia illustrium scriptorum nationis Italica de potestate Pontificis.</i>	6.
<i>Sententia illustrium Scriptorum nationis Gallica.</i>	13.
<i>Sententia illustrium Scriptorum nationis Hispanica.</i>	17.
<i>Sententia illustrium Scriptorum nationis Germanica.</i>	22.
<i>Sententia illustrium Scriptorum nationis Anglica, &amp; Stoica.</i>	28.
<i>Sententia Conciliorum de potestate summi Pontificis in temporalibus.</i>	28.
<i>De excusatione Barclaij. Cap. I.</i>	34.
<i>Excutitur principium siue fundamētum doctrina Barclaij. Cap. I I.</i>	37.
<i>Potestatem Summi Pontificis in temporalibus, non esse rem dubiam, neq; ab opinionibus Doctorum solum pendere Cap. I I I.</i>	43.
<i>De falsa causa originis temporalis potestatis Pontificie à Barclaijo assignata. Cap. I V.</i>	66.
<i>De Potestate in temporalia, quàm indirectè Theologi summo Pontifici tribuunt. Cap. V.</i>	73.
<i>Cur primis septingentis annis Summi Pontifices non deposuerunt Reges hereticos, vel Apostatas. Cap. V I.</i>	82.
<i>Cur Ecclesia Constantium hereticum, &amp; Iulianum Apostatam Imperatores non deposuit. Cap. V I I.</i>	87.
<i>Cur Ecclesia non deposuit Valentinianum Iuniorem Ariannum. Cap. V I I I.</i>	95.
<i>An potuerint posteriores Principes sine detrimento populi per Ecclesia auctoritatem Principatu priuari: &amp; simul, iustane, an iniusta fuerit Gregorij VII. sententia in Henricum Imperatorem. Cap. I X.</i>	103.
<i>Discutitur sententia Othonis Frisingensis de iudicio Gregorij septimi Pontificis. Cap. X.</i>	122.
<i>De comparatione Iulij II. &amp; Clementis VIII. Cap. X I.</i>	130.
<i>Disiunguntur argumenta aduersus Theologorum sententiam</i>	<i>de Po-</i>

<i>de Potestate Pontificis maximi in temporalibus. Cap.</i>	<i>Cap.</i>
<i>XII.</i>	<i>134</i>
<i>Defenditur prima ratio Bellarmini pro potestate Pontificis in temporalibus. Cap. XIII.</i>	<i>144</i>
<i>Defenditur confirmatio prima rationis Bellarmini. Cap. XIV.</i>	<i>153</i>
<i>Refutatur digressio Barclaj. Cap. XV.</i>	<i>160.</i>
<i>Refellitur alia digressio Barclaj. Cap. XVI.</i>	<i>166.</i>
<i>Defenditur secunda ratio pro potestate Summi Pontificis in temporalibus. Cap. XVII.</i>	<i>170.</i>
<i>Defenditur secunda pars rationis secunda pro potestate Summi Pontificis in temporalibus. Cap. XVIII.</i>	<i>182</i>
<i>De sententia S. Bernardi circa potestatem Pontificis Maximi in temporalibus. Cap. XIX.</i>	<i>183</i>
<i>Defenditur tertia ratio Bellarmini. Cap. XX.</i>	<i>190.</i>
<i>Defenditur confirmatio rationis tertia principalis. Cap. XXI.</i>	<i>194.</i>
<i>Defenditur altera confirmatio rationis tertia principalis. Cap. XXII.</i>	<i>208.</i>
<i>Defenditur tertia confirmatio tertia rationis principalis. Cap. XXIII.</i>	<i>213</i>
<i>Defenditur ratio quarta Bellarmini pro potestate Pontificis in temporalibus. Cap. XXIV.</i>	<i>218.</i>
<i>Defenditur quinta ratio Bellarmini pro potestate Summi Pontificis in temporalibus. Cap. XXV.</i>	<i>226.</i>
<i>Defenditur prima pars rationis quinta pro potestate Summi Pontificis in temporalibus. Cap. XXVI.</i>	<i>230.</i>
<i>Utrum votum, an iuramentum magis obliget. Cap. XXVII.</i>	<i>234.</i>
<i>Digressio circa sententiam cap. Inter corporalia, de translatione Episcopi. Cap. XXVIII.</i>	<i>241.</i>
<i>De vero sensu cap. Inter corporalia, de translatione Episcopi. Cap. XXIX.</i>	<i>242.</i>
<i>Respondetur ad obiectiones contra primam partem rationis quinta pro potestate Summi Pontificis in temporalibus. Cap. XXX.</i>	<i>245.</i>
<i>Dialogismus inter Populum nimis additum regi terreno.</i>	<i>Pen.</i>

# I N D E X

<b>Et Pontificem populo salubriter consulētem. Cap. XXXI.</b>	
249.	
<b>Refutatur falsa quadam pronuntiata Barclaj, qua digre-</b>	
<b>diendo effutijt. Cap. XXXII.</b>	263.
<b>Defenditur pars secunda rationis quinta principalis pro po-</b>	
<b>testate summi Pontificis in temporalibus. Cap. XXXIII.</b>	
267.	
<b>Refutatur error Barclaj de exemptione Clericorum. Cap.</b>	
<b>XXXIV.</b>	271.
<b>Refutatur grande verbum Barclaj, quo exemptio Clerico-</b>	
<b>rum funditus tollitur. Cap. XXXV.</b>	282.
<b>Defenditur secūda, Et tertia pars rationis quinta principa-</b>	
<b>lis pro potestate Pontificis maximi in temporalibus. Cap.</b>	
<b>XXXVI.</b>	291.
<b>Defenditur primum exemplum allatum pro potestate sum-</b>	
<b>mi Pontificis in temporalibus. Cap. XXXVII.</b>	298.
<b>Defenditur secundum exemplum pro potestate Pontificis in</b>	
<b>temporalibus. Cap. XXXVIII.</b>	302.
<b>Defenditur tertium exemplum allatum pro potestate sum-</b>	
<b>mi Pontificis in temporalibus. Cap. XXXIX.</b>	304.
<b>Defenditur exemplum quartum. Cap. XL.</b>	306.
<b>Defenditur exemplum quintum. Cap. XLI.</b>	310.
<b>Defenditur exemplum sextum. Cap. XLII.</b>	313.
<b>Epilogus.</b>	319.

D I N I S.

## *Errata corrigenda.*

**P** Ag. 7. li. 17. Princeps. p. 14. l. 3. Meldensis. p. 24. l. 22. primatu. p. 40. l. 1. Othonem. p. 111. l. 22. vnus. p. 114. l. 7. immunditia. p. 149. l. 24. duz. p. 163. l. 1. absolute. p. 191. l. 20. At. p. 197. l. 16. fratre. p. 205. l. 5. suis p. 232. l. 32. declarare p. 241. l. 16. hae disputatio. p. 243. l. 16. disponere. p. 251. l. 29. iubeant p. 253. l. 2. post potius deest per p. 282. l. 29. sententia p. 294. l. 2. hoc. p. 301. l. 7. separare. p. 302. l. 32. addicitur. p. 313. l. 32. inane.









